


BARTHOLOMAEI
CAMERARII BENEVENTANI,
IN PSALMVM CXVIII.
EXPLICATIO.

Beatus quem tu crudieris Domine,
& de lege tua docueris eum.

Bibliotheca S. Marci  *transporting*



ROMAE, apud Antonium Bladum
Impressorem Cameralem, 1557.

BARTHOLOMEW

BARRETT & BROTHERS

NEW YORK

1857

Barrett & Brothers

New York

Barrett & Brothers



Barrett & Brothers

New York

ILLVSTRISSIMO REVERENDISSIMOQVE S. R. E.

CARDINALI FRANCISCO TVRNONIO

Bartholomæus Camerarius . F. P.



CVM Lutetiæ aliquando de mirabilibus, quæ in hoc Psalmo continentur sermonem inter nos haberemus; pergratam rem amplitudini tuæ me facturum significasti, si ea omnia elicerem, atq; in lucem proferrem mysteria, quæ in eo sunt abstrusa, ac recondita. Quod quidem onus mihi abs te impositum etsi, q̃ vires meas superaret, per q̃ graue mihi, ac difficile videbatur; tamen non tam præstandi quod cupiebas spe, q̃ obsequendi studio à me libenter susceptum fuit. Itaque opus iniunctum, quantum licuit, sedulo peregi. Quo ex labore duo hæc utiq; me consecuturum esse spero: Vnum vt, quemadmodum soles, cum media nocte expergescētus sacræ scripturæ testimonia scrutaberis, hæc legens tu eas margaritas, quæ in eo latent, ostendas, quas nec tibi, nec alijs ego potui cōmonstrare: Alterum, vt animum meum quanq̃ propter auctoritatem tuam, quæ à scribendo me sæpe deterruit, debilitatum, (Is enim tu es, cui nemo nec nobilitate, nec doctrina, nec magnificentia, nec moribus antecellit) tamen ad ea, quæcunq; mihi imperaris, suscipienda saltem paratum esse intelligas. Vale.

ARGVMENTVM

IN PSALMV M CXVIII.

BEATI IMMACVLATI.



CV M instituisse David senio iam confectus, humanæ uitæ uarios status Ecclesiæ recensere, in quibus haud naturæ uiribus, sed solius legis instruens, ac gratiæ non solum animam nostram sic atque tollentis, ut participes diuinæ naturæ efficiamur uerum adiuuantis ope, omne bonum opus suscipiamus consummamusq; atq; beatam uitam in uia peregrinationis mundi huius ducamus: hunc Psalmum, quem explanandum suscepimus, conscripsit, qui reliquorum omnium, quos antea ediderat, quædam est ueluti peroratio. In quo eam ob causam nil ferme aliud quam legem euangelicam in factorum lege conclusam inquirat, nisi ut Iesum Christum patris sapientiam in ea uelatum toto ex corde contemplari possit: sapientiam inquam illam, qua cum omnia bona pariter uenerunt: tres nimirum uirtutes theologicæ, quatuor morales infusæ, tres item intellectuales, septem dona, beatitudines octo, & fructus spiritus duodecim: de quibus in hoc Psalmo Regius iste pastor tractat. Et hoc quidem, ut nos admoneat, Christianos omnes quotquot uestre illa nuptiali charitatis Domini induti fuerint, omnia perpeti, omnia credere, omnia sperare, ac deniq; omnia sustinere sic posse, ut dum abundant passionibus Christi in nobis, per Christum abundet consolatio nostra: quando, si lex subintrauit ut abundaret delictum, superabundauit & gratia per Iesum Christum dominum nostrum: cuius ope audacter cum Paulo dicimus: Omnia possum in eo qui confortat me. Hoc planè totius Psalmi institutum est, quod præ oculis Ecclesia quoque habuit, quando ad nostram doctrinam singulis quibusq; diebus coram populo decantandum esse statuit. Superest igitur

tur, ne lectores ob Psalmi longitudinem, in quo prolixè singula pertrahere propheta cogebatur, ab illius methodo decedant: ut tametsi Psalmus ipse, sicut multis placet, diuisus uideatur, quasi quot octonarij sunt, tot partes esse dicantur: nos aliam sententiam secuti, in partes tres Psalmum hunc diuidamus: quarum prima usq; ad octonarium secundum se porrigit, secunda usq; ad quintum, & tertia ad finem usq;. sic enim scopulos illos uitabimus, in quos magni uiri sæpenumero impeggerunt, modò Christum, modò Ecclesiam, modò pium hominem, modò uerò Dauidem loqui in hoc Psalmo putantes, cum tamen solus Dauid omnia narret. Hinc sanè factum est, ut tametsi uerissimas sententias uerbis Psalmi patres nostri accommodauerint, minime tamen aut propheta sensum omni ex parte intellexisse, aut ueram eius methodum inuenisse uideatur: quam talem esse constanti animo affirmo, quippe Dauidem cum de beatitudine hominis ageret, deq; humanæ uitæ cursu, statuq; eius diuerso, tam bono, quam malo, IN PRIMA PSALMI PARTE duas uias accedendi ad Deum ostendisse, quarum altera, uita ipsa actiua est, altera contemplatiua: quibus deinde ea de re tertiam falsæ beatitudinis uiam addidit, uoluptuosam nimirum, quæ ad gehennam uentris animalia conducit, ut ueram à falsa beatitudine distingueret nosceremus. Pauloq; post iræ statum narrauit, in quo omnes propter primum peccatum nascimur: aut postquam renati sumus, ob superueniens peccatum manemus, apertè ostendens nos, etsi aliquot cordis morsus, ut resipiscamus, à spiritu Dei moti in statu illo sentiamus, quibus ad gratiam uenire plerumq; optamus, minime tamen, donec gratia denudati sumus, legem secundum instituentis propositum seruare posse, ea uerò adepta, lex, quæ aliqui uia plerumq; iniquitatis nostram ob culpam fuisset, uia ad salutem per Christum sic fiat, ut quàm diu gratiam comitem habemus, tam diu legem integram meritorie seruemus. Ecce doctrinam omnem uitæ humanæ, legisq; seruandæ, ac beatam uitam ducendi in unoquoq; statu, in hac prima parte habes.

Reliquum est ut ad SECUNDAM PSALMI PARTEM nos conuerſamus, in qua animaduentens Propheta, quòd etsi ipsi Deo impossibile non sit, nos usq; ad diem Christi absq; peccato conseruare: hoc tamen quia rarò hominibus datum cernimus, lex uerò ipsa ad ea quæ frequens tius accidunt aptatur, de ipsa uita actiua agere confestim cœpit, in qua homo nunc peccando labitur, nunc uerò gratia Dei per pœnitentiam resurgit: spem nobis ex his, quæ manu ipse propemodum attrectauit, adferens, ut si quando septuagies septies peccauerimus, adhuc ad dōminum confugiamus, nihil hæsitantes quin eadem Dei misericordia, quæ nos à statu iræ ad statum gratiæ perduxit, præteritorumq; pœnitentiam dedit, futurorum daturus sit omnibus, qui in toto corde exquirunt eum: quandoquidem si Propheta illum hominem beatum esse iudicat, qui non abiit in consilio impiorum: beatum item cum inquit esse, qui in uia peccatorum non fletit: beatum denique declarat & illum, qui si aliquo tempore fletit, non tamen in cathedra pestilentie sedit: oblationis scilicet, in qua Satan & eius filij sic manent, ut ob pœnitentiæ defectum æterna morte puniatur. IN TERTIA VERO PARTE, cum in actiua uita ad eò strenuè militasset, ut iam in contemplatiuam ingredi promeruerit, de ipsa uita contemplatiua agit: quæ propterea quòd cœlestia crebrius contemplatur, prolixius examinanda erat. Atque hinc ut commodius singula explicaret, Deiq; misericordie erga nos peccatores, qui ad ipsum confugimus, perpetuam misericordiam demonstraret, tres persecutiones quas sustinuit, multis in Psalmis fusissime scriptas, hoc uno summatim complectitur. Primam nimirum Saulis, alteram Absalonis, & tertiam satanæ duriores: in quibus nunc Dei opem atq; auxilium expetit, nunc obtenta prædicat, interdum facti seriem narrat, aliquando uerò laudes charitatis diuinæ connumerat, instruēs quales nos erga Deum præstare debeamus, postq; sua misericordia à mundi calamitatibus liberati fuerimus. Hæc summa omnium est, quæ in tertia parte continentur: quam adhuc, ut facilius

rem omnem iuniores intelligant , in partes septem diuidere possumus : quarum prima usque ad octonarium septimum durat : secunda ad octauum : tertia ad nonum : quarta ad decimumtertium : quinta ad decimumseptimum : sexta ad uigesimum : septima ad finem usque : quæ suo ordine prosequens , primam principio proponam , in qua oblato speciali sua cruce , persecutionis saulis , obnixè Dominum obsecrat , ut minimè sola , sed simul cum armis cœlestibus sociata adueniat : (quæ qualia sint singillatim in quinto octonario expressit) quibus obrentis hilaris animo in septum persecutionis ingressus , contra saulem strenuè pugnans uictoria potitus est : unde spem habuit fore , ut cuius ope salutem consecutus fuerat , ab eodem æternam quoque acciperet . In secunda uerò parte , optimi militis instar , qui strenuè prælia Domini certauit , fiducia quadam dominum alloquitur , causas coram eo acersuans , propter quas spe , æternam salutem se affecutum esse autumat . Verum enim uero quia sancti uiri , post spem hanc , quam oculis proponunt , an Dei gratiam habeant , uel ne ab illa , quam habent , in futurum excident , plerumque pauere solent : huic pauro in tertia parte succurrere optans , causas addidit quare non debeat pauere : quæ cum insalubiles non essent , misericordie Dei se denique committit , obsecrans ut gratiam perseuerantiæ usque in finem sibi condonare uelit . Vix itaque men isthæc contemplari cœperat , cum ecce noua Absalonis persecutio in quarta parte sese obtulit : quæ pauorem suum ad eum auxit , ut maximas quoque mentis euagationes passus , de prouidentia Dei conquereretur : quas confestim gratia comite exclusit . In quinta uerò , dum perlatos charitatis campos , quasi onager in medio nemorum latus uagas retur , satan inuidus , parum suos filios in enarratis afflictionibus profecisse animaduertens , nouam spiritualem & duriorē parare persecutionem proposuit , in qua pelle pro pelle certaretur , quam si Deus permisit , Dauidi tamen fortiora simul dedit , quibus quàm uiriliter cersauerit , cum psalmi uerba explicabimus , commodius cerues . Enumes

rauerimus hoc in loco singillatim persecutiones, atq; utriusque uitæ tam
 actiue quàm contemplatiue status, non solum ut tyrones Psalmi metho-
 dum intelligerent, uerum etiam ut quandocunq; uerba illa mandas-
 torum, iustificationum, donorum, repetita persæpe fuisse in hoc Psal-
 mo legerint, minimè propterea uerborum geminatorem Dauidem esse
 censeant: siquidem diuersæ erant persecutiones, diuerso tempore inflis-
 sæ: in quibus eadem tutamina, sed per nouam gratiam, aduenire obs-
 secrabat: docens nos, ne eam ob causam, quia semel ab aliqua perse-
 cutione nobis inflata liberati Dei gratia fuerimus, nouam petere gra-
 tiam desinamus: quoniam sicut unicuiq; diei sufficit malitia sua, eodem
 modo unicuiq; tentationi sufficit gratia obtenta. Oramus namq; ut qui
 inspirando præuenit, adiuuando prosequatur: & qui adiuuit, perse-
 uerare sic donet, ut dona in beatitudines transeant. Quas cum Dauid
 ipse obtinuisset, in sexta parte eo modo, quo sancti uiri cum Deo ipsum
 contemplantes loquuntur, mirabilia, quæ in lege Domini inuenerat, (&
 si in medio tribulationis ab eo narrata ex parte fuissent) iterum breui
 epitome fusius recenset, atq; omnium humilitate, iuste propter pro-
 pria peccata se afflictum, Dei uerò misericordia per Iesum Christum
 liberatum fuisse palam confitetur; nam si qua iustitia sua considerari
 poterat, secunda causa salutis erat, participatione iustitiæ Christi id
 præstantis corroborata. Porro & id quoque in septima parte docet, ut
 minime post superatas tribulationes, scenis, uocationibus, aut uinis
 dictæ, uel crapulæ, idq; genus reliquis operam nauare debeamus, quin
 potius ut, quo modo ipse contemplationi diuinorum se totum dedit, agris
 culturæ diuinæ uacans, per quam pergens tota die quasi flosculos frus-
 ctus spiritus sancti in borto Domini legebat, ut ex illis sertum texeret,
 quo coronandus esset: eodem & nos pergere debeamus ex gratia in
 gratiam, atque ex spe in spem cum Dauid e uitam ducentes, atque cres-
 dentes ueracem Deum, qui sæpe a morte temporali nos liberat, & tos-
 tiens à pœnis tribulationum, in quibus mors esse uidetur, nos eripit:

ARGVMENTVM PSALMI CXVIII

multo maiori sedulitate æternæ resurrectionis nostræ curam habere ,
 pro qua obtinenda quasdam breues sibi orationes accommodauit : quis
 bus crebrò obnixè rogabat , ut Christus animarum nostrarum pastor
 tanquam errantem ouem ipsum quæreret , deperditæq; ouis inuentæ inas
 star , eundem supra dorsum , cruci affixum susciperet , ac misericors
 diter saluaret . Alacri igitur animo fratres , hos nostros labores
 accipite , ut mente & uerbis pastoris huius rectè expens
 sis , in spiritu deinde & ueritate orantes , sic beas
 tam uitam ducatis , ut corpore hic perz
 manentes , cum Angelis uersari
 consuefcatis .



PRIMI OCTONARI II

EXPLICATIO.

ALLELVIA

*Id est laus Domini, hic in via incipiens, perficienda in patria,
ubi à Sanctis suis perpetuò laudatur.*

CA. CALEPH. &

Latine doctrina.



Alphabeticus Psalmus iste unus ex quatuor literarum, ut aiunt, se nobis hodie offert, in quo ea de re propheta in initio uniuscuiusque uersus octonarius iussit, ab eadem litera, quæ octonario præponitur, incipit, ut se id tractaturum quod proprietas literæ significat, nobis ostendat. Res quidem Latinis non concessa, qui in hoc primo octonario minime in principio uersuum literam a, sed alias habent: itidem et in cæteris qui sequuntur: quo circa uarias literas uti res ipsa docet, posuerunt. Verum ne posthabitis literis, rectum prophetæ sensum lectores præterirèt, id exequentes quod poterant, ueluti octonarii argumentum supra ipsos octonarios atque in margine uersuum, litteras, uti uides, collocarunt, à litera Aleph initium sumentes, quæ doctrinam significat: ut ex hoc integrum hunc octonarium in sola doctrina consistere facillè intelligeremus. Diuiditur autem in partes quatuor: quarum prima usque ad uerba illa, Tu mandasti mandata tua, de tribus beatitudinibus agit. In secunda usque ad uersum, Utinam, mandata imposita homini absque gratia esse ostendit. In tertia usque ad uersum iustificationes, spiritus mouentis opus narrat, qui in statu iræ mentem nostram suis radijs illustrat, mouetque ut ad gratiam confugiamus. In quarta uerò, gratia assistente facillè legem posse impleri subiungit: aliudque esse hominem iustificari, quàm iustificatum hominem in iustitia conservari, docet. Superest, ut hunc Ecclesiæ Doctorem, qui literaturam non nouit, audiamus, donec spiritu sancto in eius ore loquente, octo carminibus

PRIMI OCTONARII

omnia recenseret, per quæ homo proprium statum, in quo tam sub ira quæ sub pietate manet, agnoscere possit. Quare autem octonarius numerus à Davide electus fuerit, uarij uaria contemplantur; mea tamen sententia aut libertati scribendi octo, nouem, uel septem uersus, tribuendum est: aut idcirco Prophetam octonario numero usum fuisse dicendum, ut quot quot Psalmum hunc legerent, ex hoc intelligerent, omnia quæ operari & credere in septem ætatibus homines lege adstringebantur, sic consumari oportere, ut in octaua resurrectionis ætate æternam felicitatem eis pararent. Hoc planè propheta propositum est, ut eam spe beatitudinis in uia nos habere ostendat; qua deinde re, ipsa æterna beatitudo ne fruamur.

- Aleph 1 BEATI IMMACULATI IN VIA: QUI
AMBULANT IN LEGE DOMINI.
- Aleph 2 BEATI, QUI SCRUTANTUR TESTI-
MONIA EIVS; IN TOTO CORDE
EXQUIRUNT EVM.
- Aleph 3 NON ENIM QUI OPERANTUR INI-
QUITATEM; IN VIIS EIVS AMBUL-
AVERUNT.
- Aleph 4 ET TU MANDASTI MANDATA TVA
CVSTODIRI NIMIS.
- Aleph 5 ET UTINAM DIRIGANTUR VIAE MEAE,
AD CVSTODIENDAS IVSTIFICA-
TIONES TVAS.
- Aleph 6 ET TVNC NON CONFVNDAR: CVM
PERSPEXERO IN OMNIBVS MAN-
DATIS TVIS.
- Aleph 7 CONFITEBOR TIBI IN DIRECTIONE
CORDIS, IN EO QVOD DIDICI IV-
DICIA IVSTITIAE TVAE.

IVSTIS

IVSTIFICATIONES TVAS CVSTODIAM, NON ME DERELINQVAS VSQVEQVAQVE.

Cum propheta de beatitudine uiæ loqui uellet, secundum literæ Aleph proprietatem, quæ doctrinam significat, tanquam magister, qui nos omnia docet, tria uitarum genera in hac prima orationary parte proponit: quarum duæ, actiua nimirum et contemplatiua, ad ueram beatitudinem nos conducunt: tertia uerò uoluptuosa inferni portas aperit. Inquit enim BEATI sunt IMMACVLATI absq; macula peccati mortalis peregrinantes, siue quia post baptismum non peccauerūt, siue quia ubi peccauerint, pœnitentiam egerunt. sic enim alibi dixit: si mei non fuerint dominati, tunc immaculatus ero, & emundabor à delicto maximo. Quem in modum non minus immaculatus est peccator qui ad domum est reuersus, q̃ iustus qui non est peruersus. IN VIA peregrinationis huius, his uocibus ostendens, hic beatitudinis æternæ, spe initium quoddam, quantum ad hominem attinet, imperfectum nos habere, propter inhabitantem spiritum, qui in nobis regnare incipit, nil aliud agentem, q̃, ut intellectum per fidem ad usum gratiæ disponat, donec re perfectam beatitudinem assequatur. QVI AMBVLANT in uia actiua, de qua propheta tanquam de illa, quæ ipsa uita contemplatiua inferior est, in hoc uersu agit, quasi hi in ea sese exercent, qui ambulant, non autem pigri sedent: belle his uerbis ostendens, fide adeptæ, gratiaq; Dei comite, beatos in proprio factos, hoc est in ipsa mandatorum obseruatione nos esse. sic enim circūcisio prodest (Paulus inquit) si legem obserues. si autem præuaricator legis sis, circūcisio tua præputium facta est, & fides ad eundem modum mortua. Non quidem ut actus nostri seu opera nostra ab habitibus infusis proueniant, ad illum modum ipsam beatitudinē attingant, secundū quem in naturalibus actus proueniētes ab habitibus acquisitis plerunq; ipsa beatitudo naturæ sunt: sed potius q̃ ad beatitudinem supernaturalem per modum meriti nos

ordinet. sed ubi ambulandum? IN LEGE DOMINI. id est Iesu Christi euangelica per quam ipsa gratia facta est. Atqui dices lector: non'ne de ipsa lege factorum quæ domini erat, psaltes eo tempore egit, in qua mandata quæ implemus, continentur? Cui ego respondebo, eam ob causam uocem istam, DOMINI, id est Iesu Christi, interpretandam esse, quia lex ipsa fidei, in lege factorum tunc conclusa, non autem Mos sacra, sanctos patres beatos in uia faciebat, uti scriptum est: iustus meus ex fide uiuit. Nec aliter lex antiqua uisum erat, nisi quatenus fidem annexam habebat: ita quidem, ut tametsi in utraq; lege ambulandum sit (quem in modum uerba hæc, in lege domini, ipsam quoq; factorum legem complectuntur) beatitudinem tamen, quam consequimur, à lege Domini, id est Iesu Christi habeamus. Nec proinde representatione aliqua digni erimus, si dicamus utranque domini, id est Iesu Christi hodie esse, eo quòd mutato sacerdotio ab Aaron in Christum, lex quoq; factorum mutata fuit, non ut non esset, sed quò tanq; eiusdem Christi lex censetur promulgata. Hactenus de prima uita.

BEATI, QUI SCRUTANTVR TESTIMONIA EIVS; IN TOTO CORDE EXQUIRUNT EVM.

Quasi dicat, BEATI quoq; & maiori beatitudine beati sunt contemplatiui. Vti Dominus illius uerbis docuit: si uis perfectus esse, uade, & uende omnia & da pauperibus, & sequere me. QUI SCRUTANTVR TESTIMONIA EIVS. id est Domini, ita ut homines ipsi, testes sint: scripturæ uerò quæcumq; diuinitus inspiratæ (quasi testium dicta) testimonia dicantur: non quòd beatitudo in legis perscrutatione consistat, quandoquidem satanæ filij illam quandoq; perscrutantur: sed quia scrutando summum bonum in lege contentum, spiritu sancto docente contemplantur, ac contemplando cum eo coniunguntur: itaque summo bono in uia spe fruuntur, quam ob causam subiunxit: IN TOTO CORDE. ne illis dicatur: Cognoui uos, quia scrutando dilectos

nem Dei non habetis. EXQUIRUNT, id est diligenter quærent. Sed quid est in toto corde exquirere? quippe ut contemplatiui (secundum id quod habent ac possunt, sicut ex parte uident, ex parte quoque amantes) nil aliud quam Deum in corde retineant, alii uero idcirco in toto corde Deum ament, quia nil non ordinatum ad Deum, in corde tegunt. EVM, id est Christum, quemadmodum ipse docet Israelitas redarguens, qui in sola lege mosaica beatitudinem inuenire putabant; inquit, scrutamini scripturas, quia uos putatis in ipsis uitam æternam habere, & illæ sunt, quæ testimonium perhibent de me: & non uultis uenire ad me, ut uitam habeatis. Hucusque de secunda uia, uitæ nimirum contemplatiuæ, quæ ad uitam beatam re habendam, spe nunc in uia nos conducit.

3. NON ENIM QVI OPERANTVR INIQUITATEM IN VIIS EIVS AMBVLAVERT.

Cum in duobus præcedentibus uersibus doctrinam duarum uiarum amplectendarum, aliiue nimirum uitæ & contemplatiuæ, quæ ad uitam ducunt, prophetæ ostendisset, tertiam doctrinam, qua falsam beatitudinis uiam uitare queamus, superaddit, in qua uentri homines potissimum indulgent, idque genus reliqua agunt, in his ueram beatitudinem consistere falso putantes, ut sequitur: NON ENIM QVI OPERANTVR, hoc est, omni tempore absque penitentia ad mortem usque operantur INIQUITATEM, uoce singulari loquens, ut unam iniquitatem, quæ penitentia careat, ad condemnandum sufficere commonstret. IN VIIS EIVS AMBVLAVERT. Quasi nil profit præterita bona uita, quando præsens mala est, prophetæ teste, cum ait: Si dixero iusto, uita uiues, & confusus in iustitia sua iniquitatem fecerit, in ipsa morietur. sic etiam alibi ait. Dispergantur omnes qui operantur iniquitatem, quasi quod in eo flatu in quo sunt, debeant iudicari. In hunc sanè modum uerba isthæc interpretari debent, non autem ut in uis Domini iusti ambulent, dum iniquitatem, hoc est uiciale peccatum (ut quis

dam male sentiunt) operantur. Siquidem qui uenialiter peccat, minimè iniquus est, eò quòd ueniale peccatum neq; beatitudinem in uia impedit, neq; amicitiam cum Deo contractam extinguit, neq; nitorem habitualē tollit, sed actuale duntaxat à uirtutibus prouenientem. Ad quæ Paulus respiciens dixit: Non apprehendat uos tentatio præterq; humana, quæ donec tentat, exercendæ uirtutis instrumentum est. sed quæ sunt uia eius? Diuina præcepta custodire, desideria uirtute referta, & los cutiones sanctas amplecti, aduersarij pro Deo æquanimiter tolerare. Hactenus de ipsa doctrina uiarum, quæ ad ueram uel falsam beatitudinem ipsum hominem dirigunt.

4 TV MANDASTI MANDATA TVA CVSTODIRI NIMIS.

Propheta, qui integrum uitæ humanæ cursum à die, qua homo sub ira nascitur, ad mortem usque ecclesiæ in hoc psalmo narrat, alteram doctrinam in hac secunda octonarij parte nobis tradit, per quam, cuius potentia homo ipse in statu iræ ad seruandam legem sit, agnoscamus, eaq; cognita, ad gratiam recurramus: quando non aliam ob causam: uerbis lucidissimis lex factorum, & lex fidei uerbis mysticis, eodem tempore à Moyse promulgata fuerunt, nisi ut israelitæ legem factorū, quæ impleri à solo homine non poterat, gratia per Iesum Christum facta (qui uirtute ab initio mundi occisus est) facile seruari posse inteligerent, inquiens, TV MANDASTI in statu iræ MANDATA TVA CVSTODIRI NIMIS, id est ualde (secundū quosdam) quasi possibile sit homini absq; gratia cum magna difficultate mandata omnia custodire. quæ opinio Pelagiana cum sit, hæretica est. Alij uerò dicunt, nimis, hoc est magna cum diligentia, ubi gratiam comitem habeamus, & hæc bona. Verius tamen, quantum ad literæ interpretationem attinet, dicemus, nimis, id est supra hominis sub ira nati potentiam. Nam cum Propheta de beatitudinibus hic agat, de ea mandatorum obseruantia cum trasse sentiendum est, quæ spe initium beatitudinis in uia præstat: res

planè, quæ ab homine sub ira uiuente baudquaquam ante gratiæ aduentum, quæ initium & finis boni operis meritorij est, consumari potest. Non quidem hoc loco Propheta de potentia adimplendi mandata secundum naturam agit, sicut alibi Moyses dixerat, quia non procul posita erant, neq; in cælo sita, neq; trans mare; immo potius de meritoria obseruatione eorum, qui spe beatam uitam ducunt: quocirca hominibus potentia nimis sunt, nisi ad gratiam recurrat, ut sequitur.

**¶ VT INAM DIRIGANTVR VIÆ MEÆ,
AD CVSTODIENDAS IUSTIFICATIONES TVAS.**

Volens Propheta in hac tertia octonarij parte hominem orantem demonstrare, qui in statu iræ manens, lumine Dei præuentus, ad gratiæ inhabitantis statum uenire optat, in propria persona orans inquit: **VT INAM**, quæ optantis uox est, ostendens id se petere, quo caret, siquidem nemo ea optat, quæ in sua potestate habet. Atqui dices, quid optat? mandata meritorie seruare. Quid ad id deest? fides, quæ per dilectionem operatur. Sic enim id quod natura dum nascimur negat, misericordia præstat, per Iesum Christum uelatum in lege, quem Dauid unà cum lege fidei sibi reuelari optabat. sed quomodo fieri hoc poterit, quòd fidem quis petat, quæ primus gradus est intelligendi Deum? Nempe ut iacula quædam spiritus mouētis, quæ in tenebris lucent, in nobis adueniant: quibus præuijs ad fidem trahamur: nos uerò libero cum arbitrio gratia comite accedamus: itaq; uiæ nostræ malæ, bonæ fiant, uti litera dicit: **DIRIGANTVR**, uoce passiuæ utens: eò quòd nemo ad fidem uenit, nisi pater illuminando traxerit illum. **VIÆ MEÆ obliquæ & malæ**. At si quæras, ad quid dirigendæ? **AD CVSTODIENDAS fide adeptæ IUSTIFICATIONES TVAS**. Iustificationes uocans illa, quæ paulò ante mandata nominauerat: quasi quòd fide & gratia aduenientibus, ex mandatis iustificationes animam iustificantes fiant: quocirca uocem **TVAS**, ad differentiam iustificationum nostrarum, quæ absq; gratia

animam non iustificat, addit. Hic germanus literæ sensus: ut inter statum iræ, in quo nascimur, et statum gratiæ, in quo renascimur, Propheta hoc in loco distinguat. De alio uerò statu iræ, quando post lauas crum peccamus, & gratia Dei resurgimus, in sequenti octonario dicemus.

6 ¶ TVNC NON CONFVNDAR, CVM
PERSPEXERO IN OMNIBVS MAN-
DATIS TVIS.

In quo uersu alteram doctrinam subiungit, per quam homini qui sub gratia uiuit, quomodo meritorie cum gratia cooperetur, ostendit. TVNC, quasi dicat, ubi fides & gratia in me coniunctæ erunt, tunc NON CONFVNDAR, sicut nunc in statu iræ manens, confusum me conspicio: quoniam gratia Dei per Iesum Christum, ubi semel in eius lauacro renatus fuero, aut in futurum non peccabo, aut si peccauero, pœnitentiæ ianua mihi aperietur. Alludit planè C secundum glo. & Am bro.) ad Adæ negligentiam, qui non solum in ipso peccato confusus est, uerum etiam quod post peccatum de ligno uitæ non comederit, atque à Domino uocatus se absconderit: spem habens quod sollicitior ipse gratia Dei erit de fructu arboris crucis comedere, per quam à commissis munda mur, & ad seruandum mandata in futurum uigoramur CVM PERSPEXERO altero de duobus modis IN OMNIBVS MANDATIS TVIS quæ indiuidua cum sint, proinde simul omnia seruanda sunt.

7 CONFITEBOR TIBI IN DIRECTIO-
NE CORDIS: IN EO QVOD DIDICI
IUDICIA IUSTITIAE TVAE.

Quoniam hic prophetæ ordo est, nempe ut gratias obtentas, propter loci angustiam eam ob causam taceat, quia octo uersus omnia completi haudquaquam possunt, proinde gratiam ab eo obtentam, per quam factus factus est, minime commemorat: sed ultra pergens, omnia quæ gratia Dei obtinuit, ipsi Deo tribuit, uerbis futuri temporis loquens, ut

non solum præsentia, uerum etiam et futura ipsi Deo ascribantur. **CONFITEBOR TIBI**, idest in te solo, non autem in me gloriabor: optimi ministri Dei instar, qui absq; gratiæ eius auxilio nullas uires habere se profitetur. sed super quo confiteberis? **IN DIRECTIONE CORDIS**, quocunq; ex his duobus modis legem, te cor meum dirigente, seruauero, tibi omnia tribuens: qui cor meum, ut in semita mandatorum tuorum pergeret, direxisti: palam confitens, non absq; spiritu Dei mouente cor nostrum ut bonum opus inquirat, dirigi posse. Confitebor tibi insuper non solum propter hoc quia cor meum direxisti, uerum etiam quia directus gratia tua ad Christum ueni, quasi dicat, Confitebor quoq; **IN EO QVOD DIDICI**, iuxta illud, si quis audiuit à patre meo, & didicit, is uenit ad me. Aliud cum sit noscere quid fieri debeat secundum legem & non facere: aliud uerò discere & secundum gratiam facere. Confitebor adhuc non solum quòd direxeris, ac ueniens Christum didicerim, sed etiam me didicisse **IUDICIA IUSTITIÆ TUX**. Et dicit iudicia in plurali, tum propterea quia Dei iudicia multa sunt, tum etiam propter nostra iudicia, quæ ipsius Dei iudicia eam ob causam dicuntur, quia nos sua gratia comite iudicia inter carnem & spiritum facere præstat. iustitiæ uerò tuæ, eam ob causam in singulari, quia una est solius Christi iustitia, quam, dum in animas nostras infunditur, sic participamus, ut uerè nostra dicatur. Perinde ac si dixerit, non solum didici omnia illa quæ fecisti, ordinata ad cognoscendum iustitiam tuam, quam misisti, et reliqua iudicia omnia in testimonijs tuis contenta (sicut scriptum est, Cognoscetur Dominus iudicia faciens,) uerum etiam illa iudicia iustitiæ tuæ quoq; facere didici, quæ homo gratia tua directus re ipsa per Christum meritorie facit. Sic enim mansuetos dirigit in iudicio, donis cælestibus armans milites tuos. De quibus sensit Propheta, cum dixit, sacrificate sacrificium iustitiæ, & interroganti, quis ostendit nobis bona? cæsilio respondet, signatum est super nos lumen uultus tui, à fructu frumenti, uini & olei sui; absq; quibus iudicium iustis

tia sacrificare nequimus. Sic enim opera quæ nostra sunt, simul iudicia iustitiæ, id est Christi dicuntur, qui simul & animam attollit, & uirtutem ad cooperandum cum gratia, homini elargitur; ac tanquam bene merita illa acceptat, alioqui frustra homo laboraret. Hactenus prophetæ doctrina, quem in modum homo in flatu iræ, impotens mandata seruare, uitam ducat; in flatu uero gratiæ, meritorie per Christum mandata seruare queat. In sequenti autem uersu de ipsa gratiæ conseruatione tractat, modum nos docens, quo uitam beatam absq; peccato gratia comite ducere ualeamus.

8 **IUSTIFICATIONES TVAS CVSTODIAM, NON ME DERELINQVAS VS QVEQVAQVE.**

Difficile erit uerba hæc intelligere, nisi prius, quem in modum hominem Deus non derelinquat usquequaque, intelligas. Circa quod tria poterunt cogitari. Primum, ut Deus hominem in totum derelinquat secundum affectum cordis pergere, & in reprobum sensum conuerti: quod esset iusto Dei iudicio ipsum relinquere usquequaque. Alterum uero, quod ad tempus ipsum dimittat: quod non esset ipsum relinquere usquequaque. Tertium, ut post iustitiæ infusionem ipsum nunquam derelinquat: quod est alio modo ipsum non relinquere usquequaque. Quibus præfatis dicamus; **IUSTIFICATIONES TVAS**, id est mandata tua & iudicia omnia; idcirco iustificationes dictæ, quia opus uirtutis continent, & impij animam de die in diem plus iustificat, **CVSTODIAM**: modo **NON ME DERELINQVAS**, id quidem quod sapiens alibi dixit: **Mitte illam ut tecum sit, & tecum laboreat.** **VSQVEQVAQVE.** quæ uocem multi secundo modo intelligunt, id est ut gratia non denegetur in totum: quod eueniret, si ei poenitentia quoq; denegaretur: quæ quidem opinio in se bona est: ut impleuisse mandata eum dicamus, quem non impleuisse poeniteat. Sed alia uerior erit, si hic uox ista, usquequaque, tertio modo interpretetur, id est nunquam. Rogabis quomodo nunquam?

nempe

nempe ut donum perseverantiæ usque in finem, non autem temporas
 lis perseverantiæ detur, à qua decidere quimus. Et erit postrema do-
 ctрина, quam ab hoc sapientiæ doctore habemus, cui notum erat, post
 gratiæ infusionem altero adiutorio nos egere perseverantiæ scilicet,
 quò usque in finem perseveremus. Dixerat nanque propheta in uersu
 septimo, se didicisse iudicia iustitiæ, per quæ uerba, se iustificatum
 esse, atque in statu gratiæ permanere ostendit: Nunc uero perseveranz
 tiæ non modo temporalis, uerum etiam perseverantiæ usque in finem
 donum ab eo petit, qui potest sine peccato nos conseruare, & consis-
 tuere ante conspectum gloriæ suæ immaculatos, quasi dicat, tametsi
 tu mandaueris mandata tua custodiri nimis; gratia tua comite & fide
 de ego illa custodiam, ac in æternum non peccabo, modò nunquam tu
 me derelinquas. Ecclesia testè, quæ sacerdotem docet, ut antequam
 corpus Domini sumat, sic oret: fac me tuis semper hæcere mandatis;
 & à te nunquam me separari permittas. Quid ultra in oëlo uersibus
 propheta iste nos docere potuit? Verùm quia donum perseverantiæ usque
 in finem, minimè tunc concedi solet, quando impius homo à Domino
 iustificatur, quemadmodum Dauidi euenit, quem nequaquam tunc do-
 num hoc obtinuisse, immo eundem sæpiusculè peccasse legimus:

proinde in sequenti oëtonario in domum confusionis ins-
 trat, ubi de ipsa conseruatione, quæ per poenitens
 tiam fit, agit. Hactenus de prima Psal-
 mi parte.



OCTONARIVS SECVNDVS.

CB BETH, 3

Latine donus.



LITERA hæc domum confusionis, secundum Ambrosium ponderantē uoces illas hebræas Beth besse significat: ad quam post adeptam fidem propter peccatum commissum Prophetam peruenisse, Ambrosio, Augustino, Glossæ, Cassiodoro, Titelmano, Remigio, Hugoni, & Cæsareo placuit. Brunonius uero, Dionysius, Casietanus, & Euthymius (pro quibus citati doctores multa quoque dicunt) personam iunioris hic loqui autumant, qui iustificatus iam, absque peccato permanens, consilium petat quomodo futuram uitam ducat ne in peccatum incidat. Prosper autem dicit uerba hæc nouum populum significare Christi gratia reuocatum: sed an deinde peccauerit, nec ne, tacet. Et post hos Lyra præuidens ab isto octonario usque ad quintum de ipsa uita actiua Prophetam agere, tria impedimenta perfectionis uitæ actiue considerat. saniolem tamen primam opinionem ea de re putamus, quia ipse idem Dauid est, qui hominis uitam, à die qua nascitur, ad mortem usque, in toto hoc psalmo commemorat: & cum principio ipsam in statu iræ collocasset, in quo mandata Dei nimis esse dixerat: post uero fidem obtentam, non solum possibilia esse, uerum etiam posse hominem non peccare addidit, modo gratia Dei non discederet ab eo usquequaque: animaduertens raro uisum esse hominem renatum diu absque peccato permanisse: hoc loco tertium hominis statum Ecclesiæ ostendit, quando reuocata fide rursus peccat: uiamque ostendit quomodo à peccato deinde resurgat. Diuiditur in partes quatuor. In prima usque ad uersum secundum, cum à gratia ad quam in præcedenti octonario peruenerat, peccando cecidisset, adductus ad penitentiam, modum resurgendi poscit. In secunda usque ad sextum, partes quas penitentem habere neces-

se est, contritionem nimirum, propositum non peccandi in futurum, & omnia peccata confitendi, atq; pro confessis sati:faciendi narrat, gratiâ Dei poscens, quæ in oppositione manuum Sacerdotis datur. in tertia usq; ad septimum, ab effectu ad causam, aduentum gratiæ cognouit, quæ illius cor exbilarauit, atq; effecit, ut attritio in contritionem conuerteretur. In quarta quid in futurum facturus sit, prænunciat.

Beth 1 ¶ IN QVO CORRIGIT ADOLESCENTIOR VIAM SVAM? IN CVSTODIENDO SERMONES TVOS.

Beth 2 ¶ IN TOTO CORDE MEO EXQVISIVI TE: NE REPELLAS ME A MANDATIS TVIS.

Beth 3 IN CORDE MEO ABSCONDI ELOQVIA TVA, VT NON PEGCEM TIBI.

Beth 4 BENEDICTVS ES DOMINE: DOCE ME IYSTIFICATIONES TVAS.

Beth 5 IN LABIIS MEIS PRONVNCIAVI OMNIA IYDICIA ORIS TVI.

Beth 6 ¶ IN VIA TESTIMONIORVM TVORVM DELECTATVS SVM, SICVT IN OMNIBVS DIVITIIS.

Beth 7 ¶ IN MANDATIS TVIS EXERCEBOR, ET CONSIDERABO VIAS TVAS.

Beth 8 IN IYSTIFICATIONIBVS TVIS MEDITABOR: NON OBLIVISCAR SERMONES TVOS.

1 ¶ IN QVO CORRIGIT ADOLESCENTIOR VIAM SVAM? IN CVSTODIENDO SERMONES TVOS.

sapientia foris prædicat : vsquequo paruuli diligitis infantiam ? &
 stulti ea, quæ sibi sunt noxia, cupiunt, imprudentesque odibunt scientiam ?
 Conuertimini ad correctionem meam, relinquitte infantiam, & uiuite,
 & ambulate per uias prudentiæ. si quis est paruulus, declinet ad me.
 Quibus auditis, Dauid, qui in domo confusionis se habitare propter pec-
 catum cognouit, sic ait, Domine, IN QVO CORRIGIT ADOLESCEN-
 TIOR. Ille quem uocas, VIAM SVAM malam ? Et utitur uerbo cor-
 rigit, non autem uerbo uimbit ; ut ostendat de ipso iuniore qui peccauit,
 se loqui, non autem de eo qui se conseruare optat : siquidem is se uerè
 corrigit (Ambrosius inquit) qui in errore fuit, cui Hugo & Hierony-
 mus subscribunt, Augustinus item, cui placuit ad eò iuniorem hunc
 peccasse, ut in consuetudine peccandi fuerit lapsus. Ad hæc Glossa
 & Cassiodorus ponderant, in primo octonario de ipsa conseruatione
 non peccando dictum fuisse. Et denique id me mouet, quoniam si alios
 rum opinionem sequeremur, istum iuniorem non peccasse, alienos sensus
 atque dissonos in his quæ sequuntur, literæ accommodare compels-
 leremur. Contra uerò si Ambrosium approbamus, perspicuè formam
 pœnitentiæ, hoc est qualitates omnes ad ueram pœnitentiam neces-
 sarias octonarius iste nobis ostendet. Adauget animum ad sic tenendum,
 quia ad quintum octonarium usque propheta de ipsa pœnitentia, qua
 sæpe in uita actiua egemus, agit ; quemadmodum ex lectione sequen-
 tium patebit, præsertim ex octonario quarto, uersu secundo, ubi aper-
 te declarat peccatorum pœnitentiam hic & in sequentibus se optasse.
 Dauid ceriè huius psalmi author est, qui propter sex peccata Eccles-
 iæ nota, præter occulta, se mundari petit, & hæc in actiua uis-
 ta, de qua nunc agit, non autem in contemplatiua, in qua præteritos
 rum memor, afflictiones, quas à satana & filys eius passus est, ite-
 dem & Dei adiutoria Ecclesiæ recenset. Et denique ea de re hunc
 sensum sequi debemus, quia autoritas, quæ Brunonium & alios mo-
 uet, uerba sancti prophetæ sunt, cum ait, Fili, bonum est tollere ius

gum à iuuentute tua, accipe doctrinam, & usque ad canos inuenies sapientiam, tacens iuniorem illum in statu innocentiae esse: quod si expressisset, quid commune cum Dauid in loco isto, ubi statum hominis à die natiuitatis ad mortem usque minutatim recenset? Dicemus fortasse, adepta fide & gratia ipsum Dauidem non peccasse? Hæc enim sola ratione, si alia deessent, ab Ambrosij opinione discedere nequimus: quem ubi sequamur, uox ista, adolescentior, pro omni peccatore usurpanda est, etiam sene: quandoquidem senectus uenerabilis est, non diuturna, neque annorum numero computata: sed cani sunt sensus hominis, & ætas senectutis, uita immaculata. quasi dicat: O domine, tu uocas me, atque liberum arbitrium spiritu tuo moues, ut infantiam, in qua propter peccatum sum, relinquam. Dic obsecro, in quo adolescentior, id est peccator, corrigit uiam suam malam? IN CUSTODIENDO opere SERMONES TVOS, qui uel non peccare, uel pœnitere peccatorum commissorum nos docent. Tu quidem ille es, qui alio in loco dicis: Conuertimini ad correctionem meam; eni proferam uobis spiritum meum, & ostendam uobis uerba mea, quæ modum recte pœnitendi docent. Ecce domine paratus sum illa, quantum natura dat, seruare: age tu ut mea attritio in contritionem conuertatur, ut sequitur.

IN TOTO CORDE MEO EXQUISITUM
VITE: NE REPELLAS ME A MAN-
DATIS TVIS.

Cum semel propheta dixisset, Quanta mandauit patribus nostris, nota ea facere filij suis: ut cognoscat generatio altera, filij qui nascentur & exurgent, & narrabunt filijs suis: ut ponant in Deo spem suam, & non obliuiscantur operum Dei, & mandata eius exquirant. hæc uerba iugiter mente reuoluens, ubique pro causa qua re exaudiri debeat, totis humanæ naturæ uiribus se se Deum exquisiuisse proponit sicut & nunc agit, inquit, IN TOTO

CORDE MEO EXQVISIVI TE. quæ uerba ponderanda sunt, ut eam ob causam minime dixerit, Ex toto corde meo dilexi te, quia absq; charitatis aduentu hoc impleri non potest, ut Deum ex toto corde amemus, sed EXQVISIVI TE, id est ante omnia, atq; ex omnibus naturæ uiribus (à te tamen motus) ut me corrigerem, diligenter quæsiui te. Ne igitur REPELLAS ME A MANDATIS TUIS. quod eueniret, si lumen tuum ad intelligendum illa non præstares. sic quidem interpretantur. Tu autem dic duas considerandas esse mandatorum partes: alteram nimirum ut non peccemus, sicut scriptum est: Nolite timere: Vt enim probaret uos Deus uenit, & ut terror illius esset in uobis, & non peccaretis. Alteram uerò partem illorum mandatorum, quæ peccatorum pœnitentiam agere iubent, quemadmodum alibi scriptura inquit: Conuertimini, quoniam multus ad ignoscendum est Deus: & quemadmodum miseretur pater filiorum, misertus est timentibus se, secundum quem postremum modum intelligenda sunt uerba ista, Ne repellas me à mandatis tuis: quasi dicat, Age mi Domine, ut ex attritione, secundum naturam à te motam, gratia tua inhabitante cōtritus fiam: ne forte gratia non adueniente, haudquaquam condignè pœnitentiam agā, & me in totum repellas à mandatis tuis. sic enim Domine, si primo modo legem neglexi, saltem hoc secundo illam implebo: atque implendo, iunior qui nunc sum peccator, sermones tuos seruando uiam meam malam peccatorum corrigam, eaq; correctā beatam uitam ducam. Hunc sanè in modum Beati in uia sumus, & ut plurimum iussu: non autem quòd natura sancti geniti omnino non peccemus, Iesu teste, qui Nathanaelem non propterea iussu uocauit, quia nunquam peccasset, sed quia dum peccabat, mox (sicut Augustinus testatur) eum peccata se pœnitebat. Hactenus de ipsa attritione: sequitur secunda pœnitentiæ qualitas.

IN CORDE MEO ABSCONDI ELOQVIA TUA, VT NON PECCEM TIBI.

Quæ uerba, ut non peccem tibi, si illos sequamur, qui iuniorem non peccasse defendunt, apertissimè eorum opinionem confirmant. Nam si dicas, ut non peccem tibi, perinde est ac si diceret, ut futura peccata uitem: non autem quoddam præteritorum (quæ adhuc non commiserat) poeniteret. Parum tamen hi animaduenterunt, ipsius poenitentiae partem unam atq; præcipuam esse, quæ de præsentis proponit futura uitas re, quam salomon his uerbis docet: Cogitavi in corde meo abstrahere à uino (id est à peccato) carnem meam; & alibi David: Statui & ius rauri custodire iustificationes tuas. Quod intuens Propheta, ut hanc quoque partem se impleuisse ostendat, uerba hæc subiunxit: **IN CORDE MEO ABSCONDI ELOQVIA TVA**: non ut illa canibus non reuelaret, sicut Ambrosius et alij interpretantur (nam illa in casu suo locum habebunt, ut domini præciosæ margaritæ porcis minimè cõmunicentur) sed quia in intimo cordis legem domini abscondit, qua iubet ut poenitendo propositum non peccandi in futurum, de præsentis habeamus: perinde ac si dicat. Hoc propositum in corde meo retineo, **VT NON PECCEM TIBI**. Quod non ita intelligendum est, ut displiceat in peccato stare, in peccato sponte manens: uel q̃ cupias à Deo, in futurum ne pecces, cogi, interim uerò eligas peccare: quin potius ut nolis de præsentis, in futurum peccare. At dices, Miseri ergo sumus, quando si possibile Deo est nos absq; peccato immaculatos custos dire: pariter & ego non peccandi propositum habeam; ipsa tamen ratio, dum poenitere uolo, discurrit, fieri posse (quemadmodum frequenter euenit) ut ob proprium defectum gratia non adueniat, & tale propositum frustretur: unde anima anceps manet, quasi semetipsam fallat, quod singulis quibusq; annis ea proponat, quæ contrarium finem habuisse perpetuò uidit. Ego uerò respondeo, nil aliud scripturam exigere, nisi, ut nolis peccare, eumq; hominem te esse, cui si peccatum nunc offerretur, illud refutares, Dei uoluntati & beneplacito futura cõmittens: quandoquidem Christus non dixit: Non peccabis, quod in nostra

duntaxat potestate non est, sed, noli peccare, quod planè tunc, quando gratia animas nostras, pœnitentiæ scilicet tempore, inhabitat, perfici potest. neq; eam ob causam, quia propter consuetudinem peccandi, coniectura quædam seu suspicio consimilis peccati futuri, in anima generatur: propriam pacem, in qua post pœnitentiam manes, conturbare debes: satis cum sit pœnituisse, uoluntatemq; hanc non peccandi habere, ac gratiam Dei, ne pecces, præsolari, pro qua oras: præsertim cum non debeamus suspicando futura iudicare. Nam ubi peccatum adueniat, magis dicemus tunc, ut nouum propositum malum causa sit peccati, q; quod præsens propositum bonum habitum iam, non fuerit pro illo tempore bonum. Quis enim scit, an gratia comite non pecces? Donis no dicente, Non'ne duodecim horæ sunt dici? Putabat nanq; Magdalenæ se & scortatores illo unguento ungere quo Iesum unxit: Paulus præterea, si qui uiæ eius essent, eos uinctos Hierusalem ducere: sed ipse se propter Christum longa catena ligatus fuit. Petrus item contrâ posse se cum Christo commori: ipsum tamen ante Galli cantum ter negauit. Audi, rogo, quid D. Augustinus in soliloquijs dicat: Dicebam enim, hoc faciam, illud perficiam, & nec hoc, nec illud faciebam. Aderat uoluntas, non erat facultas: quoniam de meis uiribus confidebam. Nunc autem confiteor pater cœli & terræ, quod non est hominis uelle quod possit, aut posse quod uelit: quoniam à te gressus illorum diriguntur, qui à te dirigi consitètur, hoc enim experientia nobis persæpe ostendit, dum multa facimus, quæ non facere proposuimus: multa quoque peccata baudquaquam committimus, quæ tamen cõmittere decreueramus. Ad quæ animaduertentes, gratiæ Dei per omnia nos committere debemus, Thobias exemplo, qui testans sic filium admonuit: Omni tempore benedic Deum, et pete ab eo ut uias tuas dirigat, & omnia consilia tua in ipso permaneant. Idem & Dauid, qui nil aliud in hoc Psalmo atq; ubiq; in ore habet, q; ut petat ut doceatur, dirigatur, ac inspicere, sapientiæ & scientiæ dona sibi dentur: quibus, gratia Dei comite,

mite, beatam uitam ducere possit. Deinde uerò subiungit: **TIBI**, iuxta illud, **Tibi soli peccaui. Habes igitur quomodo Propheta quatenus libes-
rum arbitrium à Deo exsuscitatum dabat, propositum non peccandi
gratia Dei habuerit: in quo secunda qualitas pœnitentiæ est: quam ut
pœnitens habeant necesse est.**

✠ **BENEDICTVS ES DOMINE: DOCE
ME IUSTIFICATIONES TVAS.**

Multa in scripturis nomina reciproca sunt, utputa sanctus, benedis-
ctus, & eiusmodi generis reliqua: quibus sanctus dicitur Deus, sanc-
ctus quoq; & homo: diuerse tamen uoces has interpretamur. ipse enim
cum benedicit nobis, inspirat, sanctificat, gratias confert, uel cons-
ferre promittit: nos uerò nomen suum cum laudibus extollimus, laudas-
mus & prædicamus. Atque hinc cum dicimus, sanctificetur nomen
tuum; non idcirco id dicimus, quasi prius non fuerit sanctum: sed ut
sanctum à nobis habeatur, eiusq; sanctitatem ab omni re, quæ sancti-
tatem impediât, segregatî recipiamus, laudemus, ac prædicemus. Patent
præmissa ex Paulo, cum ait: Patres nostri secundû suam uoluntatem eru-
diebant nos: Hic autem ad id quod utile est, in recipiendo iustificatione
eius. Et alibi: Benedictus est Deus (in se) qui benedixit nos in omni bene-
dictione spiritali in cœlestibus in Christo, ita qdem, ut his cognitis, dicâ:
BENEDICTVS ES DOMINE, in te, qui propter te benedixisti me: eo certè
modo, quo tu solus sanctus sanctificas me. **Benedictus**, hoc est laudabilis
in æternum, et in seculum seculi. Non secus ac si dicat, Tu qui benedictus
es in te, benedic me. At dices, quid optas? **DOCE ME IUSTIFICATIONES
TVAS.** sed quæres fortasse, cur uerba isthæc Propheta subiunxit? Nonne paulò ante dixerat, in corde meo abscondi eloquia tua? quæ abscon-
dere nò potuisset, nisi illa prius didicisset. Cui quesito quidâ respondet,
non propterea Dauidè dixisse, Doce me iustificationes tuas, ut Domino
docente illas dùmtaxat intelligeret (hoc enim consumatû erat) sed ut doctus
fructuose iustificationes conseruaret: quasi non sufficiat semel orasse ei

qui perpetuò ut gratia Dei secum adsit, non orat. Tu autem dic, quòd tamen si Propheta in tertio uersu confessus fuerit se abscondisse eloquia Dei, ut non peccaret illi, non tamen cuncta intellexerat, quibus ad confitendum omnia peccata in sequenti uersu eget: ut cum omnia didicerit, per illa quæ didicit, propria peccata agnoscat, & confiteatur; Verum Christiani officium, cum confiteri peccata sua statuit, Deum orare, ut uel oblita uel occulta peccata in memoria habere possit: ne ob negligentiam propriam aliqua omittantur, quod planè donum oratione hac præstauit ipse confestim obtinuit, ut in sequenti uersu patet.

IN LABIIS MEIS PRONVNCIAVI OMNIA IVDICIA ORIS TUI.

sunt quidam, quibus placet, Prophetam, qui supra absconderat eloquia Dei, congruentiori tempore illa prædicasse: quos, multiplici ratione, minimè sequor: tum scilicet quia non sic intelleximus super uerbis illis Prophetam abscondisse eloquia Dei: tum etiam quia in domo confessionis Propheta manet: unde non concionibus, sed pœnitentia duce discendum est, quæ oris confessione perficitur, sicut uerba ipsa docent, IN LABIIS MEIS PRONVNCIAVI, oris confessionem ostendens, iuxta illud: Die tu iniquitates tuas, ut iustificeris. Hoc enim tanquam obediens filius consummaui, dum gratia tua comite in labijs meis pronunciaui OMNIA IVDICIA ORIS TUI. siquidem spiritu oris tui ac digito tuo præcepta omnia, quæ in lege continentur, nobis data sunt. Circa quæ uerba minimè Hieronymum sequar, ut partem pronuncians do, omnia pronunciauisse uideatur: nisi senserit occulta seu oblita fuisse ea quæ omisit peccata: imo potius ut OMNIA IVDICIA oris Dei, quæ scilicet peccata sua ostendebant, proindeq; ipsum condemnabant, ad amissionem peccata confitendo pronunciauerit. Quandoquidè homo peccata propria confiteri non potest, quin simul legem peccatum ostendètem agnoscat, uti Paulus docet, cum ait: per legem cognitio peccati. Cui opinio non optimè alia Hieronymi uerba fauent. Idcirco sacræ scripturæ pro-

mulgatores, ipsa Dei mandata testimonio uocasse, ut per hæc uerba aliterum peccatores intelligerent, nempe se coram testibus peccasse, à quibus accusantur, cum male uiuunt. Et dicit OMNIA, ut alteram poenitentiae qualitatem, hoc est confessionem indiuiduam esse oportere ostendat. ORIS TVI, tametsi per prophetas & Apostolos fuerint promulgata, Paulo teste, cum ait: Nos gratias agimus Deo, quoniam cum accipissetis à nobis uerbum auditus Dei, recepistis illud non ut uerbum hominum, sed sicut est uerè, uerbum Dei, qui operatur in nobis. Per quæ iam intelligis quid poenitens à Deo uocatus suapte uoluntate facere obligetur. Superest nunc ut uideamus quid è regione gratiæ Dei adueniens egerit, per quam ipsa attritio in sequenti uersu in formatam contritionem conuersa fuit.

- 6 **IN VIA TESTIMONIORVM TVO-
RVM DELECTATVS SVM, SICVT
IN OMNIBVS DIVITIIS.** Quasi dicat,
Postquam, te uocante, uiam meam peccatorum, timens attritus cor
rexi: confestim propter charitatis formam quæ aduenit: **IN VIA**, id
est Christo (sicut quidam tenet) uel sacra scriptura (ut alijs placuit)
delectatus sum. Tu uerò dic: **IN VIA TESTIMONIORVM TVO-
RVM**, quæ ad poenitentiam nos uocant, et quasi in uia dirigunt interea,
dum ad poenitentiam nos adducis, **DELECTATVS SVM**. sed quare
delectatus? propter charitatis aduentum. Quis tibi hoc reuelauit? ab
effectu causam cognosco. siquidem contritio mea haudquaquam post
orationem quæ præcessit, humana duntaxat fuit, sed charitate referta.
eodem argumento hic utens, quo alibi usus fuerat, quando uolens chari-
tatis aduentum ostendere, quæ per se uideri non potest, ab effectu illa-
m se cognouisse dixit, inquiens: Dediti lætiam in corde meo, à frus-
tu frumenti, uini, & olei sui, & alio in loco: Conuertisti planctum
meum in gaudium, contidisti saccum meum, & circumdediti me læ-
titia. Sic enim spiritus contribulatus propter charitatis aduentum mox

in gaudium conuertitur: quemadmodum hoc re ipsa hi py Christiani ex-
periuntur, qui rectè sua peccata confitentes, subleuationem quandā non
modò animæ, sed etiam corporis post manuum sacerdotis appositionem
sentiant. Et quò apertius hoc ostenderet, subiungit: SICVT IN OMNI-
BVS DIVITIIS, non q̄ per uocem, sicut, terrena sup̄ernis cōparauerit:
quia cum de terrenis loquitur, super aurū et topazion gaudium hoc spi-
rituale existimat, terrena uerò tanq̄ sordes abicit, sed idcirco sic loqui-
tur, IN OMNIBVS DIVITIIS, ut per hanc metaphorā tempore hoc con-
tritionis infusæ, spiritus sancti donorumq̄ suorum aduentum ostendat,
qui fide præuia, quæ Dei donū est, pœnitentium corda purificat, perinde
ac si dicat, eandē lætitiā, quam sæpe, dum prophætæ munere fungor, in
aduentu spiritus & donorum illius gustare consueſco, tempore huius
pœnitentiæ quoq̄ in aduentu charitatis sensi, per quæ contritionis for-
matæ aduentum psaltes ipse euidentissimè ostendit. Audiamus nunc
quid post mundationem peccati domino dixerit.

7. **IN MANDATIS TVIS** deinceps **EXERCEBOR.**
uoce passiuā utens, ut ostēdat animas nostras in militia christiana, gra-
tia Dei exerceri. itaq̄; **exercebor**, ut nō solum pro præteritis peccatis sa-
tisfaciam, uerum etiam ut neq̄ mors à charitate tua me separare possit.
& interea dum **exercebor**, **CONSIDERABO VIAS TVAS**, per quas
animam in statu bono, in quo post pœnitentiā est, gratia tua adhuc ins-
pirando (ut Hugoni placet) cōseruas. **VEL CONSIDERABO VIAS**
TVAS actiuæ uitæ, in qua nunc maneo: ita ut non modò operator, sed
etiam contemplator esse uelit. Nam ipsa quoq̄; uita actiua non solum ope-
ratur, uerū etiam ad illum modum suas cōtēplationes ex parte habet,
sicut cōtēplatiua operibus minimè denudata est, tametsi ut plurimum
contempletur, non secus ac si dicat, tua quoq̄ gratia, qua mūdatus sum,
rursus **exercebor** à te domine, qui peccatorum animas exerces: et quasi
per gradus omnes prædestinatos ijs uijs ad te trahis, quas ego contem-
plari nun, uan dēſinam, sic enim purificata uita, ad penetralia intelles

Et tu domine nos pœnitentes perducis, vias tuas in primis ostendens, quibus non modo ad fidem uenire inspiras, sed & cooperatione, ex fide in fidem, atque ex opere in opus animas trahis: elisos deinde pœnitentia erigis, ac noua gratia in statu innocentiae conseruas: & idcirco

IN IUSTIFICATIONIBVS TVIS MER

DIT ABOR, vt in illis animam te operante cooperando exercere possim, & ubi propter fragilitatem humanam iterum peccaui, non obliuiscar sermones tuos, quibus nos doces, ut post unumquodq; peccatum euestigio nos peccasse doleamus: quod pauci ante maeruerunt, putantes plerumq; rem satis incondentem esse, ut euestigio post peccatum ad Dei misericordiam recurramus: obliti ad ostium domum stare, immo et pulsare, ut peccator ianuam cordis adaperiat ei. Verba prophetæ rursum obserua lector, cum ais, Non obliuiscar sermones tuos, quia etsi quisquam peccando Dei obliuiscatur, illum tamen obliuisci nunc ostendit, qui non solum peccat, sed deinde in obstinatione perit. Sic enim & alibi idem Dauid uocem illam, oblitus, pro eodem usurpat, inquit: Erraui sicut ouis quæ perijt: quare seruum tuum, quia mansdam tua non sum oblitus, intelligens ut tunc omnium sermonum uel mandatorum non obliuiscamur, quando nos peccasse pœnitet. id planè contemplans quod iohannes dixit: Filioli mei hæc scribo uobis ut non peccetis, sed si quis peccauerit, aduocatum habemus apud patrem, Iesum Christum iustum, & ipse est propitiatio pro peccatis nostris, tamen si septuagies septies peccemus. Quibus iam uides, qua arte & melodia singula quæ Theologi ueram contritionem continere prædicant, in his octo uersibus psaltes concluderit. An autem forma tradita in cap. Omnis utriusq; sexus, diuino præcepto introducta sit, suum partem cularem habebit locum, ubi fusissimè hoc tractabo. Non quidem disputare, sed potius uerba explicare, meum hic institutum est.

TERTIVS OCTONARIVS.

CG GIMEL :

Latine retributio, plenitudo.



LITERAM hanc, retributionem simul & plenitudinem significare omnes confirmant, sed quam retributio sit, uarie sentiunt. Putant namq; pleriq; ex illis, ut idem iunior, qui (ut quibusdam placuit) in secundo octonario adhuc non peccauerat, in hoc tertio fidem & gratiam adaugeri petat: ut sermones Domini, per quos iunior uiam suam corrigit, custodiat. Tu uero, qui saniozem opinionem alteram fuisse uidisti, nempe ut iunior ille peccauerit: dic nil aliud prophetam in hoc octonario agere, q; peccati iterum commissi ueniam petere, quod est retribuire, prout litera significat: & hoc quidem, ut deinde legem, quæ ipsius obiectum est, reuelatis oculis ob peccatum obs tenebratis, à morte in qua erat, in uitam rursus resurgens, & seruare & contemplari queat. sic enim intelligendo, altera significatio literæ Gimel impletur, quæ plenitudinem gratiæ significat, dum non ser mel, sed sæpe nos ad poenitentiam adducit. Diuiditur autem in partes duas, quarum prima usq; ad uerba, illa incolae ego sum, se extendit: in qua dona sapientiæ, scientiæ & intellectus petit, quæ ignorantiam nostram, propter quam in peccato cæci permanemus, auferunt. In secunda uero cum Deo loquens, sex rationes, propter quas hoc sperat, addit, non quod ipsi Deo notæ non sint, immo potius ut Deo obtemperet, qui ab homine hoc exigit, ut id quod Deo notum est, ore proprio obsecrando narret, sicut scriptum est: Reuela domino uiam tuam, & spera in eo, & ipse faciet.

Gimel . **RETREIBVE SERVO TVO, VIVIFICA ME, ET CVSTODIAM SERMO**

NES TVOS.

Gimel 2 REVELA OCULOS MEOS, ET CONSIDERABO MIRABILIA DE LEGE TVA.

Gimel 3 VINCOLA EGO SUM IN TERRA: NON ABSCONDAS A ME MANDATA TVA.

Gimel 4 CONCVPIVIT ANIMA DESIDERARE IUSTIFICATIONES TVAS IN OMNI TEMPORE.

Gimel 5 INCREPASTI SUPERBOS, MALEDICTI QUI DECLINANT A MANDATIS TVIS.

Gimel 6 AVFER A ME OPPROBRIUM ET CONTEMPTUM: QUIA TESTIMONIA TVA EXQUISIVI.

Gimel 7 ETENIM SEDERVNT PRINCIPES, ET ADVERSUM ME LOQUEBANTVR, SERVVS AVTEM TVVS EXERCEBATVR IN IUSTIFICATIONIBVS TVIS.

Gimel 8 NAM ET TESTIMONIA TVA MEDITATIO MEA EST, ET CONSILIUM MEVM IUSTIFICATIONES TVAE.

1 RETRIBVE SERVO TVO, VIVIFICA ME, ET CVSTODIAM SERMONES TVOS.

Cum vox ista, retribue, quatuor sensus habere possit, primum ut malis mala, alterum ut bonis bona iustus Deus retribuatur: tertium, ut malis quoque bona misericors Deus elargiatur:

& quartum, ut mala bonis satanam facere permittat: hinc illi qui tes-
 nent Prophetā non peccasse, secundo modo notulam hanc interpretans
 tur, dicentes; **RETRIBUE**, id est præmium bonorum operum iustis
 da. quasi innocentis conscientia sit, quempiam ab eo cui seruit, merces
 dem petere, ut Petrus Domino dixit; Ecce reliquimus omnia, & se-
 quuti sumus te: quid ergo erit nobis? Alij uerò secundum quintum sens-
 sum hunc in modum Prophetam locutum esse censent: Tu qui non im-
 das sicut homo dat, nempe ut ab obligatione te eximas, sed rursus
 habenti dones: **Retribue**, id est adauge fidem, dona, atq; iustitiam, in
 qua secundum mensuram mihi condonataim uiuo. Nos autem quā illos
 sequimur, qui iuniorem peccasse defendunt audacter dicamus, Prophe-
 tæ scopum hūc esse, ut à secundo usq; ad quintum octonarium nil aliud
 agat, q̃ ut peccatorem illum, qui septuagies septies peccauit, modumq;
 quomodo conuerteretur ostendat: & cum ait, **Retribue seruo tuo, uiuifica**
ea me, & custodiam sermones tuos, in hunc modum orēt: O domine
 tu qui mihi mortuo iam propter peccatum, per aduentum gratiæ tuæ in
 primo octonario uitam dedisti: iterumq; cum peccando in secundo octo-
 nario perissem, & dicerem, in quo corrigit adolescentior uitam suam?
 me per pœnitentiæ donum uiuificasti: nunc quod denū peccauit, **RE-**
TRIBUE, id est rursus eandem gratiam pœnitendi tribue, quemad-
 modum uerbi retribue atque literæ gimel significatio docet. **SERVO**
TVO, redempto sanguine dilecti filij tui. & qui saepe mihi uitam des-
 disti, iterum **VIVIFICA ME** per aduentum gratiæ tuæ, quā bono in
 uita beatam uitam ducendo uiuit, Ioannē teste, cum ait, Gratia Dei,
 uita æterna. Hic Germanus sensus, ut in uia iustificari, non autem
 æternam salutem poposcerit, siquidem post uitam habitam sermones
 Domini se custoditurum spondet, quod uita comite consummatur, ut
 sequitur: Et cum hunc in modum uiuificatus fuero, **CUSTODIAM**
SERMONES TVOS. qui semota gratia, à nobis custodiri
 non possunt.

¶ REVE

REVELA OCVLOS MEOS: ET CON-
SIDERABO MIRABILIA DE LEGE TVA.

Cum ipsa quoque uita actiua contemplationi uacet, sicuti iamdudum dixi, Propheta, qui bis uiuificatus fuerat, atque experientia didicerat non posse hominem, donec in peccato est, legem meritorie scrutari: non modo peccatum denuo commissum sibi remitti petit: sed etiam ut ei lumen uerum condonetur, quo Dei mirabilia considerare possit per Christum, qui sua passione uelum fregit, & omnia reuelauit: uerbo hoc utens, REVELA, quod est contrarium uerbi, uelo. oculos illorum tergendō, qui natura cæci non sunt, sed propter multa uelamina in tenebris ferme uiuunt. Reuela igitur OCVLOS MEOS mentis obcæcatos propter peccatum commissum, quia tenebræ obcæcant oculos. sed quid petit, cum ait, Reuela oculos meos? Da donum intellectus inquit. Præpara tu domine hunc in modum animam meam: quandoquidem sola gratia tua uoluntas hominis (ut Augustino placet) ad bonum præparatur præcedente aliqua cognitione ueritatis: ad quam minimè secundum naturam possumus peruenire: sed per donum sapientiæ tuæ, quæ intellectus & scientiæ dona in se continet: quibus spiritus sanctus hominis mentem illustrat. A te Domine sapientiam hanc peto, qui affluenter ipsam das omnibus, qui in ueritate nihil hæsitantes petunt eam. & hoc quidem ut illa duce oculi reuelati, mirabilia de lege tua considerare possint. ET, cum oculos (multifariam uelatos) reuelaueris, quasi onager in spatiois sermonum tuorum pratis percurrrens, CONSIDERABO oculis intellectus MIRABILIA DE LEGE TVA. mihi nunc uelam. At dices, quod uelum in lege adest? Primum, quia usque in hodiernum diem id ipsum uelamen in lectione ueteris testamenti manet illis, qui euangelicam legem non acceperunt, minimè auferendum, donec conuersi fuerint ad dominum. Velum item uerbi incarnati, per Ecclesiam Christi perfectè Angelis reuelatū. Velum præterea carnis Christi uerbum uelantis, quando post aduentum Christi, antequam spiritus in nobis res

gnare inciperet, Christi caro uerbi uelum erat. Verba quoque suam passionem significantia, uelata (sicut Lucas testatur) erant, ita ut Apostoli quoque certis temporibus ea quæ carnis, non autem ea quæ spiritus erant intellexerint, fuerat enim cor Dauidis in aduentu fidei reuelatum: sed quia per peccatum iterum illud obscurauit, ut iterum reuelatur orat. At dices, cur is, qui actiue uitæ uacat, tantoperæ legem scrutari optat? nempe ut à peccatis exutus, scrutando legem, mirabilia in lege contenta expendat: illisque perceptis, intelligendo & amando ipsi Deo coniungatur. sic enim summo bono in lege concluso scrutando fruimur: quandoquidem intelligentia causa est amoris: amor uero, custodiæ legis: custodiæ legis, peccatorum exclusio. Ad quæ animaduertens Glossa, & Augustinus, dixerunt, minime nos sermones custodire per obedientiam posse, nisi illorum intelligentia præcedat. Hæc enim ubi hunc in modum explicantur, literæ gemel proprietatem alteram satis elaram ostendent, quæ plenitudinem quoque significat: non illam quam Christus solus habuit, aut illam Mariæ, quæ gratia plena fuit, uel stephani, sed magis ut gratiæ plenitudo quædam in uia sit totiens hominem peccatorem ob peccatum mortuum uiuificare.

3 INCOLA EGO SVM IN TERRA. Hæc secunda pars octonarij est, in qua animaduertens Prophetæ, quod in ijs qui cadunt ex debilitate naturæ, malum est perseuerare: quanquam peccauerit, sex rationes sibi coram Deo proponit, propter quas ea quæ paulò antea dixerat, debeat sperare, inquiens: Peccaui, mi domine, non tamen in peccato obstinatus uiuo: & scio quod tu qui custodis aduenas, patribus nostris peccatoribus à longe salutantibus, ac tanquam peregrinis in hac terra ambulantibus, mandata tua penitentiae minime abscondisti. Aspice igitur quoniam EGO quoque INCOLA SVM IN TERRA, id est ueluti peregrinus in terra: uita hæc tanquam transitoria utor, cœlestem Hierusalem perpetuò inquirens. tu igitur Domine qui isthæc nosti, & sæpe idcirco nos peccare permittis, ut cognosca-

mus egere nos gratia tua, NE ARSCONDAS A ME in futurum MAN DATA TVA . quasi ys mandata Dei abscondita sint , qui terrena ius giter sapiunt, non autem illis, qui tanquam peregrini hac terra utuntur: Magnum quippe prædestinationis signum, cum anima in medio peccatorum consislens, peregrinam se agnoscens, oculos tollit, & domum propriam in cælis quærat interea, dum in aliena manet. Contra uerò, quando obdurati homines perpetuò oculos solo fixos tenent, terrâ pro obiecto habentes, qua in uita fruuntur, ut subtus terram anima & corpus perpetuò post primam mortem in barathro inferni flammis exurant . Hæc prima ratio est : sequitur secunda .

4. **CONCUPUIT ANIMA MEA DESIDERARE IUSTIFICATIONES TVAS IN OMNI TEMPORE.** Magnam admirationem Augustino uerba hæc faciunt, quomodo esse possit, ut quispiâ concupiscat desiderare, & unum assequatur, nimirum concupiscere desiderare : alterum uerò non, scilicet desiderare . siquidem in spiritu hæc duo, non autem in carne consislunt, ut spiritus aduersus carnem concupiscat . Turum item ei uidebatur, duo & non unum esse : quodq; desiderium iustificationum, non autem ipsas iustificationes concupiscat : quoniam dum desiderium earum concupisco, ipsas uideor concupiscere, Augustinus ait. Quibus factum est, ut ipse & alij diuersè uersum hunc interpretari cœperint, dicentes animam concupuisse in præteritum, antequam opere, aliquando iustificationes obseruasset, desiderare iustificationes ipsas . pro quo afferunt præcedentia uerba, incola ego sum in terra, post implementum iustificationum fuisse prolata . ponderant præterea & illa, seruus autem tuus exercebatur in iustificationibus tuis . Quæ opinio & si uera sit, literæ tamen, ut puto, non congruit, quæ Prophetam post seruatas iustificationes iterum cecidisse ait . Rursum quia alium sensum loci quos ponderant, habent, sicut eisdem in locis dictum fuit . Augustinus uerò in hanc sententiam inclinat, quod sicut est dare

uoluntatem bonam & malam, æque possumus odio habere concupiscen-
 tiam malam, & diligere concupiscentiam bonam, per quam homo iustis-
 ficationes seruat, uel illas odio habet, ad quem modum desiderium bo-
 num concupiscimus, quo caremus. Qui quidem sensus optimus in se est,
 ut quispiam possit optare desiderium bonum, eo nimirum modo, quo
 infirmus appetitum optat. sed minimè ex hoc prophetæ mentem com-
 prehendimus intelligentes, cur uerba hæc dixerit. Ambrosio autem, &
 ijs qui ipsum sequuntur, placuit idcirco uerba hæc geminata fuisse, ut
 plenissimam uoluntatem seruandi iustificationes demonstrent, quemad-
 modum alibi iesus dixit: Desiderio desiderauì hoc pascha mādūcare uos
 biscum, quasi eo modo, quo plus est uita uiuere, quàm uiuere: sic plus
 sit concupiscere desiderare, quàm simpliciter desiderare, ipsarum uis
 delictet iustificationum prouentum: quod plerumque ob charitatem, quæ
 ardens non est, in sola concupiscentia manet: infirmi conualescentis in-
 star, qui id quod optat, perficere nequit: quandoquidem iustificatio-
 nes coram nobis præsentis adsunt, sed illas sæpiuscule ignoramus: sæ-
 pe uerò & si illa cognouerimus, minimè seruamus: quoniam (ut Au-
 gustinus ait) præuolat intellectus, sequitur autem tardus uel nullus
 effectus, ob quæ possumus illa quibus caremus, concupiscere desideras-
 re. Tu uerò Ambrosium sequens, præter ea quæ rectè ponderat, con-
 sidera prophetam, qui secundo cecidit, cum uitam peteret, uerba hæc
 CONCVITUIT ANIMA MEA DESIDERARE pro ratione assignas-
 se, quare rursus à Domino erigi sperabat: non secus ac si diceret, cur
 tam diu paucio? non'ne ille sum, qui in flatu iræ dixi, Tu mandasti
 mandata tua custodiri nimis: Utinam dirigantur uite meæ ad custodien-
 das iustificationes tuas? In flatu uerò gratiæ, iustificationes tuas cus-
 todiam: non me derelinquas usquequaque? Rursus & postquam pecc-
 caui, & à gratia cecidi, in octonario secundo, In toto corde exquisi-
 fui iustificationes tuas: ita ut omni tempore anima mea à spiritu tuo
 nunc mox, nunc uerò & concomitata, iustificationes tuas, quas non

seruabam, desiderare saltem ut eas seruarem, concupiuerim magnum desiderium seruandi legem coniunctione horum uerborum ostendens, sicuti recte Ambrosio placuit. Quæ cum ita se habeant, cur nunc paruebo? Scis enim Domine non posse me post peccatum meritorie iustificationes tuas diligere: quandoquidem motus meus, qui te animam mouente secundum naturam operatur, non potest absque te supernam sapientiam tuam ex toto corde diligere, qua præuia tum iustificationes, tum etiam contenta in iustificationibus tuis opere redamamus. id plane quod meum erat feci, nempe ut te mouente cor meum, dilectione humana anima mea omni tempore desiderare concupierit iustificationes tuas: non desiderium concupiscendo, sed potius secundum Ambrosium, immo expressa prophetæ uerba, ut ipsas iustificationes concupiuerit: ita quidem, ut concupiscentia & desiderium naturæ, quibus animam præparauit, in finibus magni desiderij permanferit, quod retinebam futuri aduentus sapientiæ supernæ: nempe ut superna atque humana sapientia conglutinatis, opere meritorio iustificationes tuas seruarem. Nil certe ultra tentare potui quam feci, ut desiderare concupiuerim. Tuum igitur est, ut supernam sapientiam infundas, quæ mecum habitet, & mecum laboret, quemadmodum per os sapientis promisisti, quando dixisti, Præoccupat qui se concupiscunt, ut illis se priorem ostendat. Qui de luce uigilauerit ad illam, non laborabit. Hoc equidem firmissima spe expecto, quoniam & si gratia, necessitate coactionis minimè hominis præparationem sequatur: ex necessitate tamen infallibilitatis, seu immutabilitatis, secundum quod est à Deo, non autem secundum quod est à nobis, præparationem nostram sequitur. Noui Domine unumquemque nostrum ad gratiam tripliciter disponi, per opera scilicet legis à peccato retrahentis, per opera charitatis animam sanantis, & per opera humilitatis Deum lenientis, quæ cum homo ipse præstare non possit, hoc saltem præstare debet, ut à Deo motus concupiscat iustificationes suas desiderare, id est in to-

eo corde sapientiæ suæ supernæ aduentum præstolari, illamq; in iustificationibus suis uelatam exquirere. Nam minimè iustitia in eo manset, in quo uera sapientia superna non adsit. Hæc itaque confiderans, quod potui feci, ut concupiscerem desiderare IUSTIFICATIONES TVAS, uerè tuas, siquidem tua magis opera coronas, cum opera nostra coronas, & hoc non semel, sed IN OMNI TEMPORE, quemadmodum supra dictum fuit, concupisco & nunc: nec dubito quin eadem misericordia à manu satanæ animam meam eripiat, ut te summo bono fruatur.

5 **INCREPASTI SUPERBOS** protoplastos: angelos uerò maledixisti: ut ostenderes, non omnes peccatores perpetuò à te maledictos esse: eò qd hi dumtaxat MALEDICTI sunt, QUI DECLINANT A MANDATIS TVIS. hoc est, qui neq; mandata seruant, neque ullo unquam tempore illa non seruasse pœnitent, sicut scriptum est, maledictus omnis, qui non permanserit in omnibus, quæ scripta sunt in libro legis, ut faciat ea, inter quæ ipsa pœnitentia adsit: à qua ubi declinauerimus, tanquam obstinati maledicti sumus, perinde ac si dicat, minimè ambigo, quin dona à me narrati adueniant, quibus, cum protoplastus pœnitendo, iustificationes tuas seruare queam: quoniam inter obstinatos angelos, & peccatores homines longè interest: quandoquidem obstinati angeli maledicti sunt, & qui illos imitantur: peccatores uerò protoplastos Deus increpuit, terram maledixit, & pœnitentiam illis sua gratia reliquit, quam & nobis protoplastorum filijs dedit: quem admodum in historia Adami patet. Quod si ita est, cur timebo? Et est tertia ratio, per quam animam ad sperandum impellit, minimè obstinatum se esse censens, ut cum patre diabolo in maledictione uiuat.

6 **AUFER A ME OPPROBRIVM ET CONTEMPTVM, QVIA TESTIMONIA TVA EXQUISIVI.** Ambrosius & Augustinus occasiorem dederunt, ut alij dicant, Aufer à me contemptum & opprobrium,

quod propter te ea de causa audio, quia testimonia tua, id est martyria à te præcepta, ut propriam crucem tollamus, exquisiui: quæ sententia uera in se est, quando re ipsa hodie experimur sectam Anabaptistarum quadam in Ciuitate Vvesfaliæ alio nomine Monasterium dicta, Apostolos & Martyres eam ob causam irrisisse, quia martyria pati pro Christo elegerunt. Extraneus tamen intellectus iste à materia octonarij istius, tum ea ratione est, quia de ipsa hominis resipiscentia agit, tum etiam quia propheta post ingressum uitæ contemplatiuæ, non autem in actiua has afflictiones narrat. Alijs uero placuit, ut ecclesia loquatur: & hoc magis absurdum penes me esset, ubi literam claram habemus, uelle ijs transgressionibus uti, ut modo propheta, plerumque iustus homo, sæpe Christus, & sæpiusculæ ecclesiæ neglecta pastoris huius methodo loquatur. Noui quidem prophetam ecclesiæ uel populi uice, aut e contrario multa narrare, sed hanc libertatem tunc admittimus, quando perspicue pro illis prophetam loqui cernimus: uel aliter litera recte explicari non potest: non autem ut perpetuo liceat ad libitum prophetæ uerba confundere. Dionysius uero prophetam ne alijs ipse opprobrium inferat, orasse affirmat: uel quod illud opprobrium, quod perpetuo in demonijs, temporaliter uero in protoplaslis permansit, dominus amputaret. Qui quidem intellectus ad limina usque ueri sensus peruenit, non tamen in domum intrauit. Quocirca dic, O domine, memor sum quando primi parentes ob superbiam ceciderunt, & opprobrium nuditatis suæ intuentes, ex folijs ficus fecerunt sibi perizomata: proprijque opprobrij conscij, à te uocati, quia sapiëntia quoque sua denudati erant, se absconderunt: sed tu Domine misericordiarum plenus, per fidelem penitentiam opprobrium eorum deinde abstulisti, AUFER igitur A ME fides lissimo seruo tuo per gratiam in animam meam infundendam, qua nos ad penitentiam adducis, OPPROBRIVM quod propter peccatum pati promerui, & gratiam tuam infunde, qua comite ad te uenire non erubescam. Et, hunc in modum CONTEMPTVM MEVM, qui te cons

temnens, à te contemptus sum, sic enim spero mi dominè, **QVIA** cum protoplastis te me uocante ad pœnitentiam, non fugi, sed **TESTIMONIA TVA EXQUISIVI**. id est diligenter concupiscendo desiderare quæsiui, quod meum erat feci: neque aliud superest, nisi ut id quod bonitatem tuam decet, præstes, quemadmodum paulò ante dictum fuit: Hanc quartam rationem alijs addendo, ut maiora ipse debeat sperare, qui Christum in testimonijs contentum exquirat, q̃ protoplasti fugientes obtinuerint: quoniam prope est dominus omnibus inuocantibus eum, & preces eorum audiet.

- 7 **ET ENIM**, quæ uox sequentia prioribus coniungit: quasi (quos rundam sententia) dixerit, ydem **PRINCIPES**, qui me martyrium inquirentem deridebant, sederunt. Tu autem dic, ydem principes, numerum inferni, qui primos parentes modico spatio tentarunt ac uicerunt, **SEDERUNT** in hac tentatione mea longiori tempore me tentando. **ET ADVERSVM ME**, id est animæ meæ perniciem **LOQUEBANTVR**, mundi huius delicias pollicendo: sed nō tam repente ego succubui, sicut illi fecerunt, quoniam **SERVVS TVVS** à iesu redemptus, ac iustitiæ tuæ seruire dedicatus, in medio tentationis **EXERCEBATVR** IN **IUSTIFICATIONIBVS TVIS**. uoce passiuæ: ut gratia Dei, quam tentationis tempore secum habebat, aliquo temporis curriculo tentationibus se restituisse ostendat, quam ob causam plus quàm illi hac quinta ratione ueram pœnitentiam, tanquam ille, qui gratia Dei collectis uiribus certauit, præstolatur.

- 8 **NAM ET TESTIMONIA TVA, MEDITATIO MEA EST: ET CONSILIUM MEVM, IUSTIFICATIONES TVAE.** Voces has **NAM, ET**, quæ coniunctiones sunt, subnectens, ut præmissis noua addat: non secus ac si dicat, non solum tempore peccati restiti, uerum etiam **TESTIMONIA TVA** scripturarum, **MEDITATIO MEA EST**, præsentis tempore loquens, quasi semper meditatio sua fuerit, a

rint : à quibus consilium pœnitendi cepit , ut sequitur , **ET CONSILIVM MEVM** , **IUSTIFICATIONES TVÆ** sunt , quæ spiritu tuo in illis contento inspirante , ad pœnitentiam me uocant : palam testificans , omnia dona præcetera , omne consilium & robur ab ipsa lege prouenisse , quæ animam instruit , gratiam petens , quæ uigorem illi , ut seruetur tribuat . Hic uerus literæ sensus est , Prophetæ methodo consentaneus , qui peccatorem septuagies septies peccantem , qua uia resurgat ostendere usque ad octonarium quintum elaborat : non autem ut iustus homo augmentum uirtutum et donorum petat , de quibus infra fusiùs tractat . Hunc igitur intellectum eam præsertim ob causam amplectamur , quia si octonarium hunc non de peccatore , sed de iusto homine loqui diceremus , dissonantia quædam auribus obstreperet , præsertim ut Ecclesia dicere incipiat , **Aufer à me opprobrium & contemptum** , quia testimonia tua quæsiui . Deinde uerò solus David subiungat : **Seruus autem tuus exercebatur in iustificationibus tuis** , aptius certè fluentem literam omnium quatuor octonariorum interpretabimur dicendo , Dauidem post peccata perpetuò esse locutum : quemadmodum in sequenti octonario apertius patebit . Et denique eam ob causam hunc sensum amplecti compellor , quia sub litera Gimel sumus , quæ tum retributionem , tum plenitudinem significat : & aliter intelligendo , ipsam plenitudinem non adeò amplam inueniremus .



QUARTVS OCTONARIVS.

CD DALETH 7

Latine timor, natiuitas. Tabularum.



V O literam hanc significare multi contendunt, timorem nimirum, & natiuitatem, quæ ambo in timore, qui initium sapientiæ præbet, comprehenduntur, sicuti Hugoni placet. Nos autem dicamus timorem à lege factorum prouenientem tabulis sculptam, quæ uias nostras malas ostendit, per natiuitatem gratiæ in lege fidei contentæ excludi: quandoquidem non aliam ob causam utraq; legem sibi proponit, nisi ut per alteram timore refertam instrueretur: per alteram uerò, quæ omnem timorē foras mittit, adiuuaretur. Non quidem hunc germanum esse sensum negare poterit, qui admirandam huius diuini poetæ artem obseruauerit, super ipsa uoce uiarum dormitando, atq; currendo ferme in omni uersu poetarum more ludentis: modò pauimento, modò uerò legi euangelicæ hærens, quemadmodum in ipsa contextus explicatione paulò post dicemus, Finem imponens actiui uitæ, in qua huc usq; ambulauit. Diuiditur autem in duas partes. In prima usq; ad uersum octauum uiuificari se & conseruari obsecrat. In secunda uerò, quid charitas in eius aduentu operata fuerit, narrat.

Daleth 1 ADHAESIT PAVIMENTO ANIMA
MEA, VIVIFICA ME SECVNDVM
VERBVM TVVM.

Daleth 2 VIAS MEAS ENVNTIAVI, ET EXAV
DISTI ME: DOCE ME IUSTIFICA
TIONES TVAS.

Daleth 3 VIAM IUSTIFICATIONVM TVARVM

INSTRVE-ME: ET EXERCEBOR
IN MIRABILIBVS TVIS.

Daleth 4 DORMITAVIT ANIMA MEA PRAE
TAEDIO, CONFIRMA ME IN VER-
BIS TVIS.

Daleth 5 VIAM INIQUITATIS AMOVE A ME,
ET DE LEGE TVA MISERERE MEI.

Daleth 6 VIAM VERITATIS ELEGI, IVDITIA
TVA NON SVM OBLITVS.

Daleth 7 ADHAESI TESTIMONIIS TVIS DO-
MINE, NOLI ME CONFVNDERE.

Daleth 8 ¶ VIAM MANDATORVM TVORVM
CVCVRRİ: CVM DILATASTI COR
MEVM.

1. ¶ ADHAESIT PAVIMENTO ANIMA
MEA, VIVIFICA ME SECVNDVM
VERBVM TVVM.

Cum ante aduentum gratiæ, se quasi sub statu noctis, absq; luce, in
lege factorum plena timore uitam duxisset. Propheta expertus fuisset,
deinde uerò gratia adeptus, per quam à peccatis mundatus fuerat, se se
in uia beata certo tēpore ambulasse, ac deinde sæpe cecidisse, itidem &
per pœnitentiam, ad quam gratia Domini adducimur, surrexisse: mul-
titudinem peccatorum, quæ quotidie committebat, secum ipse commes-
morans, desperatus iam de uiribus proprijs, perinde ac si in statu iræ
sub lege factorum (quæ propria peccata duntaxat ostendebat) uitam
duccret, à Domini spiritu expergescit, sic ait: ANIMA MEA, gras-
tia quoq. nunc denudata, quasi lapsa ob peccata commissæ, ac impotens
se sustinere, tametsi sæpiusculæ uiuificata fuerit, tandem ADHAESIT
PAVIMENTO. Sed quid per pauimentum intelligitur? Terreos lapides

quidam esse respondent : quasi metaphora ista terrenas diuitias munus
digni delicias , ac propriam carnem , quibus hactenus hæserat ; ostens
dat . Alijs uero placet , hoc modo propriam humilitatem demonstras
re . Tu autem dic per hanc notulam pauimenti , id demonstrari , quod
alia uoce crusta dicitur , quæ in domibus , in quibus habitamus , inter
terram & pedes nostros esse solet . sed cur crustam dixit ? ut per hanc
metaphoram statum iræ legis factorum declararet , in quo propter fre
quentiam peccandi adhuc se manere uerebatur , proprium timorem
ostendens , ne pauimentum , cui adhæsit , iam iam aperiretur , eoq; apers
to in infernum , quem lex factorum subitus se ostendit , intret . sed ro
gabis iterum , quomodo pauimentum lex ipsa erit , quod inter pedes
& infernum medium stet ? Ego uero legem factorum ; ea de re infer
ni pauimentum esse respondebo , quia instructio hominis est , peccatum
ei & pœnas ostendens , à quibus præcauere possit , ne frangendo les
gem in infernum intret . Plena sanè timoris lex illa factorum est , quæ
prophetam iugiter cruciabat , ne pauimento hoc fracto (sicut quotidie
legem se frangere conspiciebat) in infernum denique intraret , quam
ob causam secum ipse isthuc contemplans , sibi coram domino loquens
ait : Lex factorum ira referta , & ad mortem me condemnans , sic
mihi per momenta peccata & pœnam ostendit , ut infernum me pros
tinus intraturum persæpe uidere uidear : & ideo tu Domine , qui
misericordiarum plenus es , ac statum in quo sum cernis , gratiam
tuam præsta , & **V I V I F I C A M E** propter peccatum spiritali
liter iterum mortuum , ne respicias multitudinem peccatorum meorum .
Age mi domine , ne sic uitam ducam , sicut homo lapsus in terram pros
iectus illi hæreere statuit : sed uiuifica me **SECUNDVM VERBVM**
TVM per os Prophetæ enunciatum , quando dixisti , Quoties inges
muerit peccator , non recordabor amplius iniquitatum eius . Non quis
dem absque mysterio , quoties , dixisti , ut ostenderes non septies , sed
septuagies septies absq; numero te nobis penitentibus ignoscere uelle .

secundum uerbum tuum præterea, incarnatum: ut gratia id in me operetur, quod ipsi natura præstat. Optabat nanque, sicut multi optant, ne toties periret, ut impeccabilis fieret, secundum eloquium Dei, id est secundum Iesum Christum, qui peccare non poterat. res quidem à Christo pro nobis obtenta, sed præstanda post resurrectionem nostram.

- 2 **VIAS MEAS ENVNTIAVI, ET EXAUDISTI ME: DOCE ME IUSTIFICATIONES TVAS.** Animaduertens propheta non posse nos neque natura sanctos esse, neque per primam gratiam uiuificantem posse nos sine peccato usque ad mortem custodire, nisi Dei adiutorium in maiori gradu nos comitetur, ut usque in finem perseueremus: post orationem in præcedenti uersu Deo oblatam, ut secundum uerbum suum uiuificaretur, uerba sequentia addit: **VIAS MEAS** malas peccatorum, sicut nunc facio sæpe, **ENVNTIAVI** tibi, ET, tu **EXAUDISTI ME**, animam illuminando, ac per gratiam contritionem informantem ipsam uiuificando, sed uiuificatus propria culpa cecidi, neque aliud ago, quam ut post poenitentiam quasi canis ad uomitum redeam. Tu igitur Domine, cui hæc imperfectio mea nota est, non solum uiuifica, sed **DOCE ME** nunc sic opere custodire **IUSTIFICATIONES TVAS**, ut iterum non cadam, da perseuerantiam usque in finem: & per eam doce me perpetuo iustificationes tuas seruare: non quidem aliter animam meam in statu gratiæ usque in finem solus conseruare possum.

- 3 **VIAM IUSTIFICATIONVM TVARVM,** quæ timorem excludunt, & gaudium præstant, **INSTRUE ME**, tu qui dulcis & rectus es domine, qui dirigis mansuetos in iudicio, & mites uias tuas doces. sed quid isthuc erit? num ut qui doctus paulo ante fuit, rursus nunc instruatur? Huic quæsito Ambrosius respondet gradus quosdam iustificationibus inesse, quid prius quid ue-

posteriorius in ijs quæ operamur, esse debeat, ne præpostere agendo peccemus: quandoquidem scire quid facias, & nescire quomodo facias, perfectæ cognitionis nequaquam est. In quo tamen ordo consistat, tacet. Hieronymus uerò considerat, donum quod petit; fuisse duplex, intellectus nimirum & scientiæ, & cum in præcedenti uersu dixit, Doce me, scientiæ donum in intelligendo literam petiisse: cum uerò nunc dicit, instrue, donum intellectus, cuius ope spirituales sensus in litera contentos perciperet. sed quæram ego à Hieronymo, num quando Propheta in præcedenti uersu dixit, doce me, sic orauerit, ut in sola intelligentia res consisteret? Non sanè, eò quod domino docente, qui audit, discit, ac discendo ad Iesum uenit, ut secum maneat: itaq; iustificationes seruauit. Atqui dices, Quid igitur tu sentis? Prophetam, qui hic dicit, instrue me; haudquaquam dona diuersa, sed effectus donorum diuersos considerasse, perinde ac si dicat, Vias meas, in quibus secundum naturam & legem factorum ambulo, enuntiavi tibi, & tu docuisti me seruare iustificationes tuas, non ut solus pergerem, quin potius ut gratiæ cooperatore essem. Tu igitur domine, qui docuisti me VIAM IUSTIFICATIONVM TVARVM, quæ in lege euangelica continetur (prout in sequenti octonario declarat) sic INSTRVE ME, ut tu sis ordinator & dux mentis meæ, absque quo iustificationes tuas solus seruare nequirem: quod quidem intellectu practico cooperari magis est, quam intellectu speculatiuo intelligere, uti Hieronymus censuit. ET, si hunc in modum directus fuero, EXERCEBOR, uoce passiuæ, qua semper utitur, dum de ipsius animæ exercitio agit, quasi dicat, à te qui me ducis, exercebor in operibus à te præparatis sponte ambulando: cum non uos lentis neq; currentis, sed misereantis Dei sit, à quo exercemur. sed in quo exerceberis? IN MIRABILIBVS TVIS à te creatis et factis (sicut quidam sentiunt) tu autem dic, in mirabilibus, id est operibus admiratione dignis, uti Chrysost. sentit, in quibus nobiscum cooperaris, ac cõoperando admiranda præmia consequimur. At dices, num ipsa opera mis

rabilia? omnino: qua uia? gratia planè, quæ supra naturam, & idcirco admiratione digna est, efficit ut opus cooperatiū mirabile dicatur. efficit namq; ut ex parte hominis quoq; ipsum opus mirabile sit, dum ea comite id, quod natura præstare non poterat, supra naturā perficit. Vel in mirabilibus, reliqua Dei mirabilia contemplando, quod Prophetæ propositū erat, qui in uitam contemplatiuā in sequenti oratorio intrare properat.

4 **DORMITAVIT ANIMA MEA PRÆTÆDIO, CONFIRMA ME IN VERBIS TVIS.** In lingua Hebræa pro hac uoce, dormitauit, ponitur *dalaph*: ob cuius uerbi significationem Hieronymus uertit, distillauit anima mea præ stultitia: id est, anima mea distillatim. defluxit propter stultitiam, quæ me totiens ad peccandum adduxit. Christiani uiri contemplatio optima, quam in mente perpetuò retinere debemus. Cassiodorus tamen dicit hic eum de peccato acedie loqui, quasi pauiamento carnis sic hæserit, ut deinceps renuat orare: quæ opinio ea ratione non placet, quoniam acedia suo proprio significatione tristitiam de spirituali bono significat: in quod peccatum Prophetam incurrisse non constat: Et alia item ratione, quia ubi uerba stare possunt propriè, minimè sunt impropriè sumenda. Prosper uerò et Euthymius dicunt tristitiam hanc à rerum mundi solitudine effectā fuisse. Card. et Lyra idē ferè sentiūt, ponentes differentiā inter dormire, quod est pigri et dormire, quod est lapsi, seu fatigati: fortassis hoc intuentes, q̃ dormire significat hominem consuetum dormire, qui omnia negligenter agit (sicut Plauto auctore grammatici notant.) Ad sunt & alij, qui dicunt Prophetam metaphoricè loqui, quasi in longo somno expectauerit, & tædiosus propterea effectus sit: sed quale hoc tædium inde ortum ex dormitatione fuerit, non aperiunt. Tu autem Pauli memor eslo, cum ait: sic uos omnes filij lucis estis, & filij Dei: non sumus noctis neq; tenebrarum: igitur non dormiamus sicut cæteri, sed uigilemus, & sobrijsimus: qui enim dormiunt, nocte dormiunt, & qui ebrii sunt, nocte

ebrii sunt. Nos autem qui Dei sumus, sobrii simus, induti lorica[m] fidei & charitatis, & galeam spem salutis. Post quæ rursum te considerare uolo, hoc Prophetæ institutum esse, nempe ut gratiam perseverantiae usque in finem obtineat: eam ob causam dixerit **DORMITAS VIT** longo tempore (secundum uocabuli significationem, quæ in hoc à dormire in parabola decem uirginum differt, ubi utraq[ue] uox ponitur) **ANIMA MEA**, intercadum filius noctis eram in peccatis manens: lassus & fatigatus absque donis & gratia tua, pauimento habens: non solum propter peccata, uerum etiam **PRÆ TÆDIO**, aduentus gratiæ tuæ, quam inbianter expectabam, illorum instar, qui ob desiderium magnum, rem quam expectant, nunquam aduenturam putant. Tu igitur, qui bonitate tua me per poenitentiam totiens uiuificasti, & eadem bonitate motus perpetuò habenti das, **CONFIRMA ME IN VERBIS TVIS**, hoc est, ut tua gratia conseruante duce, uerba tua legis euangelicæ uerbi incarnati ore prolata deinceps custodiam, quasi dicat. sic confirma me gratia tua, ut posthac non cadam. Quod nil aliud est quàm si dicas, quòd gratia ab eo non discedat usquequaque. hoc enim in initio psalmi credidit, quando dixit, iustificationes tuas custodiam, non me derelinquas usquequaque, hoc denique petit.

VIAM INIQUITATIS AMOVE A ME ET DE LEGE TVA MISERERE MEI.

Sunt quidam, qui male uerba hæc intelligentes, putant Prophetam hic orasse, ut lex factorum aufereretur: sed contrarium dicit: nempe ut legi factorum per mortem Christi ipse moriatur, ne ultra morti fructificet: ita ut qui per legem Moysi peccatorum reus factus erat, per legem fidei poenitentia duce ipsi Deo reconciliaretur. **VIAM INIQUITATIS**, id est legis factorum, quæ propterea iniqua dicitur, quia iniustitias & poenas ostendit, augetque, quas deinde non tollit, quin potius occasione accepta supra modum peccans peccatum per mandatum sit, **AMOVE A ME**, non quòd legem è medio auferas, quandoquidem

lex bona & sancta est, sed ut gratia tua illi addita, uia iniquitatis ex
inde non sit, immo potius uia ad gratiam atque salutem, prout data
est, uirtutem erudiendo, nequitiaq; aduersando: itaq; tanquam om
nis æqui atque honesti magistra, modum ostendat, secundum quem in
iustitia uiuere debemus. Continet nanque lex ipsa duplicem uiam, al
teram scilicet, quæ iniquitatis (occasione accepta, non autem data) esse
potest: alteram uerò, quæ in finem gloriæ æternæ nos dirigit. Quas
uias intuens Propheta, minimè dicit, legem factorum amoue à me:
sed, uiam iniquitatis amoue à me: ut ad iniquitatem lex ipsa uia non
sit, magis autem ad salutem, quam tua misericordia das, ut sequitur,
ET DE LEGE TVA, euangelica, per quam gratia facta est, uitam
stabilem concedendo MISERERE MEI, ut spe beatam uitam ducam,
donec re æternam dabis. & quò ambas simul coniungi debere ostend
dat, sequentia uerba subnectit.

6. VIAM VERITATIS: ELEGI IUDICIA
TVA NON SVM OBLITVS.

Consueuerant Hæretici in illa Dauidis ætate legem omnino cõtemnere,
dicentes, mala arbor lex est, quæ malos fructus facit. Quibus con
tradicens Propheta, cui notum erat, non absque gratiæ pollicitatione
ipsam legem factorum per Moysen promulgatam fuisse, haudquaquam
malam esse ait: uerum quia duæ erant, quomodo amplectendæ fuerint,
sequentibus uerbis declarat: VIAM VERITATIS, id est legem euang
gelicam: quam propterea uiam ueritatis uocat, quia uerbum incarnat
um ueritatem nunciat, iuxta illud Ambrosij: Qui Christum nescit, le
gem nescit. Quomodo enim legem scire potest, qui ueritatem ignorat?
quandoquidem lex annuntiat ueritatem. ELEGI, quotiens tu gratiam
præstitisti ut eligerem, & nihilominus IUDICIA TVA in lege factor
um contenta, quibus quid facere debeamus iubes, gratia tua aduenis
ente, NON SVM OBLITVS. si quidem secundum legis euangelicæ
præceptum, quæ pœnitentiam ubique prædicat, uel gratia tua duce

legem seruando non peccaui, uel iudicia tua in lege contenta me non seruasse poenituit. At si causam quæras, cur propheta dicat, iudicia tua non sum oblitus? Respondeo prophetæ morem esse, his uerbis uti, quando poenitendo saltem non seruasse iudicia Dei, hoc modo implementum ostendit: legem fidei, legi factorum eo modo ferruminans, sicut ambæ simul, altera nimirum uerbis expressis, altera uerò sensu mystico, à Moysè promulgatæ fuerunt.

7 **ADHÆSI TESTIMONIIS TVIS DOMINE: NOLI ME CONFVNDERE.**

Observauit Augustinus prophetam idcirco sæpiuscule uti hoc uerbo Domine, ut per illud ostendat ea se loqui, quæ dominus rectè nouit, quasi dicat, Tu melius nosti domine, quomodo gratia tua, uel comite, uel saltem excitante, omni tempore, etiam peccatorum, ADHÆSI TESTIMONIIS TVIS, quæ futurum Messiam peccatorum satisfactorum nobis prædicunt, nunquam in fide hæsitans: ita quidem, ut si altera ex parte pauimento propter peccata, me hæere plenus timore uis debar, testimonijs quoque tuis futurum Messiam testificantibus hæere haudquaquam desisterim, & hoc, ut à te erectus currerem, reliquum est ut conseruer interea dum curro: quod absque gratia concomitans te consummari minimè potest. NOLI igitur ME nunc CONFVNDERE: quod efficeret, si per eundem Christum me in hac gratia non confirmares: siquidem hoc modo permitteres, me ab hostibus omni momento superari. Hactenus de ipsis precibus, quibus gratiam hanc perseuerantiæ usque in finem petijt.

8 **VIAM MANDATORVM TVORVM CVCVRRRI, CVM DILATASTI COR MEVM.** Quasi dicat, Charitatis itaque perpetuus aduentus urget, per quam omnia consummamus. Etenim cum in me aliquando aduenisset, non solum poenitendo iudicia tua non sum oblitus, uerum etiam non peccando, VIAM MANDATORVM TVORVM, in qua prius an-

te gratiam pergere non poteram, sic CVCVRRĪ, ut confusione cons-
tempnā, crucem quoq; suslinere promptus fuerim. Eodem planè modo
inter dormire & currere ludit, quo inter hærere legi factorum, &
hærere legi gratiæ, atq; in uijs ipsis suprà luserat. quasi dicat, tunc sās
nè cucurri, CVM, per aduentum gratiæ perseuerandi, usq; ad hunc
diem COR MEVM DILATASTI; ijs uerbis charitatis habitationem
commonstrans, eò quòd per illam cor dilatatur in magno statu gratiæ,
quam in uia habemus, dum abunde spiritus charitatem diffundit in cors
de nostro: semen, inquam, illud quod donec nobiscum est, peccatum,
expellit. Nouerat quidem propheta, in suam animam ipsam charitatem
à spiritu sancto diffusam fuisse: non tamen certus erat, sic aduenisse,
ut gratiam perseuerantiæ usq; in finem sibi condonasset, quapropter ut
perpetuò adsit, psaltes nunquam in sequentibus orōtionarijs orare cessat,
quasi dicat, mitte perpetuò illam defursum domine, ut mecum stet, &
mecum semper laboret: & hoc modo contemptis uijs meis, tuas absq;
peccato uiuens perpetuò amplectar. sic planè uerba hæc interpretanda
sunt, non autem ut à tentationibus & angustijs liberatus, commodius
mandata fuerit scrupatus. hoc enim in sequentibus orōtionarijs tractabit.
Quibus perspicuè iam uides, quàm abunde literæ significationem pro-
phetā explicauerit, timores à lege causatos per gratiæ natiuitatem, seu
aduentum excludendo. Hactenus de ipsa uita actiua: ad contem-
platiuam nunc nos conuertamus, quàm David tanquam
benemeritus Christi miles, qui in uita actiua gra-
tia comite strenuè certauit, intrare nunc
sperat. Hucusque secunda psal-
mi pars.



QVINTVS OCTONARIVS.

CH HE N

Latine, est, & uiuit.



QVONIAM tunc maxime Dei mirabilia contemplamur, eiusque misericordiam expendimus, quando à satana suisque filiis crudelissime affligimur: hinc propheta, qui uitam contemplatiuam ingressus est, in qua uirtutes, dona, & beatitudines, ac spiritus fructus re ipsa degustamus: ut ecclesia ex his quæ ipse in medio tribulationum obtinuit, sic certa redderetur futuri adiutorij Dei, ut cum paulo, superabundo gaudio in omni tribulatione, obfirmato animo dicere possit: proprias erunas, quas in tribus persecutionibus, saulis, Absalonis, & spirituum inferni, sustinuit, ecclesiæ in hac tertia Psalmi parte recenset. Verum quia ante huius uitæ ingressum, ad literam HE se peruenisse conspexit, quæ, est, & uiuit, significat: arma proinde, quibus ad legitime certandum opus habebat, ab eo qui est & uiuit, petijt quæ in litera continetur. sed rogabis, his auditis, cur qui perseverantiæ gratiâ in aduentu charitatis in præcedenti octonario obtinuerat, arma nunc petit, ut strenue certet? Cui quæsito respondeo, aliud esse gratiam perseverandi habere, à qua persepe decidimus: aliud uerò gratiam perseverandi usque in finem obtinere, quæ nobiscum perpetuo manet: ita quidem ut Dauid perseverantiæ gratiam se obtinuisse dixerit, & nihilominus, an perseverantiæ gratia usque in finem illa fuerit, adhuc ignoret. Diuiditur autem in partes duas. In prima usque ad uersum, Ecce concupiui, septem dona spiritus sancti aduenire obsecrat. In secunda uerò ad finem usque obediens tiam Deo in persecutione, quæ aduentura est, pollicetur, petens à Domino per Iesum Christum, qui est & uiuit, eius misericordia uis uiscari.

- He 1 ¶ LEGEM PONE MIHI DOMINE, VIAM
IVSTIFICATIONVM TVARVM, ET
EXQVIRAM EAM SEMPER.
- He 2 ¶ DA MIHI INTELLECTVM, ET SCRVS
TABOR LEGEM TVAM, ET CV
STODIAM ILLAM IN TOTO COR
DE MEO.
- He 3 DEDVC ME IN SEMITA MANDATO
RV M TVORVM, QVIA IPSAM
VOLVI.
- He 4 INCLINA COR MEVM IN TESTIMO
NIA TVA, ET NON IN AVARITIAM.
- He 5 AVERTE OCVLVS MEOS, NE VIDE
ANT VANITATEM: IN VIA TVA
VIVIFICA ME.
- He 6 STATVE SERVO TVO ELOQVIVM
TVVM IN TIMORE TVO.
- He 7 AMPVTA OPPROBRIVM MEVM QVOD
SVSPICATVS SVM, QVIA IVDI
CIA TVA IVCVNDATA.
- He 8 ECCE CONCVPIVI MANDATA TVA,
IN AEQVITATE TVA VIVIFICA ME.

¶ LEGEM PONE MIHI DOMINE, VIAM
IVSTIFICATIONVM TVARVM, ET
EXQVIRAM EAM SEMPER. placet diuo
Hieronymo ecclesiam hic loqui: & cum Bernardo sentit, non licere
priuato homini isthac petere, sed ecclesie duntaxat, quæ membra sua
habet cum Deo tanquam cum amico loquentia. Nos autem posthabita
interpretatione HieronymiC quam super Psalmis multis rationibus mis

nimè eius esse putamus) possumus nos in priuata oratione nostra cum
 fiducia Heliæ dominum obsecrare, & pro ipsa sapientia absq; hæsi-
 tatione orare. Dauidem esse eum qui orat dicimus LEGEM PONE, id est
 ostende mihi uiam præceptorum tuorum, & custodiam eam, per uesti-
 gium (secundum quosdam.) Alij uerò dum Propheta dicit, Pone les-
 gem, diuinam subaudiunt: quasi post legem æternam diuina superuenis-
 re debeat, qua altiori modo quàm per æternam in ultimum finem diris-
 gimur; ita ut his uerbis de lege Mosæica senserit. Lyra deinde Prophe-
 tæ sensum minimè pendens, quibusdam suis contemplationibus sic Psal-
 mum diuidit, ut potius lectores confundat, quàm uerba Psalmi explis-
 cet. Augustinus tamen de lege euangelica intellexit stabili positione po-
 nenda in corde suo. Et rectè: siquidem per hanc legem in primis uiam
 iniquitatis à se amoueri in præcedenti octonario orauerat. Rursum quia
 per hanc legem uerbum incarnatum cum spiritus sancti donis obtinui-
 mus: pro quibus Propheta nunc orat. Hæc præterea uia iustificationis
 est. neq; aliter sentire ea ratione licet, quia de illa lege ipsum intelles-
 xisse asserere necesse est, quæ sub proprietate literæ hæc comprehendat-
 tur, euangelica nimirum, in qua Christus, qui est, & uiuit, uitam
 nobis præbens manifestatur, Hieronymo teste, qui ait, legem Chris-
 tum esse: quod obseruare, pro totius Psalmi intelligentia debemus, ut
 ex hoc intelligamus legis uocem, pro donis, uirtutibus & beatitudinis
 bus in lege contentis, ipsoq; Christo ibidem reuelato Prophetam usurs-
 passe. sic enim ministri euangelij, non scripturæ, sed spiritus sumus.
 Non tamen negamus, quin sic orando, legem quoq; factorum in corde
 poni obsecrauerit: eò q; legem bifariam inquirebat: uno scilicet modo,
 ut ipsum instrueret: & hoc utriq; legi conueniebat. secundo item, ut
 ipsum per gratiam iuaret, quo sanè modo de sola lege euangelica Pro-
 pheta sensit: sicut alibi dicit, Lucerna pedibus meis uerbum tuum, &
 lumen semitis meis, PONE MIHI DOMINE in corde, nunc sic integrā
 cum omnibus contentis in ea, sicut scriptura ponetur, eodem modo

edoceri petens, quemadmodum Paulus edoctus fuit, qui haudquaquam ab homine legem se didicisse ait, sed per reuelationem Christi. Pone igitur domine stabili positione, ut non modò in statu bono me confir-
 met, sed mecum perpetuò maneat: quoniam mens humana diu in alto
 stare non potest: & cum contemplando ascendit ad Deum, subito ex
 propria infirmitate uagatur. Hanc enim ob causam iob dicebat: Cum
 spiritus me præsente transiret (ob uelocem cursum eius) inhorruerunt
 pilæ carnis meæ. Pone mi domine gratiam illam perseverandi usq; in fis-
 nem concedendo, quam Paulo concessisti, quando audire meruit: Suffi-
 cit tibi gratia mea: ita ut gratia hac comite, qui prius dixeram, iustis
 cationes tuas custodiam, non discedas à me usquequaq;: dicam deniq;
 idcirco legem custodiui, quia nò discessisti à me usquequaq;. Legem itaq;
 pone mihi domine, VIAM IUSTIFICATIONVM TVARVM. Et ego,
 ubi illam hunc in modum posueris: uoluntati tuæ conformis, qui dixisti,
 idcirco Dei mandata, iudicia & prodigia data & facta fuisse, ut homi-
 nes ponant in Deo spem suam, et non obliuiscantur operum Dei, et man-
 data eius exquirant. EXQUIRAM EAM, id est diligenter querā eam,
 ut exquirendo spem aduentus donorum in ea contentorū augere in cors
 de meo iugiter possim. Sed quare legem exquiris, quam positam in cors
 de habes? nempe, ne quomodo legem scriptam domi habere nihil prodest
 ei, qui illam non scrutatur, legem quam posueris in corde meo, absq; fru-
 ctu maneat: quin potius, ut scrutando et contēplando, frugifera et frus-
 tuosa sit, ut in sequenti uersu subiungit: SEMPER, nocte ac die, tā quie-
 tis q; ærūnarum tempore, immo semper ad mortē usq;. Sic enim nos age-
 re docet, dū ait, Beatus uir, qui in lege domini medimbitur die ac nocte.
 ¶ DA MIHI INTELLECTVM, ET SCRVA-
 TABOR LEGEM TVAM, ET CVSTO-
 DIAM ILLAM IN TOTO CORDE MEO.
 Rogabis lector, quare Prophetam, qui fidem & legē in corde positam ha-
 bet, donum intellectus petat: non ne Lucas declarat minimè fidem dari,

quæ dono intellectus carcat, dum ait dominum aperuisse discipulis sensum, ut intelligerent scripturas? non ne infra idē propheta dicit, Declas ratio sermonum tuorum illuminat? Quibus uerbis ego respondebo, sis dem augmentum recipere in uia, iuxta illud, Adauge nobis fidem. Quo fit, sicut Augustino placet, ut qui credunt, adhuc orent, ut intelligant. Et ratio est, quia homo uirtutis finitæ, haudquaquam infinitum Deum in lege contentum, absque supernaturali lumine intelligere potest: lus men autem, infinitæ entitatis est: & idcirco perpetuò in uia secundum mensuram condonatum crescit, donec propria mansio in cælo animæ constituitur. Nullus quidem petendi donum intellectus in uia finis esse potest, eò quòd homo rectam æstimationem de ultimo fine habere nequit, nisi ab eo ducatur, qui circa finem non errat. Quasi dicat, scio domine quia ille homo beatus est, quem tu erudieris, & de lege tua docueris eum, quodq; lex te Deum infinitum contineat. DA igitur MIHI INTELLECTVM, in maiori gradu, quoniam illo in maiori gradu egeo. Vitam nanq; contemplatiuam nunc ingredior, in qua altiora atq; profundiora intelligere me oportet. ET, cum tu illud mihi dabis, eo intellectu quo speculamur, SCRVTABOR in primis LEGEM TVAM, id est contenta in lege tua. ET post hoc, gratia tua duce CVSTODIAM ILLAM, etiam per intellectum practicū (quod aiunt) IN TOTO CORDE MEO, quemadmodum præcepisti, ut ex toto corde & tota anima te, et proximos, sicut nosmetipsos diligamus: quasi dicat, Legem quam posuisti, custodiam in toto corde meo, si tu dederis donum intellectus, quod in hoc secundo uersu peto. At dices, quare propheta donum sapientiæ et scientiæ, quibus ad scrutandum contenta in lege, opus habet, nominatim non expressit? Ego uerò respondebo, locum angustum octo uersuum hunc fuisse, ubi non poterant omnia singillatim exprimi: satisq; perinde esse putauit, donum intellectus ad scrutandum ea, quæ in lege continentur, petisse: quæ cum de ipso Deo loquantur, absq; dono sapientiæ intelligi non possunt: utidem et scientiæ, propter cætera,

quæ

quæ in scriptura discenda erant : ita ut petendo donum intellectus ad scrutandum , cætera quoque necessaria, sapientiæ nimirum & scientiæ dona petiſſe uideatur , sine quibus negotium non poterat expediri. sic enim idem Propheta semetipsum in orationario nono, uersu secundo declarat, ubi nos quoque isthæc latius dicemus.

DEDUC ME IN SEMITA MANDATORVM TVORVM: QVIA IPSAM VOLVI.

Cum Propheta meminisset , sic scripturam dicere , Nemo est, qui sciat uias eius, neque qui excogitet semitas eius : ueritus ne interea dum propter maximas angustias afflictionis , quæ offerebatur , mens ipsa huc uel illuc impellebatur , anima à semitis iustitiæ aberraret : donum consilij petit , dicens: *Dono consilij tui præuo DEDUC* , quod uerbum illi conuenit, qui ratione officij, causa honestandi aliquem, quempiam de loco ad locum deducere & comitari tenetur: quasi dicat, Tu ergo, qui nos illi semitas iustitiæ tuæ ; & nobiscum esse, cum affligimur, promissisti : sicut te decet, uerax cum sis , deduc : præcise loquendo : quod licet in ijs , quæ omnino bona sunt : orantis tamen debitam humilitatem præsupponit, sicut & alibi intelligimus cum oramus, Panem nostrum quotidianum da nobis hodie : & reliqua in oratione dominica contenta. Illud item , *Ostende faciem tuam* , & salui erimus . *IN* , & non dixit ad , quasi nos in medio semitæ poni oporteat, ut intus semitam ipse per gratiam nobiscum cooperando maneat . non autem quod illam simpliciter ostendat, & nos solos ibidem operari relinquat. *SEMITA*, quæ uox (secundam quosdam) pro cogitationibus intrinsicis mentis stat , ad differentiam uia, quæ pro opere extrinseco accipitur: ut illud, *Vias tuas domine demonstra mihi, et semitas tuas edoce me*. Euthymio uero placet, ut pro quadam uia trita capiatur. Nos autem dicamus, pro ipsa semita, quæ in medio uia permanet, accipi: quæ admodum alibi Salomon inquit, *Sapientia dat uocem supra uiam, in medijs semitis stans*. sed quæ ista semita stans in medio uia erat? Lex ipsa euangelica, quæ in medio legis factorum (quasi

uia dirigens nos ad gratiam) cōclufa manebat: sic enim lex euāgelica, quæ angustam & arctam uiam crucis ad uitā ducentem continet, tanq̃ semitam ad legem factorum se habebat: quasi hæc semita propterea in medio uiæ mandatorum steterit, ut ea duce mandata impleantur, uti sequitur, MANDATORVM TVORVM: non ut mandata quænam sint intelligam, HOC enim per donum intellectus in præcedentibus obtinui: sed ut patiēdo, donō consilij, quod duritiei resistit, duritiem animæ meæ curuem, itaq̃ in semita crucis angusta satis, magna cum obedientia, neq̃ huc, neq̃ illuc flectens, constanti animo pergam. Et quod bilarem obedientiam, ad quam homo tenetur, in ipsa cruce subeunda (quæ semita mandatorum est) commonstret, subiunxit: QVIA IPSAM crucis semitam VOLVI, quasi dicat (secundum Augustinum) quæcūq̃ obtulisti, etiam crucem, lumine tuo, ac consilio adiutus, ego uolui: sed parum est me uelle, nisi tu perficias, atq̃ stabili positione dona tua ponas, quibus animam in statu gratiæ conserues, sic enim et alibi turbato hoc ordine loquendi inquit: Deus meus uolui, & legem tuam in medio cordis mei.

4 INCLINA COR MEVM IN TESTIMONIA TVA, ET NON IN AVARITIAM.

Quamquam multis placet, non immeritò iurisperitos statuisse, ut lex, quæ uarios sensus habet, minimè possit in quæstionibus citari, eò quod ueritas est una, & hinc nostros doctores eam ob causam mordeāt, quia Augustinus uerbum hoc inclina, uertit, id est perforce uoluntatem: Cassiodorus uerò, Glossa & Hieronymus, humilia: mea tamen sententia minimè iurisperitos circa hoc sequi debemus, ut regula illa ad uerba spiritus sancti trabatur, quæ uaria mysteria sub uno uerbo plerūq̃ continent: quandoquidem stant simul, ut inclinando animam uoluntas perficiatur: tunc scilicet cum duritia, non ui, sed per donum consilij, de quo in hoc quoq̃ uersu agit, iugo subiicitur, ad quem modum Prophetam dicit, INCLINA COR MEVM IN TESTIMONIA TVA: quæ

iubent, ut propriam uoluntatem abnegantes, Deo per omnia usque ad crucem obediamus. Inclina propterea, ut testimonia scripturæ, secundum sensum ecclesiæ, non autem propria ceruice in superbiam eleuatus interpreter: ne in illorum errorem incidam, qui putantes meliorem sensum quàm patres habuerint, sese habere, mox idololatræ uel hæresiarchæ efficiuntur. ET NON IN AVARITIAM, non quod de auaritia pecuniaria senserit, sed ad illum modum quo uox, cupidinis capitur, sicut scriptum est, Radix omnium malorum cupiditas est: ita ut auaritia hic pro omni inordinato appetitu capiatur, sic enim primi parentes auari quoque fuerunt, cum Deo similes esse stultè procurarunt: plus appetentes, quàm secundum præscriptum ordinem decebāt, utinam noui isti uatores hoc pensarent, non autem donum consilij contemnentes, perfidie perpetuò hærerent.

AVERTE OCULOS MEOS, NE VIDEANT VANITATEM: IN VIA TUA VIVIFICA ME.

Quoniam creatura subiecta est uanitati non uolens; proinde Propheta (ut quibusdam placet) ne per sensum oculorum uanitas hæc in animam intromittatur, hac oratione petit, qui quidem sensus minimè respuendus est, ut hæc et cæteræ uanitates, quæ possent Prophetam in statu iustitiæ manentem coinquinare, omnino ab ipsius oculis auertantur. nam carnis concupiscentia in persona iustorum quoque manet, ob quā dominum precantur, ne illos inducat in tentationē. Dixerat enim paulò ante, Da mihi intellectum, quo cuncta cernere posset: Verum, quia non omnis, qui uideat & cognoscit mala, oculos ab illis auertit, idcirco coadiuuantem gratiam poscens, hunc in modum orat. Verior tamen sensus erit, ut dicamus uocem istam, uanitatem, idololatriam significare, quæ metrix quedam est ueritati contraria, omnem uanitatem tanquam ueritatem, animæ oculis commonstrans, quemadmodum alibi scriptura dicit, Abiecerunt legitima eius, secuti sunt uanitatem; uaneque egerunt, conflatiles uisulos duos & lucos faciendo; Dubitabat sanè

Propheta de futuris flagellis, quæ paulò post aduenerunt, metuens ne (libertatis causa) potius creaturis quàm creatori seruire eligeret: uel superstitiose aliquid pro salute operari tentaret, quæ idololatricam uel hæresim redolebant. Quocirca ne ab ijs eius anima illaquearetur, in hoc uersu contra morbum hunc donum pietatis petit: quod in uero cultu Dei, & oratione consistit. sic enim alibi Propheta se declarat, inquit: Beatus uir, qui non respexit in uanitates. Vbi Cassiodorus hoc modo uerba illa declarat. Quibus sic existentibus dicamus AVERTE OCVLOS MEOS, non solum corporeos, uerum etiam intellectus, per aduentum doni pietatis, NE VIDEANT VANITATEM, sed potius in uero cultu te adorantes, nomen tuum sanctificent. Nam ab ignorantia plerunque idololatria & hæresis fiunt: præsertim quando (secundum eorum consuetudinem) hæretici carnalia, quæq; iniusta, tanquam iusta promittunt, efficiuntq; ut audientes male de lege tua sentiant: quemadmodum res ipsa hodie docet, infinitum numerum idiotarum, has ob causas ad Lutheranas hæreses conuolasse, quasi dicat, Non sic domine, non sic, sed IN VIA TUA, id est in lege tua euangelica, quæ crucem hanc me sustinere præcipit, & donis ijs plena est, ac uera uia uitæ, VIVIFICA ME, id est da robur, quo sic crucem oblatam sustinere ualeam, ut uita gratiæ in uia uiuens, uanitates has contemnam, ijsq; medijs æternam gloriam consequar, hoc enim modo oculos meos auertes, ne aut uanitatem uideant: aut si illam uiderint, minimè eam amplectantur, sed potius auersis ab ea oculis, cruci mihi offerenda hæreant.

- 6 ¶ **STATVE SERVO TVO ELOQVIVM TVVM IN TIMORE TVO.** sæpe in scriptura legimus uocem hanc, eloquium tuum: quæ modò stat pro Christo, sicut & uox, uerbum, modò uero pro uerbis domini, quæ per angelos & Prophetas hominibus locutus est, sæpe pro uerbis à Christo. prolatis, cum suo ore euangelicam legem promulgauit, ac sæpiusculè pro scriis

ptura, quæ semper loquitur. hic autem, cum propheta supra dixisset, Legem pone, in genere: deinde uerò aliquas species donorum enumerare cœpisset, uolens hoc in loco donum timoris initialis seu filialis pertere, sic ait, non solum pone, sed **STATVE**, firma positione, **ELOS QVIVM TVVM**, nimirum legem euangelicam, ore uerbi incarnati prædicatam, ut lex posita rursus statuatur, ac solida fiat **IN TIMOS RE TVO** initiali seu filiali, quæ dona tua sunt, ad uitam nos perducuentia, ne forte in timore meo carneo uel seruili, nihil præstantibus, ego pergam.

7 **AMPVTA OPPROBRIVM MEVM
QVOD SVSPICATVS SVM, QVIA
IUDICIA TUA IVCVNDATA.**

Duæ adsunt difficultates in isto uersu. Altera, quodnam fuerit opprobrium, quod suspicatus fuit. altera, quæ fuerint iudicia hæc iucunda? Quæ in hunc modum explicari debent, ut dicamus, **AMPVTA**, quasi circumputa, prout boni agricolæ uites circumputare solent, malos palmites scindendo, ut reliquæ bonæ aptius conseruentur. **OPPROBRIVM MEVM QVOD SVSPICATVS SVM**, id est, fac ut minimè aliena peccata suspicer (ut Augustino & alijs placet) ne forte in me suspicio hæc conuertatur, quasi Christiani non sit, alienam conscientiam iudicare. sed minimè in hoc Augustinum sequor: quoniam & si prophetæ permittatur temporibus abuti, non tamen cum litera uios lentia (si fieri aliter potest) detorquenda litera est. Et cum propheta de præterito suspicatus fuerit, quemadmodum litera semetipsam declarat, inquit, suspicatus sum: minimè Augustino dicere fas est, suspicabor. Rursus, quia licet nobis suspicari contra aliquem, modò temere non iudicemus; & deniq; quia opprobrium proprium, non autem alienum erat, sicut Ambrosio placuit, magis de conscientia propria psalten dubitasse, iuxta illud pauli, nihil mihi conscius sum, non tamen in hoc iustificatus sum, Quid igitur dicemus? suspicionem præ-

teritorum esse, opprobrium uerò bisariam contingere posse. Altero nimirum modo, ut in eo incurrerit, prout alibi dixerat, Ab oculis meis munda me: præsertim propter peccata, quæ ex ignorantia committimus, sicut dominus dixit, Ne statuas illis in hoc peccatum, quia non intelligunt quid agunt. Paulus item, Misericordiam promerui, quia ignorans peccaui. Altero uerò, ut opprobrium sit futurum: possibile cum sit, a statu in quo est, ob naturæ debilitatem decidere, præsertim cum de donis spiritus sancti Propheta hic agat, quæ plerique obtinuerat; quasi ab experientia præteritorum futura suscitetur, cum uidisset se sæpius à gratia cecidisse: Quapropter cum futura uisitare optaret, uerba hæc subiunxit, inquiens: Ampula opprobrium meum futurum, quod suspicatus sum, ne iterum cadam: & hoc per donum fortitudinis: & nemo erit, qui me uincere in futurum possit. Sic enim & alibi dixit: Perfice gressus meos, ne moueantur uestigia mea. Petebat namq, Propheta donum, perseverantiæ usq; in finem, quod his donis præstatur, QVIA IUDICIA TVA IVCVNDATA. Quæ uerba iuniores quidam in iudicio misericordiæ, per quod ex impijs efficiuntur iusti, exemplū ponunt; sed in hoc iudicium unum est, ista autem plura. Alij uerò quædam iudicia terribilia esse censent, quibus Deus iram comminatur, quædam uerò iucunda misericordiæ, illas nimirum promissiones, in quibus misericordiam nobis pollicetur. Plerique iudicia Dei idcirco iucunda esse autumant, quia in ueritate & æquitate omnia intrinseca cernens iudicat. Nos autem dicamus, iudicia solius hominis, quæ mala ut plurimum sunt, aut nullum meritum habent, suspecta perpetuo iudicari: iudicia uerò iucunda illa esse, quæ homo à Deo inspiratus eo cooperante facit, dum inter spiritum & carnem iudicat, petens his uerbis, ut donum fortitudinis secum adsit, quo in pœnis non paueat, iustitiæq; uirtutem roboraret, ne ab ijs quæ iudicia ordinant, anima aberrat. Itaque ea iudicia iucunda sint, quæ cum uerace & iusto Deo paulò post Propheta factus rus est. Hactenus de prima parte: sequitur secunda.

8 ECCE CONCUPIVI MANDATA TVA:
IN AEQVITATE TVA VIVIFICA ME.

Non secus, ac si dicat (sicut Prosper sentit) fecisti me cupidum mandatorum tuorum , fac & efficacem . illud planè , quod Augustinus dixerat : iube quod uis , & fac quod iubes . Tu uero dic , Ecce mi domine quomodo omnia , quæ in me erant , consummaui : nimirum , quia MANDATA TVA , etiam propriæ crucis mihi oblata CONCUPIVI . hoc est , quâ tum in me erat , omni cum obedientia , gratia tua duce , ex toto corde implere optaui . quod potui , feci . tu igitur quod tuum est age , & in AEQVITATE TVA , id est in misericordia tua , qua omni tempore egeo , ijs donis , quæ petij , mediantibus , VIVIFICA ME : non quòd quasi peccato mortuus uiuificari petam : quandoquidem cor mihi dilasatum fuit : sed ut qui uiuus sum , uiuificer adhuc : ut à te roboratus crucem paulò post aduenturam suslinere possim . Age mi domine , ut omnia membra animæ & corporis uiua usq; in finem iustitiæ tuæ seruando maneat : uiuifica uita gratiæ per dona ista , in uia animam conservando : ut beatitudine uiæ fruatur , & uita gloriæ quoq; in seculum seculi . Quibus perspicuè cernis ea dona in hoc octonario Prophetam petiisse , quæ à Domino per Christum danda erant , qui est , & uiuit , iuxta literæ Hc proprietatem : docens nos per eum , qui est & uiuit , Christum nimirum , omnia à Patre esse petenda .



SEXTVS OCTONARIVS.

VAV }



VARIOS huic literæ vau seu vaf, sensus bi, qui psalmum hunc interpretantur, accommodant. Ambrosio enim placuit, ut significet non est, ut ille; rursus copulam notare: quemadmodum in Threnis Hieronymus uertit, ut significet, & Hugo uerò, est, uel &, uel ipse: quasi ijs tribus significationibus, Trinitatis personas propheta ostendat. Vnde tamen ista hauserit, non uidemus. sed & secundum Ambrosium, negatiue, non est, uerti debeat, ratio in promptu est, quia siue propheta de sua persecutione loquatur, iam non erat: siue de aduentu Messie, neq; adhuc incarnatus erat. Alijs uerò placuit, idcirco nos absq; negatione legere debere, est: quia, antequam petamus, dominus exaudit. quod quidem diuinare magis q; literæ significationem declarare esset. Quid ergo dicemus? hoc dicam, ut principio expendamus, Dauidem in præcedenti octonario eam ob causam dona spiritus sancti petiisse, ut à Christo, cui data fuerunt, uirtute à principio mundi occiso, in Dauidem fluere: & hoc quidem, ut saule, ipsum deinde affligente, armatus uti ille, id est Christus erat, strenuè certaret; nunc uerò subiungere, quòd ubi dona, & persecutio simul adueniant, minime futuram saulus persecutionem timebit: immo potius se sperare illam fore, ut ille, hoc est, ut crux sua in Christi cruce corroborata, sit ut crux Christi, quam patièdo participaret. Diuiditur autem octonarius iste in partes duas: quarum secunda est in uersu illo, et ambulabam, in qua prima parte ante ærumnam sibi oblatam, copulam ipsam, &, profequitur, atq; secum quodammodo ludit, ostendens quòd si futura crux gratiam Dei cum donis paulò ante narratis comitem habebit, facillè inimicis resistere poterit, magnaq; cum facilitate Dei legem seruabit,
pro

pro quo obnixè orat. in secunda uerò parte cruciatum afflictionis saulis tacens (eò quòd ihs paucis uersibus concludi non poterat) ea, quæ in ipsa afflictione gratia Dei ipsi præstitit, (super eadem copula ludens) summatim narrat.

- Vau 1. ET VENIAT SVPER ME MISERICORDIA TVA DOMINE, SALVTARE TVVM SECVNDVM ELOQVIVM TVVM.
- Vau 2. ET RESPONDEBO EXPROBRANTIBVS MIHI VERBVM: QVIA SPERAVI IN SERMONIBVS TVIS.
- Vau 3. ET NE AVFERAS DE ORE MEO VERBVM VERITATIS VSQVEQVAQVE: QVIA IN IVDICIIS TVIS SPERAVI.
- Vau 4. ET CVSTODIAM LEGEM TVAM SEMPER, IN SECVLVM, ET IN SECVLVM SECVLI.
- Vau 5. ET AMBVLABAM IN LATITVDINE: QVIA MANDATA TVA EXQUISIVI.
- Vau 6. ET LOQVEBAR DE TESTIMONIIS TVIS IN CONSPECTV REGVM, ET NON CONFVNDEBAR.
- Vau 7. ET MEDITABAR IN MANDATIS TVIS, QVAE DILEXI.
- Vau 8. ET LEVAVI MANVS MEAS AD MANDATA TVA, QVAE DILEXI: ET EXERCEBOR IN IVSTIFICATIONIBVS TVIS.
1. ET VENIAT SVPER ME MISERICORDIA TVA DOMINE, SALVTARE TVVM SECVNDVM ELOQVIVM TVVM.

CORDIATVA DOMINE, SALVTARE
TVVM SECVNDVM ELOQVIVM TVVM.

scire debes lector prius q̃ ad literam aggrediamur, quandocunq; uerba
propheta audis, quibus misericordiā impetrare optat, de illa misericordia
intellexisse, quæ a Domino, gratia per Iesum Christū facta, præstatur:
ita quidem, ut nil perpetuò petat, quod non per Christum sibi concedi
obsecret: sic enim infrascriptæ uoces intelliguntur, suscipe me secun-
dum eloquium tuum, & uiuam. Viuifica me secundum uerbum tuum.
Secundum eloquium tuum da mihi intellectum, & uiuam. Defecerunt
oculi mei in eloquium tuum. Defecit in salutare tuum anima mea: nemi-
pe ut misericordiam & consolationem à Domino promissas & iuratas
sibi dari per Christum, futurum bellatorem & consolatorem nostrum,
re ipsa præstet, Augustino & Ambrosio testibus, qui uerba hæc hunc
in modum interpretantur: nempe aduentum Messiae optasse, qui pec-
catores suscipiat, delicta donet, liberet, & uiuificet; quos & nos tan-
to magis sequi debemus, quanto psalter misericordiam sæpe impetrans
do, continuò salutare tuum, ueritatem tuam, aut Dei eloquium addit:
utpote cum dixit: Ostende nobis domine misericordiam tuam, statim
subnectit, & salutare tuum da nobis. Et alibi postq̃ dixit, Deus misere-
reatur nostri, continuò sequitur: in omnibus gentibus salutare tuum:
bellè ostendens, minimè alia uia quàm per Christum posse nos quicquā
impetrare, non solum pro æterna, uerum etiam pro temporali quoque
salute, ut adiutor sit in opportunitatibus & in tribulatione. Quibus hunc
in modum explicatis, literam aggrediamur, quæ sic habet: ET VE-
NIAT. Hic diuinus iste uates incipit cum copula, &, ludere: quasi
dicat: iam posita lex est in corde meo cum donis spiritus tui, quæ petij:
superest, ut ijs oblata crux coniungatur. Et ueniat igitur, ut simul in
me fiant MISERICORDIA, id est tribulatio, quæ misericordia tua
est, ut tentati cum misericordia disciplinam accipiamus: intelligentes
in quem modum, cum ira, impij tormenta patiantur. At dices, quare

uocem hanc misericordiam, tribulationem interpretaris? Quia nunc ille cruciatus Prophetæ offertur, in quo opere in quinto uersu ambulabit. **TVA DOMINE.** quoniam tu extrinsecus nos tentari à satana & filiis eius, aut iubes, aut permittis, ut peccatorum nostrorum iussu misereri deinde possis: misericorditer præbens, unde tibi placeamus. Alij uero propter illa, quæ iandudum narraui, dicunt: **ET VENIAT MISERICORDIA TVA,** hoc est salutare tuum (prout continuò se declarat) id est Christus, iuxta illud: Misit Deus misericordiam suam. qui sensus minimè spernendus esset, ubi sic intelligant, ut simul uox ista misericordia, gratiam Dei per Iesum Christum factam, & ipsam persecutionem secundum proprietatem literæ *Vau* copulet, cuius officium est, non modò uerba, sed ipsas significationes diuersas sub eadem uoce coniungere. Germanus tamen sensus primus est, ut uox misericordia, in hoc uersu pro tribulatione, de qua agit, flet: quandoquidem pro Christo subiungit **SALVARE TVVM** Iesum Christum, qui nos tribulatos saluos facit. sic enim Hebræa scriptura pro Iesu hanc uocem salutare ponit, quando dicit, viderunt omnes fines terræ salutare Dei nostri. Non tamen desunt, qui dicant Prophetam de solo aduentu Messiae hic egisse: uerior tamen præcedens intellectus est, tum propter literæ proprietatem, cui hoc modo non satisfaceremus: tum propter sequentes uersus, qui perspicuè de ipsa tribulatione cum aduentu gratiæ per Christum factæ loquuntur. **SECUNDVM ELOQVIVM TVVM.** per quod, et temporale et æternam salutem præstare affligendis hominibus spondisti, inquiens: Cum ipso sum in tribulatione, eripiam eum, & glorificabo eum, in uirtute salutaris tui Iesu, quem mittere, atq; in eius semine benedicere eloquio tuo, Abraham & alijs promissisti. quasi dicat, ubi in hunc modum futura tribulatio adueniat, illam non timebo, certus finem ad salutem esse, ut ille: id est, ut eo modo ad salutem mihi sit, sicut passio Christi, quam participabo, ad salutem nostram fuit. Quibus patet rectius Augustinum dixisse, Veniat persecutio, quæ non est

ut ille : qui ad huc nec incarnatus , nec passus est , tametsi uirtute ab initio mundi occisus fuerit : quoniam sufficit mihi uirtute mecum adesse. Hanc enim ob causam minimè dixit , ueniat , sed copulam præmisit iniquiens , Et ueniat : quasi misericordiam tribulationis , cum misericordia per Christum , salutare nostrum facta , coniungi debere unà petierit. Obserua lector quæso , quanta prudentia psaltes utatur . siquidem non simpliciter dixit , ueniat tribulatio , quæ considerata fragilitate humana omnino fugienda est , quemadmodum Christus docuit , quando tanquam homo orans dixit : Transeat , si possibile est , calix iste . & alibi Paulus : Opto apud Deum & in modico et in magno , non tantum te , sed etiam omnes qui audiunt hæc , fieri tales qualis ego sum , exceptis uinculis his . quasi tunc acceptanda sit cum offertur , & illi copus latitudinis gratia Dei additur , qua certi reddimur finem ad salutem tendere , iuxta illud Pauli , ut faciat ex tentatione prouentum ; illius instar , qui amarum pharmacum bibit ; uel membrum sibi abscindi propter totius corporis salutem patitur . Sic enim intelligenda sunt & uerba illa , Paratus sum , & non sum turbatus , hoc est si offeratur . Nam Iacobus minimè dixit , Orate gaudentes , ut uobis tribulationes adueniant , sed sic ait : Omne gaudium fratres existimate , cum in tentationes uarias incideritis (audi , incideritis) scientes quòd probatio fidei uestræ , patientiam operatur : patientia autem opus perfectum habet : ut sitis perfecti & integri , in nullo deficientes . docens nos his uerbis , bonam ipsam tribulationem esse secundum ordinem ad finem , non autem simpliciter propter se . cuius finis causa , iterum Iesus dixit : Desiderio desideravi comedere pascha uobiscum . Hinc sanè propheta in unoquoque uersu à cōpula & , incipit , ut salutis finem ipsi tribulationi coniungat : ad quem gratia Dei , sicut paulò ante diximus , per Christum peruenire sperat , non autem quòd de proprijs uiribus confidat , absit : Copulatiuè nanque tentari & uincere simul optat : quasi tribulatio haudquaquam propter se diligenda sit , sed propter spiritualia , quæ ex ea

proueniunt. Non quidem aliter sancti uiri tribulationes sustinent, quàm propter terrorem malorum, ac meriti augmentum. Animaduertunt planè hac uia tribulationum infinita beneficia cognosci, quæ Deus hoc tempore homini confert. Per has item tribulationes, spem in corde salutis æternæ stabiliri: & cum adueniunt, summa cum patientia illas suscipiunt.

2. **E T**, ubi utraque misericordia mecum aderit, **RESPONDEBO** corde, dum extrinsecus tentatus, intrinsecus quoque affligar. **RESPONDEBO** & ore, filijs satanæ **EXPROBRANTIBVS** M. **HI** **VERBUM** patris incarnatum, ne propter Christum mala tanta perpeti uellem, quòd non solum ab hac temporali ærumna, uerum etiam in æternum per Iesum Christum saluus ero, & hoc propter uerbum tuum nobis promissum, cui ego credo, quòd nobiscum in tribulatione eris, eripies & glorificabis. ipsi enim perpetuò persuadere mihi solliciti erunt, uerbi incarnationem, Christi passionem, & resurrectionem, chimæram quandam esse, teq; ueracem non esse in his, quæ promissisti: nunc pusillanimitatem (ob propria demerita) cordi meo reponentes: nunc uerò quòd particularium rerum, & persecutionum nostrarum, tu qui immensus es, curam non habeas (quemadmodum Boetium & alios deceperunt) quibus nihil aliud respondebo, nisi **QVIA** perpetuò **SPERAUI** fide, quæ spem subflare facit, **IN** **SERMONIBVS** **TUIS**. in illis enim lego, tribulationes iustorum multas esse: sed in omnibus his liberari nos à dæmonio, atque omnia posse in eo, qui confortat me. sic enim charitate Dei comite omnia credo, omnia spero, uti promissisti fore: quoniam lex tua uera, iudicia quoque tua ueritas. Et tu, qui me sperare dedisti, salutem quoque præstabis: quemadmodum & Thobias cum lachrymis orans dixit: iustus es Domine, & omnia iudicia tua uera sunt, & omnes uix tuæ misericordiæ, & ueritas & iudicium. sic enim roboratum cor meum, quod sæpe improprium expectauit, stabili fun-

damento Christo hærens, scandalum ipsis, mihi uero Dei uirtus, & sapientia patris, haudquaquam trepidabit; immo si omnes mundi tribulationes aduersus me unum coniungantur, cor meum non timebit, hoc solo adiutum tutamine, quia speraui in sermonibus tuis. Vbi spei nostræ (in Deum) magnitudinem expendere poterimus, de qua alibi fusius diximus. Sat est prouentum hoc quod à lege euangelica propheta haurit, hoc in loco obseruare; ut diffusus de proprijs uiribus & meritis, gratia Dei per Iesum Christum, omnibus tentationibus in ipsa persecutione aduenturis, minime resistere ambigat. sic enim propheta alibi securum se reddit, dicens: Domine non confundar, quia exquiritur tui te. In te speraui. est enim à Deo spes mea, quam non daret, si nos tutari nollet.

ET NE AUFERAS DE ORE MEO VERBUM VERITATIS VSQUEVAQUE, QVIA IN IVDICIIS TUIS SPERAVI. quasi dicat: ET propterea, quia hoc modo & non aliter me præmissa consummaturum spero, obsecro mi domine, ut tu, qui legem fidei, donis spiritus tui plenam in corde meo posuisti: **NE AUFERAS DE ORE MEO VERBUM VERITATIS.** hoc est fidem, uerè uerbum ueritatis, quod loquuta est ipsa ueritas, cum legem euangelicam in corde meo positam promulgauit, & per illud ad fidem audiendo, animam meam traxit. Et dicit, ne auferas de ore meo, postquam stabilis in corde manet, quasi dicat: Age mi domine, ut fides in corde meo residens, à charitate tua concomitata, in respondendo operosa sit: & eo modo, quo corde ad iustitiam credidi, ac credo, ore quoque ea quæ paulò ante enarraui confitendo, opus iustitiæ consummem; ne forte non confitendo, quantūlibet præmissa omnia credam, in hac tribulatione propter angustias confundar, siquidem facile est homini, quāuis sceles rato uitam mutare, sed ualde difficile in nouitate uitæ ambulare: quod propheta optabat, ut beatus in uia esse quiret, non pauco tempore, sed

semper, quod sanè fieri non potuisset, nisi uerbum ueritatis ab ore eius non auferretur **VSQVEQVAQVE**, id est nunquam: quandoquidem parum esset semel & non semper oblatam crucem sustinere, Christo dicente, semper oblatam crucem tollere nos oportere, illumq; saluum fore, qui usq; ad finem perseuerauerit. Quapropter Hieronymus uocem hanc, usquequaque, uertit, in totum, sic enim mihi fieri spero, **QVIA IN IUDICIIS TVIS**, iudicia uocans promissiones ipsas, quasi dicat; Tu domine dixisti; Nolite cogitare quid loquimini. non enim uos estis qui loquimini, sed spiritus patris uestri, qui loquitur in uobis. Ob quæ uerba **SVPERSPERAVI**. per hanc notulam, spei magnitudinem commonstrans. siquidem tunc Propheta hoc uerbo utitur, cum nouam spem præcedenti spei addere intendit. sperauerat namq; posse exprobrantibus uerbum respondere: nunc uerò & aliud supersperat, nimirum ut gratia Dei in ipsa nominis Christi confessione possit etiam usq; ad mortem perseuerare: id in summa petens, nempe ut gratia perseuerandi usque in finem, adueniat, hoc sanè pro scopo habet, hoc perpetuò petit.

4 **¶ ET**, si gratia tua non auferctur à me usquequaq; **CVSTODIAM LEGEM TVAM**, tum mandatorum, tum etiam euangelicam, præcisipientem nobis ut ore in loco peregrinationis (minimè crucis mortem timentes) nomen iesu Christi palam confiteamur. **SEMPER**, id est toto tempore uitæ meæ, non ut eo modo illam custodiam, quo israelitæ legem factorum metu pœnæ seruant, sed ut custodia sit **IN SECVLVM**, donec uiuam, **ET IN SECVLVM SECVLI**. per quæ uerba uitam æternam scriptura commonstrare solet.

5 **¶ ET AMBVLABAM IN LATITVDINE, QVONIAM MANDATA TVA EXQVISIVI.** Hæc secunda pars istius octonarij est, in qua actu uitam contemplatiuam ingreditur, inquiens: **ET AMBVLABAM**, hæc copula, &, gratias, quas petierat obtentas iam, cum ipsa persecutione saulis, quam

sustinet, coniungens. At dices, Vbi persecutionis historia? nullum quidem uerbum afflictionis hic legimus. Fateor: sed ordinem prophetæ expendas obsecro: qui, cum non posset his paucis uersibus integram saulis persecutionem, & fructus, quos in illa collegit, minutatim recensere, ipsam historiam, quam in alijs psalmis fusius scripserat, tacet: itidem & mirabilia Dei, hoc tempore sibi reuelata: quæ, cum non possint propter angustiam loci hic cumulari, in ultimis octonarijs, sub literis, quæ aptius rei huic congruunt, narranda reliquit: quo in loco perspicue omnia cernes. Hic autem effectus duntaxat donorum, quibus potitus est, summam prædicat, inquit, ET AMBYLABAM, his donis armatus, IN LATITVDINE, tum persecutionis, quam latam uoco, iuxta illud, Latum mandatum tuum nimis, quo crucem subire iubes: tum etiam in latitudine charitatis tuæ, qua cum, uiam mandatorum tuorum cucurri, cum dilatasti cor meum. Sic enim alibi hoc ipse declarauit, quando dixit: De tribulatione inuocaui dominum, et exaudivit me in latitudine: & alio in loco, in tribulatione dilatasti mihi. Stant namque hæc duæ latitudines contrariæ tanquam sysole & diastole animam conseruantes, dum timor naturæ pauentis cor constringit, gaudium uero spiritus sancti cor dilatat. Non tamen perpetuo latitudo hæc hunc in modum capitur, sed plerumque pro abundantia bonorum & quæta uita à scriptura usurpatur, quam bonus Deus hunc in modum elargitur. Ipse namque principio bona nobis confert, propter quæ inuidos inimicos nobis cõparamus; qui inuidia moti, sicut miserorum est, ut maleuolentes inuideant, occulteq; principio calūniari incipiant, calūnijsq; adinuicem, inimicos sese palam atq; afflictiores simul ostendat. quibus bonus Deus resistit, dilatans semen bonum, & cor nostrum, ut in pace super terram in quadam quietis latitudine uiuamus. Sic enim, cum Isaac dominus remunerasset, per inuidum Abimelech expulsus fuit: eoq; abeunte, pastores Geraræ calūnias adinuenerunt, pauloq; post publici inimici facti sunt: et post ista cõtentiones cessarunt, ita ut diceret: sit nomen putei istius latitudo

tudo, quia nunc Dominus dilatauit nos, & fecit crescere super terram. Quæ omnia ad nostram doctrinam scripta sunt, ut in medio afflictionum sequentia uerba concinamus, Deus nosler refugium & uirtus, adiutor in tribulationibus, quæ inuenerunt nos nimis, propterea non timebimus dum turbabitur terra, & transferentur montes in cor maris. scientes, eundem, qui nos spoliari terrenis bonis iussit, cœlestia præparasse, quibus absque tribulationibus istis frui nequaquam ualeremus. Deinde uerò causam exprimit, ob quam dignus factus fuerit in hac duplici latitudine ambulare, **QVIA MANDATA TUA EXQUISIVI**. id quidem, quod tu ab homine requiris, ut à te uocatus, mandata tua (inter quæ mandatum crucis est) diligenter cum Christo quærat, qui dixit, Ecce uenio: in capite libri scriptum est de me, ut faciam Deus uoluntatem tuam. quasi dicat, Hoc quidem feci; & propterea me ambulare in latitudine præstitisti.

6 **¶ ET LOQUEBAR DE TESTIMONIIS TUIS IN CONSPECTU REGVM**. quando non solum in spelunca in conspectu saulis satellites meos increpui, propter testimonia tua, quæ uelant inimicos posse occidi, uerum etiam summa cum charitate paulò post ipsum saulem alloquutus sum. in conspectu item regum inferni me tentantium, quibus cum intereadum ipsi uerbum tuum tentando exprobrabant, de testimonijs tuis mecum ipse (illis respondens) loquebar, **ET NON CONFUNDEBAR**. quasi dicat, non confundebam illis me perdere nitentibus.

7 **¶ ET MEDITABAR IN MANDATIS TUIS QVAE DILEXI**. per aduentum sapientiæ supernæ, quæ secundum charitatem ducit, qua tu sic diligis nos, ut te & mandata tua resdamare queamus. sic enim mandata tua dilexi, ut oblatam crucem propter mandata tua complexus sim, perinde ac si diceret, Non solum loquebar, & crucem amplecti promptus eram, uerum etiam mecum ipse meditabar in mandatis tuis, cum actu gratias tuas mihi collatis cõme-

morabam, admiratus quidnam ipse homo sit, quæ item bonitas tua, ut in tantis & semper memor sis eius. Mediabar præterea in ipsa tribulatione, uitæ contemplatiuæ initium expendendi mirabilia tua nos habere: quandoquidem tunc legem maximè scrutamur, cum ob necessitatem, ut adiuuemur, cum medico nostro Christo, atq; doctore, in lege nobis loquente ratiocinamur, doctrinam suscipientes & medicamina, quibus influctis uulneribus sua gratia medemur.

8 ET LEVAVI MANVS MEAS AD MANDATA TVA, QUÆ DILEXI: ET EXERCEBOR IN IUSTIFICATIONIBVS TVIS. Et non modo meditabar in mandatis tuis, quæ antea dilexi; sed **ET LEVAVI MANVS MEAS AD MANDATA TVA QUÆ DILEXI**, iuxta illud, in noctibus (id est in tribulationibus) extollite manus uestras in sancta, & benedicite dominum, sic enim ego in ipsa tribulatione orabam, & postea quoq; subiunxi: O domine, bonum mihi, quia humiliaſti me, ne auferas de ore meo uerbum ueritatis usquequaque. Talia nanque ego tunc adiutoria sensi, & si noua offeratur tribulatio, rursum in ea exerceri minimè negem, ut sequitur, **ET**, non solum tunc leuavi manus meas; sed & adhuc **EXERCEBOR**, hoc est paratus sum exerceri à te, qui his medijs animam meam exerces, **IN IUSTIFICATIONIBVS TVIS**. iustificationes uocans ipsas tribulationes, quas Christi amore homo sustinet: eò & interea dum patitur, gratia Dei comite mandata eius animam iustificantia, ad crucem usq; seruat. Sic enim alibi dicebat: Tenia me; & si adhuc uia iniquitatis in me adest, deduc me in uia æterna, quemadmodum successit per aliam persequutionem i. bsa lonis iterum affligi, quam paulò post idem propheta narrat. Quibus ad hunc modum explicatis, expende nunc lector, quis nam poeta super lites ra uau, & copula ipsa dulcius ac copiosius ludere potuisset, dum persequutionem, quæ non aderat, cum gratia, quæ etsi uirtute aderat, non tamen adhuc aduenerat, luctum cum gaudio, ac latitudinem tribulatio-

nis cum latitudine charitatis copulauit : nos item & Christum ita quis
dem ut alia uox, quæ sequitur, salutare : salutem, & Iesum saluantem
comprehendat, statumq; præsentem, in quo re persequutionem patimur,
cum futuro, dum ad patiendum prompti sumus, coniungens spem
deinde & rem, ut ita factum sit : sicut ipse sperauit, humanam præ
terea sapientiam, qua mandata exquisiuit, & donum sapientiæ supers
næ, qua media mandata dilexit, coniungendo, corde insuper ad iustitiam,
ore uero ad salutem credendo, corde item sibi ipsi, ore uero alijs
respondendo ; tentationem insuper & uictoriam à manu Dei copulatiue
accipiendo, num maiora uel alia potuit pro literæ uau interpretatione
simul iungere ? Hactenus prima pars tertiæ partis psalmi.

SEPTIMVS. OCTONARIVS.

¶ Zain

Latine, huc, duce te.



1 literam hanc ita interpretari debemus, huc, & duce te,
reclè Ambrosius inquit Dominum esse, qui post Saulis
persequutionem Dauidi dicit, huc duc te, sic enim alibi
ait : Venite ad me omnes, qui laboratis, et onerati estis,
& ego reficiam uos, quietem post passas ærumnas, his uerbis pollicens,
eò q̃ Zain septima litera est in ordine alphabetico : & septima quòq;
die dominus ab opere requieuit. Magis tamen literæ congruet, si dixer
imus, Dauidem hic loqui, qui cum uerborum domini meminisset, quan
do dixit : Cum ipso sum in tribulatione, eripiam eum, & glorifica
bo eum; uidens se à domino ereptum, æternam gloriã assequi infa
libiliter (quod aiunt) supersperauit. Hic planè optimus afflictionis
fructus est, ut per illum æternam salutem sancti uiri sperent, per quem

temporalem eos assequutos esse cernunt. & quò hanc spem tum à uer-
bis legis, cui omnia propheta ipse tribuit, tum à charitate à domino
infusa, non autem à natura, prouenisse commonstraret, proindeq; cum
fallere non posse, sequentes causas, ne temeritatis culpa notetur, do-
mino & sibi proposuit.

- zain 1 MEMOR ESTO VERBI TVI SERVO
TVO, IN QVO MIHI SPEM DEDISTI.
- zain 2 HAEC ME CONSOLATA EST IN HV
MILITATE MEA, QVIA ELOQVIVM
TVVM VIVIFICAVIT ME.
- zain 3 SVPERBI INIQVE AGEBANT VSQVE
QVAQVE; A LEGE AVTEM TVA
NON DECLINAVI.
- zain 4 MEMOR FUI IVDITIONVM TVORVM
A SECULO DOMINE; ET CONSO-
LATVS SVM.
- zain 5 DEFECTIO TENVIT ME PRO PEC-
CATORIBVS DERELINQVENTIBVS
LEGE TVAM.
- zain 6 CANTABILES MIHI ERANT IVSTI-
FICATIONES TVAE IN LOCO PE-
REGRINATIONIS MEAE.
- zain 7 MEMOR FUI NOCTE NOMINIS TVI
DOMINE, ET CVSTODIVI LEGE
TVAM.
- zain 8 HAEC FACTA EST MIHI, QVIA IV-
STIFICATIONES TVAS EXQVISIVI.
- 1 MEMOR ESTO VERBI TVI, IN QVO

MIHI SPEM DEDISTI. quando dixisti, Deus superbis resistit, humilibus uero dat gratiam (secundum quosdam) Tu autem dic, ut quo modo sancti uiri, postquam legitime certarunt, spem futuræ salutis in corde reponunt, eodem post superatum saulem, spem futuræ salutis in anima Davidis esse ortam: quam infallibilem (ut aiunt) fore, multis rationibus, quas narrat, existimauit, inquit: MEMOR ESTO VERBI TVI, non quod à Dei memoria uerbum semel emissum exciderit: sed potius sic loquitur, ut à uerbo Dei hanc infallibilem spem esse ortam ostendat. IN QVO MIHI SPEM DEDISTI, quando dixisti, Eripiam eum, & glorificabo eum. Duo enim continentur uerba illa: alterum, quod me eriperes, & hoc factum est: alterum uero, quod glorificares, & hoc infallibiliter spero. quasi cum Iacobo dicat: Tu domine dixisti benefacturum te mihi, infallibilis ergo spes mea est. Paulo namque placuit, hanc ob causam à temporarijs afflictionibus gratia Dei, nos saepiuscule liberari, ut intrepide æternam salutem inde speremus. Hactenus prima causa, quare infallibilem spem hanc esse censet.

HAEC ME CONSOLATA EST IN HUMILITATE MEA, QVIA ELOQVIVM TVVM VIVIFICAVIT ME. quasi dicat, Cur infallibilis non erit? Duo sanè, spes mea, quæ à uerbis tuis orta est, continebat, creptionem nimirum, & salutem. Primum sic impletum est, ut non solum ereptus fuero, uerum etiam spes HÆC, à uerbis tuis orta ME CONSOLATA EST, quando? IN HUMILITATE MEA, dum sic dolore maximo cruciabar, ut renueret consolari anima mea. Tunc enim, sicut speraui, factum est, QVIA ELOQVIVM TVVM, id est quod in eloquio continebatur tuo, ut me per Christum eriperes à manu persequentium me, iam VIVIFICAVIT ME semimortuum in hac saulis persecutione. Quod si ita est, quare spes hæc secunda futuræ uiuificationis æternæ, infallibilis non erit? nonne uerba, quæ tu loqueris, spiritus & uita sunt? de gradu in gradum (secundum Ambrosium) ad maiora

res contemplationes, & usque ad ipsius uitæ æternæ fruitionem animam deducunt. Hæc enim expendens, haudquaquam dubito, quin tu, bone Deus, qui consolatus es me, in medio afflictionis meæ sic me sperare in futurum dederis, quoniam tu es spes mea Domine Deus meus.

SVPERBI INIQUE AGEBANT VSQVEQVAQVE: A LEGE AVTEM TVA NON DECLINAVI. quasi dicat, minimè quidem naturæ isthæc ascribi possunt. siquidem dum tempus expendo, quando SUPERBI, tum dæmones ipsi, quos propter suam superbiam è cælo eiecisti, tum etiam eius filij INIQUE AGEBANT absque culpa rei illius, ob quam affligabar: sed non absq; causa, scilicet ut cætera peccata mea purgarem VSQVEQVAQVE, finem nō inuenientes affligendi corpus meum. Verum iniquorum iudicum officium, ut quanto plus innocentiam afflicti hominis cernunt, tanto magis indurentur, misericordiæq; uice, fremant & tabescant: eo quòd sicut fieri non potest, ut additis lignis, ignis extinguatur: sic animus mali iudicis malus, quanto magis ueritatem audit, tanto in malitiam excitatur. quapropter seneca taliter oppressis consilium dat, ut minimè grauamina, quæ sustinent, se cognouisse ostendant, ne peiora deinceps cogitare incipiant. sed dicet quispiam, quando Dauid usquequaque passus est, qui absq; ullo martyrio regno israel deinde potitus fuit? Cui Augustinus respondet, minime à consortio martyrum separari debere illōs, qui inuidias, simulas, tates, æmulationes, atq; persecutiones patiuntur, inter quos Dauid principatum obtinet. sic enim propter malignitatem hominum, infiniti Monachi, innumeriq; Fratres, secreta martyria, ob Dei amorem in cellis patiuntur, tanto magis cæteris corporalibus præponenda, quanto quòd mors omnia soluit: hi uerò etsi præ dolore sæpe in uita mori quodammodo uideantur, mortemq; optent, semel mori nequaquam possunt. Vnde fit, ut multi religiosi Dei quodammodo martyres euadant, nulli

si uerò satanæ falsi martyres efficiantur, Augustino teste, qui in epistola ad plebem hipponensem, sic ait: Ex quo Deo seruire coepi, quomodo difficile sum expertus meliores inueniri ijs, qui in monasterijs profecerunt: ita non esse peiores ijs, qui in monasterio ceciderunt. **A LEGE AUTEM TVA NON DECLINAUI.** strenuos gladiatores, ijs uerbis sese imitatum fuisse ostendens, non autem trepidantes, qui modo huc, modo uerò illuc, uel toto corpore, uel pro parte aliqua, membra flectunt, ut plagas aduersariorum facilius declinare queant. quasi dicat, Ego cum id satanæ filij, & pater elaborassent, ut ad impatientiam ductus, legem tuam derelinquerem, non solum illam à me non repuli, uerum etiam **A LEGE TVA**, qua iubes nos crucem oblatam subire, ut uitam æternam promereamur, propter hanc spem non declinaui, ut uel momento oblatam crucem effugere constituissem, firma nanque & stabilis uoluntas mea, ut eam subiret, perpetuò fuit: nec eam ob causam corpus de loco ad locum permutaui, ut uoluntatem tuam facere recusarem, sed secundum beneplacitum tuum, qui iubes de ciuitate in ciuitatem seruos tuos fugere, profugus atque famelicus, nemora inhabitans, illam sustinere ubiq; locorum pròptus fui. Non ego solus domine, sed gratia tua comite, quæ in aduentu charitatis tuæ uigorem hunc animæ dedit: ita quidem, ut cum paulo dicerem: Quis ergo separabit me à charitate Christi? an tribulatio & angustia? an fames, an persecutio? Propter quæ, dum illa mente reuoluo, facillime mihi persuadeo spem hanc à charitate tua in anima mea infusa processisse: quando hunc in modum, id quod natura denegat, charitas ad ministrat: proindeq; & infallibilem hanc spem meam esse autumo, quæ à charitatis tuæ fonte orta est.

4 **MEMOR FUI IUDICIORVM TVO-
RVM A SECVLO DOMINE, ET CONSOLATVS SVM.** quasi dicat, Nonne ex charitatis fonte spes hæc orta est? Cum enim uerba illa in lege tua contenta legerem.

mementote mirabilium eius , prodigia eius , & iudicia oris eius : his auditis , à charitate hac motus , quæ ociosa non est, MEMOR FVI IVS DICIORVM TVORVM A SECVLO DOMINE, in quibus vidi quos modo Abraham & reliqui sancti patres ab initio mundi per fidem probati , non acceptis repromissionibus , sed à longe eas aspicientes , & salutantes , tanquam peregrini super terram , æternam Hierusalem inquirentes , quam tu prædestinatis parasti , sperantes in iudicijs tuis patienter omnia sustinuerunt . vidi insuper te sæpe permisisse , ut iussu ab impijs pro tempore affligantur , ut inde in perpetuum illos saluos facias : Et , his expensis CONSOLATVS SVM. Consolatio autem ab ipsa charitate orta est : unde & spes mea firma procedit , ut æternam quoque gloriam condones.

¶ DEFECTIO TENVIT ME PRO PECCATORIBVS DERELINQVENTIBVS LEGEM TVAM . non secus , ac si dicat , Nunquam mihi persuadere potero spem ipsam à natura processisse , quoniam hæc spes in medio tribulationis à charitate initium sumpsit , & post liberationem perfecta est . At dices , quomodo hoc nostri ? quia interea dum affligebar , DEFECTIO TENVIT ME (hyperbolica locutio est) PRO PECCATORIBVS DERELINQVENTIBVS LEGEM TVAM . dum malefactoribus gaudentes , in reprobum sensum traditi , in vijs suis obstinati persegebant . Quo tempore (secundum Euthymium) legem ipsam contemnentes in perditionem animarum illorum acerbissimis lachrymis plangebam : quod minimè à natura , sed à charitate infusa processit : quæ usque ad beatitudines luctus & sitis iustitiæ me perduxit : ut aliorum mala (etiam inimicorum , qui nocent) donec spes emendationis aderat , fortiter plangerem . Tu domine hæc ut facerè præstitisti in aduentu charitatis tuæ , à qua spes quoque mea originem sumpsit , quocirca , quin infallibilis sit , minimè ambigendum est.

¶ CANTABILES MIHI ERANT IVSTIFICAE

FICATIONES TVAE, IN LOCO PEREGRINATIONIS MEAE. quasi dicat, quare super hoc dubitaboe enim IN LOCO PEREGRINATIONIS MEAE, quando anima è corpore ob tribulationis angustias migrare iam cœperat, charitate refectus, CANTABILES MIHI ERANT, hoc est non solum gaudens pasciebar; uerum etiam cantabiles cantorum hilariter canentium instar, erant mihi IUSTIFICATIONES TVÆ, id est mandata tua, quæ seruabam; & seruando animam meam iustificabant. Siquidem idcirco me pati expendebar, ut ab iniustis affluctus, iustior ego efficerer. & hic charitatis tuæ, non autem naturæ, quæangebatur, effectus fuit: qua me sic gaudere in medio tribulationis dedisti, unde spes mea æternæ salutis prouenit, infallibilis & certa. Sic enim paulo teste in multo experimento tribulationis abundantia gaudij ipsorum fuit.

7 **MEMOR FUI NOCTE NOMINIS TVI DOMINE, ET CVSTODIVI LEGEM TVAM.** Non secus ac si dicat, Qua ratione solius naturæ gaudium hoc, non autem de sursum ueniens fuisse dicam? nonne ego MEMOR FUI NOCTE, tum scilicet in medio tribulationis, tum uerè in nocte, quando saul in spelunca, ubi ego eram, nocte dormiuit, quo tempore ipsum interficere facillime potuissem, & tamen hoc non feci, memor NOMINIS TVI, qui dicis, Mibi uindictam, & ego retribuam. DOMINE, cui omnia patent, & scis, haudquaquam timore, sed propter nomen tuum me id fecisse; siquidem parum esset hoc egisse, nisi propter nomen tuum id operatus fuisset: Augustino teste, qui alibi sic ait: Si enim amore tuo id facis, nil facis; si amore illius facis, optime facis, ET, hoc commemorans CVSTODIVI LEGEM TVAM, inquit: Nisi dominus percusserit cum, aut dies eius uenerit ut moriatur, aut descendens in bello perierit: propitius sit mihi dominus, non mittam manum meam in Christum domini. Confregi uiros meos, & non permisi ut surgerent in saul: quod maximum argumentum

aduentus charitatis tuæ fuit, quæ spem tum temporalem, tum æternæ salutis misericordia tua consequendæ in corde posuit. Quibus expensis tandem concludit.

- 8 **HÆC FACTA EST MIHI, QVIA IVSTIFICATIONES TVAS EXQVISIVI.** super quibus uerbis magnus inter doctores conflictus est. Hieronymus nãq; dicit, **HÆC**, id est lex, quæ expositio eam ob rem Augustino non placet, quia **τοῦτος** (id est lex) in græca lingua est generis masculini, quo circa dicere cogimur, hæc, id est ista, quæ præmissi; quæ interpretatio latinis non congrueret, cum hæc sit uox pluralis numeri, & facta singularis. Vnde Augustinus hoc uitans, aliam addit, inquit, hoc factum est mihi, quæ nequaquam bona est: tum quia aliter Græca & Hebræa lingua habent, tum etiam, quia nullum uerbum neutrum præcessit, nec præcedere potuisset, cum Hebræa lingua neutro careat. Prosper uerò dicit, hæc, id est uox, quæ in lucem conuersa est. Euthymius autem, hæc scis licet memoria, dum præmissa cogitauit. Tu uerò dic, hæc, id est spes, de qua in toto octonario egit. **FACTA EST** à te, non quidem aderat in corde meo: neq; à simplici natura processit: siquidem supra naturam à te facta est, iuxta illud, Domine, tu es spes mea, in cuius infusione hoc duntaxat naturæ opus interuenit: quippe, quia **IVSTIFICATIONES TVAS** animam meam iustificantes, libero arbitrio meo à te moto & concomitate, quantum licuit, **EXQVISIVI**, id est diligenter quæsiui, legi omnia tribuens, sicuti & cætera ei ascribere consueuit; perinde ac si dicat, nullum certè solius naturæ opus accessit: omnia à gratia tua processerunt, præter hoc quod commune fuit, nempe, quia gratia tua comite, iustificationes tuas, tum seruando legem tuam, tum operando exquisiui: unde fit, ut spes hæc, quæ à te facta est, stabilis, tanquam à gratia tua, non autem tanquam naturæ opus in corde meo maneat, ac prouide certa & infallibilis sit, quia huc te duce ueni secundum litteram & in proprietatem, quam his octo uersibus diuino numine explicas

uit. Hæc lector expende, ut spem, quæ à Deo est, à propria in te ipso distinguere possis: Rursum at post superatos satanæ filios, qui te afflixerunt cum Dauide dicas: Bonum mihi, quia humiliasti me, ut discam iustificationes tuas. Hactenus secunda pars tertiæ partis Psalmi.

OCTAVVS OCTONARIVS.

CHETH H

Latine vita, paupor.



CLARA uoce literam Heth, uitam significare, atq; pauorem omnes concludunt: qui quidem paupor in hoc à timore differt, quia timor motus quidam cordis est metuentis aliquid quod malum, quod ei appropinquat. Paupor uerò mentem ad suspicandū iustum hominem mouet, an Dei gratiam secum habeat: uel ne ab illa, quam habet, in futurū decidat, hæsitans an aliquid lateat, quo fiat ut regnum cœlorū minimè capiat: quemadmodū Dauid hoc in loco euenit, qui post spem æternæ salutis sibi in præcedēti octonario propositam, timens ne ab hoc statu ceciderit, aut in futurum cadat, pauere cœpit. eamq; ob causam ut pauorem hunc excludat, mox omnia percurrrens, quæ fidelem Christianum facere necesse est, propriæ conscientiæ (quantum licet) periculum facit. Verum, quia sub incerto manent omnia, & magis coniecturæ quædam considerari possunt, q̃ certitudo salutis haberi, cum Paulo dixit: Nihil mihi conscius sum. portionem meam in cooperatione hac Dei & animæ, iam contuli: non tamen propter hoc iustificatus sum. misericordiæ Dei me committo, (à qua omne bonum, omnis gratia, & omne meritum procedit) ut gressus meos in futurum dirigat. Hic certè germanus sensus significationi literæ Heth conueniens. Cassiodoro tamen & quibusdam alijs placuit, pauorem hunc sollicitudinem quandam fuisse, bonum illud quod sperat

acquirendi: nimirum ut post mandatorum implementum faciem domini uidere quiret, in quo uita. Tu uero lector subsiste paululum, donec omnes octo uersus sequentes legeris, ut horum diuersorum sensuum legitimum iudicium facere possis. Diuiditur autem in partes duas: quarum prima durat usque ad uersum, Misericordia tua, in qua causas contemplatur, quibus sibi ipsi persuadet, pauorem hunc se excludere posse. In secunda Dei misericordiam inuocat. hunc enim in modum octonarius iste declarandus est: non autem dicendum ecclesiam uel Christum locutum fuisse, quemadmodum aliqui tenent: minime tamen propterea negantes quin post literæ proprietatem explicatam, sensus spirituales quotquot erunt, eidem literæ accommodari possint. siquidem non inconstanter uenit, ut eadem litera plures sensus in sacra scriptura habeat, uti paulo ante dixi.

- Heb 1. PORTIO MEA DOMINE: DIXI CVSTODIRE LEGEM TVAM.
- Heb 2. DEPRECATVS SVM FACIEM TVAM IN TOTO CORDE MEO: MISERERE MEI SECVNDVM ELOQVIVM TVVM.
- Heb 3. COGITAVI VIAS MEAS, ET CONVERTI PEDES MEOS IN TESTIMONIA TVA.
- Heb 4. PARATVS SVM, ET NON SVM TROBATVS, VT CVSTODIAM MANDATA TVA.
- Heb 5. FINES PECCATORVM CIRCVMPLEXI SVNT ME, ET LEGEM TVAM NON SVM OBLITVS.
- Heb 6. MEDIA NOCTE SVRGEHAM AD CONFITENDVM TIBI SVPER IVDICIA IVSTITIAE TVAE.

heth

7 PARTICIPES EGO SUM OMNIUM TIMENTIVM TE, ET CVSTODIUNTVM MANDATA TVA.

heth

8 MISERICORDIA TVA DOMINE PLENA EST TERRA: IVSTIFICATIONES TVAS DOCE ME.

1 PORTIO MEA DOMINE, DIXI CVSTODIRE LEGEM TVAM.

Quamquam uocem, Portio, multifariam interpretari posse Augustinus et ceteri doctores censent, primum ut illud, mihi autem adhaerere Deo bonum est: Secundo, ut eo modo quo res diuidi solent, quando unusquisque partem suam capit, a qua deinde fructus tanquam proprios colligat, ut ex iis uiuat: ad eundem modum piorum hominum portio ipse Deus sit, ut in ea semper uiuant. Itaque secundum Dionysium Prophetam orasse, O domine, qui es portio mea, id est unicum bonum, quod praeter ceteris amo, haereditas plane illa, quam filiis tuis ab aeterno praeparasti, ad quam uenire despectis mundi delictis depropero, una tamen est utriusque substantia. Mea tamen sententia uerba haec, PORTIO MEA DOMINE, alium sensum habent, nempe ut minime portio ipsa in accipiendo consistat, immo potius contra, portionem eam esse, quae conferatur, ad illum sane modum, secundum quem multi circa idem concurrentes, ut hoc uel illud fiat, singuli propriam portionem ponunt. quasi dicat, Portio mea domine, quae in hac mea et tua cooperatione conferenda erat. DIXI, id est statui, decreui, atque promisi (Cassiodorus inquit.) Nos autem non sic: sed quod uox ista, dixi, perpetuo in hoc psalmo significet, confessus sum: ita ut dicat, Portio mea domine, sicut perpetuo confessus sum, haec est, CVSTODIRE LEGEM TVAM, quam gratia tua comite, ceterorum peccatorum antea commissorum poenitens, usque ad latum mandatum crucis in praeterita Saulis persecutione me impleuisse eam ob causam existimo, quia me non liberaffes, antequam faceres ex tentatione prouentum. Quod

si ita est, quare pauebo? Mox tamen cogitat multis Deum pepercisse, qui adhuc affligendi fuissent, ne inimici eorum exultarent, dicentes, manus nostra hæc fecit, & non dominus, ita ut esse possit se liberatum esse, & nihilominus legem non seruasse: qua re commotus, ut paucos rem hunc excludat, sequentia uerba subiungit.

2. ¶ **DEPRECATVS SVM FACIEM TVAM IN TOTO CORDE MEO: MISERERE MEI SECUNDVM ELOQVIVM TVVM.** quasi dicat, minimè ambigo, quin isthæc, quæ in præcedenti uersu cogitavi, sic esse potuerint, sed ecce aliam portionem meam propono, nimirum ut minimè iussitæ meæ innixus fuerim, sed misericordiæ tuæ, **DEPRECATVS** namq; **SVM** orationibus meis **FACIEM TVAM**, hoc est, ut facie ad faciem te uidere queam: tum diuinitatem ipsam intellectus oculo, tum Christi faciem, quam oculo corporali homines in cælis uidebunt (Hugo inquit.) Nos autem dicamus, faciem quam ostendis, dum nos miseris corditer saluare eligis, ut illud, ostende faciem tuam, & salui erimus. **IN TOTO CORDE MEO.** hoc est intellectu, & affectu, siquidem mens diuisa nihil impetrat, & dixi **MISERERE MEI**, & ab occultis meis munda me, **SECUNDVM ELOQVIVM TVVM**, per quod dixisti, Cum ingemuerit peccator, nō recordabor amplius iniquitatum eius. Verum, quia hæc quoq; causa eodem morbo laborat, eo quod multi ad hanc misericordiam recurrentes, recte se poenituisse putant, qui id minimè egerunt, quemadmodum saul contigit, dominum aliter q̃ dicebat inuocando, tempore quo condemnatus erat: ijs hunc in modum expensis, aliam addit causam, qua pauorem excludere possit.

3. ¶ **COGITAVI VIAS MEAS: ET CONVERTI PEDES MEOS IN TESTIMONIA TVA.** quasi dicat: Non solum cogitavi **VIAS MEAS** peccatorum, easq; cogitans uerè me peccasse poenituit, uerum etiam **ET CONVERTI** quoque **PEDES MEOS** malæ uoluntatis, ne ad malum in futurum tenderent;

IN TESTIMONIA TVA, ut eo modo, quo ipsa docent, post pœnitentiam ambularent. cum enim Saul me interficere conabatur, contra ego ne ipse occideretur, iussi: quod quidem gratia tua factum est, quilius circo incipis, ut opus perficias usque in finem. Quare igitur pauebo? sed quia possibile erat pedum conuersionem hanc in testimonia Dei à gratia perseuerantiæ temporalis ortam fuisse, quandoquidem multos cernimus, qui temporaliter secundum gratiam in libro uitæ scripti, propter peccata deinde delentur, adhuc pauens, sequentem causam addidit.

¶ PARATVS SVM, ET NON SVM TVRBATVS, VT CVSTODIAM MANDATA TVA.

Placet quibusdam, per has uoces, PARATVS SVM, prophetam non solum per se aptum fuisse ad custodiendum mandata; uerum etiam in ipsa mandatorum obseruatione præuidens futuram crucem, sic animū muniuisse, ut tolerabilior crux ipsa sibi facta fuerit, eò quòd præuisa mala minus nocent, ac proinde NON SVM TVRBATVS, id est minus turbatus (secundum quosdam) ad suslinendum illam paratus fuerit. Alijs uerò placuit, Prophetam hoc in loco declarare, sufficere ei paratum esse, implicite credere omnia, quæ in lege continentur. de quo Prophetam minime agit, nec agere posset, siquidem quantum ad articulos fidei attinet, nequaquam hoc sufficeret, eò quòd articuli hi explicitè sunt credendi, hoc est animum præparatum habere pro loco et tempore ad illos explicitè credendum. Et idcirco aptius dicemus eum promptum fuisse non solum explicitè credere, uerum etiam obedire: quoniam uirtus obedientiæ in uoluntate consistit: proindeq; sufficit, ut promptitudo uoluntatis, præcipienti domino se subiiciat. Hic sanè prophetæ sensus (Augustino authore) fuit, ut paratus sit de præsentibus nouas passionibus in futurum à domino immittendas, patienter & summa cum obedientia ferre, quemadmodum (Christum representans) alibi propheta dixit: Quoniam ego in flagella paratus sum, & dolor

meus in conspectu meo semper. sic enim Augustino in simili placuit, ut consilium illud domini, si quis percusserit te in una maxilla, præbe illi & aliam, huiusq; generis reliqua, hoc modo impleatur, nempe ut homo propter obedientiam ad patiendum promptum animum habeat. Quas propter Paulus alibi ait: Ego autem non solum alligari, sed & mori in Hierusalem paratus sum propter nomen domini iesu. Itidem Abraham, etsi Isaac non occidit, quia tamen promptitudo animi ad occidendum aderat, obedientia hæc, quam Deo præstare obligabatur, pro opere reputata fuit, domino in eodem loco teste, cum ait: Nunc cognoui quod timeas dominum, quia obediisti uoci meæ. sic enim prophetie uerba interpretanda sunt, dum ait, Paratus sum, & non sum turbatus: non quod caro mea infirma non trepidet, sed quia ratione gaudens, omnia propter te suslinere promptus maneo, ut sequitur: UT CUSTODIAM MANDATA TVA, etiam crucis, quæ superuentura est. Verum, quia huic quoq; causæ principio obstat, quod natura (secundum stoicos) id ipsum efficere potest, ut minimè illa mala timeamus, quæ à nobis non proueniunt, sed ab alijs inferuntur: & aliud item, quoniam, ut Paulus testatur, possumus absq; charitate Dei tanquam satanae martyres (putantes nos saluantem fidem habere) corpora in ignem, ut ardeant, mittere: & minimè gratia Dei, sed tanquam diaboli martyres hæc pati, cum præsens status, futuri, infallibile (quod aiunt) signum esse non possit. his expensis, fortius Prophetæ pauet, ne promptitudo hæc à natura, non autem à gratia simul procedat: & sequentia addit.

¶ FVNES PECCATORVM CIRCVMPLEXI SVNT ME. quæ metaphorica loquutio (secundum hugonem) est, per quam ita animam peccatis constringi significat, sicut corporales res funibus constringuntur. sed rectius dicemus, Prophetam, qui in toto Psalmo hoc agit, ut ea nimirum ex ratione salutem speret, quia legi se hære animaduertit, aliud q̃ hugo cogitat, hic sentire, nempe in medio durissimæ passionis perpetuo legi sese hæsisse: & minimè cum

Stoicis

stoicis ob inanem mundi gloriam, sed propter legem sic præcipientem, omnia sustinuisse, quemadmodum alibi dicit: Propter legem tuam sustinui te domine. Non secus ac si dicat: FVNES TECCATORVM, id est cruciatus hominum peccatorum persequentium me, tanquam funes CIRCVMPLEXI SVNT ME, quibus minimè ego solus resistere potuissem: sed gratia tua comite omnia superavi: & quantūlibet cruciatus, legem tuam semper sum scrutatus: ut sequitur: LEGEM AVTEM TVAM NON SVM OBLITVS. ostendens nobis, tempore quo opus feruebat, & absq; mensura ipsum affligebant, ita quidem ut uix legis memor esse potuisset, adhuc legi, id est contentis in lege hæsisse, à qua nunquam discessit: ob quæ nunc dicere audet: quare igitur paucio? Non ne hoc magnum prædestinationis signum est, in medio tribulationis peccatorum nostrorum perpetuò pœnitendo legi hæreret? sed quia signa nihil ponunt in esse, pauens ad huc alteram causam, quæ paucioem excludit, addit.

¶ MEDIA NOCTE SVRGEBAM AD CONFITENDVM TIBI SVPER IVDICIA IVSTIFICATIONIS TVAE. Doctores super intelligentia uocum istarum MEDIA NOCTE, ualde laborant. Primum enim Christum in oratione pernoctasse contēplantur, Aegyptiorum item primogenita hoc tempore ab Angelo fuisse occisa, Petri & Pauli uincula nocte resoluta, ac Satanam hoc tempore commodius animas tentare, quo liberius peccatores absq; adstantium uerecundia illas coinquinant, præsertim, quia minus rectè cum euigilant, quid agant animaduertentes, peccare propter humanam consuetudinem eligunt. Nos uerò ijs omissis, & illis quoq; quæ in contrarium adduci possent, Augustinum sequamur, cui placuit, ut dicamus MEDIA NOCTE, id est in medio tribulationis, quam sæpe noctem propheta nominat, sicut in psalmo illo, Probasli cor meum, & uisitali nocte, & alibi, Memor fui nocte nominis tui domine. istiusmodiq; generis reliqua, per quæ plerunq; & tribulationem

Et tempus noctis simul ostendit. SURGEBAM. uerè surgebam, si quis dem sic oppressi spiritus eorum, qui cruciantur, manent, ut propter afflictiones, quæ undiq; ipsos circumeunt, semimortuos plerunq; se esse putent, quemadmodum alibi dixit, in die tribulationis meæ Deum exsquisui, manibus meis nocte contra illum: renuit consolari anima mea, Et defecit spiritus meus. anticipauerunt uigilias oculi mei: turbatus sum, Et non sum locutus. Non tamen solus surgebam, sed gratia tua duce, qui omnes elisos erigis. AD CONFITENDVM TIBI, id est laudandum te (Ambrosius inquit) eò quòd propheta dum his uerbis utitur, se uelle Deum laudare demonstrat propter opus bonum, quod ei consummare concessit; unde sequitur, SUPER IUDICIA IUSTITIÆ TUE, quæ in medio tribulationis me facere gratia tua condonas tibi, quæ qualia sint, in primo octonario declarauimus. quasi dicat, Quænam uis naturæ circa hoc considerari poterit? sola quippe Dei gratia hoc effecit, quæ media nocte me surgere præstitit, Et mecum cooperata est: interea dum inter spiritum Et carnem iudicium Et iustitiam feci. quare igitur pauabo? hic germanus sensus, non autem ille, media nocte ad orandum eum surrexisse, cuius temporis paulò post memor erit, cum ait: Septies in die laudem dixi tibi. At quia parum præterita iudicia profunt, nisi illa de præsentia faciamus; conspiciens propter fidem quam habebat, adhuc (quolibet peccator) unum de ecclesiæ membris, Et poenitens se esse, sequentia subiunxit.

7 PARTICIPES EGO SVM OMNIUM
TIMENTIVM TE, ET CVSTODIENTIVM
MANDATA TUA. Quæ uerba eò modo
intelligenda sunt, sicut Ecclesia in celebratione sacri sacerdotes iubet
orare: Domine, ne respicias peccata mea, sed fidem ecclesiæ tuæ, ut
in oratione fidei (secundum iacobum) saluus sim. Hic certè ille pro-
pheta est, qui ob eandem causam alibi dixit: O domine, quia ego seruus
tuus, Et filius ancillæ tuæ, quod nunc sequentibus uerbis expris-

mit dicens : PARTICEPS saltem EGO SVM, si portio mea nihil est, OMNIUM TIMENTIUM TE, timore filiali, ET CUSTODIENTIUM MANDATA TVA, nimirum ecclesie, quæ ex sanctis uiris suis delibusq; membris in unum congestis, & capite Christo constat : ecclesie saltem fide, cum me peccasse poeniteat, saluus ero, in qua charitas diffusa per spiritum sanctum manet, ut ea fide ecclesie, in qua nunc flo, & defectura nequaquam est, saluus fiam. At quia non minus quàm in cæteris errare poterat, aliud cum sit de numero esse, aliud uerò meritum ecclesie participare, à quo multisariam in futurum poterat excludi : proinde cum timore & tremore propriam salutem operando, in hunc, qui sequitur modum orat.

8 **MISERICORDIA TVA DOMINE**, quæ sus per omnia opera tua est, et iudicium superexaltat, **PLENA EST TERRA**, sicut scriptum est, in omnem terram exiuit sonus eorum. Et dixit plena, quoniam Christi merita superabundarunt peccata mundi. Terra item, id est ecclesia tua, misericordia tua plena est : cum nulla iustificatio in ea adsit, nullum iudicium, nullum iustitie opus, nulla salus, quæ ab infinita misericordia tua principium et finem non habuerit, per Christum filium tuum magistrum nostrum, qui nos iustificationes tuas perpetuò docet. Tu igitur domine præsta, ut hæc quoq; terra corporis mei, misericordia tua plena sit, & per spiritum sanctum tuum **IUSTIFICATIONES TVAS DOCE ME**, sic perseverando usq; in finem, sicut hætenus docuisti me, à statu iniustitie ad statum iustitie peruenire. Age mi domine, ut spiritus tuus, qui ductor meus est, deducat me in terram rectam propter nomen tuum, donec cum timore et tremore ad propriam salutem operabor. Vbi bellè uides q; tametsi multa signa future salutis ex his, quæ præsentia sunt, coniectare ualeamus : quanq; præterea spes ipsa certa sit : non tamen sic firma, quin paucamus, ut perpetuò nos cadere posse ab ea proinde & à gratia cogitemus. Dixi hæc, ut literæ heth proprietates declararetur, hoc est ut cum uita uel præsentia uel futura

ra, quàm speramus, donec in uia sumus, pavor ille coniungatur, quem sanctos quoque habere decet: ut cum timore & tremore æternam salutem operentur. Hactenus quarta pars tertiæ principalis partis psalmi.

NONVS OCTONARIVS.

CTETH

Latine exclusio, bonum. secundum Ambrosium;

Hicronymus uero dicit bonum.



VO modo in aduentu persecutionis Saulis, arma à Domino propheta ipse principio petijt, quibus strenuè deus de certauit: eodem nunc, cum noua Absalonis persecutio sese offert, eadem arma petit. Significat namque litera Teth exclusionem, & bonum: sub qua significatione à bono Deo bona sibi elargiri obsecrat, ut mala, quæ offeruntur, excludere possit. Diuiditur autem in partes duas: quarum prima durat usque ad uersum Multiplicata, in quo prænarrata bona petit. In secunda uero, persecutio Absalonis aduenit.

- Teth 1. BONITATEM FECISTI CVM SERVO
TVO DOMINE SECVNDVM VER-
BUM TVVM.
- Teth 2. BONITATEM ET DISCIPLINAM ET
SCIENTIAM DOCE ME, QVIA MAN-
DATIS TVIS CREDIDI.
- Teth 3. PRIVSQVAM HVMILIARER, EGO
DELIQVI: PROPTEREA ELOQVVM
TVVM CVSTODIVI.
- Teth 4. BONVS ES TV, ET IN BONITATE
TVA DOCE ME IYSTIFICATIO-
NES TVAS.

Tetb 5 **¶** MVLTIPPLICATA EST SVPER ME
INIQVITAS SVPERBORVM: IN TO-
TO CORDE SCRVTABOR MAN-
DATA TVA.

Tetb 6 **¶** COAGVLATVM EST SICVT LAC COR-
EORVM: EGO VERO LIGEM TVAM
MEDITATVS SVM.

Tetb 7 **¶** BONVM MIHI, QVIA HVMLIASTI
ME, VT DISCAM IYSTIFICATIO-
NES TVAS.

Tetb 8 **¶** BONVM MIHI LEX ORIS TVI, SVPER
MILLIA AVRI ET ARGENTI.

1 **¶** BONITATEM FECISTI CVM SERVO TVO
DOMINE, SECVNDVM VERBVM TVVM.

*Ab salonis persecutio cum proxima esset, memor David adiutorij obten-
ti in saulis persecutione, sic orat: BONITATEM FECISTI CVM
SERVO TVO DOMINE, quando in persecutione saulis gratiam in-
fundendo, à tantis malis me liberaſti. SECVNDVM VERBVM TVVM
nobis promissum, quod per uerbum tuum Christum omnes sperantes
in te, modo temporaliter, modo in perpetuum saluares. Hic germanus
literæ sensus: quem intellexisse parum iuuat, nisi causam, quare uerba
hæc dixerit, intelligamus. Cogitauit nanq; psaltes adeò Deum ipsum
bonum esse, ut non solum propter bonitatem suam ad benefaciendum
moueatur, sed sic moueatur, ut uoluntas nostra, quæ mala sæpe est,
bona uoluntas efficiatur: qua sic effecta, quia Deus non ita dat, ut ab ob-
ligatione aliqua se eximat, quin potius ut habenti rursum det: Prophe-
ta, qui semel gratiam accepit, ut in persecutione saulis, uoluntas eius
mala, bona efficeretur: id nunc eam ob causam commemorat, ut deinde
ab eo, qui dedit semel, in sequenti uersu iterum eandem gratiam obti-*

neat. Hic uerus literæ sensus, secundum literæ Textus proprietatem, quæ exclusionem malorum, per intromissionem boni, id est gratiæ, significat. illum itaq; sequere, ne cum illis erres, quibus placuit, uocem illam uerbum, quam Græci λόγος dicunt, quod etiam rationem significat, rationabiliter id Deum præstitisse ostendere: quia alibi scriptum est, omnia in recto iudicio facis. Neq; cum illis decipiaris, qui de infusione animæ, aut de simplici aduentu Christi egisse censent. hæc enim in sequenti octonario tractat: quasi dicat: Tu igitur domine, qui hanc bonitatem in altera saulis persequutione fecisti.

BONITATEM, nunc quoq; gratiam domini sapientiæ tuæ infundendo, quæ te Deum nobis summum bonum esse cognoscimus. **ET DISCIPLINAM**, id est effectum disciplinæ huius, quæ offertur: donum nimirum intellectus, sicut scriptum est, uexatio dat intellectum, non modo naturalem, sed etiam infusum. At dices, quid commune, dona ista cum ipsa tribulatione, quam patimur, habent; nempe ut præsentem angustias tribulationis, cognito, sine in primis temperemus: secundo, ut ne iterum affligamur, futura peccata præcaueamus. sic iob nos doceat, cum ait: Deus instruit hominem disciplina, ut auertat, hominem ab his, quæ fecit, & liberet illum de superbia. & alibi idem propheta. Disciplina tua domine me correxit in finem. **ET SCIENTIAM**, id est donum scientiæ rerum creatarum, antequam tribulatio adueniat: ut omnes mundi uanitates his donis continere, sustentationes autem tuas suslinere possim. **DOCE ME** domine, ne propter ignorantiam illa diligam, quæ omnino debent contemni. Verum rursum dices, non ne omnia ista paulo ante obtinuit? quare ergo nunc eadem petit? Cui quæsito respondebo; ea ex re prophetam eadem dona petiisse, quia pauor in quo erat, adhuc illum uexabat, ne illa perdidit. Rursum quoniam noua persecutio nunc offertur, quæ ipsi dem medietas in maiori gradu eget: & idcirco paulo conformis, cum ait, Videte quomodo caute ambuletis, non quasi insipientes, sed ut sapientes, dona hæc petit, ut

in mandato nouæ huius crucis, quæ nunc offertur, rectè ambulare possit; quasi semper nos discere oporteat, (si Cyrillo in prouerbijis suis credimus) eò quod sapientia finis est prudentis; cui quanto uiciniores sumus, tanto maiori impetu, ut ipsam amplectamur, currimus. Deins de pro ratione addit: QVIA MANDATIS TVIS CREDIDI, non modo ut mandata seruem, sed etiam ut tu idem bonus Deus, qui illa præcepisti, unde adimpleri possint, credentibus pro tua misericordia retribuas. Da igitur domine id quod te præstaturum perpetuò credidi, & loquitur per tempus præteritum, CREDIDI, ut primum donum fidei infusum se conseruasse commonstret: ac se propter hanc fidem susperperare, ut eo modo quo post habitum fidei infusum, dona hæc, quæ petit, oratione in alia saulis persecutione superuenerunt, itidem & nunc condonentur. Quasi idem bonus Deus, qui hunc in modum tunc bonitatem fecit, eandem bonitatem (ut dixit) nunc facturus sit. Audent namque fideles maiori cum fiducia Deum adire, & si qua necessaria sunt, ab eo tanquam à patre petere.

3. **PRIVS QVAM HUMILIARER, EGO DELIQVI, PROPTEREA FLOQVIVM TVVM CVSTODIVI:** quoniam triplici ratione persecutiones extrinsecus electis suis Deus ipse immittit: Prima, ut hi quorum fides probata est, coronentur. Aliter, ut fides in uia probetur, eaque probata, eos quos cruciari iussit, à manu inimicorum liberet: itaque liberati æternam salutem seruentius sperent. Et tertia, ut peccatores ad Dei misericordiam, pœnitentia comite, ad quam à Domino adducuntur, accedere possint: quemadmodum sara Thobiaz hæc omnia sua oratione ostendit, cuius uerba sic habent [Hoc pro certo scio, quoniam si homo in probatione fuerit] id est eius fides ad mortem usque probata fuerit, [coronabitur. si in tribulatione] quæ idcirco à Domino immittitur, ut fides eius tribulatione ipsa probetur, itaque intelligat an in fide uitam ducat [liberabitur].

Et si in corruptione] id est peccatis, quæ animam corrumpunt, [ad misericordiam tuam uenire licebit] quando tu illos ad pœnitentiam uocas atq; adducis. Hæc intuens Propheta, in consuetâ mansuetudine loquens, minimè se coronæ bene meritum esse inquit, neq; ut fide eius tanquam iusti hominis probata, se liberari petat: sed potius propter propria peccata afflictum se esse palam confitetur, inquit, **PRIVS QVAM HVMILIARÈR** in prima persecutione saulis: tametsi in saulem ego non peccauerim, tamen propterea illum immisisti, quia tibi alijs modis peccaueram, ut sequitur: **EGO DELIQVI**, quod ego expendes, **PROPTEREA**, quia iussu me affligi conspexi, summa cum humilitate **ELOQVIUM TVVM CVSTODIVI**. ore & corde peccatorum commissorum pœnitens: per quam pœnitentiam (quæ donum tuum est) charitatem intromittendo secundû literæ Teth proprietatem omnia peccata mea exclusisti. Et idcirco haudquaquam dubito, quin facilius nunc, postquam peccati in Uriam & Bethsabee commissi culpam remisisti: sicut Propheta Natham mihi nunciauit, à pœna quoque (hac tribulatione Absalonis præuia, quæ propter peccata mea immittitur) me liberare dignaberis.

4 **BONVS ES TV, ET IN BONITATE TVA D'OC E ME IVSTIFICATIONES TVAS.**

BONVS ES, à te, non ab alio bonus factus. **TV**, eo quod solus bonus: perinde ac si cum Anaxagora dicat, Tu Deus ens bonum es, non modo in temetipso, sed nobiscum, cum præstas ut tuam bonitatem participemus: & non solum bona bonis, utrum etiam bona malis das, ac proinde, quanquam persecutio hæc pro pœna peccati mei aduenerit, non propter me, qui malus sum, & maiora mereor: sed propter te, qui solus bonus es, hanc persecutionem mihi profuturam spero. **IN BONITATE** igitur tua, qua bona malis dare soles, obsecro mi domine **D'OC E ME IVSTIFICATIONES TVAS**, id est age, ut patiendo gratia

tua

tua comite, opere custodiā iustificaciones tuas. Age mi domine, ut patientia, quam tu infundis, tanta sit, ut obtinere merear beatitudinē munditiē cordis, qua in uia in te ualeam frui; itaq; bonitate intrinseca, mala omnia excludantur. Hactenus oratio ipsa Dauidis antequam persecutio susperuocaret, qua arma petit, ut legitimē Domini praelia certare possit.

MULTIPLICATA EST SUPER ME INIQUITAS SUPERBORVM: EGO AUTEM IN TOTO CORDE MEO SCRUTABOR MANDATA TVA. Hic durior illa Absalonis persecutio incipit: propter quā sic ait: **MULTIPLICATA EST** per hanc secundam Absalonis persecutionem. quæ nunc **SUPER ME** uenit. Et dicit, super me, quasi extrinsecus, non autem intus, ut Deus eum intrinsecus in animæ perniciem tentari iussit: quandoquidem si Deus & satan circa extrinsecam persecutionem una tendunt, diuersum tamen finem habent. Deus nanque idcirco carnem affligi iubet, ut anima poliatur: satan uerò ideo tentat, ut hac uia anima perdat, quāobrem ipsam persecutionem, quam respectu Dei supra bonitatem uocauerat, iniquitatem nunc respectu persecutorum appellat, ut sequitur: **INIQUITAS SUPERBORVM**, eorūdem scilicet dæmonum, ac filiorum suorum; quasi dicat, hi qui præteritā saulis persecutionem (ut me perderent) iniquē tractarunt, maiori impetu, atq; magna cum iniquitate nunc me pessundare iterum uenerunt. **EGO AUTEM** ut contra, è regione maiorem defensionem multiplicem, interea dum ipsi me affligere laborabunt, **IN TOTO CORDE**, tanquam amans scrutator, qui non idcirco legem scrutatur, ut scrutatio in ipsa legis intelligentia consistat, immo potius quò opere illa, quæ ibidem continentur, impleat, **SCRUTABOR MANDATA TVA**, hoc est legem tuam: unde omnes medelas hauriam, quæ his malis adhibere necessarium erit. haudquaquam hæsitans; quin Christus in legē contentus, qui à persecutione saulis me tutum reddidit, ab ista quoq; defendat, lesi, hoc est contentis in lege omnia adscribens, literæq; proprietatem ser-

mans, ut per gratiam in lege euangelica contentam, quæ bona est, iniquitates superbiorum malas excludere possit.

- 6 ¶ **COAGVLATVM EST SICVT LAC COR EORVM: EGO VERO LEGEM TVAM MEDITATVS SVM.** per quam metaphoram, hebetem mentem inimicorum narrat, qui suas (neglecta lege) rerum terrenarum cogitationes alunt: & cum ipsi capaces uirtutum non sint, uirtute præditos durius affligunt. Cœperat namq; crudeliora experiri regius isle pastor, quando nudis pedibus incedens, semel contumelias audiuit. quocirca postquam dixerat, Multiplicata est super me iniquitas superbiorum (per quæ uerba nouam persecutionem superuentam ostendit) ut duritiem cordis inferentium uim commonstret, uerba isthæc subiungit. sed dices, Quid cōmune cum lacte mens ipsa praua habet? nempe quia lactis usus (ut quibusdam placet) homines hebetes facit. Alij uerò hanc metaphoram aliter interpretantur: quippe ut eo modo, quo lac coagulatum indurefcit, sic cor eorum induretur. quod nequaquam, eam ob rem, placeat, quoniam multa aderant duriora, à quibus aptiorem metaphoram Propheta sumere potuisset. Plerisq; uerò placuit, ut lac manibus coagulatum, id est constrictum, fortius indurefcatur: sed tunc caseus nominatur. Nos autem dicamus, Dauidem secundum proprietatem uocis, coagulatum, hoc intellexisse: nempe ut eo modo quo lac dulce, dum coagulatur à seipso, ex dulci amarissimum fit, ita quidem ut nullum dulcedinis signum in eo remaneat: sic homines isti, qui me persequuntur, ex amicis, qui esse solebant, dulcissimamq; consuetudinem mecum habebant, fel assiduum in ore nouissimè tenent. Hunc enim in modum uerba hæc declarando tam in Absalone & complicibus, q̃ in satana & membris eius uersificabuntur; hac metephora crudeliorem tentandi speciem ostendendo. **EGO VERO ò regione LEGEM TVAM MEDITATVS SVM.** Obserua lector tu præsertim, qui ab iniquis quotidie affligeris, quomodo Propheta omnes perturbationes sola meditatione legis, solaq;

scrutatione mandatorum, propter speciem eorum, quæ ibidem continentur, suslinet. quasi dicat, ipsi uenenum ore detinent, tamen si mel ori adesse cõmonstrare plerunq; nitantur: et intromissa superbia, omnem bonitatem excludunt; ut in amaritudine fellis semper uiuant. Siquidem illam pacem diuitiarum, quam mundus dat, ipsi duntaxat habent; quæ non semper, nec ubiq; tutæ est, nec perpetuò finit nos in medio thesaurorum quieto animo dormire. ipsi præterea tanq; cæci manu tentantes incedunt, minimè futuras suas pœnas pensantes, interea dum cum apparenti gaudio uitam ducunt; ego uerò legem tuam meditatus sum, ubi finem cruciatu huius intueor, intuendoq; superabundo gaudio in omni tribulatione mea.

- 7 **BONVM MIHI, QVIA HVMILIASTI ME, VT DISCAM IVSTIFICATIONES TVAS.** sunt aliqui quibus placet, ut Prophecia sic loquatur, **BONVM MIHI**, quia dereliquisti me: quoniã contra vriam et Bethsabæe peccaui, tamen si peccatũ in se malum sit; quia sicut Paulus inquit, ubi abundauit peccatum, superabundauit & gratia. Mea tamen sententia, quãquam opinio hæc bona in se sit, quemadmodum in octonario xvij. dicemus, ubi de hoc Prophecia agit, hic cõmodè stare non potest. siquidẽ litera non dicit, quia peccaui, sed quia humiliasti me; quare dicamus, **BONVM MIHI, QVIA HVMILIASTI ME**, in persecutione Saulis, eò q; humiliata carne, gratia tua spiritus quoq; humiliatus est; non quidem ut in sola afflictione res consisteret, sed potius **VT**, hac uia ex his, quæ in præteritum expertus sum, dum disciplina tua donis infusus correxit me in finem. quod perinde est, ac si diceret, humiliasti me ut **DISCAM** nunc opere seruare **IVSTIFICATIONES TVAS**, cum litera **et cõ** ludens, quæ bonum & exclusionem significat: quasi bonum sibi intromissa tribulatio fuerit, per quam gratia Dei omne malum exclusit, & ad bonam uitam futuram animam præparauit: id ipsum super sperans, ut gratia Dei comite, obedientem se nunc iterum ostendat.

8 **BONVM MIHI LEX ORIS TVI SVPER
MILLA AVRI ET ARGENTI.** Non secus ac si dicat,
quid pluribus super bono hoc à te in lege contento proueniente insistā?
quando omnes bonitates, quæ ab his afflictionibus oriuntur, octo uersutū
numero concludi minime possunt: uerum ut reliquis finem imponamus,
hoc tandem dicam: q̄ si superbi, qui mihi iniquè aduersantur, in auro et
argento summū bonum posuerunt: **BONVM MIHI**, qui dedicatus sum
seruitio tuo, **LEX ORIS TVI**, id est ore Christi prædicata. Oris item
tui, qui in ore Prophetarum ac sanctorum loquebaris. Et quò non modò
bonum, sed summum bonum sibi legem esse ostenderet (siquidem Deū
summum bonū continet) sequentia uerba subiunxit, **SVPER MILLIA**,
quasi absq̄ comparatione, eò q̄ numerari non potest excessus iste, etiam
si nō modò numeremus per centena, sed per millia **AVRI ET ARGEN
TI**: cuius metalli plenas arcas aduersarij habent: ac loco tui, iustitiæq̄
tuæ, quam excludunt, aurum pro Deo, proq̄ omni iustitia præponunt.
Ego autem hæc omnia contemno: & legem tuam, in qua uerbum incarn
atum continetur, cordi repono: neq̄ alium thesaurum, præter hunc, cus
lodire statuo: per quæ tandem omnia mala Prophetæ excludit, ut unis
cum & solum bonum Christum in anima intromittat. Memor sanè uer
borum Domini fuit, qui sic ait: in me sunt diuitiæ et gloriæ, opes super
næ, & iustitia. Melior est fructus meus auro, et lapide precioso: et gem
ma mea, argento electo. O te felicem, qui cum in humilitate tua domi
num inuocasses, dicere cum salomone nunc potes: Datus est mihi sens
us, & inuocaui, & uenit in me spiritus sapientiæ: & præposui illum
regnis & sedibus: et diuitias nihil esse duxi in comparatione illius, neq̄
comparauilli lapidem preciosum: quoniam omne aurum in comparatio
ne illius arena est exigua, et tanquam lutum æstimabitur argentum in
comparatione illius. ita ut tandem audacter dicas, Disciplina mihi pro
remuneratione aduenit. Vtinamq̄; ut tecum id ipsum dicere usq̄, ad hor
ram mortis possim, mihi à Domino condonetur.

C I O D ,

Latine principium scientiarum, confessio, desolatio:

Hicronymus vero principium.



VM in septimo octonaria spem suam, quam infixam cor-
di habebat, propheta enarrasset; ac paulo post in octauo
pauere coepisset: iterumq; in nono pauor ipse propter Abs-
salonis persecutionem, quæ successit, supercreuisset: consi-
derans principium scientiarum ipsam Dei sapientiam esse, qua duce
etiam de primo principiorum principio cognitionem habemus, eamq;
tanti uigoris esse, ut cum in supremo gradu secundum mensuram cons-
donatam aduenit, siqua dona intrinsecus à domino obtinuimus, in bea-
titudines eadem transire præstat, beatitudines uero efficiunt, ut omnem
desolationem contemnamus: modum his cognitis querit, per quem ad
beatitudinem munditiei cordis, qua Deum uidere digni efficiamur, fas-
cile perueniat. Cui bonus Deus humilitatem ostendit: eamq; propheta
humaniter amplectitur, ut ea duce, omnia illa, quæ litera 10d signis-
ficat, opere consummare, omnemq; pauorem foras mittere possit. At
dices, quid litera 10d significat? Principium scientiarum, confessione,
& desolationem, non quidem alia diuisione octonarius iste eget. si quis
dem nil aliud propheta pauens agit, quam in sua desolatione pergens,
Deum obsecrare, ne ipsum ad ultimam desolationem deducat: magis
autem, ut liberatus possit coram gentibus re & uerbo eius misericordi-
diam confiteri.

10d **MANVS TVAE FECERVNT ME, ET
PLASMAVERVNT ME: DA MIHI
INTELLECTVM VT DISCAM MAN-
DATA TVA.**

10d 2 QVI TIMENT TE, VIDEBUNT ME,
ET LAETABUNTUR, QVIA IN VER-
BIS TVIS SPERSPERAVI.

10d 3 COGNOVI DOMINE QVIA AEQVITAS
IUDICIA TVA: ET IN VERITATE
TVA HUMILIASTI ME.

10d 4 FIAT MISERICORDIA TVA VT CON-
SOLETVR ME, SECVNDVM ELO-
QVIVM TVVM SERVO TVO.

10d 5 VENIANT MIHI MISERATIONES TVAE,
ET VIVAM, QVIA LEX TVA ME-
DITATIO MEA EST.

10d 6 CONFVNDANTUR SUPERBI, QVIA
INIIVSTE INIQVITATEM FECERVNT
IN ME; EGO AVTEM EXERCEBAR
IN MANDATIS TVIS.

10d 7 CONVERTANTUR MIHI TIMENTES
TE, ET QVI NOVERVNT TESTI-
MONIA TVA.

10d 8 FIAT COR MEVM IMMACVLATVM
IN IUSTIFICATIONIBVS TVIS, VT
NON CONFVNDAR.

10d 9 MANVS TVAE FECERVNT ME, ET
PLASMAVERVNT ME: DA MIHI INTEL-
LECTVM, VT DISCAM MANDATA TVA.

*Ecce quomodo Propheta humilitatem in primis amplectitur, qua ducē ad
beatitudinem munditiei peruenimus, inquit, MANVS TVAE, non
quod (secundum quosdam) uerbum & spiritus Dei manus sint: uel
quod Deus manus habeat, immo potius ut per metaphoricās uoces has*

Dei potentiam, atq; rerum particularium providentiam narret. quasi
 his uerbis dicat, non solum Adamum tu creasti, sed omnem hominem
 in hunc mundum uenientem, ex quibus ego unus sum. Tu namq; dixi-
 sti, Crescite, multiplicamini, & replete terram, quo fit ut omnis homo,
 qui uirtute uerborum horum generatur, opus manuum tuarum sit. **FE-
 CERVNT ME;** animam quoq; ex nihilo creando, quemadmodum scrip-
 ptum est, **Omnem statum ego feci. ET PLASMAVERUNT ME;** à plasmā,
 quod opus figulinum est: quasi figuli instar, qui de terra uasa com-
 ponit, eius corpus fecerit, sicut alibi legimus, **Fecit hominem ex pul-
 uere terræ,** ad illum sanè modum loquens, secundum quem **ioh dixit,**
Manus tuæ fecerunt me, & plasmauerunt me: nunc autem sic repens
 te præcipias me? Memento domine quòd sicut lutum feceris me, & in
 puluerem reduces me. quidnam expectas hoc opus manuum tuarum sal-
 uare? Quod studiosius (secundū Augustinū et Glossam) creasti, inquit:
Faciamus hominem ad imaginem & similitudinem nostram; haudquā
 quam in Angelorum, uel aliorum creatione uerba isthæc repetendo, **DA**
igitur MIHI INTELLECTVM, donum, quod in nobis, qui uelatos oculos
 habemus, principium scientiarum est, siquidem illo perpetuò in ma-
 iori gradu egemus, donec ex dono intellectus, quod est, in beatitudi-
 nem munditiei, quæ dono intellectus correspondet, transeat; & hoc
 quare? **VT,** omni pauore excluso, te primorum principiorum principio
 animam meam illuminante, **DISCAM,** non solum intelligendo, uerum
 etiam opere custodiendo **MANDATA TVA.** Atqui dices, num tibi na-
 turam rationalem Deus non dedit? ipse uerò rursus respondebit, Mi-
 nimè sufficit id quod natura præstat, nisi à redemptore id recipiam,
 quod Adami peccato perdidit. sic enim intellectus naturæ datus, deinde
 uerò per peccatum deformatus (uti Augustinus & Glossa sentiunt)
 quotidie renouatur. Da igitur rursus mi domine, ut per dona fortitus
 dinis, longanimitatis & patientiæ percurrens, beatitudine sitis iustitiæ,
 quæ his donis respondet, in medio passionum fruatur.

2. ¶ QVI TIMENT TE, VIDEBUNT ME, ET LAETABUNTVR, QVIA IN VERBIS TVIS SVSPERSPERAVI. sunt qui putant Ecclesiam loqui, quæ semper timore plena est, atq; labore. uel Prophetam de illis sensisse, qui lætabantur in sanguine iustorum. sed aliud hic Prophetam narrare optat: nempe alteram causam proponere, ob quam ipsum exaudire miseren-
 ti Deo conueniat, nimirum ut ex hoc quod secum fiet, alij lætentur, in-
 quiens: QVI TIMENT TE, timore filiali, aut saltem initiali, memo-
 bra nimirum corporis ecclesiæ tuæ, VIDEBUNT ME, passum, pœnis
 sentiam agentem, & sola gratia tua absq; auxilio humano liberatum.
 ET LAETABUNTVR, tum propter me, tum etiam propter seipsos;
 cum meæ tribulationis finem ad salutem fuisse uidebunt. Nam inter
 causas, ob quas tentationes hæ extrinsecus immittuntur, hæc etiam una
 est, ut adstantibus quoq; qui adiutoria Dei conspiciunt, ad id ipsum
 sperandum profint, eodem Dauide teste, cum alibi ait: Tu uenis ad
 me cum gladio & hasta & clypeo: ego autem uenio ad te in nomine
 domini exercituum: & dabit te dominus in manum meam; ut sciat
 omnis terra, quia est dominus israel, & nouerit uniuersa ecclesia, quia
 non in gladio nec in hasta saluat dominus. Expendent namq; nulla alia
 ratione me saluum factum esse, nisi QVIA IN VERBIS TVIS, non solum
 in persecutione saulis, sed etiam in persecutione ista Absalonis
 SVSPERSPERAVI. sic enim ecclesia, quæ semper patitur, lætatur in
 lætitia gentis suæ, dicens: Benedictus Dominus, qui de tantis periculis
 nos eripuit & eruit, in quem speramus & adhuc eripiet.

3. ¶ COGNOVI DOMINE QVIA AEQVITAS IVDICIA TVA: ET IN VERITATE TVA HUMILIASTI ME. Autumant quidam, de Adami desolatione;
 ne; à qua nostra processit, Prophetam hic loqui: sed contrarium uerba
 ostendunt, dum ait, Humiliasti me: quandoquidem si aliud sensisset, dix-
 xisset utiq; humiliasti hominem, sunt & alij, quibus placuit Prophetam
 tam

tam pro omnibus membris ecclesiæ uerba hæc dixisse. Quod mihi ea ratione non placet, quia etsi res sibi consueta sit sæpe ecclesiæ uice loqui; minimè tamen ubi litera propriè stare potest, impropriè sumenda est. Tria namq; in persecutione saulis Prophetam cognouit: ueritatem nimirum, propriam humilitatē, & iudicia domini, de quibus nunc agere intendit, inquit, **COGNOVI DOMINE** in persecutione saulis; **QVIA ÆQUITAS IUDICIA TVA**, quibus nos affligi iubes. siquidē eam ob causam tribulationes immittis, ut præuio rigore, quo nos corripis, ad bonum statum animas deinde adducas. Et idcirco in ueritate tua, id est rigore iustitiæ, cuius pars ueritas est: non tamen ut in solo rigore consisteret, sed secundum eloquium tuum, cum dixisti, **uisceribus in uirga iniquitates eorum, & in uerberibus peccata eorum**, misericordiam autem meam non dispergam ab eo, neque nocebo in ueritate mea, **HUMILIASTI ME**, tum corpus, tum animam humiliando, ut humiliatum me deinde liberares: liberatus autem beatam uitam hic spe ducerem, donec re illam post mortem assequar, quid præter hæc regius iste pastor suam desolationem ostendens ad Dei laudem secundum litteræ istius significationem confiteri potuit? **TUA QVIA VOC**

4 **FIAT MISERICORDIA TVA, VT CONSOLETVR ME, SECVNDVM ELOQVIUM TVVM SERVO TVO.** Quæ quidem uox **FIAT**, orantis, non imperantis est, illo planè modo, quo in oratione dominica dicimus, **Fiat uoluntas tua**, & alibi, **veniant miserationes tuæ**. Confundantur superbi, & id genus reliqua, quasi dicat, si iudicia tua, æquitas & misericordia sunt, prout in præcedenti uersu patet: fiat hæc **MISERICORDIA TVA**, id est desolatio hæc mea, quæ misericordia tua est, **VT**, secundum magnam misericordiam tuam **CONSOLETVR ME**. hoc enim in finem ipsa beatitudo luctus præstare solet, domino dicente, **Beati qui lugent**, quoniam ipsi consolabuntur. **SECVNDVM ELOS QVIVM TVVM**, in præcedenti uersu enarratum **SERVO TVO**, **Dauid**

di promissum: uerberare nimirum, sed non nocere: immo potius, ut scias ex tentatione prouentum.

5 **VENIANT MIHI MISERATIONES TVAE, ET VIVAM: QVIA LEX TVA MEDITATIO MEA EST.** Dixerat supra in singulari, fiat misericordia tua, ut consoletur me: nunc uero dicit: VENIANT MIHI MISERATIONES TVAE, in plurali: & hoc quidem ut primam miserationem tribulationis immissae, de qua paulo ante egerat, secunda misericordia liberationis temporalis sequatur: secundam uero tertiam, scilicet uitae aeternae: quae spe in uia quoque imperfecte tamen fruimur, causamque spei huius, ut sic quae petit fiant, subiungit, QVIA LEX TVA, uera & fidelis, MEDITATIO MEA EST, hoc est, exercitatio mea est, ut interea dum illi me uerberando corpus exercent, ego animam, contemplando legem, perpetuo tecum exerceam. In ea equidem perspicue uideo quanta adiutoria, quanta gaudia, quanta uel unguenta sustinentibus uulnera oblatae crucis porrigi; im quidem, ut nemo, qui in te sperauit, haecenus confusus fuerit.

6 **CONFUNDANTVR SVPERBI, QVIA INIVSTE INIQUITATEM FECERVNT IN ME: EGO AUTEM EXERCEBOR IN MANDATIS TVIS.** inter ceteras causas, ob quas electi affliguntur, una est, ut satan eiusque filij proprias uires expendant, & absque Dei uoluntate minime nos affligere possint, ac proinde confundantur: Confundantur item confusione aeterna: ut tribulati quidem misericordiam consequantur, tribulantes uero Dei indignationem & iram: eo modo quo alibi dixit, Ad te leuavi animam meam, Deus meus in te confido, non erubescam: ne irideant me inimici mei, etenim uniuersi qui sustinent te, non confundentur, confundantur omnes iniqua agentes superuacuae. Est enim una de causis, propter quas Deus minus quam deceat, nos affligi permittit, ne dicant, Manus nostra haec fecit, unde sequitur, CONS

FVNDANTVR SVPERBI, tum dæmones, tum illorum filij obstinati: non modò cõfusione temporali, cum post exercitiũ meum in uanum me tentaſſe uiderint; ſed etiam cõfusione æterna propter propria peccata eorum, in quibus obſtinati uiuunt; QVI INIVSTE INIQUITATES FECERVNT IN ME. ſed quid eſt iniuſte iniquitatem facere? Impiorum certè mos eſt, non ſolum maxima cum iniquitate, & contra legis reſtitutionem, inuidia moti, iuſtos inauditos condemnare, uerum etiam contra ritum nullo legitimo cõfecto proceſſu, uel ubi adeſt, haudquaſquam illum percontantes iudicare, EGO AVTEM iniuſte perſecutus, quia in te ſperaui, non ſolum non confundar, uerum etiam de die in diẽ magis ac magis EXERCEBOR in hac noua tribulatione, quæ nunc oſa fertur, IN MANDATIS TVIS. quæ loco diſciplinæ mihi erunt, bonitatem ac magnitudinem tuam palàm omnibus prædicando.

7 **¶ CONVERTANTVR MIHI TIMENTES TE;
ET QVI NOVERVNT TESTIMONIA TVA.**

Placuit Auguſtino & Gloſſæ, Prophetam Chriſtum hic induere, qui dicat: CONVERTANTVR MIHI, id eſt ad me. Pleriq; autem Dauidem hic loqui autumant, ut iuſti ei auxilientur. Alij uerò, ut ipſo errante, iuſti ipſum cõuertant. Nec deſunt, qui dicant pro gentiliũ conuerſione hic oraſſe. ſed nos Cardinalem ſequamur, qui ſic ait: Conuertantur mihi, id eſt exemplo meo: quaſi idem Prophetæ, qui ſuprà pro fidelibus dixerat: Qui timent te, uidebunt me, & lætabuntur, quia in uerbis tuis ſuperſperaui: hoc in loco Deum obſecrans dicat, Age mi domine, ut ex iſs, quæ bonitatem tuam in me feciſſe uiderint, conuertantur & ipſi: & uox, mihi, interpretetur, id eſt à me exemplum ſumendo. At ſi ei dicatur, Qui iſti ſunt pro quibus oras? reſpondet, ut gentiles TIMENTES TE, timore ſeruili, ad fidem conuertantur, & pœniteant, illis hærendo, qui tenent pro gentiliũ conuerſione illum orauiſſe. Verius tamen dicemus, de timore fidelium agere, ſicut ſubiungit: ET QVI NOVERVNT TESTIMONIA TVA, in fide ui-

uentes, absq; qua ad te accedere non possunt: quasi dicat: Conuertantur mihi timentes te, ut ipsi quoq; patienter, si quos cruciatus illis obtuleris, eandem beatitudinem obtineant, quem in modum confessio mea ad laudem tuam re ipsa fiat, desolatioq; mea desolationi aliorum prosit.

8 **FIAT COR MEVM IMMACVLATVM IN IYSTIFICATIONIBVS TVIS, VT NON CONFVNDAR.** Quoniam nouerat Dauid se minimè tunc vix mors tem Beisabea q; adulterium cogitasse, quando Natham hæc illi nuntiavit: ne aliquid nunc quoque lateat: ob quod munditiam cordis non assequatur, quam ipse pro scopo habet, perpetuò gratiam perseuerantiæ usque in finem petens subiungit: **FIAT COR MEVM IMMACVLATVM**, iuxta illud quod propheta orauit, quādo petens se à pœna liberari, dixit: Cor mundum crea in me Deus, per aduentum beatitudinis munditiei cordis, ad quam per beatitudinem luctus animam præparasti, **IN IYSTIFICATIONIBVS TVIS**, quæ saltem pœnitendo omnes cordis maculas ultra niuem dealbant. Expende Lutherane haudquaquam simpliciter iustificatū prophetam dixisse, mihi maculato peccata ne imputes, sed fiat prius à te cor meum immaculatum in iustificationibus tuis, quæ nil aliud sunt q; opera nostra fidelia gratia Dei in iustitia facta, quæ talia esse possunt, ut pœnæ quoq; remissionem in uia hac obtineamus, & cor sic in uia mundetur, ut nullo egeat purgatorio: non secus ac si dicat, Age mi domine tu qui principium omnium scientiarum es, ut inter illos connumerari queam, pro quibus alibi scriptura dixit: Beati mundo corde, quoniam ipsi Deum uidebunt. Postea uerò subiunxit: **VT NON CONFVNDAR**, neq; in ipsa tribulatione, neq; in die mortis, iuxta illud, in die mala non timebunt: immo potius ut hunc in modum omnem desolationem, in qua sum, euadam, & uitam æternam consequar. Ex quibus collige tu lector, quàm male faciant hi, qui dum persecutiones adueniunt, uel tacent, uel desperant, minimè prophetam hunc immitantes, qui tam in persecutione saulis, q; Absalos

nis, priusquam pati inciperet, oratione omnia à misere Deo sic obtinuit, ut quæ prius dona erant spiritus sancti, in beatitudines transirent, quas propheta in hoc octonario, unam munditiei cordis exprimens enarrat: docens nos perfectam charitatem supra quam beatitudines ædificantur, omnem timorem, atque pauorem foras mittere. hoc enim in præcedenti octonario poposcerat, quippe ut donum sapientiæ in eius animam infunderet, nunc uero ut in beatitudinem transeat. Orent igitur, qui persecutiones patiuntur, quoniam Deus eodem tempore, quo affligi peccatorem à satana & membris suis iussit, oratione præuia ipsum liberare constituit, quando diffusus de proprijs uiribus, miseris cordiam à Deo omnium scientiarum principio petit, propriam desolationem ore cum propheta confitens, in qua propter propria peccata iussu manet. Obseruent præterea hi, qui uitæ contemplatiuæ operam nauant, non breui cruciatu, sed longo dona in beatitudines conuerti. Dixerim hæc, ne Deum de tardo adiutorio, uel mala providentia mente uagi alis quando arguant, quemadmodum Dauid in sequenti octonario, breui tamen tempore acclamabit: sed memores sint Deum dixisse: Tempore accepto liberaui te.

VNDECIMVS OCTONARIVS.

CCAPH

Latine secundum Ambrosium curuatus.

Secundum Hieronymum Manus.

DVÆ ex hac litera, quam Latini uertunt curuatus, difficultates oriuntur: altera, quisnam fuerit homo iste curuatus: altera, cur fuerit curuatus. Quod ad primam attinet, ecclesiam curuam fuisse aliqui dicunt: sed hoc defendi non potest, quando multa hic narrantur, quæ ecclesiæ nequaquam conuenire possunt, quemadmodum paulo post dicemus. Quibusdam autem placuit, ut postquam

in quinq; octonarijs actiuam uitam percurrerat, uitam contemplatiuam hic ingrediatur, in quo ualde errarunt, eò q̃ (ut uidistis) longe antea Propheta de contemplatiua uita egit: Aly uerò consueto errore dicit Eli, peregrinum hominem hic loqui fingunt. Rectius tamen dicemus Dauidem esse: qui postquam omni cum humilitate propriam desolationē in præcedenti octonario narrasset, pondere afflictionum curuatus (sicut alibi dixerat, Miser factus sum & curuatus sum usq; in finem) conspiciens longissimas persecutiones suas, quibus in dies grauius curuabatur, uagus mente cum Deo nunc loquitur, ostendens nobis haudquaquam inconuenire, ut sanctitate retenta, euagationes quasdam mentis patiamur, quibus absq; peccato mortali, etiam ipsi Deo absque rationis determinato consensu irascamur; ipse uerò humanæ fragilitati indulgens, gratia sua comite eas nos expellere præstet, sicut iobis uita testatur, ac re ipsa experiuntur hi, qui longas persecutiones sustinent. Diuiditur in partes duas: in quarum prima, usq; ad uersum, Narrauerunt, mente uagus conqueritur de tardo adiutorio Dei. in secunda ad se conuersus, præteritorum pœnitet: & uigorem in futurum petit, ut legem indiuiduam seruare possit.

Capb 1 DEFECIT IN SALVTARE TVVM ANI-
MA MEA, ET IN VERBVM TVVM
SVPERSPERAUI.

Capb 2 DEFECERVNT OCULI MEI IN ELO-
QVIVM TVVM, DICENTES: QUAN-
DO CONSOLABERIS ME?

Capb 3 QVIA FACTVS SVM SICVT VTER
IN PRVINA: IUSTIFICATIONES TVAS
NON SVM OBLITVS.

Capb 4 QVOT SVNT DIES SERVI TVI? QUAN-
DO FACIES DE PERSEQUENTIBVS
ME IVDICIVM?

Neq; dūq; mulierem

Capb 5 NARRAVERUNT MIHI INIQVI FABVLATIONES: SED NON VT LEX TUA.

Capb 6 OMNIA MANDATA TUA VERITAS: INIQVI PERSECVTI SVNT ME: ADIVVA ME.

Capb 7 PAVLO MINVS CONSVMMAVERUNT ME IN TERRA: EGO AVTEM NON DERELIQVI MANDATA TUA.

Capb 8 SECVNDVM MISERICORDIAM TVAM VIVIFICA ME, ET CVSTODIAM TESTIMONIA ORIS TVI.

¶ DEFECIT IN SALVTARE TVVM ANIMA MEA, ET IN VERBUM TVVM SVSPERSPERAVI. Quoniam tot talesq; sunt satanæ tentationes, ut mente quandoq; sancti uiri incipiant uagari: hinc minime admiraberis si cum Eliseo plerunq; dicant: Ecce tantum malum à domino est: quid amplius expectabo? uel cum Elia: Tolle animam meam, quandoquidem non sum melior q; omnes patres mei. Vel cum Sara Thobie, Peto domine ut de uinculo improperij huius absoluas me, aut certè desuper terram eripias me. idq; genus multa, quæ haudquaquam amore (ut quidam sentiunt) sed ob dolorem sancti uiri loquuntur: quemadmodum integer Iobis liber nobis commonstrat. ille idem sanè propheta est, qui curuatus iam dixerat: Laqueum parauerunt pedibus meis, & incuruauerunt animam meam: proiectus sum à facie oculorum tuorum. Nunc uerò diu domine expectaui adiutorium tuum, sustinens onera, quæ imposuisti super dorsum meum: & non solum incuruata est, uerum etiam DEFECIT ANIMA MEA. quasi annosæ senectutis instar defecerit, quæ animam à carne in uita quodammodo segregat, desiderium magnum boni non adepti

patefaciens, quod diu expectauit. At dices, in quo defecit? in expectando SALVTARE TVVM, Christum. ET IN VERBUM TVVM, à te promissum, uidelicet me per Christum uerbum tuum, non solum à morte perpetua, uerum etiam ab hac temporali liberatum iri. in his certe SUPERSTRAVI. quasi non semel, sed saepe sperauerit: quem admodum in præcedentibus octonarijs uidiſſi: sed cò tandem uenit, ut sperando anima offligeretur: siquidem scriptum est, spes quæ differtur, animam affligit. Hic uerus literæ sensus: super quo ubi contemplari placuerit, quòd in hoc uersu satanæ regnum destrui, ac fomittem per aduentum Christi debilitari orauerit, ut deinde ob durissimos satanæ & filiorum suorum cruciatus, deinceps mente uagus amplius de tardo Dei adiutorio non conquereretur, non est improbanda contemplatio ista, sicut nec & alij allegorici sensus; siquidem multos sensus eandem literam scripturæ continere posse, haudquaquam negamus.

DEFECERVNT OCULI MEI IN ELOQVIUM TVVM, D. CENTES: QUANDO CONSOLABERIS ME? putant plerique Prophetam hoc loco mentis oculis orasse: tu autem dic cum mente uagum sic dixisse, non modò crueiatus sum, sed adeò longa fuit tribulatio hæc, ut mecum consenuerit: & cum remedium quærerem in lege tua, qua uia quiescere aliquantulum possem, anteq̃ abeam, & amplius non ero: nullum mihi superesse præsidium præter Messiaæ aduentû intellexi; atq; hinc ut cripi à tot ærumnis possem, sic cum toto corde exquisui, & DEFECERVNT OCULI MEI, tum cordis, qui tecum gementes loquebantur, tum etiam corporis, dum lachrymis pleni legem scrutabantur, sperantes IN ELOQVIUM TVVM, Christum: eloquium item, id est legem tuam eloquio Christi filij tui promulgatam, eloquium præterea tuum ore prophetarum prædicatum, te per Christum omne mihi adiutorium præstaturum: ita ut simul uox hæc pro eloquio, id est uerbo incarnato Christo contento in lege flet, per quem ab omnibus liberamur: & pro ipsa lege, quæ

quæ eloquium Dei est, ubi hæc continentur, DICENTES, quasi signa ipsi oculi locuti sint, interea dum loquendi seu rectè contemplandi locus amplius non dabatur. sed quid oculi tui sub hac metaphora dicebant? hoc quidem dicere cupiebant, QUANDO, secundum eloquium tuum, cui ego credidi, CONSOLABERIS ME? quasi dicat, ERIT ne adiutorium hoc in alio sæculo? Ad eò certè laboravi, ut curuatus sim, & rauræ factæ sunt fauces meæ, defecerunt oculi mei, dum spero in Deum meum; tu uerò quando consolaberis me? Ira nanq; ipsum impediēbat ne aduerteret Deum dixisse, Tempore accepto liberaui te, quod non mirum. siquidem in magna tribulatione Babiloniæ, Coræ filij, qui fidem conseruasse profitebantur, uagi mente dixerunt: Si oblitus sumus nomen Dei nostri, si expandimus manus nostras ad deos alienos: nonne Deus requireret ista? Exurge, quare obdormis Domine? Exurge, & ne respellas in finē. Quare faciem tuam auertis? Obliuisceris inopiæ nostræ? quoniam humiliata est in puluere anima nostra, cōglutinator est in terra uenter noster. Moses præterea, vsquequo peccatores gloriabuntur? Populum tuum domine humiliauerunt, & hæreditatem tuam uexauerunt, ac reliqua, quæ ibidem continentur. Et alio in loco idem Prophetæ cum de aduentu Christi minimè dubitaret, sed de tarditate eius adiutorij conquereretur, dixit: vsquequo domine obliuisceris me in finem? Quandiu ponam consilia in anima mea, dolorem in corde meo per nos elem? vsquequo exaltabitur inimicus meus super me? Quare non respicis ad iniquas gentes? Abacub quoq; Taces decurante impio iustioresm se, & facis hominem quasi pisces maris, & quasi reptile non habens principem, totum congregauit super rete suum, & semper interficere gentes non cessat. Quare uia impiorum prosperatur, bene est omnibus qui præuaricantur, & impie agunt? vsquequo lugebit terra? Hieremias exclamat. Sic quoq; & aly sancti uiri diem in quo nati sunt, maledixerunt: & israelite ira commoti palàm dicebant, cum hominibus non affligentur, & in labore hominum non sunt, quasi iustitia aranea

tela esset muscis ordinata. Tacebo uerba iobis, & uxoris suæ, Thobiz quoque & aliorum, satis esse putans hæc coaceruasse, ut cum uobis lectionibus hæc euenerint, mentis euagationi absq; peccato illa tribuatis: scientes quòd pedibus Christi complexis mox omnia in gaudium conuertentur.

3. ¶ **QVIA EACTVS SVM SICVT VTER IN PRVINA: IYSTIFICATIONES TVAS NON SVM OBLITVS.** Multos sensus ijs uerbis doctores accommodant, qui omnes in se boni sunt; inter quos unus est cui placuit, curuationem carnis propriæ, gratia Dei, quæ tanquam pruina desursum descendens malos affectus carnis reprimit, Prophetam petiisse. sed literæ ac sensui Prophetæ nequaquam conuenit: quandoquidem Prophetæ est, qui de tardo Dei adiutorio in præcedenti uersu conquestus est, & ubi pruina è cælo descendisset, gaudium in eius anima potius generasset, & consolatus, non autem consolandus fuisset. Dixerat namq; in præcedenti uersu, quando consolaberis me? nunc uerò pro ratione subiungit, **QVIA FACTVS SVM SICVT VTER IN PRVINA.** Pro quorum uerborum intelligentia, principio memores esse lectores debent, pruina coagulationem illam frigidissimam esse, quæ in nocte hyemis tempore cadit, & siqua inuenit, gelu illa sic constringit, ut mortua uis deantur. utrem uerò, animalis corium esse, quod dum uiuixit, domino quantum potuit seruiuit; deinde uerò à carne diuisum in calce atque in myrto diu sepultum mansit: ut deniq; filo & acu perforatum, atque in utrem conuersum, adhuc post mortem domino seruiat, non modò tempore tranquillo, uerum etiam in maxima pluuia & tempestate, nocte potissimum, quando cætera quiescunt, & pruina frigidissima plerumq; cadit: nam ueris uirtus hæc est, ut non solum pluuiam, sed etiam pruinam, quando muslo plenus est, non modò contemnat, sed fortius solidetur. Contrà uerò si semel plenus fuerit, deinde uerò uacuatus sub pruina relinquatur, mox inutilis fiat. Quibus hunc in modum explicatis,

Propbetam mente uagum nunc audiamus dicentem, Dum robustus eram, ante cruciatuum horum aduentum, muslo nouo repletus, tamquam uter uigoroſe die nocteq; tibi toto corde ſeruiui: ſed ecce quò nunc adueni, nam uacuatus muslo nouo, id eſt gratia per Chriſtum facta, quæ me dereliquit, & amplius mecum non eſt ſicuti uagus mente ipſe putabat) utris uacui inſtar ſub pruina relictì penitus inutilis factus ſum: ac ob longam acerbamq; perſecutionem iam curuatus incedo: itaq; deſeſſus ſum, ut oculis nunc tecum loquar: & tamen in hoc ſtatu IVSTIFICATIONES TVAS NON SVM OBLITVS, quoniam ſi ob peccata mea ita curuatus ſum, pœnitentiæ partes amplector, eorumq; pœnâ gratia tua comite penſitare paratus ſum. Quid ergo expectas, ut mihi hunc in modum patienti ſuccurras? Quid ultra dicere potuit, ut propriam curuationem ſecundum literæ proprietatem oſtenderet? Paulum certè audire uideor dicentem, Non ego amplius uiuo, uiuit in me Chriſtus, cuius ſigmatà in corde meo porto, crucifixus ſum mundo, utriſq; inſtar mortua caro mea quanto plus laborat, tanto magis in Chriſti ſeruitio roboratior.

4. QUOT SVNT DIES SERVI TVI? QUANDO FACIES DE PERSEQVENTIBVS ME IUDICIUM? placuit quibuſdam recentioribus, Dauidem hic de iudicio uocationis in throno crucis factò egiſſe: per quod ſe eripi à manu perſequentium ſperabat. intelligentes uoces has, de perſequentibus, id eſt ut faceret iudicium contra poteſtates tenebrarum, animam Propbetæ perſequentes. Alij uerò dicunt de iudicio ultimo diuiſionis ſenſiſſe, quando uita contemplatiua conſummabitur: & tentationes dæmonum finem habebunt, æternumq; gaudium incipiet. Tu autem conſidera, Deum non modò promiſiſſe iniuſtè oppreſſum eripere, ſed etiam iniuſtè opprimentes iudicare. Rurſus nobis uidentibus id fore, quemadmodum per os Moſis declamauit, quando dixit: Verum tamen oculis tuis conſiderabis, & retributionem peccatorum uidebis. Quas ambas par-

tes uersus ifle continet, nam principio dicit, QVOT SVNT DIES SER-
VI TVI, ut restituas à leonibus unicam meam? inde uerò pro comple-
mento partis alterius subiungit: QVANDO FACIES DE PERSES
QVÈNTIBVS ME IVDICIVM? an forte post mortem meam? acceles-
ra ut eruas me. Pastor sanè regius est, qui (secundum Ambrosium)
particulare iudicium contra obstinatos superbos præstolabatur: non au-
tem ut ecclesiæ iudicium uniuersale hoc loco expectet (usi quibusdā alijs
placet) unde sequitur, DE PERSEQVENTIBVS ME IVDICIVM fac-
cies. Audi, me: non autem dixit, iudicium principum mundi huius, eccle-
siam persequentium, cuius membrum ipse erat, ut quidam sentiunt.
Dicendo enim, de persequentibus me, de inimicis suis hic loquitur, ut
in uita sua à domino, sicut paulò ante diximus, corripiantur, eò qd ult-
tra illud iudicium iudicat quoque Deus hos maleficos, puniendo illos in
terra. Atqui si dicas, qua uia is qui paulò ante dixerat, Defectio tenuit
me pro peccatoribus derelinquentibus legem tuam: nunc ut puniantur
orat? Quppe, quia ibi pro conuersione orabat, hic uerò cum obstinati
sint, & sibi nocere non desinant, Dei iustitiam inuocat: quam tum pros-
pter Dei gloriam, tum etiam propriæ utilitatis causa, rectè potuit
impetrare, undictam fugiens, & iustitiæ partem intra brachia con-
stringens. Non quidem satanæ carcerem hic considerauit, sed potius
uagus mente particulare iudicium illud superborum nunc inquit, de
quo ipse alibi dixit, a paucis de terra diuide eos in uita eorum. Vltimus
sanè Dauidis hic psalmus fuit, tametsi ab ecclesia alter numeretur, qui
omnes alios psalmos in se comprehendit: & idcirco ut rectè eum intels-
ligamus, quæ in alyis psalmis ipse dixit, considerare debemus.

5. VNARRAVERVNT MIHI INIQVI FABV-
LATIONES: SED NON VT LEX TVA.

hic finis euagationi mentis Dauidis imponitur, qui cum ob longissimos
eruciatu, quos passus fuerat, in carne iam curuatus ceruicem contra
Deum erexisset, quasi è somno hoc loco euigilans, ne iterum in candè

mentis uagationem incidat, animam rursum curuat, summaq; cum his militate se ad dominum conuertit. Nouerat planè has mentis euagationes certo tempore scripturam tolerare, modo in fine iræ, anteq; ratio peccet, ad Deum animam conuertamus: Paulo teste, cum ait: Non apprehendat uos tentatio præterq; humana, & alibi, Nolite dare locum iræ: irascimini, & nolite peccare. quemadmodum Rebecca fecit, quæ tametsi dum à puero in utero sollicitaretur, ira dixisset: si sic mihi futurum erat, quid necesse erat concipere? mox tamen perrexit ut Dominum cõsuleret. sic enim Propheta quoq; cum iterũ dixisset, Proiectus sum à facie oculorum tuorum: protinus subiunxit, Ideo exaudisti uocem orationis meæ dum clamarem ad te. At quid dicit? **NARRAVERUNT MIHI.** Subsiste lector, atq; obserua, haudquaquam nostras esse cogitationes illas, quando ipsi Deo plerunq; in longa persecutione, sensibus absq; consensu rationis irascimur, Dæmonum cerè tentationes sunt: propter quas Propheta dicit **NARRAVERUNT MIHI,** dum ad iram prouocauerunt, **INIQUI,** id est dæmones tentantes, **FABULATIONS** has, quas ego mente uagus ira accensus locutus sum. Etenim quasi noui Eliphaz, Baldaz & sophar, Iobis Thobieq; uxores, fabulationes consimiles illis propositas, nouissimè et mihi narrare eam ob rem sollicitauerunt; ut saulem, semei, & Nabal quoq; occiderem: deinde uerò impiorum exaltationem meis oculis proponebant: & quomodo penes affligentes me, tui memoria nulla erat, & tamen adhuc prosperè uiuebant: quocirca sæpe uagus mente his suasionibus impulsus dixi: Ecce ipsi peccatores & abundantes in seculo obtinuerunt diuitias: ego uerò sine causa iustificauit cor meum, & laui inter innocentes manus meas. sed dõ q; futurus tunc eram? Existimabam equidem ut cognoscerem: sed labor fuit ante me, donec ad me conuersus iam intueor quandam humanam persuasionem isthæc habere, quæ ad iram animam prouocat. uideo mi domine non esse persuasiones has, **UT LEX TVA,** quæ haudquaquam pertransseuntem gloriam, aut superbiam & iram proponit, uel

temporalem pœnam timere suadet, quemadmodũ illi consilium dabant: sed illum filiali timore nos timere docet, qui æternam gloriam dare, atq; in æternum animam perdere potest. Docet præterea ut tunc maxime à Dei manu nos adiutorium supersperare debeamus, quando grauius atque impie ab impijs affligimur: utq; tunc quoq; dulcem ipsam afflictionem existimemus, cum mala iniqui operantes, in se ipsis exaltantur: certi, paulò post, illis lugentibus, plenos lætitiæ nos uitam ducturos, nam scriptum est, Cum surrexerint impij, abscondentur homines: & cum illi perierint, multiplicabuntur iusti, Dei iustitiam infallibilè præstolantes. Stat nãq; uersus iste tanquam medius inter mentis excessum & preces, quas Domino in sequētibus porrigit: sicut sæpe in nobis euenire solet, ut agnoscetes culpam, aliqua discurremus, antequam orare incipiamus: ita quidem, ut secum ipse dicat, Heu me miserum, quid loquutus sum? Non ne stultus fui, his dæmonum suggestionibus hærens? Deinde uerò hunc in modum aperto ore Dominum obsecrat.

• **OMNIA MANDATA TUA VERITAS: INIQUI PERSECVTI SVNT ME: ADIVVA ME.** Hæc est prima petitio post mentis euagationem à Propheta Deo exhibita, per quam à tentationibus ijs se liberari obsecrat, inquit: **OMNIA MANDATA TUA VERITAS.** hoc est, omnia mandata, quæ ab ipsa ueritate processerunt, ipsam ueritatem continent, non secus ac si diceret, sic in ueritate exequi debent, sicut in ueritate omnia præcipiuntur. Quod si ita est, memor esto uerbi tui, quando declarasti, quòd tametsi maiora nos pati deberemus, adhuc tamen ante tempus propter iniquos, ne ipsi exaltentur, peccatoribus parceres: horumq; memor, mei non obliuiscaris. quasi dicat: Ecce domine respice, quia **INIQUI & ini**que **PERSECVTI SVNT ME**, secundum ueritatem tuam **AD. VVA ME.** interea dum tam acerbè animam meam tentant: non ut tentationes cessent, sed potius ut gratia tua comite, ac tanquam uter nouo mus flo plenus illis resistere possim, & ad hunc modum iustificeris in pro

missionibus tuis, ne de cetero exaltentur. incipiunt namque dicere, euge euge uiderunt oculi nostri. sed tu domine adiuua me, ne rursus dicant, ubi est Deus eorum?

- 7 **PAVLO MINVS CONSVMMAVERVNT ME IN TERRA: EGO AVTEM NON DERELIQVI MANDATA TVA.** putant glossa & Augustinus martyres hic loqui, qui tanta passi sunt, ut ueritatē prædicarent. Alij uerò dicunt Prophetam esse, qui loquitur, & in uirtute sua gloriarī. Aliud tamen agit, nam Deum obsecrat, ut ab his euagationibus eum placeat liberare, rationem enarrans, propter quam intrepidè sperat ita fore, inquiens **PAVLO MINVS CONSVMMAVERVNT ME IN TERRA.** id est in carne, quæ terra est. **EGO AVTEM** à te intrinsecus illuminatus atque adiutus, iam cognoui culpam à carne processisse: & si iratus sum, tamen non peccaui. Siquidem à gratia tua adiutus **NON DERELIQVI** etiam in momento **MANDATA TVA.** quo fit, ut uagationes hæc minime pro peccato imputentur ijs, qui curuata carne cruciatus, quos eos pati iubes, ita sustinent, ut pœnam commissi peccati pensent.
- 8 **SECUNDVM MISERICORDIAM TVAM VIVIFICA ME, ET CVSTODIAM TESTIMONIA ORIS TVI.** sanctorum uirorum iussa petitio, qui feruentius tempore, quo uitam quietam ducunt, quàm in medio tribulationis egerint, orant, operanturque. adeò enim donec ipsa persecutio adsit, perterriti plerumque uiuunt, ut orare, sicut decet haudquaquam possint. hoc enim eidem Prophetæ contigisse legimus, quando dixit, Miserebere mei Domine, quoniam tribulor: conturbatus est in ira oculus meus, anima mea, & uenter meus, hoc est, in ira inimicorum, qui me persequuntur, [conturbatus est oculus] id est intellectus meus, quo te cernebam, & quietem perdidit, in qua te Deum meum contemplantur. [Anima mea] id est uoluntas mea, qua te diligebam. [Et uenter meus] id est memoria mea, qua tui recordabar, contemplanis mirabilis

lia de lege tua , iam conturbata sunt , itaq; conturbata , ut quodammodo perdidierint officium suum , quando hæ necessitates illæ sunt , quæ non sinunt nos in nocte quiescere , cogentes nos loca in lecto omni momento mutare; à quibus liberatus propheta , etsi pedes eius in loco spatioso constituti fuissent , adhuc tamen timore perterritus orabat , uitam in psalmo illo ab eodem domino petens , à quo nunc illam poscit , inquis , **SECUNDVM MISERICORDIAM TVAM** , qua bonitate propria motus , peccatorum nostrorum misereri soles . **VIVIFICA ME** , tum vires carnis , tum etiam animæ corroborando : quoniam adhuc cursationum uestigia durant , in quibus ira accensus conturbatus est oculus meus , anima mea , & uenter meus . **ET** , ego si sic uiuificatus fuero , **CVSTODIAM** adhuc in futurum **TESTIMONIA TVA** , hoc est mandata tua , ubi perspicuè cernis testimonia pro mandatis tanquam synonyma usurpari . **ORIS TVI** , tum quæ tu in ore prophetarum locutus es , tum etiam , quæ eloquium tuum Christus ore suo mandauit , ut quotis die crucem propriam suslineamus . quasi cum iob dicat : Qui leuiter loquutus sum , respondere quid possum ? Quod utinam non dixissem & alterum : quibus ultra non addam . Inspicienter equidem locutus sum , & quæ ultra modum excedunt . scientiam meam audi , & ego loquar . interrogabo te , & tu ostendes mihi . Conseruationis gratiam in hoc uersu petens , pro qua perpetuo Deum obsecrat , ut in lege Domini die ac nocte ambulare possit : quod propheta institutum erat .



CL LAMED 5

Latine cor, & seruo, secundum Ambrosium, Hieronymus vero disciplina siue cordis.

Omissis contemplationibus Hugonis & Petri Lombardi, Ambrosium & Augustinum sequamur, qui literam hanc Lamed cor et seruo interpretantur, quasi sub hac litera cor idcirco seruet, ut soli Deo toto corde seruiat, quod est quodammodo cor seruitute refectum domino exhibere. Dixerat namque in octonario præcedenti absque ratione se mente uagum fuisse: & cum ibi propter loci angustiam omnia aceruare neque quiuisset, in hoc octonario cætera supplet, ubi euagationem mentis suæ principio damnat: secundo uerò loco se excusat, legemque ea potissimum de re extollit, quia si lex ipsum non adiuuasset, præ angustia dolorum in hac humilitate sua omnino periisset, ab eadem lege spem hauriens, ut qui temporaliter ipsum liberauit, æternam quoque salutem ei condonet. Denique uerò gratias Deo agit, quod in hac pressura donis in lege contentis ipsum liberauerit per Christum omnium consummatorem, qui sic dilexit nos, ut semetipsum pro nostra salute daret. Diuiditur autem in partes tres: quarum secunda est ibi, nisi. tertia, Tuus ego sum. in quibus quid senserit, paulò post fusius uidebis.

Lamed 1. ¶ IN AETERNVM DOMINE VERBVM
TVVM PERMANET IN COELO.

Lamed 2. IN GENERATIONE ET GENERATIO:
NEM VERITAS TVA: FVNDASTI
TERRAM, ET PERMANET.

Lamed 3. ORDINATIONE TVA PERSEVERAT
DIES: QVONIAM OMNIA SERVIVNT
TIBI.

Lamed 4 ¶ NISI QVOD LEX TVA MEDITATIO
MEA EST, TVNC FORTE PERIIS-
SEM IN HV MILITATE MEA.

Lamed 5 IN AETERNVM NON OBLIVISCAR
IVSTIFICATIONES TVAS, QVIA IN
IPSIS VIVIFICASTI ME.

Lamed 6 ¶ TVVS SVM EGO, SALVVM ME FAC:
QVONIAM IVSTIFICATIONES
TVAS EXQVISIVI.

Lamed 7 ME EXPECTAVERVNT PECCATORES
VT PERDERENT ME: TESTIMONIA
TVA INTELLEXI.

Lamed 8 OMNIS CONSVMMATIONIS VIDI
FINEM: LATVM MANDATVM TVVM
NIMIS.

Hi tres primi uersus simul legendi sunt, ut commodius Prophetæ sensum percipiamus, dum ait.

¶ IN AETERNVM DOMINE VERBVM
TVVM PERMANET IN COELO.

¶ IN GENERATIONE ET GENERATIONEM
VERITAS TVA: FVNDASTI TERRAM,
ET PERMANET.

¶ ORDINATIONE TVA PERSEVERAT DIES,
QVONIAM ONNIA SERVIVNT TIBI.

*In his tribus carminibus hæc omnia legimus, in æternum uerbum per-
manere in coelo, diem Dei ordinatione perseuerare, & deniq; ipsi Deo
omnia seruire: quæ si rectè non intelligantur, minimè Prophetæ sensum
intelligere poterimus. Sciendum igitur est, tempus numerum esse et
motum secundum prius & pòsterius. Exempli gratia, si capiamus ins-
tans, à quo tanquam à principio incipit tempus, & hora: & ab hac horæ*

ra dies, à die mensis, à mense annus: anni, centena & millia annorum: quæ omnia ante cursum cæli & solis non erant, sed cursu cæli & solis esse cœperunt, luce nimirum ac motu eorum. Ex quibus intelligimus, quòd si per hoc tempus retrocadere incipiamus, ante cælos & solem tempus nō inueniretur, sed inflans, quod in tempus nō transsit: atq; hinc fieri, ut omne quod ante tempus est, æternū uocetur: Deus nimirum, qui increatus, ante solem & tempus, loco non comprehensus, & absque motu est, æternus ex parte ante, æternus quoque ex parte post, unde contemplari deinde incipimus ea, quæ finem, considerato termino ad quem, non habent, quadam similitudine æterna quoq; dici. Et deniq; ut eam ob causam, quia Deus æternus est, non solum opera sua, sed & nostra quoq; cum ipso æterno, hoc est cum gratia sua cooperata, atq; æterno præmio remunerata, tum quia sine carent, tum etiam quia ab æterno Deo operata sunt, æterna uocari: iuxta illud, Laudabo nomen tuum in æternum: usq; in æternum præparabo semen tuum, & id genus reliqua. hac enim ratione Angeli montes æterni dicuntur: terram quoq; in æternum permanere dicimus, absq; temporis præfinitione, postquam fuerit renouata. similiter & cæli propter hoc æternum immobile, cuius uirtute secundum eius ordinem flant, æterni sunt, animæ item æternæ, eò q; uisione æterna Dei, absq; fine uitæ æternæ uiuendo fruuntur. Hactenus de æterno. Superest nunc, ut cælorum motum obiter quoq; percurramus, quò deinde, quomodo uerbum permanet in cælo, intelligamus. Quare sciendum est sapientibus placuisse, post septē cælos octauum esse, quod sydereum à quibusdam, ab alyis uerò firmamentum nominatur. quibus nonum crySTALLINUM seu aqueum superaddunt, omnino diaphanum: quod alio nomine nonam sphaeram nominat, qui tametsi an decimum cælum detur (quod decimam sphaeram seu primum mobile appellant) inter se dissentiant: hoc tamen clara uoce concludunt, supra nonum cælum, decimum æmpyreum esse, uniforme, simplex, immobile & sanctum, ubi triumphans ecclesia inhabitat. Ceter

rum, quia alia uox adest, nimirum permanet: sciendū est aliter spiritalia, aliter corporalia loco circūscribi & definiri, atq; corporū hanc esse naturam, ut cum in uno loco consislunt, minimè eodem tempore in alio loco esse possint; neq; ut unum corpus alterius corporis locum simul & semel præoccupare ualeat. Alter uerò motus rerum spiritalium, ut posite Angelorum, qui hoc cum homine participant, nempe ut cum in hoc loco Angelus est, non possit eodem tempore alio in loco esse: in alio autem hominem superat, quia Angelus nequaquam sicut homo locum per proprias dimensiones occupat, sed ubi homo est, in eodem loco Angelus esse potest. Est & tertius motus Dei, qui angelos & homines excedit, quandoquidem dimensiones cum angelo non habet, ac proinde loco non circumscribitur: & angelos excedit, quia ante tempus & locum æternus est, in semetipso constans, unde prouenit ut simul & semel ubiq; sit, atq; in eodem loco ubi per proprias dimensiones alius manet plus & minus quanto abundantius, hic uel ibi, in hoc uel in illo homine uirtutem suā ostendit simul & ipse sit. Quibus hunc in modū explicatis, ad rem redeamus, animaduertentes in primis, Dauidē qui non posuit in præcedenti octonario omnia recensere, quæ super ipsa mentis euagatione occurrerant, hoc in loco imbecillitatem suam agnoscere, quæ cum Domino hoc ordine loqui sngamus: Non ego bestia mente uagus eram, tunc cum uerba in præcedenti octonario contenta ad eò imprudenter dixi? siquidem ad me conuersus, perspicuè nunc per donum sapientie tuæ cognosco q̄ IN ÆTERNVM, ut dixi, VERBUM TVVM incarnatum permanet in cælo. At dices, quare à uerbo incarnato æternus non Propbeta hic exordium sumit? quia ubicunq; scriptura de omnipotenti prouidentia Dei loqui intendit, uerbum incarnatum proponit, cui Pater omnem potestatem dedit, sicut ipse alibi testatur, dum ait, Data est mihi omnis potestas in cælo, & in terra. Quod intuens alibi Paulus dixit: Christus est solus potens, rex regum, & dominus dominantium; cui honor, & imperium sempiternum, splendor glorie suæ,

PERMANET, præfenti tempore eam ob rem loquens, quia in uerbo æterno tempus considerari non potest. IN COELO, hoc est cum angelis & sanctis (secundum quosdam) quibus cum Deus in se consistens habitat, quasi templa domini sint, in quibus Deus permanet. Tu autem (et si opinio hæc in se bona sit) dic uere uerbum incarnatum habitare in cælo sancto suo empyreo, cum carne Christi, quam semel assumpsit, & nunquam dimisit: ubi ueritas, id est ecclesia habitabit in circuitu suo. sic enim cælum est sedes eius, tametsi Deus in seipso consistet. sed iterum rogabis, quorsum hæc omnia tendunt? Dixerat namque Propheta, Quando facies de persequentibus me iudicium? Vbi duo considerauit: primum, quod nimis tardè Dei prouidentia sibi succurrerat: et secundum, quod inimici sui cum hominibus non affligebantur. In quibus Dei prouidentiam & potentiam tacitè arguebat. quamobrem ut errorem hunc corrigat, imperium uerbo incarnato, cui ipse credit, nunc tribuit: cuius prouidentia perfectè omnia gubernantur, ut sequitur, IN GENERATIONE ET GENERATIONEM, hoc est tam Hebræorum quæ gentium: duos populos ostendens, unum uidelicet Prophetarum Hebræorum ac iustorum, qui Christum præcesserunt: alterum uerò Apostolorum, & qui illos secuti sunt gentium: ab angulari lapide Christo unà coniunctorum, VERITAS TUA, uerbum nimirum incarnatum potens manet, atque in futurum permanebit, quæ in ueritate promissa sit, in eadem ueritate implens. Et idcirco, quia uerbo tuo dixisti, misisurum te ueritatem tuam Christum, sanare, temporaliter liberare, & in æternum nos saluare, minimè dubitare tunc debebam, quin in generatione & generationem ueritas hæc tua permaneret: siquidem scriptum est, Non relinquet sanctos suos: in æternum conseruabuntur. Non quidem ratione comite, sed uagus mente de potentia & prouidentia tua dubitavi: quando tu FUNDASTI TERRAM, ET PERMANET. terram (secundum quosdam) id est ecclesiam, quæ tunc temporis quando esse cœpit, merito terra dici poterat, eò quod terrena sapies

bat : & in aduentu Christi suo spiritu illustram sic fuit , ut perpetuò maneret , ita quidem , ut nauicula Petri , quæ fluctuare potest , perire haudquaquam possit : uel (secundum alios) dicemus de sanctis in fide permanentibus eum loqui , eò quòd homo terra est. Tu uerò dic , fundas sti terram , hoc est terræ elementum , rem planè absq; spiritu , ut in medio aquarum permaneret : & ita permanet , uirtuti tuæ obediendo. Tu quoq; iussisti soli , ut cursum suum singulis quibusq; diebus conficeret : et re ipsa uidemus. ORDINATIONE TVA PERSEVERARE DIEM , neq; currere cessare solem motu cœlorum uniformi : quibus concipere , potui , ueritatem tuam esse illam , quæ omnibus mundi rebus infinita prouidentia atque potentia sapientissime prouidet . Hoc certè modo ius mentum factus sum , minimè cognoscens tibi eam ob rem omnem curam nostri relinquendam esse , ut tu sis ille , qui nos cooperatores cum gratia tua qua comite , & non aliter omne bonum opus operamur , eripias à manu affligentium nos : QVONIAM OMNIA SERUIUNT TIBI , qui in recta sapientia & iudicio omnia facis , & infernarum quoq; rerum prouidentiam habes . Non quidem absq; causa tunc me exaudiebas , eò quòd tu ille es , qui illos punis , ut saluentur : illos uerò derelinquis , ut acrius puniantur : longasq; tribulationes iustorum esse iubes , ut accepto tempore illos liberes . Parce ergo domine mihi tūc mente uago , qui nunc cor meum quod seruo , tibi soli offero , cui seruiunt omnia .

4. ¶ NISI QVOD LEX TVA MEDITATIO MEA EST , TVNC FORTE PERISSEM IN HVMI-
LITATE MEA . I propheta , qui nihil aliud in toto hoc psalmo agit , q̃ , ut ostendat omnia tutamina à lege , Dei gratia accepisse ; cum in præcedentibus tribus uersibus mentis euagationem accusasset , hoc in loco partis secundæ octonarij istius , quare mente uagus fuerit , se excusat , simulq; legem (prout solet) extollit , tantamq; ac talem uexationem fuisse , ut si lex ei non succurrisset , non solum usq; ad mentis euagationem peruenisset , uerum etiam periisset , dicens : NISI QVOD LEX

TVA, donis reſerta & exemplis aliorum, qui eadem paſſi tandem gratia tua liberati ſunt, **MEDITATIO MEA** EST. præſenti uoce utēs, quaſi ſemper in eadem meditatione ſcrutando legem uixerit **TVNC**, id eſt in tribulatione, quando dolores undiq; urgebant, non ſolum ſic locutus fuiſſem, ſed forte (ſecundum me, tu autem ueritatem noſti) ob doloris anguſtiam **PERIIſSEM IN HUMILITATE**, id eſt afflictione **MEA**. iuxta illud, humiliāſti nos in loco afflictionis, & cooperuit nos umbra mortis. Renuit conſolari anima mea & id genus reliqua. ſed rurſum rogabis: Quid commune inter ſe ſcrutatio ſcripturæ cum cordis dolore habet? Cui quaſito Auguſtinus reſpondet, delectationem contemplationis uerbi in ſcripturis contenti, mitigare dolorem, qui eſt in ſenſu propter ſpem, quæ ex ipſa ſcrutatione oritur, dum omnes Dei promiſſiones in aliorum perſonis, ſic ut in lege promiſerat, ſecundum ueritatem adamuſſim consummatas fuiſſe expendit, res quidem ab his optime per intellectum practicum cognita, qui perſecutiones multas mecum paſſi ſunt.

¶ **IN AETERNVM NON OBLIVISCAR IVSTIFICATIONES TVAS, QVIA IN IPSIS VIVIFICASTI ME.** Ludens (prout ſolet poetico more) ſuper hoc uocabulo æternum, quaſi dicat, Aeternus es tu, æternum uerbum tuum, in generatione & generationem ueritas tua. **IN AETERNVM** igitur et ego à te liberatus, ſine fine **NON OBLIVISCAR IVSTIFICATIONES TVAS.** iuſtificationes uocans legem, in qua iuſtificationes & dona eius animam uiuificantes continentur. **QVIA IN IPSIS VIVIFICASTI ME** (ut ſupra diximus) qui alioqui periſſem.

¶ **ET TVVS SVM EGO: SALVVM ME FAC, QVONIAM IVSTIFICATIONES TVAS EXQUIſIVI.** Quoniam Prophetæ mos eſt omnia iudicia Dei in hac ſua contemplatione commemorare, quibus ſpem ſalutis æternæ ualeat roborare, cogitans omnia Dei mandata & iudicia facta fuiſſe, ac de generat

nōne in generationem enarrata, ut homines ponant in Deo spem suam, & non obliuiscantur operum Dei: & mandata eius exquirant. Hinc Christiani militis officium esse intellexit, ut semetipsum abneget, tollat crucem propriam, & Christum sequatur, eò q̄ in hunc modum desinit esse suus, dominiq̄ seruus efficitur, seruiendo iustitiæ eius, ijsq̄ expensis, quoniam ad literam Lamed peruenerat, quæ cor & seruo, quasi cor seruitutis significat, sic orat: TVVS EGO SVM, id est à te redemptus, seruitio tuo sponte dedicatus, qui tibi corde seruo, non sicut ac si dicat, Meus esse desui, cum relictis uijs meis tuus factus sum, ut illud Pauli, Liberati autem à peccato, serui facti estis iustitiæ. SALVVM igitur ME FAC, quæ uox saluum, tametsi pro salute corporali intelligi posset, secundum illud, Deus Deus meus saluum me fac, ubi pro defensione manus Domini usurpatur, pro æterna quoq̄ salute, earatione usurpari poterit, quia omnino à manu principum mundi huius, cum quibus sibi negotium erat, se liberari petit, et pro ratione assignat, QVONIAM tuus factus IUSTIFICATIONES TVAS EXQUISIVI: ad illum modum, secundum quem alibi orauit inquiring, Domine non confundar, quoniam inuocaui te. Tibi dixit cor meum, Exquisiuit te facies mea, ut stipendium iustitiæ uim æterna sit.

- 7 **ME EXPECTAVERUNT PECCATORES, VT PERDERENT ME: EGO AUTEM TESTIMONIA TVA INTELLEXI.** quæ uerba hoc ordinis declaranda sunt. Dic (quæso) Dauid, unde isthæc tu hauris, ut secundum modum in præcedenti uersu enarratū iustificationes, quæ animam tuam uiuificauit, exquisieris? ipse uerò tacita interrogatione respondet, ME EXPECTAVERUNT PECCATORES: perinde ac si dicat, Non solum iustificationes tuas desiderare concupiui, uerum etiā exquirendo opere id consummaui, quando persequentes me, tum dæmones, qui inducias aliquas interdum per interualla meæ euagationi dabant, ut ad me conuersus, ratione peccarem: tum etiam peccatores persequentes

persequentes me laqueis paratis expectauerunt, aliquo temporis spatio me non affligendo, ut deinde PERDERENT ME. nam morti me tradere conabantur, EGO AUTEM TESTIMONIA TVA INTELLEXI, hoc est martyria (secundum quosdam) intellexi, sed rectius dicemus, gratia tua omnia, quæ me facere ad salutem oportebat; à testimonijs tuis (quæ pro lege hic ponit) intelligi: non ut in finibus intelligentiæ consisterim, sed quia uoluntate tua perspecta, illa opere, gratia tua comite, impleui: illos neglexi, & tibi soli hæsi, cui cor quod seruo, huiusmodi seruitute refertum dedico.

• OMNIS CONSUMMATIONIS VIDI FINEM: LATVM MANDATVM TVVM NIMIS. quasi dicat. Cur rationem inquirō, ob quam hæc spes salutis æternæ mihi facta sit? Ego certè ille seruus tuus sum, cor meum ut tibi soli seruiat seruans, qui OMNIS CONSUMMATIONIS VIDI FINEM. Quæ uersus à quibusdā ita interpretantur, ut dicant in lato mandato, id est in lege, omnis consummationis tum humani, tum diaboli studij finem eum uidisse, uel consummationis, id est destructionis: nimirum ut iusti mortem & finem, atq; iniusti, uia cognosceret. Tu autem in hunc modum prophetam dixisse intelligas, Eam ob causam saluum me fore spero, dō domine, quoniam OMNIS CONSUMMATIONIS VIDI FINEM, id est Christum (qui legis finis est; & in cruce omnia consummauit) me comitantem, donec suslinendo oblatam mihi crucem, omnia quæ iussisti, in uirtute crucis illius ego quoq; consummaui: ille namq; solus, cum filius Dei esset, ex his, quæ passus fuit, & consummatus, factus est omnibus obtemperantibus sibi, causa salutis. Christum autem uidendo, patris sapientiam uidi: sapientiam uerò, quæ in me uenit, uidens, charitatem tuam mecum esse uidi. LATVM inquam illud MANDATVM TVVM NIMIS, mandatum charitatis ipsam charitatem uocans, per quam mandatum charitatis, nec aliter, implemus: quod & Christus obedientiā discens impleuit, ut consummatio legis esset. Quasi diceret,

Christum uidi, quem tu magna charitate motus pro nobis morti tradidisti, Christum inquam, qui uolens, pro nobis summa cum charitate passus est. et hoc quidem, non ut in sola uisione res consisteret, quin potius ut in uirtute huius consummationis à Christo factæ, quam ego participavi, in me quoque omnis consummationis uiderim finem. Est namque charitas ipsa, præcepti finis: quam (ut ea duce, mandata, quæ absque ipsa nimis mihi fuissent, meritorie, per aliud nimis, id est charitatem tuam seruarem) spiritus sanctus in corde meo sic diffudit, ut crucis mihi oblate mandatum, quæ mihi nimis alioqui fuisset, omni ex parte consummauerim. Christum omnis consummationis finem, charitas temque præcepti finem, et propriam crucem simul coniungens: ut cum Paulo dicat, Gratia Dei à morte peccati huius per Iesum Christum me liberauit: non ut me iterum perderet, immo potius ut in æternum saluaret. quasi dicat, hæc enim cum ita se habeant, nonne ex his recta ratione spem æternæ salutis haurio? Obserua quæso lector, qua arte psalmistam hunc, pastor iste ordinauerit. Hic sanè finem narrandi persecutiones & ærumnas in illis perpeffas imponit: & quasi oblitus passionum, quæ præcesserant, fructus operum spiritus sancti deinde colligit, benedicens Deo, qui hac uia dignatus est Christum ei ostendere, & propriam charitatem suam, qua ipsum ex toto corde redamamus, proximos uerò sicut nosmetipsos diligimus: nil aliud deinceps agens, quam ut Dei dona contempletur. Hunc item uersum corporeas passiones à gaudijs spiritualibus diuidentem, in fine illius octonarij, quasi in medio passionum & gaudiorum collocasse: ut deinde in alijs octonarijs sequentibus ipsius charitatis effectus, cæteraque Dei mirabilia, & Christi merita ecclesiæ ostendere possit, sic enim & in fine quarti octonarij expleto actiue uitæ cursu, antequam uitam contemplatiuam in quinto octonario intraret, alterum uersum quasi in medio utriusque uitæ collocauit, inquit, Viam mandatorum tuorum cucurri, cum dilatastis cor meum, eodem scilicet mandato charitatis per Christum. Hactenus quinta pars

tertia principalis partis .

DECIMVSTERTIVS OCTONARIVS.

CM MEM O

Latine, ignis, viscera, ex ipso, ex intimis. Hieronymo
verò placeat ut dicamus ex ipso.



OSTQVAM Propheam in præcedenti octonario dixerat,
omnis consummationis iudi finem, latum mandatum
tuum nimis, ad literam Mem peruenit, quæ isthæc om-
nia significat, ignis, viscera, ex ipso, ex intimis, per
quæ ipsa charitas ostenditur: cuius præconia cum in illo ultimo uersu
tum propter loci angustiam, tum ipsius charitatis magnitudinem com-
modè narrare nequiuisset, in hoc octonario & sequentibus illa singillas-
tim ecclesie recenset, nil aliud perpetuo agens, q̃ signa præcedentis
aduentus charitatis, eiusq̃ mysteria contemplari: & hoc quidem, ut ecc-
lesia his auditis, quæ bonus Deus propria charitate motus in eo operas-
tus est, cum tribulatur, eadem adiutoria speret, ipse uerò supra an-
choram firmissimam spem propriam ponat, ac cum Paulo dicat: Non
ego solus plus omnibus laboraui, sed gratia Dei mecum per iesum Chris-
tum, in quem adhuc spero, ut opus perficiat usq̃ in diem Christi.

Mem

1. QVOMODO DILEXI LEGEM TVAM
DOMINE: TOTA DIE MEDITATIO
MEA EST.

Mem

2. SVPER INIMICOS MEOS PRVDEN-
TEM ME FECISTI MANDATO TVO:
QVIA IN AETERNVM MIHI EST.

Mem

3. SVPER OMNES DOCENTES ME IN-
TELLEXI, QVIA TESTIMONIA TVA
MEDITATIO MEA EST.

- Mem 4 SVPER OMNES SENES INTELEXI,
QVIA MANDATA TVA QVAESIVI.
- Mem 5 AB OMNI VIA MALA PROHIBVI PE-
DES MEOS, VT CVSTODIAM VER-
BA TVA.
- Mem 6 A IVDICIIS TVIS NON DECLINAVI,
QVIA TV LEGEM POSVISTI MIHI.
- Mem 7 QVAM DVLCIA FAVCIBVS MEIS ELO-
QVIA TVA, SVPER MEL ORI MEO.
- Mem 8 A MANDATIS TVIS INTELEXI: PRO-
PTEREA ODIVI OMNEM VIAM INI-
QVITATIS.

1. QVOMODO DILEXI LEGEM TVAM DO-
MINE: TOTA DIE MEDITATIO MEA EST.

Sunt multi, qui notulam istam, QVOMODO, hunc in modum expli-
candam esse putant. Quantum ego, & in quem modum charitate du-
ce legem tuam dilexi. Alij uerò dicunt, prophetam, qui dixerat, Om-
nis consummationis uidi finem, latum mandatum tuum nimis, sub lites-
ra Mem constitutum subiungere. Quo modo, ut sint duæ partes, in ablas-
tuo casu, quasi hoc modo, Omnis consummationis uidi finem, quando
quidem non antea legem & contenta in lege, ex toto corde amamus, q̃
charitas præflet, ut ipsam redamare queamus. In idem tamen recidunt.
dic ut uis, modò secundum literæ Mem, proprietatem, hanc Prophetæ
mentem esse intelligas, ut cum Paulo dicat, Charitas urget: qua comis-
te, & non aliter, DILEXI, toto corde, amando LEGEM TVAM DO-
MINE, hoc est contenta in lege, siquidem qui Deum amat, itidem &
quæ Deus iubet diligit TOTA enim DIE non quod continuus actus
sit, qui nunquam cesset: sed quia is tota die legem meditatur, qui om-
nia quæ operatur, in Dei laudem facit, siue legem scrutetur, siue ipsa

sam meditetur, siue ea quæ iubet operetur. **MEDITATIO MEA EST,** quasi perpetuo ad omne opus bonum præsens maneat, neq; tunc fuerit quod nunc non sit: neq; incipiat quod tunc, cum tota die in dei laudem omnia operabatur, non fuerit, sic enim ex charitatis effectu, ipsam charitatem in eo permanisse, atq; in præsentia permanere cognoscit; unde spem æternæ salutis haurit; legi euangelicæ Christi, per quem gratia facta est, omnia tribuens, quasi scopum, ut illius laudes enarret, semper præ oculis habet.

SVPER INIMICOS MEOS PRVDENTEM ME FECISTI MANDATO TVO: QVIA IN AETERNVM MIHI EST. Cum tria sint, quæ hominem in mundo instruunt, natura nimirum, quæ secundum uirtutem uiuere possumus: ars item, ab illis audiendo, qui per se uel codices suos editos, nos docere solent, & experientia rerum, quæ in senibus plurimum adest: hinc propheta, qui in præcedenti octonario cum dixit omnis consummationis uidi finem, latum mandatum tuum nimis, sub uno mandato charitatis cætera conclusit: ut latius contenta in charitate ipsa nobis cõmonstraret, sequentes uersus subiunxit, quibus uirtutes tum morales tum intellectuales plus ipsa natura, arte, & experientia per aduentum charitatis in animam infundi ostendit, inquit: **SVPER INIMICOS MEOS, saulem, Absalonem, & Achitophalem,** atq; alios me persequentes, qui prudentia, quæ secum charitatem non habebat, mundi gloriam quærentes, appetitui locum dederunt, ut puerorũ instar, qui ob naturæ simplicitatẽ poma auro præferũt, propter terrena, ut temporaliter regnarent, spiritualia neglexerunt, et me persecuti sunt, **PRVDENTEM ME FECISTI MANDATO TVO,** id est lege tua nos bis data (secundũ quosdam) per quam hominũ mores instruis, vel mandato tuo, qui idcirco iussisti me tribulari, ut experimẽto corũ, quæ passus sum, prudentẽ me faceres. Tu autẽ dic, **PRVDENTEM ME FECISTI,** prudentiam infundendo, **MANDATO TVO** charitatis, ipsa charitatem

mandatū idcirco uocitans, quia hoc unicum mandatū nobis lex præcipit, à quo cætera pendent, sic enim in præcedēti octonario, uersu octauo, charitatē expressit: non secus ac si dicat, hoc modo: Tu prudentē me fecisti, ut te cognoscerē: deinde uerò ut non solum te ex toto corde amarem, uerum etiam ut propter te inimicos quoq; diligerem. Non quidem humanæ prudentiæ opus hoc fuit, ut quasi homo, qui illos timerem, uel regnandi causa propter temporalia ad amicitiam illos allicerem, diligere simulauerim; sed **QVIA** mandatū hoc charitatis **IN ÆTERNVM MIHI EST**, salutem æternā præbens, quapropter te mihi summū bonum & inimicos propter te uerē dilexi. Obserua lector tria Prophetā dixisse: primum prudentem: postquam uocem, quæ ambigua erat, an acquisita, uel infusa prudentia fuisset, secundum subiunxit, me fecisti, quasi tu supernam sapientiam infundendo, me imprudentem prudentē feceris. Deinde uerò & tertium superaddit, mandato tuo, charitatis: ut modum commonstret, quomodo per aduentum charitatis prudens ipse euaserit. Quibus hunc in modum explicatis (etiam si ecclesia, ut quisdam censent, sic loqueretur) eant nunc hi, qui uirtutes mortales infusas negant, officiumq; charitatis hoc esse palam consiteantur, nempe ut uirtutibus moralibus ueram beatitudinem assequamur, quando scilicet ab ea formam suscipiunt per unctionem spiritus sancti.

3 **SVPER OMNES DOCENTES ME INTELLIXI: QVONIAM TESTIMONIA TVA MEDITATIO MEA EST.** quando nudis pedibus propter consilium Achitophelis, quod præualuit, fugiebam, tunc sanè Abisai uidi: qui cū semel maledicentem mihi audiisset, dixit, uadam, & amputabo caput eius, ego uerò ad illum: Quid mihi & uobis est filij saruiæ? Dimitte eum ut maledicat. Dominus enim præcepit ei, ut malediceret David: & quis est, qui audeat dicere, quare sic feceris? Rursum quando alij reſtiti, qui in spelunca saulem occidere uolebant; tunc enim cognoui, & propter dona, quæ cum charitate aduenerunt, sapientiæ, scientiæ

Et intellectus, *SVPER OMNES DOCENTES ME INTELEXI*, nempe quia prudens à te factus hoc charitatis mandato, summa cum fortitudine, iustitia, & temperantia, omnem iram atque superbiam cohibui; Et hoc quidem, non quasi his uirtutibus moralibus, tanquam acquisitis usus sim, sed potius, quia infusæ uirtutes supra illas sunt, quæ secundum naturam docent: quandoquidem etsi natura prompta erat de inimicis ulcisci, fortis cum essem corde & uiribus, charitas tamen præualuit, ut propter te illis parcerem, fructum autem hunc ea ratione colz legi, *QVIA TESTIMONIA TVA contrarium præcipientia, MEDITATIO MEA EST*. quemadmodum in primo uersu dixi, bellè docens, tam naturæ quàm arti coelestia dona anteponenda esse.

- 4 *SVPER OMNES SENES INTELEXI*, qui experientia docti esse solent, & ab effectu ad causam retrogradientes ob magnam experientiam res ipsas dono intellectus intelligunt. Ouium namque pastor cum essem, absque experimento ullo, supra omnes senes intellexi, qui traditiones suas legi Dei præponebant: de quibus Esaias loquens dixit: *Caupones tui miscuerunt uinum aqua*, & alibi Iesus: *Quare uos trasgredimini præceptum Dei propter traditiones uestras?* At hoc quare? *QVIA MANDATA TVA*, non autem illa quæ natura docet, *QVÆSIVI*, querendo autem quia sermo tuus intellectum dat paruulis, spiritum attraxi: itaque donum intellectus obtinui: sunt nanque gradus in sapientia, nempe ut quidam fallaci acquisita sapientia utantur: plerique uerò superna sapientia informi, quæ mentem mouet duntaxat, & per eam docti sæpe euadunt. alij uerò infusa sapientia, charitatem secum habente, quæ animam ad bonum gratia Dei perducit, ut principium omnium principiorum intelligant, de quibus omnibus Propheta loquens illam sapientiam denique commendat, quæ charitatem habet adiungendam, qua cum dona sapientiæ, scientiæ, & intellectus ueniunt. Ille namque Propheta huius magister est, qui dixit, nolite cogitare quid loquamini, sciens se locuturum in ore eorum, dona sapientiæ, scientiæ et intellectus

infundendo, quemadmodum propheta hoc loco secum actum esse testatur, Deo gloriam tribuens, qui his praeiis manus suas docuit ad praeliū.

AB OMNI VIA MALA PROHIBVI PEDES MEOS, VT CVSTODIAM VERBA TVA.

Sunt quidam, qui ex his uerbis colligunt nostrū esse prohibere pedes, ne per malam uiam incedant: parum aduertētes prophetam in domo charitatis sic loqui, quā comite, & non aliter, pedes nostros dirigimus. unde dic, **AB OMNI VIA MALA**, non ut nunquam in uia mala steterim, siquidem peccaui, sed ab omni, hoc est quādocunq; à uia mala pedes meos prohibui, afflictionis praesertim tempore, charitate praeuia ac comite id egi, sicut alibi inquit: providebam dominum in conspectu meo semper, quoniam à dextris est mihi, ne commouear. sic enim aliterum scripturae testimonium Augustinus interpretatur, dum ait: Rectos cursus fac pedibus tuis: ut homo sit, qui faciat, non tamen absq; adiutorio Dei **PROHIBVI**, dum ire secundum carnem, & ad malum accedere prompti erant. quasi uoluntas mala; bona deinde uoluntas per charitatem facta sit, quā bonum uelle dedit iuxta illud iohannis: Ego rogabo patrem: & alium paracletum dabit uobis, ut maneat uobiscum in aeternum, spiritum ueritatis, qui non sinet uos, cum bona uolueritis, falsa eligere. **PEDES MEOS** uoluntatis, quā rationi obedire recusabat: non tamen ego, sed tu: quemadmodum alibi dicit: si dicebam, motus est pes meus, misericordia tua domine adiuuabat me, non ut iussus coram hominibus apparerem, sed ut **CVSTODIAM**, uerbo praesenti, quod (ut dixi) & praeterita complectitur, **VERBA TVA**. sed quā uerba ista fuerint, uarios intellectus doctores accommodant. Tu autem dic, ut custodiam uerba tua, id est mandata tua omnia, ad crucem usq; quā nos suslinere debere iussisti, inquit: Qui habet mandata mea, & seruat ea, ille est, qui diligit me. si quis diligit me, sermone meum (crucis, sicut ibi notant) ¶ seruabit: & pater meus diliget eum, & mansionē apud eum faciemus; omnia ipsi spiritui sancto tribuens

tribuens, qui per gratiam in cordibus nostris habitare uenit: suam charitatem diffundens, absque qua non solum crucem ipsam sustinere nequiremus, sed neque peccatum aliquod meritorie uitare ualeremus, hoc enim Prophetæ institutum erat, legi præsertim euangelicæ omnia tribuere, hoc his uerbis agit.

- 6 **A IUDICIIS TVIS NON DECLINAVI, QVIA TV LEGEM POSVISTI MIHI.** quasi dicat, scio domine quòd si A IUDICIIS TVIS, in quibus uoluntatem tuam patefacis, quum bona opera cooperatus sum **NON DECLINAVI**, haudquaquam ego solus fui, sed idcirco sic factum est, **QVIA LEGEM** euangelicam charitate refertam **POSVISTI MIHI**, sicut scriptum est, **Dabo leges meas in mente eorum, & in corde eorum superscribam eas,** qua posita, propter eandem charitatem ego legem dilexi, & ei hærens do, à iudicys tuis, gratia tua mecum cooperante, non declinaui, legi & hoc quoque tribuens, propter ea quæ in ipsa lege continentur.

- 7 **QVAM DVLCIA FAUCIBVS MEIS ELOQVIA TVA SVPER MEL ORI MEO.** placuit Hugoni & alijs, legis præconia Prophetam hic enarrasse. quæ quidem opinio statim re poterit, si de his, quæ in lege continentur, hoc est de ipsa charitate & gratia senserint: alioqui cum illis sileant, qui psalmos Dauidicos tempore persecutionis editos in cellis interpretantur: & illos, qui re eadem experti sunt, his in rebus audiant. Metaphorica namque locutio hæc est, ut faucibus & ori supra mel dulcia eloquia Dei fuerint: fauces nimirum animæ, quæ ore spiritali quietem sumere, uel illam fauces deglutire, ob infinitas passionem nequaquam poterat, donec gratia Dei in lege euangelica contenta, animam recreauit. quapropter paulo post dixit, **QVAM DVLCIA FAUCIBVS MEIS ELOQVIA TVA**, qui haudquaquam per Angelos locutus es mihi, prout Abraham, Moyse, & alijs locutus es: sed per te, qui in lege perpetuò loqueris: iuxta illud, propter uerba laborum tuorum

sustinui vias duras ; proindeq; SVPER MEL succurrunt ori & faucibus animæ meæ, dum actu consolationes ipsas, quas secum charitas affert, in medio tribulationum sensi, hoc quidem Paulus alibi de seipso loquens testatur, dicens: Quoniam sicut abundant passionēs Christi in nobis, ita & per Christū abundat consolatio nostra, & alio in loco: Qui consolatur humiles, consolatur & nos. Omnia possum in eo, qui me confortat, propter charitatem scilicet, quæ omnem tristitiam foras mittit, itaq; dulcis est, ut supra mel esse uideatur, quod nullum contrarium saporem admittit. Hic germanus sensus est, quem omnes sequentur, qui afflictionis tempore donum hoc obtinebunt, experientur namq; omnibus diuitijs, magistratibus, uxoris optimæ atq; pulcherrimæ consuetudine filijs, patria parentibus, amicis, Dei charitatem dulciorem esse.

- **A MANDATIS TVIS INTELLEXI: PROPTEREA ODI OMNEM VIAM INIQUITATIS.** Nisi Ioannis uerba, quæ suprâ descripsimus, funditus intelligas, minimè Prophetam intelligere quibus. **A MANDATIS TVIS INTELLEXI**, quippe qui cum hic finis animæ sit, ut diligendo Deum, ipsum intelligamus: quem minimè in momento, sed per gradus obtinemus; principio enim spiritus tuus, qui charitas est, mandata mihi declarauit, cum legem in corde posuit: & à mandatis tuis intellexi. quasi dicat, de gradu in gradum secundum diuinas operationes, & prout Charitas Dei in me crescebat, reliqua intellexi, itaq; opere iustificationes tuas custodiui; id sanè quod Ioannes sensit, quando dixit. Qui habet mandata mea, & seruat ea, ille est qui diligit me, qui autem diligit me, diligitur à patre meo: & ego diligam eum, & manifestabo ei meipsum. Siquis diligit me, sermonem meum seruabit: & pater meus diliget eum: & ad eum ueniemus, & mansionem apud eum faciemus. quasi dicat, Principium à charitate ortum fuit, qua comite legem tuam dilexi, media item per charitatem à me operata sunt, ut finis ad eandem charitatem tenderet, & **PROPTEREA**, quia charitas tua, spi-

ritus tuus per gratiam inhabitantem tecum erat, non solum ipsa peccata ODIVI, & ab omni uia mala prohibui pedes meos, uerum etiam OMNEM VIAM INIQUAM ODIO HABVI. Et dicit, uiam iniquam, non autem iniquitatem, quia multæ sunt uiae, quæ etsi simpliciter iniæ quæ non sint, ad iniquitatem tamen nos deducere possunt, iuxta illud, Aut stulti, aut ebrii chorearum spectatores sunt, & alibi, Qui exponis se periculo, facile incidit in illud, ostendens per hæc non solum ipsam iniquitatem, uerum etiam uias ad iniquitates, in aduentu charitatis odio habuisse. Quibus hunc in modum explicatis, iam uides quantas laudes legis ipsius afferat, ut charitatem in lege contentam, cum ad charitatis domum aduenit, ad summum extollat, hæc planè cum in præcedenti octonario cōmodè ostendere non potuisset, in isto octonario narrauit.

DECIMVS QVARTVS

OCTONARIVS.

C N N V N V I

Latine unicum, pascua, sempiternum



V M ad literam Nun peruenisset, quæ Vnicum & pascua scripturarum, significat: in quibus post Saulis Absalonisq; mortem ab omni perturbatione exulus, sub unico Deo per unicum filium Iesum Christum, in unico mandato charitatis Propheta ipse animam pascendo uitam ducebat, uti euenire solet, uiros sanctos tunc maximè tentari, quando feruentius in spiritu & ueritate orant, tertia persecutio dæmonum grauius ipsum in animo tentantium mox sese obtulit: qua adeo affligebatur, ut minimè ea quæ ore proferebat, integro rationis iudicio Deo offerre potuerit: non tamen lex ipsa instruens & gratia adiuuans defuere, quæ ab his quoque

ipsum liberarunt. Atqui dices, quis tibi hæc reuelauit? Ego uerò respon-
debo, ut hunc et sequentes duos octonarios legas: ut his lectis, mihi subs-
scribas. Diuiditur autem in partes duas. in prima usque ad uersum,
Humiliatus sum: præterita adiutoria, legisq. uires narrat, à qua sus-
turum quoq. adiutorium sperat, perseuerantiæ nimirum usq. in finem,
ut tentationibus ijs gratia comite resistere queat. in secunda uerò nos-
uam hanc tentationem domino recenset, petens ab eo, ut gratiam quam
iandudum petierat infundendo, ipsum uiuificet: quandoquidem semis
mortuus animam in proprijs manibus portabat, timens ne à gratia, in
qua manebat, excideret, propter ingentes cruciatus, qui nec orare
ipsum sinebant.

- NUM 1** **ELUCERNA PEDIBVS MEIS VERBUM**
TVVM, ET LVMEN SEMITIS MEIS.
- NUM 2** **IVRAVI ET STATVI CVSTODIRE**
IVDICIA IVSTITIAE TVAE.
- NUM 3** **HVMILIATVS SVM VSQVEQVAQVE**
DOMINE, VIVIFICA ME SECUN-
DVM VERBUM TVVM.
- NUM 4** **VOLVNTARIA ORIS MEI BENEPLA-**
CITA FAC DOMINE: ET IVDICIA
TVA DOCE ME.
- NUM 5** **ANIMA MEA IN MANIBVS MEIS**
SEMPER, ET LEGEM TVAM NON
SVM OBLITVS.
- NUM 6** **POSVERVNT PECCATORES LAQUEVM**
MIHI, ET DE MANDATIS TVIS
NON ERRAVI.
- NUM 7** **HAEREDITATE ACQUISIVI TESTI-**
MONIA TVA IN AETERNVM, QVIA
EXALTATIO CORDIS MEI SVNT.

NUM 8 INCLINAVI COR MEVM AD FACIENDAS
IVSTIFICATIONES TVAS IN AETERNVM,
PROPTER RETRIBUTIONEM.

1. **LVCERNA PEDIBVS MEIS VERBVM
TVVM, ET LVMEN SEMITIS MEIS.**

Quoniam eo tempore, quo duriores passionēs offeruntur, feruentius Dei misericordiam inuocare solemus: cum hæc vehementior tribulatio spiritalis aduenisset, ad legis præsidium, in qua cælestia dona continentur, mox Propheta animum conuertit: cui adedò se se hæsisse domino narrat, ut eam pro duce perpetuò habuerit. hunc in modum exordietur: **LVCERNA PEDIBVS MEIS**. prohibens animæ pedes, ne formidine pænæ ad malum tenderent, **VERBVM TVVM**, non illud, quod gignens tibi æquale est, sed uerbum tuum ore hominum in antiqua lege nos instruente prolatum, multa nobis iubens, per quæ in semitis iustitiæ ambulare debeamus: ita ut uerbum, hoc in loco non sit deitas, sed sermo deitatis. **ET LVMEN** clarum, uerbum tuum ore uerbi incarnati prolatum, ipsum uerbum incarnatum ostendens, sicut alibi scriptum est: **Lumen uerum iam lucet**. **SEMITIS MEIS**, quæ quales sint, alibi dixi: quasi dicat, sic enim dignum me hæcenus fecisti, in partem sortis sanctorum in lumine. Quoniam mandatum mihi lucerna perpetuò est, & lex lux: quarum altera ire nimirum minori lumine instruit, altera uerò gratiæ maiori adiuuat.

2. **IURAVI ET STATVI CVSTODIRE IVDICIA
IVSTITIAE TVAE.** perinde ac si dicat, scis domine, sic charitate comite legi tuæ me hæsisse, ut non solum legem tuam dilexerim, uerum etiam cum charitas tua mecum adesset, **IURAVI ET STATVI**, firmum propositum per hanc uerborum geminationem ostendens, iuxta illud, iurauit dominus, & non pœnitebit eum. **CVSTODIRE IVDICIA IVSTITIAE TVAE**, quæ qualia sint, in primo oclonario dixi,

itaq; legi tuæ hærens, nullam me deinceps afflictionem passurum putabam, immo potius ut in pascuis charitatis uitam ducens, spiritus fructus quasi flosculos singulis quibusq; momentis legerem : sed ecce

3. **HVMILIATVS SVM VSQVEQVAQVE DOMINE: VIVIFICA ME SECVNDVM VERBVM TVVM.** Ac si diceret, Tu domine legem posuisti mihi, non ut ego solus, sed tecū cooperando, ea quæ in lege continentur impleam. Respicere igitur, quia **HVMILIATVS SVM**, passivæ, à spiritibus tentantibus **VSQVEQVAQVE**, hoc est undiq; ita quidem, ut neq; in consueta pace orare me sinant. **VIVIFICA ME**, non autem cum paulo dixit, *slimus lum hunc tolle* : quandoquidem minimè ne tentemur oramus, sed ne in tentationem inducamur. *viuifica, animæ meæ vires roborando* : adauge fidem & charitatem domine, ut sicut abundant tentationes, adiutoria quoq; tua abundent, per Christum dominum nostrum : nam scus to fidei satanæ resistimus, dum aduersus insidias eius fide stamus, ut per illam omnia tela ignea nequissimi extinguamus. Cum paulo quidē audire optabat, sufficit tibi gratia mea perseverantiæ usq; in finem, quam totis viribus propheta quærebat, *viuifica domine. SECVNDVM VERBVM TVVM*, nobis promissum, quo pollicitus es omnes illos, qui in illo, sic cognoscunt nomen tuum, ut in te sperent, quandocūq; clamauerint, comitari, eripere, ac glorificare non desineres.

4. **VOLVNTARIA ORIS MEI, BENEPLACITA FAC DOMINE, ET IVDICIA TVA DOCE ME.** Quoniam nouerat dauid illud quod paulus alibi dixit : si orem lingua, mens mea sine fructu est : cum se uiuificari obsecrasset, ut uiuificatus fortius tentationibus resistere posset, animaduertens qd tametsi fide, satanæ resistamus, adhuc tamen tentationes ipsas à quietâ oratione, ut mentis non sit, plerunq; orantes auocare : sequentia uerba subneclit : **VOLVNTARIA ORIS MEI**, hoc est, non timore, sed charitatis confessione (ut Augustino placet) operata, beneplacita fac. Aliud

tamen sensit propheta, qui non dixit uoluntaria opera, sed uoluntaria oris mei, quasi idco sacrificia laudis plerunq; uoluntaria dicantur, quia propter multitudinem tentationum eo deuenit, ut ore potius & uoluntate inefficaci orauerit, q̄ quod sub iudicio rationis recto orationes sue domino porrigerentur, quamobrem sine fructu se orare uerebatur. **BE NEPLACITA FAC DOMINE**, qui uerbo tuo declarasti perfectionem nostram secundum id quod habemus, te accepturum, paulo teste, cum ait, Non iam quod perfectus sim, sequor autem siquo modo comprehendam; quicumq; ergo perfecti sumus, id est uoluntate (Verba hæc prophetae obserua lector, pro eo quod scholastici notant, ut ea ratione opera nostra meritoria sint, quia tanquam meritoria & sibi beneplacita à Domino acceptantur) Et non modo beneplacita fac, sed ultra hoc **INDICIA TVA**, quæ ego iuravi custodire non solus, sed gratia comites; per nouam gratiam **DOCE ME** opere in hac quoq; tentatione implere; sed quare edoceri petis, tu qui iudicia iustitiæ sæpe didicisti, immo & ea seruare iurasti? nempe, quia in noua tribulatione noua gratia egeamus. Admiraris fortasse audire lector, hominem sic opprimi à tentationibus satanæ, ut uolens nequeat orare? Scio enim pium quendam hominem ferme per annos quinque aded à satana oppressu, ut cum conslitteret orare, sic impediabatur, quod non nisi magna cum difficultate orare poterat, & plerunq; nullo modo loqui: quinimmo ultra quas draginta uices, populo id uidente, cum ante corpus Christi accedebat orare, à satana in terram proiectum fuisse, neque aliud remedium inuenisse, q̄ ab Augustino edoctus, crucis signo in fronte signato integra fide cum Chrysostomo quoque diceret, Abrenuncio tibi satan, & coniungor per Christu Deo meo, cuius sanguis sit inter me & te; inde uerò Domino dicebat: uoluntaria oris mei beneplacita fac Domine, & his uerbis non absq; lachrymis plerunq; dictis, satanæ uis cessabat.

ANIMA MEA IN MANIBVS MEIS SEMPER; ET LEGEM TVAM NON SVM OBLITVS.

Verba hæc metaphorica sunt, eò q̄ nullo unquam tempore animam in manibus portamus. Quid autem Propheta per hanc metaphoram senserit, uariè coniectant: ita quidem, ut Augustinus alterum duorum dicere coactus sit, uel textum male uersum fuisse, & dum dicit meis, dicat tuis, uel si diceret meis, sensum Prophetæ se ignorare. Ambrosius uerò dicit, i manibus meis semper. quasi dicat, oia quæ operor, pro salute animæ operor. Sed hoc in octauo uersu Propheta tractat. Hieronymus intellexit, ut anima ipsius sit in eius manibus semper, hoc est propterea ad martyrium suscipiendum; quæ opinio nequaquam admitti potest, quia promissio hæc respicit futurum: & uerba illa, legem tuam non sum oblitus, præteritum. Post quos Nicolaus de Lyra placuit, idcirco uerba hæc in principio octonarij huius poni, ut magnum animæ periculum propter carnis pressuram ostendat. uel aliter (si Ambrosium & Augustinum sequi uis) ut semper Propheta animam Deo offerat, ut uiuificetur: uersus illius memores, quando dixit, Ad te leuavi animam meam, & legem tuam non sum oblitus: sed ibi omnia in præteritum. fuerunt: hic autem quedam præsentia, quedam uerò præterita sunt. Alij, quos Hugo refert, dicunt, ut propheta, qui paulò ante dixerat, Iudicia tua doce me: in hoc uersu causam subiungat, nimirum quia anima mea in manibus meis est semper, parata suscipere doctrinam tuam: sicut alibi scriptum est, sume cultrum (id est diuinum sermonem) qui est gladius spiritus, gutturi tuo: si tamen habes in potestate animam tuam, quasi ad hunc modum anima doctrinam accipiat, nempe iniquitatem excludendo, & legi hærendo: eò q̄ in animam maleuolam sapientia non intrat, itaq̄ Prophetam in manibus suis animam tenuisse, poenitendo se peccasse: ac legi Dei hærendo, à qua spiritualia haurire perpetuò prompta erat: quasi per gradus ascendere (ut Ambrosio placet) optas uerit. Mea tamen sententia, minimè super intelligentia uerborum difficultas aliqua est. siquidem metaphora hac hominè ostendit, cuius uita uel anima sub periculo mortis manet, ut illud Iobis: Animam meam por-
to in

eo in manibus meis. Ionas item de Dauide loquens, posuit animam suam in manibus suis. & Phylonissa, Ecce ancilla tua obediui uoci tuæ, & posui animam meam in manu mea: idq; genus reliqua satis nota. Hinc certè prouenit, ut quādoq; uel corporis uel animæ periculum timemus, rectè dicamus, Anima mea in manibus meis semper. sed difficultas in hoc consistit, quia his explicatis adhuc ignoramus, quare Propheta hoc in loco sic loquatur: ne forte dicendo, Anima mea in manibus meis semper, et ego legem tuam non sum oblitus, proprias uires extollere uideatur. Res quidem auribus animisq; absurda: quam patres nostri uitare optantes, hos uarios sensus literæ applicauerūt. Nos uerò memores esse debemus, tribulationem hanc spiritualem, tēpore fidei probatæ, quando in pratis charitatis ambulabat, ipsi Propheta aduenisse: in quo statu à Domino petit, ut sicut lex ipsa sanctorum, lucerna: lex uero gratiæ, lumen sibi hactenus fuerunt, ita nunc quoq; sint: ut tentatus, in tentationem non incidat, ac incidendo solus animam perdat, hūc in modum orans: ANIMA MEA IN MANIBVS MEIS SEMPER, iuxta illud, quærent animam meā. Verius tamen pro anima sic tentata in hoc uersu stat, quam sub æterno mortis periculo in manibus tempore hoc portabat, quando dæmones illam perdere solliciti erant. quasi dicat: Nosti domine q̄ tametsi ANIMA MEA, quam durius tentare dæmones nunc uenerunt, IN MANIBVS MEIS SIT, ut oſpere tentatus, libero meo arbitrio SEMPER eam perdere possim, id est quādoq; mihi placuerit: siquidem ad peccandū solus ego liberum arbitrium habeo, & discedendi à gratia tua: Et tamen LEGEM TVAM, quam posuisti mihi, NON SVM OBLITVS. ut eam à me propter has graues persecutiones abdicauerim, quin potius iusiurandum per quod statui custodire iudicia iustitiæ tuæ, adamussim hucusq; seruo. Age itaque ut gratiam perseuerantiæ usq; in finem præstes, qua peccata prosligamus, & legi tuæ meritorie perpetuū hæreamus, ne forte si eam non dederis, me inducas in tentationem.

6 POSVERUNT PECCATORES LAQUEVM MIHI: ET DE MANDATIS TVIS NON ERRAVI. *perinde ac si dixisset: Hi demones, qui iussu tuo corpus has Elenus affligere non desisterunt, animam nunc, te haudquaquam iuvante, sed permittente, perdere conantur. Adauge fidem mi Domine; vivifica me, age ut cum iustis fide vivam, quoniam PECCATORES tentantes me, occultum nunc POSVERUNT LAQUEVM MIHI, ut anima pereat. Et tamen ob gratiam, in qua maneo, DE MANDATIS TVIS ad hanc usque horam NON ERRAVI. ut inter illos connumerari debeam, qui dixerunt, Errauimus à via veritatis, & idcirco adauge fidem & charitatem, ne forte dum animam in manibus porto, ipsam grauiter tentatus perdam.*

7 HAEREDITATE ACQUISIVI TESTIMONIA TVA IN AETERNVM, QVIA EXULTATIO CORDIS MEI SVNT. *non ut (secundum quosdam) desuotum uirum martyrium optantem Propheta hic loqui fingat: magis autem ut in hoc uersu, posthabitis tentationibus, idem Propheta spem salutis sibi ipsi proponat: quasi dicat; Non solum in hac angustia legi tuæ hæsi, & ab ea non erravi, sed sic in te spero, ut nunquam ab ea uel momento in futurum discedam, eò quòd HAEREDITATE ACQUISIVI pro me, & descendantibus à me, ut cohæredes cum Christo hæreditatis æternæ simus, TESTIMONIA TVA. sed quid est acquisire testimonia? Nil fanè aliud, quàm illis tuam ueritatem testantibus credere. Tu namq; faciens misericordiam Dauid, & semini eius usq; in seculum, dixisti, Inueni Dauid seruum meum: nihil proficet inimis eius cum eo: et filius iniquitatis non apponet nocere ei: in æternum seruabo illi misericordiam meam, & testimonium meum fidele ipsi. Quapropter sic spero, ut in æternum mihi sit promissio hæc ambulandi in pascuis charitatis tuæ, per unicum filium tuum dominum nostrum Iesum Christum, sicuti literæ Nun significatio docet, quæ unicū & pascua*

interpretatur. His planè uerbis ego sic credidi, ut nunc sperem hæres ditate acquisiuisse testimonia tua, hoc est contenta in testimonijs tuis, à quibus nunquam discedam. At dices, unde spes hæc præsens? QVIA nunc quoque promissiones istæ in lege contentæ, interea dum tanta passior, EXULTATIO CORDIS MEI SVNT, quæ à sola charitate tua prouenit: illa uerò æternam gloriam meretur. Sic enim & alibi David, dum uult aduentum charitatis commonstrare, ab effectu gaudij illam ostendit, inquit: Dedisti lætitiā in corde meo. secundum multitudinem dolorum in corde meo, consolationes tuæ lætificauerunt animam meam, & id genus reliqua.

1. **INCLINAVI COR MEVM AD FACIENDAS IUSTIFICATIONES TVAS IN AETERNVM, PROPTER RETRIBUTIONEM.** quasi dicat, Dum in dubio animus erat, & huc atq; illuc propter maximas tentationes impellebatur, INCLINAVI huc usq; COR MEVM, te illud inclinante, AD FACIENDAS opere IUSTIFICATIONES TVAS, quibus nos iustificas, & hoc quidem, non ut temporaliter dæmonibus resistendo, aliquod temporale præmium consequeretur, sed IN AETERNVM, hoc est pro remuneratione æterna, ut sequitur, PROPTER RETRIBUTIONEM. quasi dicat, Quamquam factorum lex, lucerna mihi fuerit, non tamen metu pœnæ, sed propter retributionem æternam, quam lex fidei, quæ mihi lumen est, promiserat, ego inclinaui cor meum ad faciendum iustificationes tuas: & idcirco uiuifica mi domine animam meam, ut in æternum mihi sint. Verus hominis pijs scopus, ut spe æterni præmij operetur, paulo teste, cum ait: Qui arat, in spe debet arare; & qui triturat, in spe percipiendi fructus triturare: illorum instar, qui se castrauerunt propter regnum cælorum. sic enim propheta alibi inquit: Et iustitia illius in filios filiorum, his qui seruant testamentum eius, & memores sunt mandatorum ipsius ad faciendum ea. Hæc Protestantes obseruent quæso, dum omne meritum negant, & taceant, literæ huius

DECIMIQUINTI OCTONARII

Nun significacionem ponderando, quæ unicum & pascua significat, ut ex hoc colligant, omne meritum nostrum, dum operamur in pascuis charitatis ambulantes, per dominum nostrum Jesum Christum Dei unicum filium naturalem nos assequi. sic enim gratiæ cooperatores sumus, ut in facto proprio beati simus. hoc planè psalter ipse fatetur in omni opere bono ab eo operato, hoc quoque in futurum sperat, non autem, quasi solus bene operatus sit, inanem gloriam quærit.

DECIMVS QVINTVS OCTONARIVS.

CSAMECH O

Latine audi, firmamentum, adiutorium.



IMENS Tropheta post spem hanc, sicut sancti uiri facere solent, ne à Dei gratia in qua erat, in hac acerbissima spirituum tentatione excideres, sub litera Samech, quæ adiutoriū audi & firmamentū significat, sic ait:

samech 1 INIQUOS ODIO HABVI, ET LEGEM TVAM DILEXI.

samech 2 ADIVTOR MEVS ET SVSCEPTOR MEVS ES TV, ET IN VERBVM TVVM SVSPERSPRAVI.

samech 3 DECLINATE A ME MALIGNI, ET SCRIBATOR MANDATA DEI MEI.

samech 4 SVSCIPE ME SECUNDVM ELOQVIVM TVVM, ET VIVAM, ET NON CONFUNDAS ME AB EXPECTATIONE MEA.

samech 5 ADIVVA ME ET SALVVS ERO, ET MEDITABOR IN IVSTIFICATIONIBVS TVIS SEMPER.

samech 6 SPREVISTI OMNES DISCEDENTES A
IUDICIIS TVIS: QVIA INIVSTA CO
GITATIO EORVM.

samech 7 PRAEVARICANTES REPVTAVI OM
NES PECCATORES TERRAE: ET IDEO
DILEXI TESTIMONIA TVA.

samech 8 CONFIGE TIMORE TVO CARNES
MEAS: A IUDICIIS ENIM TVIS TIMVI.

1 INIQVOS ODIO HABVI, ET LEGEM TVAM
DILEXI. Quoniam mos est propheta, cum aliquid à Deo petit, pro
causa quare exaudiri speret, hoc sibi oranti coram Deo proponere;
nempe quia hæsit legi suæ, proinde & sibi in lege contento; sub lites
ra samech firmamentum gratiæ, in qua erat optans, hunc in modum
loquitur, INIQVOS, iniquitatem actu operantes, daemones ipsos me
acerbè nunc tentantes, ODIO HABVI, ET LEGEM TVAM, quæ il
los pariter odit, DILEXI, quasi propterea illos odio habuerit, quia le
gem dilexerat; & hoc quidem non proprijs uiribus, sed gratia tua
siquidem

2 ADIVTOR ET SVSCEPTOR MEVS ES TV,
ET IN VERBUM TVVM SVSPERAVI.

quasi dicat, Non ego ille sum, qui solus uel omnibus temptationibus res
sisterim, uel propriam salutem tum æternam tum temporalem operer;
sed quia ADIVTOR fortis ET SVSCEPTOR MEVS ES TV, qui ab
utero, à peccato, à temporali morte, ac etiam à perpetua me suscipis:
neq; ita das, ut iterum non des, sed habenti rursus dones: ob quod ET,
id est non solum speravi, uerum etiam IN VERBUM TVVM, per quod
sæpe utrâq; salutē per Christū uerbum tui promissisti, SVSPERA
VI, quasi dicat: Ecce domine in quo statu sum firmus in fide contra da
mones tentantes me, nō solus, sed gratia tua mecū, tibi integrū opus ac

ceptum fero. Audi me domine. Quem sic orantem Deus audiuit, charitatemq; in eius corde adauxit: qua aucta, uiribus fortioribus susceptis, ad demones se conuertit inquiring: Audite uos demones literæ proprietatem samech, ut uideatis me supra firmum fundamentum, Christum nimirum, ædificare, cuius imperio uos resistere non potestis.

3 DECLINATE A ME MALIGNI, ET SCRVTABOR MANDATA DEI MEI. et nō dixit, Discedite à me

omnes qui operamini iniquitatē: pedetentim imperare incipit, agnoscens militiā huius mundi necessariā esse, de qua nunc tractat: sed dixit: DECLINATE, quod uerbū propriū est digladiatoris succubentis, q̄ interea dum conflatur, præ timore huc uel illuc arma flectit. MALIGNI, secundum ueram eorum qualitatem illos uocans: quandoquidem etsi demones iniqui & impij sint, propria tamen qualitas ipsorum malignitas est, quasi peruersa, ac deprauata eorum uoluntas perpetuō sit. ET UOS BIS DECLINANTIBUS SCRVTABOR MANDATA DEI MEI. non q̄ in aeterea dum tentamur, mandata Dei non scrutemur, sed quia deuictis tentationibus suauius, ac maiori cum animæ quiete legem scrutamur: ostendens nobis, hoc esse officium illius, qui per Dei misericordiam à tribulationibus liberatur, quippe in domo domini omnibus diebus uitæ suæ habitare: ubi absq; intermissione, uociferationis hoslias ei reddat, letitiamq; eius scrutetur. Audi rursum tu Domine, quoniam etsi firmamentum iuxta literæ samech significationem inuenerim gratia tua, qua Satanæ resuti, non tamen gratia adeo firma est, ut in ea tanquam firmamento gratiæ perseverandi usq; in finem assequutæ iam uitam ducere audeam: ad te uenio, qui uerum firmamentum es, ut gratiam banc præstes, ut sequitur.

4 SVSCIPE ME SECVNDVM ELOQVIVM TVVM, ET VIVAM: ET NON CONFVNDAS ME AB EXPECTATIONE MEA. gratiam perseverantiæ usq; in finem optans ab eo, qui uerum firmamentum est,

sicut alibi scriptura ait : Quæ est illa, quæ ascendit dealbata, incumbens super fratruelem & perinde ac si dicat : Audi me domine, qui supra confessus sum te adiutorem & susceptorem esse, & SVSCIBE ME SECVNDVM ELOQVIVM TVVM, per quod me suscipere promisisti : in quod ego supersperaui, ut in futurum id ipsum semper ageres, eloque inquam, ut non discederes à me usquequaq; : itaq; opus quod cœperas, perficeres, me conseruando usq; in diem Christi. Hoc fac domine, ET VIVAM, uita gratiæ nunc, deinde uero uita gloriæ in futurum. ET NON CONFVNDAS ME AB EXPECTATIONE MEA, quod eueniret, ubi tu uerum firmamentum per gratiam tuam non adesses semper, non quidem certus sum futuræ salutis : illam tamen plenius spe, fide & caritate expecto, atque interim fide uiuo propter multa, quæ animæ meæ fecisti.

ADIVVA ME, ET SALVVS ERO, ET MEDITABOR IN IVSTIFICATIONIBVS TVIS SEMPER. quoniam dixerat supra, Deum esse adiutorem suum, idcirco nunc dicit, scio domine, quod nemo absq; tentatione uiuere potest : scio item omnes succumbere ; nisi firmissimo adiutorio tuo adiuuentur : siquidem nos Dei adiutores sumus. ADIVVA ME igitur tu qui suscepisti, ne inducar in tentationem, ET SALVVS ERO. sic enim & hieremias dicebat : salua me, & saluus ero. ET si gratia tua mecum erit, tametsi potenter principes huius mundi me inuasferint, etiam in medio illorum MEDITABOR IN IVSTIFICATIONIBVS TVIS : ut quamlibet tentatus, beatitudine æterna, spe in uia quoq; sic tentatus fruar.

SPREVISTI OMNES DISCEDENTES A IUDICIIS TVIS : QVIA INIVSTA COGITATIO EORVM. iuxta ac si dicat, quare ne spes hæc frustretur, pauco? Nonne hoc uno argumento spem meam salutis certā esse considerare possum? tu enim SPREVISTI OMNES, hoc est reprobasti omnes DISCEDENS

TES à lege tua, quasi in totum discedentes, quando nec eam seruauerunt, nec non seruasse eos pœnituit, obſtinatos ſcilicet, qui abſq; pœnitentia pereunt. A IUDICIIS TVIS, in lege tua æterna contentis, nimirum diabolos, quos è cœlo deieciſti, et filios ſuos, quotquot obſtinati pereunt, eam ob cauſam ab æterno reprobaſti, QVIA INIVSTA, id eſt perper tuò iniuſta COGITATIO EORVM, ut in eorum obſtinatione uiuant: inter quos connumerari (ut puto) ego non potero, ſiquidem gratia tua legem nunc ſeruo, & in præteritum eam non ſeruasse me pœnitet.

7 PRAEVARICANTES REPVTAUI OMNES PECCATORES TERRAE: ET IDEO DILEXI TESTIMONIA TVA. placuit quibusdam, id ipſum hic Prophetam ſenſiſſe, quod Paulus dicit: Omnes enim peccauerunt, & egent gloria Dei, iuſtificati gratis per gratiam ipſius, per redemptionem, quæ eſt in Jeſu Chriſto. Tu autem explicando uerba iſta, PRAEVARICANTES REPVTAUI OMNES PECCATORES TERRÆ, Gloſſam ſequere: quæ ponderat, haudquaquã ſimpliciter dixiſſe peccatores, ſed peccatores terræ, ad differētiam peccatorū cœli: quaſi aliud ſit quempiam oīno à mandatis diſcedere, quemadmodū diaboli cœli peccatores fecerunt: quos ſic ſpreuiſti, ut illos nunquam deinde uocares, aliud uerò q; præuaricatores ſint, prout homines peccatores terræ ſunt: qui etſi contra legem peccauerint, minimè illos tu ſpernis, ſed pœnitentiæ locum ipſis relinquis, immo tu illos ad pœnitentiā adducis, quemadmodum pater nōſtrum Adam uocaſti, inquiens, Adam, ubi eſ? Hac ſanè ratione præuaricantes, non autem diſcedentes reputaui omnes peccatores terræ, inter quos unus ego ſum, cui totiens, dum in uia ætliuæ pœnitentia egerem, tu illam dediſti. ET IDEO, id eſt quia peccatores terræ præuaricantes, non autem diſcedentes à iudicij ſuis ſunt: cum ego peccator terræ eſſem, tu me ad pœnitentiā adducebas DILEXI TESTIMONIA TVA. Conſuetus Prophetæ mos, ut ex dilectione unius ſeſe alterum contemnere oſtendat; uti econtrario iniquos odio habendo legem

legem ipsam diligit, quasi dicat, Hæc cum ita se habeant, quare paucos? At respondebis, quæ certitudo hæc tua est, ut propterea, quia diligis testimonia, scias te inter reprobos non connumerari? pro quo ego nunc loquar: Cum enim ipsam legem scrutarer, quæ nil aliud ferme agit, quam ut nos, ne peccemus, hortetur, uel ubi peccauerimus, ad poenitentiam nos uocet: ego qui unus ex istis sum, mox hos discedentes spreui: ac sperando, dilexi testimonia tua, quæ animam meam ad poenitentiam uocabant. Legi sanè munus hoc acceptum ferendum est, siquidem illa ad firmamentum gratiæ nos reducit: gratia uero duo confert: alterum, ut à peccato per poenitentiam resurgamus; alterum, ut per eandem gratiam rectè in uia ueritatis et iustitiæ incedamus: quasi hæcere legi, firmissimum fundamentum signumque magni prædestinationis nostræ sit: impoenitentia uero, quæ deinde in abstinationem transire solet, reprobationis signum:

- 8 **CONFIGE TIMORE TVO CARNES MEAS, A IUDICIIS ENIM TVIS TIMVI.** Hic Propheta optans omnem pauorem excludere, & sub tuto firmamento gratiæ Dei animam stabilire, quo, duce omnes tentationes excludere posset, eodem modo quo alibi ait: Firmamentum est dominus timentibus eum, & testamentum illius, ut manifestetur illis, nunc quoque cum Deo loquens, Audi me domine, inquit: & **TIMORE TVO** filiali, aut saltem initiali, qui caritatem secum habent, et uerum firmamentum bonæ uitæ sunt.
- CONFIGE CARNES MEAS.** carnes ipsas, carnis propensiones uocans: perinde ac si dicat, Age mi domine, ut inter illos connumerer, qui cum uitij crucifixerunt carnem suam. fac, ut dicere deinceps audeam: Christus confixus sum cruci: uiuo iam non ego, uiuit in me Christus. Quod autem nunc uiuo in carne, in fide filij Dei uiuo, qui dilexit me, & tradidit semetipsum pro me. siquidem ubi hoc assequutus fuero, tunc cum Paulo audacter, daemonibus quoque tam acriter nunc me tentantibus dicam: Decætero nemo mihi molestus sit: ego signata domini nostri res

su, in corpore meo porto. Et ne Deus ei respondeat, Modicæ fidei quare dubitasti? rationem affert: A IUDICIIS ENIM TVIS TIMVI, tum dum in lege poenam malæ actæ uitæ te cominatum fuisse expendo: tum etiam cum diem illam menti propono, in qua omnes, qui mala egerint, in ignem æternum tua sententia eodē modo condemnabis, quo ab æteris non reprobati fuerunt: ne forte propria culpa obtentam gratiam deperdam, & ego ex illis unus sim. Sic enim Paulus quoque dixit: Nil mihi conscius sum: non tamen in hoc iustificatus sum, Deus est qui iustificat me. Deinde uerò dubitauit, ne dum alijs prædicabat, non castigando corpus suum ipse reprobus fieret. Istæ omnia Prophetæ cogitabat, quibus æternam salutem sperauit, talisq; eius finis gratia Dei fuit.

DECIMVS SEXTVS OCTONARIVS.

CAPITVLVS

Latine oculus, fons.



DI XERAT alibi Dominus: Et cum omnia hæc feceritis, dicite, Inutiles serui facti sumus, id quod debebamus fecimus; ostendens nobis, misericordia in primis nos saluari; quasi gratia urgeat, quæ ut bene ac meritorie

operemur, prouenit, atq; ipsum hominē cooperantem in opere meritorio adiuuat, & deniq; opus tanquam meritorium acceptat. Ad quæ anis sen. dist. 27. maduertens Prophetæ, cum ad literā Aīn peruenisset, quæ oculum & c. in fine et ibi scotus. fontem significat, liberatus aliquantulum à crebris tentationibus satana, non autē ut nullo modo tentaretur; cæpit (spe beatus in uia pergens) oculos in Christum uerum misericordiæ fontem, qui in euangelica lege continetur, dirigere: confitens lumine legis et gratiæ ope omnia consummasse, ac se in sola Dei misericordia per Christum perpetuò sperare, ut tandiu ex uno bono in aliud bonum, quasi per gradus illum

deducat, donec principaliter per Dei misericordiam, & tanquam secundum causam propter iustitiam gratia duce cooperatam, re summo bono fruatur; pro qua salute obnixè orat: petens ne iterum eisdem frequentibus tentationibus uexaretur, rationesq; affert, quare in præsentia susperperet, ut debeat exaudiri, omnemq; pauorem foras mittere, ut insuper trepidè spem iustitiæ fide, quæ per charitatem operatur, expectet.

Ain 1. **EFFECI IUDICIUM ET IUSTITIAM:
NON TRADAS ME CALVMNIANTIBVS ME.**

Ain 2. **SUSCIPE SERVVM TVVM IN BONVM: NON CALVMNIENTVR ME SUPERBI.**

Ain 3. **OCVLI MEI DEFECERVNT IN SALVTARE TVVM, ET IN ELOQVIVM IUSTITIÆ TVÆ.**

Ain 4. **FAC CVM SERVO TVO SECVNDVM MISERICORDIAM TVAM, ET IUSTIFICATIONES TVAS DOCE ME.**

Ain 5. **SERVVS TVVS SVM EGO: DA MIHI INTELLECTVM, VT SCIAM TESTIMONIA TVA.**

Ain 6. **TEMPVS FACIENDI DOMINE: DISSIPAVERVNT LEGEM TVAM.**

Ain 7. **IDEO DILEXI MANDATA TVA SUPER AVRVM ET TOPAZION.**

Ain 8. **PROPTEREA AD OMNIA MANDATA TVA DIRIGEBAR: OMNEM VIAM INIQVAM ODIO HABVI.**

1. **EFFECI IUDICIUM ET IUSTITIAM: NON**

22
TRADAS ME CALVMNIANTIBVS ME. Memor
 Prophetæ scripturam dicere, quoniam amat iudicium dominus, non de
 relinquet sanctos suos: in æternum conseruabuntur, quousque iustitia
 conuerteretur in iudicium: Educat quasi lumen iustitiam, & iudicium tuū
 tanquam meridiem, Subditus eslo domino, & ora eum. **III** auditis, ad
 uerum fontem oculos conuertens, in hunc qui sequitur modum orat:
FECI IVDICIUM, non eo modo quo iudicium & iustitia populo mini
 stratur: sed dum à te illuminatus, inter carnem & spiritum iudicaui.
 Verum quia iudicium plerunq; potest esse malum, ut de bono iudicio se
 sensisse cōmonstret, subiungit: **ET IUSTITIAM**, hoc est opus iustit
 iæ, quod ex bono iudicio profectum est, gratia tua in anima infusa: non
 solus, sicut Pelagiani putabant solam facilitatem bene operandi à gras
 tia nos obtinere, non sic, immo potius ut potentia, uoluntas operandi, et
 actus à Deo sint: qui in nobis cooperantibus bonum opus iustitiæ operat
 tur, pascens nos in iudicio & iustitia, quemadmodum per os Ezechies
 his promiserat. Non secus ac si dicat: feci iudicium, id est tu inter car
 nem & spiritum me facere fecisti iudicium, qui iudicium et iustitiam in
 iacob fecisti, capiens iudicium pro ipso actu iudicandi, & iustitiam pro
 opere iustitiæ, non autem pro ipsa iustitia: eò q̃ iustitia, inquantum est
 uirtus increata, in solo Deo manet. sed quia non sufficit iudicium fecisse
 se, nisi usq; in finem eadem iudicia faciamus: Tu domine, qui iudicium
 me facere fecisti, hoc quoq; præstare digneris, ut gratia tua perseue
 randi usq; in finem adsit, & **NON TRADAS ME**, quod fieret, si
 per gratiam me in statu bono conseruantem non adiuuares. **CALVMN**
NIANTIBVS ME, hoc est dæmonijs calumniose tentantibus me, à quib
 bus paulò ante me in præcedenti octonario eripuisti. Age domine ne me
 inducas in tentationem.

• **VSUSCIPE SERVVM TVVM IN BONVM:**
NON CALVMNIENTVR ME SVPERBI. quasi
 dicat, quoniam ego seruus tuus sum, redemptus sanguine tuo, & in

hoc statu bono per gratiam tuam collocatus : tu quoque, qui redemisti, SVSCIPES, quemadmodum te decet, qui redemptor & susceptor simul es, SERVVM TVVM IN BONVM. hoc est, ut à bono, in quo gratia tua impræsentiarum sum, in maius bonum suscipiar, ita ut perpetuò in bonis operibus vitam ducam, sicut scriptum est, Beati qui custodiunt ius dicium, & faciunt iustitiam in omni tempore, NON CALVMNIENTVR ME SVPERBI dæmones, qui calumniatores sunt : hoc est, ut ipsi tentantibus, propter eorum calumnias, à bono in quo uiuò, desiciam. sic enim adiutus, ob gratiam tuam, quæ mecum erit, uita in æternum uiuam.

3 OCULI MEI DEFECERVNT IN SALVTARE TVVM, ET IN ELOQVIVM TVVM :

Optans Propheta regnum peccati destrui, cum in duobus præcedentibus uersibus ne induceretur in tentationē rogasset, memor Deum gratia sua per Christum saluos facere filios pauperum, & secundum iustitiam calumniatorem humiliare : secundum literæ proprietatem (quæ oculus & fontem significat) oculos mentis in Christum, qui uera oculorum lux est, illuminans omnem hominem uenientem in hunc mundum, direxit, à cuius fonte illam haurimus aquam, quæ ad uitam æternam nos perducit, inquit, OCULI MEI, duo intellectus, quorum unus misericordiam tuam in salutem pauperum, alter uerò iram in calumniatorem conspiciebant, DEFECERVNT IN expectando (uolens ijs uerbis summum desiderium rei expectatæ demonstrare) SALVTARE TVVM Christum contentum in lege tua : per quem (humiliatis calumniatoribus) ego pauper saluabor. ET IN ELOQVIVM IUSTITIÆ TVÆ Christi, per uocem salutare, redemptionem à Christo faciens dam significans : per uocem uerò, eloquium, ipsam legem loquentem intelligens, quæ de ipso Christo loquitur, qui iustitia Dei est (iuxta illud Pauli. iustitia enim Dei reuelatur in eo ex fide in fidem) optans ut regno Dei introducto peccati regnum destrueretur. Sciuerat planè

(cum iobe) redemptorem suum uiuere, in quem sperabat , ut ipsum in summum bonum pro sua misericordia susciperet, calumniatores uero humiliaret .

4 **FAC CVM SERVO TVO** , qui in futurum messiam credit, & ipsum redempturus sit, **SECUNDVM MISERICORDIAM TVAM** , qua motus Christum redemptorem nostrum mittere promissus es . **ET** , quo illius iustitiam participare queam , tu qui nos trahis ac doces , ut edocti ad ipsum accedamus , **IUSTIFICATIONES TVAS DOCE ME** , At dices, quam doctrinam petis , qui totiens iustificationes didicisti ? nempe ut in fide, qua uiuo, sic à te edoctus sim , ut conseruor : quandoquidem si dominus per momenta non doceret , & homo doctrinam non acciperet , minimè in bono statu se conseruare quiret ; docetur autem per donum intellectus : quod in sequenti uersu petit .

, **SERVVS TVVS SVM EGO : DA MIHI INTELLECTVM** , **VT SCIAM TESTIMONIA TVA** . ubi ea ex ratione propheta ab hoc fonte uberrimo rursus donum intellectus petit , quia non sufficit (secundum Augustinum) semel donum intellectus accepisse , nisi semper accipiatur : cum ut ipsum Deum, eiusq; mirabilia scrutemur, tum etià ut uitis careamus . Pelagus sanè imensum luminis est, oculos nostros illuminans, in quo scrutandi finis minimè inuenitur : quapropter necessum est, ut ita detur, ut nobiscum (sicut Cassiodoro placet) perpetuò stet : quod est scire, quasi absq; intermissione scire : ne forte dono hoc intellectus submoto, ignorantes efficiamur, et propter ignorantia peccemus . **SERVVS TVVS SVM EGO**, qui à te redemptus summo gaudio in hoc bono statu gratia tua comite iustitiae tuae seruior . **DA MIHI INTELLECTVM** , **VT SCIAM** opere quoque intellectu actiuo **TESTIMONIA TVA** , de quibus alio in loco loquuti sumus : itaq; doctus , medio donorum in testimonijs tuis contentorum, omnibus tentationibus resistere possim . Haecenus prima pars , in qua redemptorem ad sui commodum expectat : sequitur secunda , in qua

humiliationem superborum aduenire obsecrat.

- 6 ¶ **TEMPVS FACIENDI DOMINE: DISSIPAV-
RVNT LEGEM TVAM.** Memor psaltes per os suum do-
minum dixisse, esurientes, & sitientes, anima eorum in ipsis defecit:
omnem escam abominata est anima eorum, & appropinquauerunt usq;
ad portas mortis: misit uerbum suum, & sanauit eos, & eripuit eos
de interitionibus eorum. ex his rationem haurit, quare Deus ipse pro-
pter se, protinus debeat hos calumniatores per Christi aduentum ex-
pellere, perinde ac si dicat, Quid moraris? **TEMPVS FACIENDI
DOMINE** aduenit, ut nobis hunc in modum sitientibus, fontem illum,
quem daturus es, aperias: qui siti huic nostræ succurrat, & calumnias
tores humiliet. Dixisti namq; post dissipationem legis tuæ, Messiam
uenturum: ecce uerba tua iam impleta sunt, quia **DISSIPAVERVNT
LEGEM TVAM.** hoc est, aliter uiuitur, q̃ legis præcepta iubeant.
peruersè item legis tuæ uerba explicantur: itaq; illam dissiparunt, ut
nudum nomen legis retinens, absq; una substantia (hæreditatis dissipa-
tæ instar) lex ipsa penes ignorantes peccatores permanet. Ne moreris
igitur domine, quia tempus faciendi est, ut mittas filium tuum nos sal-
uare, & inferni regnum destruere. Age domine, ut sicut per legem
abundauit delictum: per Christum, gratiæ fontem, ipsa quoq; gratia
abundet. econtrario uerò sicut illorum superbia abundauit, ad summum
in aduentu filij tui humilietur. Verum quia dici poterat, Quis tu es, qui
te ciuem coelestem facis? non'ne & tu legē aliquando dissipasti? Com-
memora peccata tua, quæ cōmisisti, tacitè hunc in modum respondet,
peccatorem me esse fateor, dissipatorem nequaquam.

- 7 ¶ **IDEO DILEXI TESTIMONIA TUA SVPER
AVRVM ET TOPAZION.** quasi dicat, IDEO, quia dissipa-
tor non fui, quando filij satanæ ita dissipauerunt legem tuā, ut ferme
in corde eorum extincta esset, immo potius cum dissiparetur, seruētius
DILEXI MANDATA TUA oīa, pœnitēs me aliquando peccasse: amans

tis patris instat, qui tunc seruentius eos diligit, quando mortis eorum periculum in aliqua ægritudine magis instat. Non quidem simplici dilectione dilexi, sed **SVPER AVRVM ET TOPAZION.** Et dicit super, non autem sicut aurum & topazion, ut per hanc metaphoram ostenderet dilectionem hanc omnem terrenam dilectionem superasse. Minime quidem quicquam temporale optabat, sed ipsam iustitiam conservare elaborabat, qua nil melius est, nimirum eo bono, quo ipse homo sit bonus, & quia tantopere legem diligebam.

- 8 **PROPTEREA AD OMNIA MANDATA TVA DIRIGEBAR: OMNEM VIAM INIQUAM ODI HABVI.** Quæ verba hoc modo interpretemur: **PROPTEREA**, quia gratia tua mecum erat, quæ præstuit ut dissipator legis non essem. **AD OMNIA MANDATA TVA**, quorum duæ partes sunt, altera ut voluntas tua servetur, altera ut eam non servasse nos poeniteat, **DIRIGEBAR**, passivè, quasi dicat, gratia tua per Iesum Christum facta, quandocumque rectè ambulavi, dirigebar: itaque dirigebar, ut non solum omne peccatum præteritum poenitentia excelsu ferim, verum etiam **OMNEM VIAM INIQUAM** ad peccatum dirigentem, **ODIO HABVI**. firmum propositum non peccandi retinens, quos modo ergo inter eos, qui legem dissipaverunt, connumerari potero? oculos rursus spe refertus attollens, credens eum, qui gratiam ad servandum mandata in præterito præstuit, & in futurum præstaturum esse, ut gratia Dei per Christum calumniatores omnes expellat. vsq; huc sexta pars tertiæ partis psalmi, in qua spirituum tentationem, atq; Dei adiutoria Davidem enarrasse nemo negabit, qui tres octonarios præcedentes ad radices usq; perpenderit. superest modo ut deinceps pastorem hunc à tribus persecutionibus afflictum cubara prædulce canentem audiamus, dum mirabilia, quæ ipse hoc afflictionis tempore ab hoc fonte hausserit, orando ecclesiæ narrat.

EXPLICATIO
DECIMVS SEPTIMVS
OCTONARIVS.

81

CP PHE. 7

Latine, erravi, os aperui.



QUONIAM sancti uiri debellatis superbis, non solum mente, quasi cum Deo loquentes, gratias quas obtinuerunt, contemplari solent, uerum etiam carneo ore hos filias uociferationis exhibere obligantur, quemadmodum alio in loco Propheta inquit: Confitebor tibi in populis domine, et psalmum dicam tibi in gentibus, Domine saluos nos fac, et psalmos nostros cantabimus cunctis diebus uitae nostrae in domo domini: Et iterum, sed Et lingua mea tota die meditabitur iustitiam tuam. hinc Propheta, ne inter illos nouem mundatos connumeretur, qui gratias cum decimo non reddiderunt, liberatus iam a persecutionibus Saulis Et Absalonis, atque inferni calumniatoribus deuietis, cum ad literam phe peruenisset, quae erravi Et os aperui significat, modum in primis ostendit, quomodo Dei mirabilia, quae enarraturus est, cognouerit: secundo uero loco propria peccata detestatur, quod est errare, ac iuste afflictum se proinde fuisse se confiteri: Tertio Dei bonitatem Et misericordiam, ecclesiae narrat: Et quarto ad ipsius misericordiam recurrens, eandem gratiam persequerantiae usque in finem petit, pro qua haecenus orauerat, atque ad mortem usque orabit, docens nos, ut tunc maxime oremus, quando in statu gratiae uitam ducimus, conseruantem gratiam in nobis stabiliri postulantes: ne de proprijs uiribus confidentes, a gratia in qua sumus excidamus. superest igitur, ut cum Propheta, qui os suum aperit, Et carne cruci affixa, Dei mirabilia in tribus octonarijs sequentibus narrat: oculos Et aures proprias nos quoque aperientes, dulcissimam melodiam regij pastoris huius gustantes, dum ea omnia, quae in uita actiua, in qua frequentius peccamus, Dei bonitas peccatori largitur, primis

cipio ostendit: deinde uerò cætera, quæ in uita contemplatiua scrutando perpendit, fratribus recenset: Dominum subinde obsecrans, ut ipsum à cæteris afflictionibus liberare, eiusq; animam saluare dignetur: optans in sua senectute aliquantulum refrigerari, antequam abeat, & amplius non erit. Dixerim hæc, ut uos lectores, qui pastorem hunc modulatè canentem audire optatis, non aliter uos hoc affecuturos putetis, nisi sequentes uersus ad præcedentes octonarios, quantum licebit, uerba uersibus conferentes, sigillatim referatis: quandoquidem Prophetæ illa hic contemplatur, quæ opere in actiua uita & contemplatiua Dei gratia cognouit, quod facere si neglexeritis, nunquam psalmum hunc intelligetis. Diuiditur autem in partes duas. Prima usq; ad uersum, Aspice in me, in qua nil aliud agit, quàm ut os aperiat Dei mirabilia enarrando. In secunda uerò ad finem usq;, preces ut conseruetur, domino offert. Dauidem itaq; sic loquentem pro faciliiori uersuum horum intelligentia introducamus, ut principio domino dicat: Exaltabo te domine, quoniam suscepisti me: nec delestasti inimicos meos super me. Deinde uerò ad fratres conuersus, subiungat: venite & uidete, & narrabo, omnes qui timetis Deum, quanta fecit animæ suæ.

re 1 MIRABILIA TESTIMONIA TVA:
IDEO SCRUTATA EST EA ANIMA
MEA.

re 2 DECLARATIO SERMONVM TVO-
RVM ILLUMINAT, ET INTELLI-
CTVM DAT PARVVLIS.

re 3 OS MEVM APERVI, ET ATTRAXI
SPIRITVM, QVIA MANDATA TVA
DESIDERABAM.

re 4 ASPICE IN ME, ET MISERERE MEI
SECUNDVM IUDICIVM DILIGEN-
TIVM NOMEN TVVM.

- Pe 5 GRESSVS MEOS DIRIGE SECVNDVM
ELOQVIVM TVVM: ET NON DOMI-
NETVR MEI OMNIS INIVSTITIA.
- Pe 6 REDIME ME A CALVMNIIS HOMI-
NVN: ET CVSTODIAM MANDA-
TA TVA.
- Pe 7 FACIEM TVAM ILLVMINA SVPER
SERVVM TVVM: DOCE ME IVSTI-
FICATIONES TVAS.
- Pe 8 EXITVS AQVARVM DEDVXERVNT
OCVLI MEI: QVIA NON CVSTO-
DIERVNT LEGEM TVAM.

1 MIRABILIA TESTIMONIA TVA: IDEO
SCRVTATA EST EA ANIMA MEA. Quoniam
beatitudo nostra, qua spe in uia fruimur, ex reuelatione supernorum
constat, quemadmodum dominus testatus est, quando dixit Petro, Beatus
es Petre, quia caro & sanguis non reuelauit tibi, sed pater meus,
qui est in celo. & iterum Beati es Ihs, qui ea auditis & uidetis, quæ alij
uidere & audire optarunt, atq; alio in loco: Beati, qui non uiderunt,
& crediderunt; ad hoc animaduertens Propheta, qui uitam beatam
ducit, cum principio psalmi dixisset; Reuela oculos meos, & confide-
rabo mirabilia de lege tua: exauditus iam, totaq; lege funditus perspes-
ta, quasi cum Deo loquens, omnia quæ ei hactenus reuelata fuerant,
in quibus beatam uitam ducebat, minutatim narrat, inquit, MIRA-
BILIA TESTIMONIA TVA sunt, quæ in primis admirabilem boni-
tatem tuam ostendunt, quia tanta & talia hominibus propter boni-
tatem tuam contulisti, non humana ui, sed diuina, & idcirco mirabi-
lia. Mirabilia item testimonia tua, quæ mirabilia opera tua, in his quæ
sola potentia tua creasti, testantur: de quibus alio in loco Prophetæ dis-
xerat; Mirabilia opera tua, & anima mea cognoscet nimis: Mirabilia

quodq; supra omne mirabile, quandoquidem lex ipsa diuinam essentiam, et trinitatis personas, uerbi incarnationem, angelorum choros, et cætera arcana cælestia hominibus patefacit; secundum quos modos, et alios multos, qui coaceruari possent, ipsa testimonia ratione eorū mirabiliū, quæ continent, merito mirabilia dicuntur: Et deniq; eam ob causam mirabilia, qui a id quod extrinsecus legitur, litera mortua absq; spiritu iudetur, intrinsecus autem spiritum Dei uiuentis continet: de quo Paulus loquens sic ait: Nos ministros fecit, non literæ, sed spiritus, qui absq; alio doctore nos per unctiōem suam docet: quemadmodum paulo post in sequenti uersu subiungit, Et IDEO, quia spiritum docentem in se habent, tametsi literas non calleam, amore allectus, cum illa spiritus me docebat, SCRUTATA EST EA testimonia ANIMA MEA. Et dicit anima, quia in toto corde scrutatio fuit, iuxta illud, Beati qui scrutantur testimonia eius, in toto corde exquirunt eum. At si dicatur, quomodo lex ipsa te ista docuit? modum subiungit:

DECLARATIO SERMONVM TVORVM ILLUMINAT, ET INTELLECTVM DAT PARVVLIS. quam uocem, declaratio, quidam uertunt manifestatio. Lutherus uero (secundum Hebræos) apertum seu oslium, per quod lucem intromittimus. Vt cunq; tamen sit, summa, clara omnium uoce hæc est, ut Dei spiritus in lege contentus, tanquam osliarius, qui lucis ianuam mentibus nostris aperit, ipsam legem seruantibus declarat. sed quibus ipsam declarauerit, plus uel minus, in hoc Lutherus hallucinatur, putans hæreticos per legem Deum illuminare: quorū corāda ut plurimum, postq; proprio iudicio condemnati sunt, denegando eis lumen indurat: minimeq; uela auferens, in propria cæcitate illos uiuere sinit: ut illi seruiant, cui contempta ecclesia catholica (cuius filij esse deberent) seruire constituerunt. Siquidem non sufficit, ore se Christi esse palam prædicare, nisi ecclesiam in modo confitendi sequatur, propheta utrunq; simul dicente, Ego seruis tuus, et filius ancillæ tuæ.

DECLARATIO SERMONVM TVORVM, id est spiritus tuus, qui declaratio est sermonum tuorum, quos tum sanctorum patriarcharum, tum prophetarum ore hactenus audiuius: spiritum sanctum his tribus uerbis commodè cōmonstrans, eò quod solus spiritus Dei est, eiusdem Dei uerba declarare, qui profunda intelligit. quasi dicat, spiritus qui declaratio sermonum tuorum est, ille ILLUMINAT ET INTELECTVM DAT PARVVLIS. non secus ac si dicat, ideo scrutata est mirabilia testimonia tua anima mea, quia spiritus sanctus in illis contentus, qui sermones tuos declarat, minimè secundum homines docet; ut legendo paulatim scientiam acquiramus, sed ILLUMINAT immediatè, ut reuelatis oculis mox Dei mirabilia cernere queamus. ET INTELECTVM, id est intellectus donum DAT. quo uerbo idcirco utitur, ut per uocem hanc, dat, ipsam infusionem, non autem agnitionem intelligamus; aliud esse ostendens id, quo in spiritu est, nimirum illuminare: aliud uerò donum intellectus, quod dat PARVVLIS, id est humilibus ignorantibus, sicut scriptum est, Reuelasti ea paruulis: non autem perfidis atque superbis hæreticis, quibus lumen intelligendi auferis: ut qui ueritati credere noluerunt, credant mendacio. sed dic, quæso, ò Dauid, quo ordine Deus ipse intellectum dat?

3 OS MEVM APERVI, ET ATTRAXI SPIRITVM: QVIA MANDATA TUA DESIDERABAM. quæ uerba cōmuni sententia sic interpretantur, OS MEVM APERVI, confitens me mandata implere non posse. ET, post hoc unde fierem ATTRAXI, itaq; infirmus spiritus meus, Dei spiritum suscepit. Tu autem considera nil aliud prophetā hic agere, nisi mirabilia, quæ tam in uita actiua q̃ in uita contemplatiua uidit, ecclesie recensere. Et hoc præcognito finge Dauidem sic locutum esse: O domine, nonne mirabile hoc fuit, ut ob hoc dūm xat, QVIA TESTIMONIA TUA intelligere et facere DESIDERABAM, quādo dixi: utinā dirigantur uix meæ ad custodiendas iustificationes tuas (secundū ordinem, quæ super uerbis illis, Conz

cupiuit anima mea desiderare iustificationes tuas in omni tempore, des-
 claraui) ego OS MEVM voluntatis, per liberum arbitrium à te motum
 APERVI, sitientis instar, qui frigidam aquam appetens, ante illius ad-
 uentum os sitibundus aperit. ET, tu sapientiam tuam supernam immis-
 sisti: qua adueniente ATTRAXI SPIRITVM tuum uiuentem, qui me
 absq; labore omnia docuit: ad illum sanè modum, secundū quem aerem
 nihil laborantes attrahimus, quæ omnia non ideo dedisti, quia aliquid
 ego tibi prius dederim, sed quia spiritus ubi uult spirat, propter pro-
 priam bonitatē tuam, qui malis quoq; bona dare nosti: habilitans prius
 nos, ut tibi cōplaceamus, ac cōplacendo, deinde in nobis habitare queas;
 4 ASPICE IN ME, ET MISERERE MEI. SE-
 CUNDVM IUDICIVM DILIGENTIVM NO-
 MEN TVVM. hic orare incipit, inquit: ASPICE, siquidem
 aspiciendo gratiam confert: Et non dicit Aspice me, ut uideas qualis
 sim: sed ASPICE IN ME, gratiam uel conferendo, uel cam, in qua
 sum confirmando, ne in futurum cadam: & pro præteritis MISERE-
 RE MEI, ut pœnam quoq; remittas, SECUNDVM IUDICIVM DI-
 LIGENTIVM NOMEN TVVM. Quale autem iudicium hoc sit, Hiero-
 nymus & Cassiodorus declarant: hoc est, ut illo me iudicio iudices,
 quo reliquos, qui diligunt nomen tuum, iudicare soles, eò qd iudicium di-
 ligentium nomen tuum (ut Cassiodoro placet) diligentibus te, miseri-
 cordiæ auxilium elargitur: petitio planè iusto uiro conueniens, qui li-
 beratus iam ex toto corde domino seruit, optans ab omni iusta pœna
 eximi, sicut à culpa liberatus est: illius psalmi memor, in quo culpam
 quoq; sibi remitti orauit.

5 GRESSVS MEOS DIRIGE SECUNDVM E-
 LOQVIUM TVVM: ET NON DOMINETVR
 MEI OMNIS INIVSTITIA. Dixerat nanq; Dominus per
 os Moïsi (ut declararet omnia gratia sua fieri, cum homines non pec-
 cant) Angelis eius mandauit de te, ut custodiant te in omnibus uijs tuis.

In manibus portabunt te, ne forte offendas ad lapidem tuum. Quod ins-
tuens Propheta nunc ait, GRESSVS MEOS futuros DIRIGE domine
per manus angelorum tuorum, qui me custodiant SECUNDVM ELOS
QVIVM TVVM, ut paulo ante diximus. ET, ubi hoc assecutus non
fuero, saltem NON DOMINETVR MEI, per genitium possessuum,
quasi dicat, Præsta domine ubi tentatus fuero, ne in tentationem ins-
ducar: quod sub his uerbis comprehenditur, ut non dominetur mei OM-
NIS INIVSTITIA. quod perinde est ac si dixeris, ut nullo modo pec-
cem: eò q̃ peccator seruus est peccati. Hoc quidem perpetuò Prophez-
ta optauit, optabiq; , nempe ut perseverantiæ usque in finem gratiam
obtineret, pro qua perpetuò orat.

6 ¶ REDIME ME A CALVMNIIS HOMINVM;
VT CVSTODIAM MANDATA TVA. Timebat sanè
ne denuo tribularetur: et idcirco dicit, REDIME ME A CALVMNIIS
HOMINVM, VT CVSTODIAM MANDATA TVA. quietem cum
animæ tum corporis expetens, ut maiori cum quiete orare quiret, eò q̃
passiones tentationum, inquietas nostras orationes plerunq; efficiunt,
immo persæpe animum ab oratione abalienant.

7 ¶ FACIEM TVAM ILLVMINA SVPER 'SER-
VVM TVVM; DOCE ME IYSTIFICATIONES
TVAS. id quidem quod alibi dixit, illustra faciem tuam super ser-
uum tuum, & in hunc modum tu DOCE ME IYSTIFICATIO-
NES TVAS. quippe ut gratia duce illa impleam, atq; ad hunc modum
obseruatio ipsa mandatorum meritoria fiat, uerum Prophezæ obiectum
& scopus, quò omnes labores dirigebat, illam expetens gratiam, que
perseuerantiæ usq; in finem dicitur, pro qua iusti orant.

8 ¶ EXITVS AQVARVM DEDVXERVNT OC-
LI MEI, QVIA NON CVSTODIERVNT
LEGEM TVAM. Facile ex lectione psalmorum Dauidis colligere
poterimus illud, quod Ambrosius in apologia Dauidis testatur, proz-

pria peccata oculorum lachrymis perpetuò ipsum lauiffe, quemadmodu
 de seipfo nunc testatur, & iterum: Fuerunt mihi lachrymæ meæ paz
 nes, & poculum meum cum fletu miscebam, ijsq; similibus multis: ita
 quidem, ut minimè hic dubitemus, an lachrymatus fuerit: sed bene
 causam inquirere poterimus, quare plorauit; pro quo subiūgit: **QVIA**
NON CVSTODIERVNT LEGEM TVAM. quæ quidē uerba (secundū
 quosdam) sic declarari debent, nempe Dauidem propter alios plorauis
 se, qui Dei legem non custodierant. sed male ipsius sensum pendunt,
 siquidem hoc in sequenti octonario in uersu illo dicit: Tābescere me fē
 cit zelus meus, quia obliiti sunt uerba tua inimici mei. Tu autem dis
 cas Dauidem secundum modū præmissum loqui, **EXITVS AQVAVVM**
 multitudinem lachrymarum ostendens: non autem lachrymulas, quas
 mulieres promptas absque causa plerunque habere solent. **DEDVXE**
RVNT OCVL MEI. quasi dicat, per illos unde peccatum intrauit, per
 eosdem anima, emissis foras maculis, mundata est. At si roges, cur
 oculi præ cæteris condemnantur? respondet, **QVIA** ipsi oculi tanquam
 prima causa **NON CVSTODIERVNT LEGEM TVAM**, adulterium
 & homicidium prohibentem; quomodo auertendo se, facere poterant;
 & cum hoc agere neglexerint, illi occasionem præbuerunt, ut Betsabeæ
 adulterium, & Uriæ homicidium cordi meo satan proponeret, ego ue
 rò libera uoluntate peccarem, per quæ simul errorem proprium confis
 tetur, & mirabilem patris bonitatem, dum eius mirabilia narrat, in
 hoc uersu extollit, qui uerberando errantem filium ad se reducit, ad
 hunc modum bona tribuens ei, qui mala operatur. Hic certè locus Pro
 testantium os obstruit, dum in plateis eam ob causam Dei martyres se
 esse prædicant, quia quotidie affliguntur, pœnam, non autem cau
 sam pœnæ, cum propheta intuentes: aliud cum sit pro
 pter iniustitiam iuste condemnari, quàm propter
 iustitiam iniuste opprimi.

EXPLICATIO
DECIMVS OCTAVVS
OCTONARIVS.

CSADE ZADIK γ γ

Latine consolatio, iustitie.



LITERA hæc consolationem significat: quæ à gaudio in hoc differt, quia consolatio tristitiam præcessisse præsupponit: gaudium uerò absq; mœrore manere potest. sub qua litera Prophetæ, qui in præcedenti octonario mirabilia Dei enarrare cœperat, eam nunc acervat, quæ sibi mœrorem & gaudium in medio persecutionum præstiterunt.

- sade 1 IVSTVS ES DOMINE; ET RECTVM
INDICIUM TVVM.
- sade 2 MANDASTI IVSTITIAM TESTIMONIA
TVA: ET VERITATEM TVAM NIMIS.
- sade 3 TABESCERE ME FECIT ZELVS MEVS:
QVIA OBLITI SVNT VERBA TVA
INIMICI MEI.
- sade 4 IGNITVM ELOQVIVM TVVM VEHE-
MENTER, ET SERVVS TVVS DI-
LEXIT ILLVD.
- sade 5 ADOLESCENTVLVS SVM EGO, ET
CONTEMPTVS: IVSTIFICATIONES
TVAS NON SVM OBLITVS.
- sade 6 IVSTITIA TVA, IVSTITIA IN AETER-
NUM, ET LEX TVA VERITAS.
- sade 7 TRIBVLATIO ET ANGVSTIA INVE-
NERVNT ME. MANDATA TVA ME-
DITATIO MEA EST.

sade 8 **AEQVITAS TESTIMONIA TVA IN
AETERNVM; INTELLECTVM DA
MIHI, ET VIVAM.**

1 **7 IVSTVS ES DOMINE: ET RECTVM IVDICIVM TVVM.** *quasi dicat, non'ne mirum hoc est, ut tu qui tua misericordia das, unde tibi placeamus, lachrymas proponas, ut nos illis praeiis consolemur? Et hoc quidem, ut tu, qui secundum misericordiam principaliter nos saluas, iustitia quoque comite, tanquam causa secundum misceri possis. Hoc enim contemplans, in medio afflictionum mearum uidi eam ob causam oculos meos lachrymas emisisse: quia IVSTVS ES DOMINE in te, ET proinde RECTVM IVDICIUM TVVM, per quod omnia iuste disponis, ac in recto iudicio & ratione iubes, ut secundum iustitiam patiendo lachrymas effundamus, quod deinde post lachrymas, sicut bonitati tuae congruit, secundum misericordiam & iustitiam, aeternam salutem condones: itaque gratia tua plena consolationis adueniat, quandoquidem sic peccatores uerberare soles, ut modicum passos, debeat medicina tua saluare: legemque tuam seruari posse ea ex ratione hominibus denegasti, ut ad gratiam recurrant: quam poenitentibus ita largiris, ut mundando non facias innocentem. Ecce lector quomodo propheta sub litera sade, macerem lachrymarum consolatione excludit, dum legem seruare se non posse cognoscit, et in gratiae aduentu consolatione duce, illum foras mittit: legis praeconia concinens, quae dicit, post lachrymas hilaritatem infundi: sic enim altera manu, legem, quae homini nimis est, ostendit, altera uero gratiam offert, unde sequitur.*

2 **7 MANDASTI IVSTITIAM TESTIMONIA TVA, ET VERITATEM TVAM NIMIS.**

Omisso quorundam multiloquio, qui uariè haec uerba declarant: dic, iustus es domine, & rectum iudicium tuum, tametsi mandaueris iustitiam, testimonia tua, & ueritatem tuam nimis. sed quid est mans

dare iustitiam, testimonia, & ueritatem nimis? MANDASTI nanque tum scribi, tum etiam à nobis operari (quorum utrunq; uox ista significat) IUSTITIAM, id est opus iustitiæ. Mandastī quoq; TESTIMONIA TVA, de te loquentia sic scribi, & NIMIS, id est supra hominem sint: quasi homo non modo iustitiam operari solus nequeat: sed neq; testimonia Prophetarum de ipsa iustitia loquentia solus intelligere possit. Mandastī quoq; VERITATEM nimis: id est id quod secundum ueritatem tuam polliceris, ut per multas tribulationes in regnum cælorum intremus, homini soli nimis, siquidem promissiones tuæ ueraces aliquid ab homine requirunt, quod solus homo præstare non potest: proindeq; ipsi homini ueritas tua nimis: quandoquidem si altera ex parte in se infallibilis sit, ex altera ipsi homini gratia denudato nimis est: id planè quod in primo oñonario obseruauerat: ubi dum magno cum dolore dixisset, Tu mandastī mandata tua custodiri nimis: euefligio consolationem gratiæ amplectens, subiunxit: vtinam dirigantur uiæ meæ ad custodiendas iustificaciones tuas. non secus ac si dicat: Hæc omnia sub recto iudicio fecisti, ut omnia nimis homini absq; gratia tua essent: ut homo ipse, qui nec uelle, nec perficere habet, & quantumlibet operetur, adhuc solus inutilis seruus est; animaduertens testimonia tua intelligere, illa uelle atq; operari, supra uires suas esse: perpetuò se egere gratia tua cognosceret; & metuens iudicia tua, cautius uiueret, atq; promissa secundum ueritatem tuam, quæ infallibilis est, haudquāquam superbe, sed sobriè per consolationem gratiæ expectaret:

3. **VTABESCERE ME FECIT ZELVS MEVS: QVIA OBLITI SVNT VERBA TVA INIMICI MEI.** Duæ sunt uoces in uersu isto, tabescere, & zelus, quibus diuerso modo utimur; nam tabesco interpretatur langueo, deficio, tabidus fio. Zelus uerò modò pro inuidia, modò pro æmulatione, modò uerò (ut in textu isto) pro amore capitur, quo circa hoc in loco sic uerba ista coniungito, ut per zelum, amorem charitatis ostendat, quæ

ipsum tabescere fecit . quasi dicat , Quid ultra ego enarrare sub litera sade potero , quæ consolationem cum maxore significat ? quid mirabilius ? nonne tu mirabilia homini quoque agere præstas ? Etenim cum inimici mei obliti legis tuæ morti me tradere elaborabant : **TABESCERE ME FECIT ZELVS MEVS** charitatis , quæ me simul tabescere præstabat , & animam consolabatur meam : inquit tabescere me fecit , ut dicerem : Defectio tenuit me pro derelinquentibus legem tuam . At hoc unde ? nisi quia ignitum **ELOQVIUM TVVM** **VEHEMENTER** , à uerbo ignesco , quod in ignem conuersti significat . perinde ac si dixerit : Etenim cum tuo lumine testimonia & legem tuam , quæ nimis erant , tempore afflictionis spiritu tuo docente scrutabar : ignitum esse eloquium illud perspicue cognoscebam , eò quod tu ignis consumens es in lege contentus , ac proinde eloquium tuum ignitum uehementer : illum inquam ignem in se continens , quem Iesus in terram mittere uenit , inquit : Et quid aliud uos lo , nisi ut ardeat ? charitatis scilicet infusæ flammis , quæ frigida hominum pectora accendunt : ut contra naturam inimicorum perditionem sobrie plangent . Hinc ergo zelus meus **ET** , cum ignis flammigerans ossibus hæreret meis , quamquam **SERVVS TVVS** per ignem & aquam tunc transiret , iuxta illud , Exardebat sicut ignis ira tua **DILEXIT IL** **LVD** , id est eloquium , quo redamato , sic ignis flammæ in anima crescebant , ut beatitudine sitis iustitiæ propter summam inimicorum dilectionem frui obtinuerim . Quid mirabilius asferre potero ? nonne hoc præ cæteris homini nimis , ut afflictus affligentes diligat ? quodque in medio tristitiæ consolatio superabundet , quemadmodum Paulus de se ipso testatur , inquit : Foris sunt pugne , intus timores : sed superabundo gaudio in omni tribulatione nostra : quoniam qui consolatur humiles , consolatur & nos . O quam nimis certe est proprijs gaudere passionibus , dum alienam iacturam plangimus ?

ADOLESCENTVLVS SVM EGO ET CONTEMPTVS : IUSTIFICATIONES TVAS NON

SVM OBLITVS. quasi dicat, Nonne & hoc quoque mirabile est, hoc est admiratione dignum, & nimis? ut idcirco hominē peccare permittas, ut post peccatum gratia tua egere se cognoscat, quem deinde ad poenitentiam adducis? Quod maius donum & mirabile homini concedi poterat, nempe ut tu propria bonitate motus, peccatori inimico tuo manus porrigas, ut resurgat? **ADOLESCENTVLVS SVM EGO,** præsenti tempore utens, ut illud tempus ostendat, quando dixit, In quo cors rigit adolescentior uiam suam? & **CONTEMPTVS** à te propter peccata commissā, quando me adulteriū & homicidium simul cōmittere permisisti, tamen **IUSTIFICATIONES TVAS,** quæ poenitentes iustificāt, te ad poenitentiam me uocante, **NON SVM OBLITVS,** quia gratia tua poenitentiam egi: absque qua dignè haudquaquam me peccatorum poenituiisset. Nonne mirū hoc, ut tu peccatori præsles, unde tibi placere possis? Quem sensum ego sequor, dum tu illos sequi uolueris, quibus placuit Dauidem de prelatione sua inter fratres egisse. Moueor in primis, quia si secundum alios uerba hæc legeremus, nequaquā uideo in quem modū sequentia uerba, iustificationes tuas nō sum oblitus, præcedentibus res se coniungi possint. Rursum quia psalter à xviij ostonario hucusque, & in his etiam quæ sequuntur, nihil aliud agit, quā ut ea quæ in toto psalmo obseruauit, denuo contēpletur, singula ecclesiæ recensendo. Et denique, quæ hæc opinio mea alibi cōmunis doctorū opinio est, quemadmodū in nono ostonario uersu septimo dixi. Sic enim scriptū est, Hæ sunt gentes quas dominus dereliquit, ut erudiret in eis israel.

6 **IUSTITIA TVA, IUSTITIA IN AETERNUM, ET LEX TVA VERITAS.**

7 **TRIBVLATIO ET ANGVSTIA INVENIUNT ME: MANDATA TVA MEDITATIO MEA EST.** Idcirco scribentes super uoce iustitia, & uoce ueritas, multos intellectus multiplicant, quia hos uersus tanquā disiunctos interpretantur. Atqui ubi simul legantur, facilis eorum

sensus erit. Quare expendas in primis, rogo, nos sub litera sade esse,
 quæ mœstitiâ præcedentem & gaudium subsequens unâ complectitur:
 ut hoc expenso, Dauidem hunc in modum loqui intelligas, Non'ne hoc
 quoq; mirabile mi domine, & nimis hominî est, ut **IUSTITIA TVA**,
 non solum inquantum est uirtus, in te solo consistens æterna sit, uerum
 etiam inquantû est opus iustitiæ à uirtute in aia infusa procedens, quod
 à nobis exigit, dum spiritu tuo in nobis operante cõsummatur. **IUSTI-**
TIA IN ÆTERNVM sit per Christum dominû nostrû, hoc quidẽ lex
 tua dicit, **ET LEX TVA VERITAS** est. At rogabis, cur dicit ueritas, nõ
 autẽ dicit uera? Quia ueritatẽ, id est uerbû incarnatû Christi concludum
 in antiqua, & reuelatum in noua, lex ipsa continet, per quẽ omnia pro-
 mittuntur: & sicut in ueritate promissa sunt, adamussim consumman-
 tur; quocirca minimẽ dixit, iudicia Dei uera, iustificata in semetipsa;
 sed sicut alibi dixerat, Principium uerborum tuorum ueritas: itidem
 nunc inquit, Lex tua ueritas, ad denotandum ueritatis puritatem, quæ
 in lege continetur. Sed quid ex hoc inferes, d. Dauid? Hæc enim lex una
 diq; afflictis, qui Dei iustificationes sustinent, multa gaudia in futurû
 promittit: cui ego credo. Hæc illa est, quæ in medio lacrymarum his
 laritatem infundit: & idcirco quando **TRIBVLATIO** exterior, **ET**
ANGUSTIA interior iuxta illud Pauli, Foris pugna, intus timores, in
 mea afflictione **INVENERUNT ME**. & dicit inuenerunt; siquidem
 non modo cogitate fuerunt aduersum me, sed re ipsa sic inuenerûnt me,
 ut in uera animi & corporis angustia essem. Tunc enim ut protinus
 promptam cõsolationem haberem, **MANDATA TVA MEDITATIO**
MEA EST. hoc est, legem tuam scrutabar; scrutandoq; pollicitationes
 tuæ lassam animam reficiebant. Et dicit, meditatio mea est, præsentî
 tempore utens, ut secundum Prophetæ morem, præteritum & præsens
 tempus enarret, in quibus contempta cruce, solam æternâ salutem cons-
 templatur, propter quam crux ipsa dulcis erat. Obseruate fratres eui-
 dens tutamen hoc, quod pastor ipse à lege consequitur; & scitote, nullû

promptiorem nos habere respirandi modum, cum renuit propter angustias consolari anima nostra, quæ cum oculos corporis & animæ ad scrutationem utriusque legis conuertimus. Nam mox nobiscum loquentes discere incipimus: Nonne lex Dei hæc est, quam hætenus à tempore datæ legis, tanquam Dei eloquium penes se patres detinuerunt? nonne Christi lex altera est? nonne Christus uerimus, in factorum lege uelatus, & in euangelica reuelatus? nonne propterea lex ipsa non modo uera, sed uerimus, quæ palam adiutoria multa nobis pollicetur? Eritne Deus mendax? Absit ut ego primus sim, qui in Deo sperans confundar. Peccata fortassis resistunt. & quis aliorum absque peccato fuit? aut publicanus, quia non peccauit, iustificatus est? Non quidem, sed quia pœnituit eum peccasse. Quibus hunc in modum contemplatis, ecce gratia Dei præsto est, quæ confestim animam in summa tranquillitate & pace relinquit: ut tentando Deus faciat ex tentatione prouentum. Nonne admiratione dignum hoc est, ut legis scrutatio, quæ res mortua uidetur, propter spiritum in ea loquentem, sic animam intus roboret, ut passionibus externis penitus contemnat: & tamen ita est, quemadmodum propheta, et alij multi, qui has afflictiones passi sunt, experientia didicerunt.

ÆQVITAS TESTIMONIA TVA IN AETERNUM; INTELLECTVM DA MIHI ET VIVAM.

Et ut semel finiam, summam totius legis tuæ, & omnium contentorum in testimonijs tuis, hanc esse profiteor, nihil aliud esse testimonia tua, siue iram comminentur, siue bona polliceantur, quam ÆQVITAS IN AETERNUM. quandoquidem ubi æternam uitam polliceris, æquitas in æternum sunt; ubi uerò nos temporaliter affligendos cōminaris, adhuc æquitas in æternum sunt: eò quod ideo temporaliter affligis, ut qui in mœnore fuerunt, æternam consolationem consequantur: quemadmodum in decimo orationario dixerat: Cognoui domine, quia æquitas iudicia tua: & in ueritate tua humiliasti me. Æquitas quoque in æternum in pœna æterna inferni, testimonia tua sunt: quoniam misericordia & æquitate

propria tunc uteris mitius q̄ merentur, & posses, impios condemnando. Quæ si ad hunc modum se habeant, non ne mirabilis res hæc est, ut usq; ad inferni ignem æternum, æquum iudicem te videamus? vnum superest domine, ut per donum intellectus actiui sic me cōserues, sicut per donum intellectus contemplatiui me docuisti: quippe ut hanc æquitatem tuam, per quam ad æternam uitam ducimur, in fine comprehendam; siquidem tu non ita intellectus donum das, ut in sola intelligentia consistat, immo potius ut intelligendo, tua gratia adiuti, mandata tua seruemus, unde sequitur: INTELLECTVM DA MIHI, quia illo omnipotere egeo. ET VIVAM, non q̄ certus æternæ uitæ nunc sim, sed quia si donum intellectus mecum perpetuò aderit, sic fore haudquaquam dubito. Sic enim à somno expergefactus, & ab ignorantia liberatus, semen tuum in anima mea seminatum, omne peccatum expellet.

DECIMVS NONVS OCTONARIVS.

CK KOPH P

Latine aspice, conclusio, vel secundum aliquos vocatio.



Postquam Prophetam in duobus præcedentibus octonarijs mirabilia Dei, id est admiratione digna, quæ in persecutionibus suis cognouerat, ex parte enarrauit, ad litteram Koph peruenit, quæ duo significat, aspicere nimirum, & conclusionem: non ut conclusio pro fine duntaxat flet, sed pro multis alijs, quæ paulò post enarraturi sumus: inter quæ quandâ animi cōpressionem considerabimus: à qua detentus uix homo acrem (ut Ambrósio placet) attrahere potest. sed quorsum ista? quippe ut & hoc mirabile addat, hoc est ut homo, qui ob angustias adeo debilitatus uiuit, ut oculis oret, iuxta illud: Dixerunt oculi mei: non aliter saluetur, nisi ipse gratia comite propriam salutem operetur: sicut e contrario nemo nisi ob propriam obstinationem, seu finalem impœnitentiam condemnatur, &

utrunq;

utrunq; in æternum. Diuiditur autem in partes tres: in quarum prima orationes suas diuersis temporibus domino porrectas enarrat. in secunda uerò dubitationem, quare Deus hos illuminet, hos uerò induret, soluit: & in tertia, æternas esse pœnas, atq; æternam gloriam determinat. Prima usq; ad uersum Appropinquauerunt: secunda usq; ad uersum initio cognoui. Tertia usq; ad finem usq;.

- Koph 1 **CLAMAVI IN TOTO CORDE, EX-
AUDI ME DOMINE: IUSTIFICATIO-
NES TVAS EXQVIRAM.**
- Koph 2 **CLAMAVI AD TE, SALVVM ME FAC,
VT CVSTODIAM MANDATA TVA.**
- Koph 3 **PRAEVENI IN MATVRITATE, ET
CLAMAVI, QVIA IN VERBA TVA
SUPERSPERAVI.**
- Koph 4 **PRAEVENERVNT OCULI MEI AD
TE DILVCVLO, VT MEDITARER
ELOQVIA TVA.**
- Koph 5 **VOCEM MEAM AUDI SECVNDVM
MISERICORDIAM TVAM DOMINE:
ET SECVNDVM IVDICIVM TVVM
VIVIFICA ME.**
- Koph 6 **APPROPINQVAVERVNT PERSE-
QVENTES ME INIQVITATI: A LE-
GE AVTEM TVA LONGE FACTI
SVNT.**
- Koph 7 **PROPE ES TV DOMINE, ET OMNES
VIAE TVAE VERITAS.**
- Koph 8 **INITIO COGNOVI DE TESTIMO-
NIIS TVIS, QVIA IN AETERNVM
FVNDASTI EA.**

CLAMAVI IN TOTO CORDE, EXAUDI ME DOMINE: IVSIFICATIONES TVAS EXQVIRAM. Quoniam pauci sunt, qui Prophetæ ordinem expens dant, quem in psalmo scruat: scire tu debes lector, nil aliud Davidem in hoc octonario agere, nisi ut quomodo ab octonario decimo septimo mirabilia, quæ in utraq; via uiderat, ecclesiæ narrauit, ea supplens, quæ non potuit ob loci angustiam octo uersuum pro quolibet octonario, com monstrare: eodem nunc pergat, quædam addens carminibus suis, in illis octonarijs contentis, ubi propter angustiam loci, ut dixi, multa tacuit, quæ nunc supplet; admirandū certē opus, ut sub diuersis literis alphas beti eadem tractet, nec proinde uerborum geminator sit. Pro cuius octonarij intelligentia, hunc in modū cum Dauide loquar. Dic mihi ò Regie pastor, qui à domino dilectus es, quid adhuc in medio afflictionum tuarum uidisti, quod inter Dei admiranda opera connumerari possit? Ipse uerò respondeat: Hoc quoq; in peccatis conclusus uidi, iussu ac misericordientem Deum, qui homini dat, unde ei placere possit, omnibus peccatoribus lumen suum offerre, atq; admonere illos, ut in lege sua ambulēt: quorum aliqui, qui lumine hoc accepto eius misericordiā sine intermissione, tam in peccatis permanentes, q̃ post gratiam obtentam implorāt, quasi per gradus ad æternam salutem, per eas tribulationes aliquando perducantur, ut admodum debilitati, signis orando, propriam salutem in æternum operentur: res quidem mirabilis satis. Illi uerò, qui streto lumine Dei, misericordiam contemnunt, de gradu in gradum sic indurantur, ut in reprobū sensum uisū illos Deus tradat, atq; ad inferni pœnas in æternum condemnet, ut sequitur. **CLAMAVI, à domino uocatus, IN TOTO CORDE,** siquidem oratio munditiæ sensualitatis (ut ita loquar) exigit, ne intellectus obumbratus caligine phantasmatum frustra ore: quemadmodum multos uidemus, qui lingua duraxat, nulla attentione in Deum præhabita, sine fructu orant: sed quid clamando principio dicebas? **EXAUDI ME DOMINE.** secundum misericordiam

tua, afficiendo animam meam, quæ in medio peccatorum conclusa est. Verum quia multi ita clamant, ut renouata uita, Dei iustificationes die ac nocte exquirant, quibus dominus dicit: Clama ad me, & ego exaudiam. Clama et ulula fili hominis: quidam uero sic clamant, ut absque penitentia non exaudiantur, de quibus scriptura dicit, Clamabunt ad dominum, & non exaudiet: uolens Propheta ostendere eo modo se clamasse, quo penitens peccator clamare debet: postquam dixerat, Exaudi me domine, penitentiam concedendo, subiunxit, quia post eam cuestigio IUSTIFICATIONES TVAS REQUIRAM. Verba hæc obserua lector, ac Deo gratias age, quando anima quasi è somno expergescens surgens, incipit iustificationes requirere, eo quod Dei opus hoc est, qui te ad hoc excitat, ut usque in finem, id quod incipit perducas. sed quid requirere iustificationes in futurum est? num fortasse, ut sufficiat absque opere legem diligere, itaque requirat? Non quidem, cum mandatorum exquisitio tunc bona sit, quando exquiruntur ad faciendum ea. Quocirca peccator, qui in statu peccati est, a domino uocatus, Parce domine, principio ait, & rectam penitentiam da, ut ego deinde iustificationes tuas requiram, propositum illud non peccandi in futurum, habens, cuius meminit, quando in secundo oratorio dixit: in corde meo abscondi eloquia tua, ut non peccem tibi. Ecce primam Prophetæ orationem in statu iræ habes, quando se exaudiri petijt misericordie innitentem. Audi secundam.

CLAMAVI AD TE, SALVVM ME FAC, VT CVSTODIAM MANDATA TVA. quasi dicat, CLAMAVI quoque AD TE, qui elisos erigis, inquit, Exaudiendo me, sicut paulo ante oravi, SALVVM ME FAC, uiuificando animam meam, quæ propter peccatum mortua est: VT gratia tua uiuificatus, opere CVSTODIAM MANDATA TVA. Atqui dices, nonne idem est mandatum Dei requirere, & mandata Dei custodire? Nequaquam. Siquidem is requirit, qui ante uiuificationem penitendo propositum requirendi habet: hic autem Propheta, qui nil à domino petit, quod protinus non ob-

tineat, cum dixisset, saluum me fac, causam addit, vt custodiam mans
data tua. Voce, tua, eodem modo utens, quo in primo octonario dixit,
custodiam iustificationes tuas, de illa custodia intelligens, quæ bene coos
perando meretur, & misericordiæ atq; iustitiæ innititur: in quem finē
gratia adepta, omnis oratio nostra tendere debet: quippe ut legem in
uia meritorie seruare queamus, quemadmodum propheta egit, qui gra
tia inhabitante denudatus principio dixit: Vtinam dirigantur uia meæ
ad custodiendas iustificationes tuas. directus autem confestim subiun
xit: iustificationes tuas custodiam: non me derelinquas usquequaque.
Atq; ista commemorans in sequenti uersu addit.

3 PRAEVENI IN MATVRITATE, ET CLA
MAVI, QVIA IN VERBA TVA SVSPERSPE
RAVI. Tam uariè uersum hunc doctores nostri interpretantur, ut
propter intellectuum confusionem, quid propheta senserit, quodammodo
ignoremus. siquidem eò deuenerunt, ut dicerent uerba ista esse cor
rupta: & dum propheta dicit, præueni in maturitate: legi debere, præ
ueni in immaturitate: quasi tempus noctis, ad orandum quædam imma
tunitas sit, tum si pro nocte ipsum tempus noctis accipiamus: tum etiam
si hanc noctis immaturitatem metaphorice pro tempore ante aduentum
gratiæ capiamus, in quo ecclesia per suos prophetas clamare non cessas
uit. Res quidem mea sententia non admittenda, ut aliter q; ueritas sit,
ecclesia tandiu uersum hunc concinuerit. Alijs uerò placuit Dauidem
media nocte orasse, quibusdam ante maturam ætatem, uersum, leonem,
& Goliath occidisse. Plerisque maturo iudicio, non autem ex impetu
passionis orasse. Quidam autem censent, alios iuuenes in hac maturitate
orandi præuenisse. Nec desunt quibus placet, uerba hæc tempus aptum
ad orandum designare. Inter quos Cassiodorus deniq; autumat, ut præ
ueniat in maturitate, quisquis in annis iuuentutis modestiam senectutis
anticipat. Sed quare hi omnes non cogitant, prophetam ea hic supple
re, quæ in primo octonario, etsi illa contemplatus fuisset, exprimere non

potuit, ut dicamus, **PRÆVENI IN MATVRITATE**, id est in illo tempore, in quo gratia tua mecum erat: et qui prius ante aduentum gratiæ dixeram, **VTINAM** dirigantur viæ meæ ad custodiendas iustificaciones tuas; directus iam **ET** secūdo loco **CLAMAUI** in toto corde meo, quando maturum tempus erat, in quo toto corde meritorie poteram orare, ingens, iustificaciones tuas custodiam: non me derelinquas usquequaq: **QVIA IN VERBA TVA SVPSPERAUI**. At dices, quid vox ista supersperare, hoc in loco significat, cum tale verbum in illo oñonario nō legamus? Cui ego respondebo, uim uerbi ibi adesse, quando primò gratiam sperauit, ut iustificaretur, inquiens, **VTINAM** dirigantur, deinde uerò supersperando dixit, iustificaciones tuas custodiam. Hoc enim nunc supplet, quod propter loci angustiam in illo oñonario exprimere non licuit. Hanc doctrinam nobis relinquens, ut tunc dominum obsecremus; quando in gratia sumus, è quòd tunc tempus maturum orandi est, ut meritorie oremus, exaudiamurq; bellè cum proprietate literæ Koph ludens, ut in orantem hominem conclusum à gratia, Dei oculi aspiciant. Est itaq; maturum tempus, quādo antequam sit iustus, misericordiæ insinatur, & à domino uocatus, orat. Est quoq; maturum ut meritorie oret, quando in statu gratiæ uitam ducit.

- 4 **¶ PRÆVENERVNT OCULI MEI AD TE DILVCVLO, VT MEDITARER ELOQVIA TVA.** quasi dicat, non solum in uita actiua clamaui, & quando gratia tua surgebam, iterum in maturitate status gratiæ præueniendo, ne à gratia exciderem clamabam, sed præueni in ultima maturitate, quando charitate duce uiam mandatorum tuorum cucurri: unde promerui, ut ad uitam contemplatiuam me perduceres, Tunc enim clamaui, & **PRÆVENERVNT OCULI MEI**, tum corporis, tum mentis, ut illa discerēt, quæ optabant. **AD TE**, in quem oculos, cum oramus, dirigere debemus. **DILVCVLO**, quæ metaphora tempus prope matutinū solem præsignat, duosq; sensus cōplectitur: qui ambo simul stare possunt; Alterū, ut idcirco

co dicat diluculo, & non solum in maturitate temporis gratiæ se præuenisse ostendat (primum gradum gratiæ cōmonstrans, in quo cæci illius instar, qui in initio gratiæ homines, quasi arbores uidebat, paulò uerò post, prout erant homines, conspexit: quasi ut quo modo initium uisus, non tamen perfectū in diluculo habemus, eodem in gratia quoddam lumen adhuc non completum habeamus) uerum etiam in diluculo uitæ contemplatiuæ, anteq̃ persecutiones aduenissent, præuenerit: dona ab eo petendo, quæ in quinto octonario continentur. Alterum uerò sensum, ut per hanc uocem, diluculo, primū gradum uitæ contemplatiuæ ostendat, in qua uerum solem, & lumen rerum æternarum cernere incipit. sic enim ex fide in fidem omnia reuelantur, & usq; ad profunda Dei peruenimus; non secus ac si dicat, diluculo, quando uix solis iustitiæ lumen uerum, in ea ætate percipiebatur, & proxima Saulis persecutio erat: in diluculo ipsius quoq; persecutionis, diluculo itē gratiæ, alias presces Deo obtuli dona spiritus sancti, petēdo et hoc quidē, ut ipsis præuijs **MEDITARER ELOQVIA TUA.** Ordinem prophætæ obserua rogo, q̃ prius ut requireret mandata, secūdo ut eā custodiret, et tertio ut illa contemplaretur orauit: non ut contemplando illa duntaxat intelligat, immo potius, ut meditādo ea ibi cernat, per quæ duras passiones futuræ persecutionis sustinere propter spem iustitiæ facile potuisset. isthæc annotatione digna obserua lector: ut qd tu petere debeas, ipsū imitādo intelligas. Hactenus de orationibus præteritis: præsentēs nunc audiamus.

VOCEM MEAM AVDI SECUNDVM MISERICORDIAM TVAM DOMINE: ET SECUNDVM IUDICIUM TVVM VIVIFICA ME. Et dicit, **VOCEM MEAM**, tum oris, tum etiam cordis **AVDI**, hoc est audiendo exaudi **SECUNDVM MISERICORDIAM TVAM DOMINE.** qua nos peccatores audire dignaris per Christi, qui propitiatio nostra, & aduocatus noster coram te est, ac pro familia sua, cuius unus sum ego, orat, **ET SECUNDVM IUDICIUM TVVM**, quo misericorditer

prædestinasti ob propriam bonitatem tuam: & misericorditer gratias omnes ad hanc misericordiam necessarias ab æterno condonasti: **VIVIS FICA ME**, ut qui iustus sum, iustificer adhuc, perinde ac si dicat, da perseverantiæ gratiam usq; in finem, pro qua perpetuo regius isle pastor orat.

6 APPROPINQUAVERUNT PERSEQUENTES ME INIQUITATI: A LEGE AUTEM TVA LONGE FACTI SVNT, Postquam propheta in præcedentibus carminibus, suarum orationum species & tempora ecclesiæ cōs monstravit, declarans Dei gratia omnia obtinuisse, qua media clamavit: mox obiectio hæc in hac secunda orationis huius parte sese obtulit, qua iniqui propriam negligentiam defendere conantur, dicentes: si dominus est (ut Paulo placuit) qui illos quos vult, illuminat, & quos vult inducit: quis eius voluntati resistere poterit? Non quidē absq; gratia quicquam boni agere quimus. Deo igitur imputetur, si iustificationes suas non custodimus. Cui tacite obiectioni respondens, Deum utrunq; secundum rectum iustitiæ ordinem facere ostendit, inquires: Quid adversus iustam suam condemnationem iniqui isti excipere poterunt? quandoquidem principio Deus ipse non minus oīes meos, q̄ me, ad orationem vocavit, ut misericordiam implorantes ad Iesum venirent: sed **PERSEQUENTES ME**, contempta vocatione ista, mecum clamare renuerunt; quo factum est, ut gratia non adveniret, eō q̄ iacula quædam inspirans dō, & sensum aperiendo bonus Deus immittit, ut eius misericordiam impleremus: quam persequentes me, non solum neglexerunt, verū etiam **APPROPINQUAVERUNT INIQUITATI**. & dicit iniquitati in abstracto, quasi regno peccati hæserint. **A LEGE AUTEM TVA**, cui hæc rere debebant. **LONGE FACTI SVNT**, siquidem quanto magis meæ cruci inferēdæ appropinquabant, tanto plus à lege tua recedebant: quas propter minimè ad te Deum accedere poterant, quia tuis regulis non obtemperabant. Vnde mirandum non est, si iuste tu, qui omnem hos

minem uenientem in hunc inundum illuminas, mihi primum lumen acce-
 ptanti propter nomen tuum, & misericordiam sicut bonitati tuæ con-
 gruebat, nouum lumen adhuc dederis: illis uerò reuuentibus lumen
 tuum acceptare, iussè quoq; deinceps gratiam denegaueris: ut qui fors
 didi erant, sordescerent adhuc, sicut scriptum est. Ecce qui se elongaues-
 rint à te, peribunt. Hunc enim in modum iesus israelitis scandalū fuit,
 gentilibus stultitia, uocatis autem, qui crediderunt, Dei uirtus. Verum
 quia adhuc aliquis dicere potuisset, quare sic lumen non immisit, ut om-
 nino nos quoq; ad Deum accederemus? Cui respondet, eam ob causam
 sic Deum procedere, quia cum iustus ipse sit, mundans non facit in-
 nocentem. Satis quidem est, ut sciamus, quia PROPE ES TV DOMI-
 NE, & gratiam unicuiq; offerens, omnes saluos fieri optas: & secun-
 dum propriam benignitatem, non modò hos, qui uuas afferunt, recipis:
 sed & qui labruscas faciunt, ad pœnitentiam expectas, stas sanè ad
 oslium, & perpetuò pulsas; propeq; es omnibus inuocantibus te, scd quia
 quotquot prædestinati sunt, illi usq; in finem credunt, illi quoq; perpetuò
 clamant. Hinc hos credentes, quibus tu prope es, & ipsi tibi, iuste pros-
 regis in uia, & aures tuæ in preces eorum, ut per gradus illos illumine-
 nes, ac deniq; in æternum salues. Contrà uerò uultus tuus super fas-
 cientes mala, ut perdas de terra memoriā eorum: siquidem dum tu
 prope es, illi à te longius discedunt: quo fit ut lumine sublato, iuste il-
 los condemnes: sic enim omnes diligentes te, custodis: & omnes peccā-
 tores, qui proprio libero arbitrio se indurant, iusto tuo iudicio, tu quoq;
 obduras, atq; dispergis. ET, propterea in uanum conqueruntur, quoniā
 OMNES VIÆ TVÆ, id est iudicia tua, quibus in uis iustitiæ tuæ am-
 bulans (utroq; ut paulò ante dixi iudicando) alterū ex lumine in lumen
 pergere das: alterum uerò obæceas, et in reprobū sensum tradis. VER-
 RITAS, siquidem à te ueritate ordinata sunt iustitiæq; ueritatem, id est
 regulam iustam diuinæ uoluntatis perpetuò in utroq; casu continent.

8 ¶ INITIO COGNOVI DE TESTIMONIIS TVIS,

QVIA

QVIA IN AETERNVM FVNDASTI EA.

Facillima uerba hæc in se sunt : sed difficile est intelligere , cur in fine octonarij istius Propheta uerba ista hæc collocauerit , & quis eius sensus fuerit , cum dixit , INITIO , id est ab Adam (secundum Hieronymum & Cardinalem) uel initio , id est principio , quo habui usum rationis (ut Lyræ placet) Tu autem dic , initio , id est principio , quando lumen intellectus & fidei mihi concessisti (uti in primo octonario patet) COGNOSCI DE TESTIMONIIS TVIS , id est à testimonijs tuis cognoui , QVIA IN AETERNVM FVNDASTI EA ; scilicet testimonia , cum ut æternam pœnam (secundum Cassiodorum) contemnentibus illa irrogarent , tum etiam ut æternam gloriam illa custodientibus tribuerent . id quidem , quod alio in loco Iesus dixit : Et qui bona fecerunt , ibunt in uitam æternam : qui uerò mala , in ignem æternum . At si dicamus , quid commune cum litera huic octonario præposita , sententia ista habet ? quid cum clamore ? Respondet quidam , ea ex ratione esse factum , quia cum in præcedenti uersu dixerat , Omnes uiæ tuæ ueritas : hic causam ostendit , quomodo congruit ut sint ueritas , eò quod ueritas æterna est , quæ fundauit ea . Nos uerò Cassiodorum sequentes , dicamus , aliquos fuisse , qui putabant Deum misericordem omnes tandem saluare : quibus Propheta respondet , initio cognouisse testimonia sua in æternum esse : nempe ut si quos damnauerit , in æternum in inferno pœnas dent : quasi ea ratione , quæ testimonia ueritas sunt , eò quod ab ipsa ueritate præcipiuntur : eòdem modo æterna sint ; quia ab æterno Deo præcepta , ut in æternum mancant . Quibus hunc in modum declaratis , sarge Dauidem oculos ad nos conuertisse : qui ut literæ Koph proprietates consummaret (quæ aspice & conclusio significat) in calce nunc dicat ; duas uias has , ad quas animaduerti , & uobis deinde illas cōmonstrauit , afficite de leuiores , quoniam conclusio præmissorum hæc est , nempe ut Deus omnes uocet , & uenientes ad se in maiori gradu illuminet : elongantes uerò se ab eo , iussit in reprobū sensum tradat , sic enim alio in loco utrunq; idem pro-

pheta testatur, cum ait: Non audiuit populus meus uocem meam, et dimisi eos secundum desideria cordis eorum, ibunt in adinventionibus suis. Clamauerunt iusti, & dominus exaudiuit eos. Neque putetis orationes temporales esse, quoniam in æternum sunt, propter Dei spiritum, qui nos orare docet: & Iesum aduocatum nostrum, qui patrem interpellat pro nobis. Cyprianum audite, qui sic ait: Quoties in conspectu domini ego te uideo suspirantem, spiritum sanctum non dubito aspirantem, cum intueor flentem, sentio ignoscentem. Ac proinde quamlibet in maximis angustiis conclusi, signis saltem orate, ne illum spernauimus, qui de laqueo pedes nostros tollit. Sciant quoque reprobati in æternum se in inferno mansuros, ubi nulla redemptionis spes est. Hactenus septima pars tertio partis psalmi.

VIGESIMVS OCTONARIVS.

C R R E S

Latine caput, primatus.

CUM enarrandi mirabilia Dei finem propheta non inueniret, reliqua tacuit mysteria, quæ in medio persecutionum suarum contemplatus fuerat: huiusque rei uice proprietatem literæ RES oculis proposuit, quæ caput significat & primatum, sub qua diem mortis proximum esse conspiciens, duo capita, duosque primatus proposuit, qui uel uitæ, uel mortis æternæ uie sunt: quorum alterum Christus est, ecclesiæ caput, primogenitus patris, qui prius pro nobis passus est, & resurrexit, primatum patris secum portans, misericordiam nimirum, quæ supra omnia opera eius est: secundum quam primum iudicium in mundum facere uenit: primatum humilitatis propriæ docens nos, ut contriti corde, primatum misericordiæ assequeremur, inquit, Discite à me, quia humilis sum, & mitis corde. Et hoc quidem, ut quo modo iustitia & pax osculatæ sunt, eodem poenitentia et misericordia se se in-

uicem oscularentur, crescentes in illo per omnia, qui est caput Christus. Alterum uero caput, superbia satanae est: quam tanquam omnium malorum reginam, ne pereamus, fugere & abominari compellimur. Diuisionem octonarij omitto; quandoquidem nil aliud agit, q̃ propè diem mortis, satanae, superbiae q̃ primatum detestari: caput uero nostrum, Christum nimirum, sequi: summa cum humilitate dominum obsecrans, ut ueram poenitentiam ei condonare, eiusq̃ animam misericorditer saluare dignetur. Sic factum, ut nos quid petere à domino, & quem in modum orare in hora mortis debeamus, ab hoc regio pastore discamus.

- Res 1 VIDE HUMILITATEM MEAM, ET
ERIPER ME, QUIA LEGEM TVAM
NON SUM OBLITVS.
- Res 2 IUDICA IUDICIUM MEVM, ET REDIME
ME PROPTER ELOQVIVM TVVM
VIVIFICA ME.
- Res 3 LONGE A PECCATORIBVS SALVS,
QUIA IUSTIFICATIONES TVAS NON
EXQUISIERVNT.
- Res 4 MISERICORDIAE TVAE MVLTAE
DOMINE: SECVNDVM IUDICIUM
TVVM VIVIFICA ME.
- Res 5 MVLTII QVI PERSEQVNTVR ME,
ET TRIBVLANT ME: A TESTIMO-
NIIS TVIS NON DECLINAVI.
- Res 6 VIDI PRAEVARICANTES, ET TABES-
CEBAM, QUIA ELOQVIA TVA
NON CVSTODIERVNT.
- Res 7 VIDE QVONIAM MANDATA TVA
DILEXI DOMINE: IN MISERICOR-
DIA TVA VIVIFICA ME.

RES 8 **PRINCIPIVM VERBORVM TVORVM
VERITAS: IN AETERNVM OMNIA
IUDICIA IVSTITIAE TVAE.**

1 **VIDE HUMILITATEM MEAM, ET ERIPE
ME, QVIA LEGEM TVAM NON SVM OB-
LITVS.** *Prævidens propheta caput nostrum totius ecclesie Christi
humilibus misericordiam suam impartiri: cum dies mortis proximus
esset, ad hunc modum orat. VIDE, non ut iudices, magis autem ut mis-
sereris: quandoquidem aspiciendo & uidendo parcis, sicut alio in lo-
co dixi, Aspice in me, & miserere mei. HUMILITATEM MEAM: quæ
bisariam in Dauide aderat, in primis, in quantum ab hac onerosa ac uio-
lenta persecutione sua grauatus, satis humiliatus erat: & secundo in
quantum humilitas uirtus dicitur, immo primatū inter uirtutes ad ex-
cludendum superbiam obtinet, suam indignitatem & peccata cognos-
cens, de qua principaliter nunc agit. sic enim utrunq; complectens dis-
serat. Vide humilitatem & laborem meum, & dimitte uniuersa delis-
ta mea. ET ERIPE ME, tua gratia poenitentē à manu alterius capi-
tis, inimici tui satanæ, qui me deuorare querit. QVIA LEGEM TVAM
NON SVM OBLITVS. sed quid est legem non obliuisci? siquidem si
illam non seruauī, non seruasse poenitet, uera iusti oratio, per quam se
peccatorem contritum coram Deo exhibere debet.*

2 **IVDICA IUDICIUM MEVM, ET REDIME
ME: PROPTER ELOQVIVM TVVM VIVIFI-
CA ME.** *Placet quibusdam, iudicium hoc, iudicium uniuersalis dis-
uisionis esse, quando dominus uenturus est iudicare seculū per ignem.
Tu autem pondera haudquaquam prophetam dixisse, iudica me, sed IV-
DICA IUDICIUM MEVM: ita ut unum iudicium prophetae sit, aliud
uerbū Dei, post quæ dixit, & redime me: quorum uerborum summa, si
simul iungantur, hæc est: IVDICA tu domine: siquidem tu magis iudis-
cas, cum nos iudicium & iustitiam facimus. IUDICIUM MEVM, per*

quod, quantum in me est, omnium peccatorum meorum nunc poenitet: quod est hominem iudicium facere: nempe ut obstinationē fugiendo, poenitentiam amplectatur. ET REDIME ME ab altero capite satana, ne respicias demerita mea domine, sed PROPTER ELOQVIVM TVVM, id est uerbum incarnatum, eloquium tuum: eloquium item tuum, per quod promissisti, quod si quis poenitens crediderit in illud, non confusus detur. VIVIFICA ME: mortuum propter peccatum, ut sic uita in uia uiuam, ut gloriam mihi condonare misericordia tua non impediatur: quandoquidem mors proxima est, & tempus resolutionis meae instat. Age mi domine, sicut & in promissione tua, quando dixisti, Eripiam eum, & glorificabo eum.

3 ¶ LONGE A PECCATORIBVS SALVS, QVIA IUSTIFICATIONES TVAS NON EXQVISIERVNT. quasi dicat, Non idcirco duntaxat peccatores non saluantur, quia illuminati longè à lege facti sunt, & peccauerunt: sed quia rursum ad poenitentiam uocati, IUSTIFICATIONES TVAS poenitentiae, NON EXQVISIERVNT, id est nullo modo quaesierunt. Ego autē poenitens ad primatum misericordiarum tuarū propero, ut sequitur.

4 ¶ MISERICORDIA ET VAE MVLTAE DOMINE: SECVNDVM IVDICIVM TVVM VIVIFICA ME. ille enim sum, qui idcirco, postquam dixerā, Misere mei Deus, subiunxi, secundum magnam misericordiam tuam. et paulò post, Et secundum multitudinē miserationum tuarū dele iniquitatem meam: quoniam à te illuminatus, noui quia MISERICORDIAE TVAE MVLTAE DOMINE, ut peccatores propter nomen tuū salues, quemadmodum alibi dixit, Miserator & misericors dominus, patiens et multum misericors: suavis dominus uniuersis, et miserationes eius super omnia opera eius. quasi dicat, Tu igitur, qui omnia sub peccato, ut omnium miserearis, concessisti, secundum IVDICIVM TVVM, quod quale sit, in praecedentibus octonarijs dictū fuit, VIVIFICA ME: nempe ut unus ex illis sim, qui

credens peccata poenitentibus nobis per Christum caput ecclesie nostre donari : in iudicium non ueniam , sed à morte in uitam transeam , non autem de illis impoenitentibus sim , qui satanam tanquam caput sequentes , in iudicio à morte in mortem resurgunt .

¶ **MULTI, QUI PERSEQUUNTUR ME, ET TRIBULANT ME: A TESTIMONIIS TUIS NON DECLINAVI.** Et dicit MULTI, demones, prout paulo post in sequenti uersu se declarat. QUI, non modo persecuti sunt me in præteritū, sed adhuc PERSEQUUNTUR ME, extrinsecus. ET TRIBULANT ME, intrinsecus tentādo, Et tamē A TESTIMONIIS TUIS. Et non dicit, à mandatis tuis, sed dicit, à testimonijs tuis uerbum incarnatum caput ecclesie resstantibus. NON DECLINAVI, non quia non peccauerim, sed quia nec in minimo circa fidem declinaui , scuto fidei spem salutis in corde stabiliens.

¶ **VIDI PRAEVARICANTES, ET TABESCIBAM: QUIA ELOQVIA TUA NON CUSTODIERUNT.** Multi, qui tabescere pro amore capiunt, eorum meminitisse Prophetam hic autumant, quæ successerunt, quando dixit: Defectio tenuit me pro peccatoribus dereliquentibus legem tuam. sed hoc in xvij. octonario explicauit , inquiens : Tabescere me fecit zelus meus, quia obliui sunt uerba tua inimici mei. Nos uerò dicamus : **VIDI PRAEVARICANTES** , id est, Luciferum uidi cum cohorte sua , qui in caelo à præscripto sui officij transgressi sunt. At dices : Vbi legimus Dauidē demones uidisse ? Cui ego respondebo , in hoc uersu . sic enim iob de seipso testatur , cum ait : Collegit furorem suum in me : Et cōminans mihi, infremuit contra me dentibus suis , Hostis meus terribilibus oculis me intuitus est, aperuerūt super me ora sua. Parum tamen refert, si et iobem & Dauidem tunc uidisse præuaricantes dicas, quando diabolorum facta cōtemplari cœperunt . Prima tamen uerior, siquidem multi Satanam, dum in aliquod corpus se trāsfigurat, oculis corporalibus præ-

ferim propè montem uiderunt, propter quæ adiutorium à Deo, quem ex toto corde diligit, contra horribile caput satanæ cum sodalibus suis, à quo abhorret, humillime petit. itaq; intelligendo uerbum **TABESCEBAM**, pro mœnore, non pro amore capietur; mœnor autem tum propter horribilem dæmonum aspectum fiebat, tum etiam ne David illis sis milis fieret, erant nanq; ante peccatum lucidissimi: sed **QVIA ELOS QVIA TUA NON CVSTODIERVNT**, eo modo quo illis locutus es, ostendens te solum esse deum, quem adorarent: cum Lucifer dixit: **PONĀ sedem meam in aqualone**. & ero similis altissimo: è cælo ceciderunt, et in hanc deformitatem conuersi sunt.

- 7 **VIDE QVONIAM MANDATA TUA DILEXI DOMINE: IN MISERICORDIA TUA VIVIFICA ME.** Prophetæ ordinem obserua lector, qui in uersu primo, ut exaudiatur, pro causa assignauit, quia legem tuam non sum oblitus: postea uerò in uersu quinto, Quia à testimonijs tuis non declinasti: nunc autem, Quia mandata tua dilexi. quasi dicat **VIDE**, tu qui omnia scis, an recte pœnituerim, nec ne. Id quidem quod meum erat, secundum naturam à te motus attritus feci, **QVONIAM MANDATA TUA**, saltem pœnitentiæ, **DILEXI**: & quantum licuit, me peccasse pœnituit: reliquum est, ut tanquam rem tibi congruam, qui propter te misereris nostri, sapientiam tuam supernam humanæ ferruminando, opus hoc per ueram contritionem consummes. Dixerat nanq; in præcedenti uersu, se tabuisse, ut timorem Dei hac uia proponeret. nunc uerò mandata se dilexisse ait, ut ab amore mandatorum Satanam quoq; odio se habere ostendat: ut capite malo electo, alteri capiti bono hæreat, inquiens: Tu igitur Domine, qui pœnitentiam nostram gratia tua meritoriam facis, & à peccati morte ad uitam nos perducis: **IN MISERICORDIA TUA**, hoc est in Christo misericordia tua, quam nunc inquiri, ueram pœnitentiam condonando **VIVIFICA ME**, uita gratiæ in uia, & uita gloriæ in seculum seculi.

8 **¶** PRINCIPIVM VERBORVM TVORVM VERITAS: IN AETERNVM OMNIA IVDICIA IVSTITIAE TVAE. *Obferua lector qualis fit logica in anima pastoris huius diuinitus infusa. sic enim argumētatur, PRINCIPIVM VERBORVM TVORVM, ore Christi, Prophetarum & sanctorum, in quorum ore loquens utraq; legem nobis dedisti. VERITAS, tum quā ueritate increata principium habuerunt: tum quia secundum ueritatē promulgata et prādicata sunt: tum etiam, quā secundū eandē ueritatem omnia adimplebūtur: per ipsam ueritatem, id est Christū, de quo lex et Prophetae loquuntur. Sed sic est quod in ipsis euidentissime aeternam salutē obseruantibus mandata tua, uel illa non obseruasse poenitentibus, per Christum ueritatem tuam primatum & caput nostrum promissisti: ergo IN AETERNVM, ut aeternam salutem conferant, OMNIA IVDICIA IVSTITIAE TVAE, quae operamur, erunt (quae qualia sunt, in primo octonario dixi) his uerbis cooperationi gratiae Dei per Christum omnia tribuens. Quibus hunc in modum enucleatis, iudica modo quem sensum Martinus Lutherus in hoc uersu habuerit, dum in suo prooemio sic ait, Principiū seu caput uerborū tuorum ueritas. vides hic ueritatē tribui nō nisi capiti uerborum Dei, hoc est si uerba Dei primo loco didiceris, et eis uelut principio primo usus fueris pro omnium uerborum iudicio. Quae quidem uerba neque aliquem saporem in se retinent, neque perfectum sensum in animo auditoris generant: neque aliquid commune cum eo, de quo ipse agit, habet, contendit namque propter haec uerba, ut antiquos patres scripturam declarantes minimē sequamur, Propheta longe aliud sentiente. Ceterum ne admireris lector quod easdem ferē sententias propheta hic geminauerit, quas in octauo octonario enarrauit. siquidem ibi, ut pauperem, qui spem impediēbat, tolleret, & in uia beatus esse quiret, sic loquutus fuit: hic autem, ut re ipsa aeternum regnum capiat, in idem tamen incidunt: nempe ut pavor, qui aderat, gratia per Iesum Christum facta auferretur.*

EXPLICATIO
VIGESIMVS PRIMVS
OCTONARIYS.

CS SIN

Latine, super vulnus.

OMNES consentiunt, ut litera hæc Sin interpretetur, super vulnus: sed quale vulnus sit, quid'ue super vulnus, & cui imponatur, diuersimode declarant, vos autem memores esote, in præcedentibus octonarijs prophetam soli misericordiae, qua principaliter saluamur, innixum fuisse. Verum quia & secundo, propter merita quoque nostra, quæ Christi merita participant, salutem consequimur, propria ulcera, quæ à uulneribus Iesu Christi uigorem habent, in hunc, qui sequitur modum, cum dies mortis prope esset, domino proponit: Aspice domine, quoniam si una ex parte ulcera peccatorum, quæ animam meam uulnerant, summa cum humilitate poenitendo, in præcedenti octonario proposui; altera ex parte uulnera afflictionum corporis mei, quæ te iubente aduersarij mei inflixerunt, à uulneribus Iesu Christi filij tui roborata nunc ostendo: ut uulnera hæc, quæ passus sum, super peccatorum uulnera ponantur: & eo modo, quo chirurgi unius uulneris saniem, per comæatus alterius uulneris plerumque purgare solent: itidem omnes animæ meæ maculæ; per alia uulnera carnis hoc est afflictiones quas passus sum, in uulneribus Iesu uigorem habentia curentur. Sic enim tu domine animas nostras sanas, Hieremia teste, cum ait. Obducam cis cattricem tuam: sanabo te à uulneribus tuis per Iesum Christum, quia uirtus ad sanandum eos erat: et idcirco uulneratus est, ut uulnera nostra sanaret. Sic enim & Iesus dixit: Misit me sanare contritos corde, & alio in loco, spiritus domini super me, ut mederer contritis corde, quod est uulnera corporis super animæ uulnera propter Christi uulnera tanquam emplastrum, quoddam quod attrahendo sanat, ad mouere. Audisti uulnera patientis: Audi, quaeso, quale gaudium ei pacem Christi

uulnera in anima Dauidis, qui morti proximus erat, excitauerint, ea spectus, quæ ex charitate prouenit, hoc emplastro sic uulnera eius sanari, ut supra Christi dorsum affixus, in regnum cælorum ualeat intrare, quemadmodum in his duobus ultimis octonarijs ostendit.

sin 1 PRINCIPES PERSECVTI SVNT ME GRATIS: ET A VERBIS TVIS FORMIDAVIT COR MEVM.

sin 2 LAETABOR EGO SVPER ELOQVIA TVA, SICVT QVI INVENIT SPO-LIA MVLTÀ.

sin 3 INIQVITATEM ODIO HABVI, ET ABOMINATVS SVM, LEGEM AV-TEM TVAM DILEXI.

sin 4 SEPTIES IN DIE LAVDEM DIXI TIBI SVPER IVDICIA IVSTITIAE TVAE.

sin 5 PAX MVLTÀ DILIGENTIBVS NOMEN TVVM, ET NON EST ILLIS SCANDALVM.

sin 6 EXPECTABAM SALVTARE TVVM DOMI-NE, ET MANDATA TVA DILEXI.

sin 7 CVSTODIUIT ANIMA MEA TESTIMONIA TVA, ET DILEXIT EA VEHEMENTER.

sin 8 SERVAVI MANDATA TVA ET TESTIMONIA TVA: QVIA OMNES VIAE TVAE IN CONSPECTV MEO.

1 PRINCIPES PERSECVTI SVNT ME GRATIS: ET A VERBIS TVIS FORMIDAVIT COR MEVM. Quam uocem, PRINCIPES, id est dæmones, Cassiodorus, Glossa & Lyra interpretantur: uel q̄ per principes, saulem & Absalonem intellexerit: uel q̄ de omnibus iniquis hominibus senserit, quibus persequendi iustum Dauidem iniussè, à Deo potestas data

fuerat, sed quare non dicemus omnes tres significationes continere, ut
 borum societas contra Davidē una sit? PERSECUTI SUNT ME GRA
 TIS. siquidem absq; peccato in illos cōmisso integra societas hæc, tum
 regis saulis iniussu, tum Doeth, tum etiam Absalonis et aliorum iniquo-
 rum in unum consentientiū undiq; corpus meum diuersis afflictionibus
 fermè sauciarunt; qua de re iussit (secundum naturam) cum licuit, pos-
 tuissem contra illos me uindicare: uerum tamen, quia tu iussisti, ut pro-
 pria uulnera propter alia peccata à nobis cōmissa susinentes, inimicis
 parcamus, A VERBIS TVIS. et non dicit, uerba tua, sed à uerbis tuis,
 quæ ego dilexi, dum inimicis nocere prohibent. FORMIDAVIT, id est
 permanenti metu timuit COR MEVM. et cum sæpe uindictæ locus mihi
 daretur, non solum abstinui, uerū etiam patienter mala omnia suslinui.
 Et hoc quidem propter alia quoq; uerba tua, quando dixisti: Beati qui
 lugent, quoniam ipsi consolabuntur. quasi dicat: Aspice domine q̄; grat-
 uissima uulnera mea fuerint, gratis inflicta, quanta ue ipsa animæ meæ
 obedientia extiterit, ut propter te omnia patienter sustinuerim, Et hoc
 quare? quoniam secūdum literæ sin proprietatem, sub qua loquor, salus
 tare tuum expectabam, qui suis uulneribus cicatrices has meritorias ef-
 ficeret: itaq; regnum cælorum, excluso regno principum persequentium
 me, secundum misericordiam Et iustitiam in hac resolutionis corporis
 mei die intrarem: et propterea LAETABOR EGO SVPER
 ELOQVIA TVA: SICVT QVI INVENIT SPO-
 LIA MVLTÀ. Perinde ac si dicat: Etsi patiendū à uerbis tuis
 formidauit cor meum, LAETABOR, tamen EGO nunc in hora mortis.
 siquidem ab eadem lege, unde formidatio processit, gaudium quoq; oris-
 ginem nunc habet, intereadum credo omnia animæ meæ uulnera illis
 passionibus corporeis in passione filij tui, ut diximus, optimè sanari. Læ-
 tabor igitur ego nūc, q̄ mors se mihi offert, SVPER eadem ELOQVIA
 TVA: quæ etsi nos pati docent, post passionem patientibus gaudium
 cœlestē promittunt. Dixisti nāq; Beati, qui persecutionē patiuntur pro

pter iustitiam : quoniam ipsorum est regnum cœlorũ. At si roges, quale hoc gaudium magnũ est? respondet, SICUT, hoc est illius instar, QUI, postq̃, uiriliter certauit, in remuneratione uulnerum, & sudoris, ac t̃is moris uitæ propriæ perdendæ, INVENIT SPOLIA MULTA. quod maximum naturæ gaudium est, ut quispiã à timore uitæ perdendæ liberatus, uictoriã & bona simul obtineat, quo sanè immenso gaudio naturæ, supernaturale immensum gaudiũ propheta ostendit, tametsi supra aurum & topazion sit. Sic enim gaudendo, gaudy domum potius nos intramus, q̃ animam nostram gaudium intret: quẽadmodum scriptũ est, intra in gaudium domini tui. Id quidem propheta hic contẽplatur, quod alibi paulus dixit: id enim, quod in præsentĩ patimur, momentaneũ & breue est: quod supra modum in sublimitate æternæ gloriæ p̃dus operatur in nobis, non contemplantibus, quæ uidentur, sed quæ non uidentur. Et quasi uerba illa regius iste pastor audiat, scribe uelociter, spolia detrabere; cum dies mortis se se obtulit, illo modo quo exultant uictores capta præda, quando diuidunt spolia, ipse quoq; post legitimum certamen dicit: Lætabor ego in hac hora, sicut qui inuenit spolia multa.

3 INIQUITATEM ODIO HABUI, ET ABOMINATVS SVM: LEGEM AUTEM TVAM DILEXI. Duo in præcedenti octonario constituerat capita, Christus nimirum, & satanam: super quibus nunc ludit, dicens: non solum gratia tua INIQUITATEM, in abstracto, quasi omnem iniquitatem, omne peccatum, & omnem uiam iniquitatis, ut alijs placet: Tu autem dic, iniquitatem, id est ipsos dæmones iniquos, qui caput militiæ in nostris tentationibus retinent, ODIO HABUI, uerum etiam ET ABOMINATVS SVM, quod est plus, quemadmodum in præcedenti octonario dixerat, uidi præuaricantes & tabescebam. LEGEM AUTEM TVAM DILEXI. At hoc quare? siquidem salutare tuum caput ecclesiæ expectabam in lege tua conclusum. ob quod subiungit, Legem

autem tuam (continens pro contento capiens) dilexi , inter hæc duo capita ludens . quasi dicat : Quid obſtare poteſt , quin ſperem uulnera mea uulneribus filij tui (in lege cui ego hæſi , concluſi) ſanari , ſi per petuò ſatanæ abrenuntiaui , & Chriſto meo hæſi : ut tanquam medicus animæ , uulnera mea uulneribus ſuis ſanaret , uulneraq; corporis immeritoria gratis inſuſta , propter Chriſti uulnera gratis paſſa tanquam meritoria acceptarentur .

4 **SEPTIES IN DIE LAVDEM DIXI TIBI SVPER IVDICIA IVSTITIÆ TVÆ:**

Sic planè legem tuam , id eſt Chriſtum ſalutare tuum in lege contentum dilexi , ut SEPTIES IN DIE , per quæ uerba , ſeptem tempora , in quibus ſtatutis horis clerici orant , oſtendit : nimirum in matutino & laudibus , quæ pro una hora computantur , prima , tertia , ſexta , nona , ueſpere , & completorio : vel ut per uocem , ſepties , continuum orationis tempus oſtendat , id ipſum planè quod alibi dicit , Mane , meridie , & ueſpere (à gratia tua per ieſum Chriſtum crucifixum ad orandum uocatus ,) LAVDEM DIXI TIBI . at dices , ſuper quo ? SVPER IVDICIA IVSTITIÆ TVÆ . omnia ſcilicet , quæ feciſti , ſuper aduentu huius ſalutaris noſtri . iuſtitia item , id eſt iuſtitia tuæ Chriſti , in qua omnia uulnera , quæ patimur , meritoria fiunt . quod ſi ita eſt , cur pauebo ? Non ne tu idcirco me orare feciſti , quia exaudire uolebas ? & meis orationibus præuijs eam uim uulneribus corporis mei adiungere , ut per illa animæ uulnera ſanarentur ? Cogitabam ſanè uulnera huius ſolis iuſtitia , in cruce paſſi uirtute effeciſſe , ut per iudicia iuſtitia , quæ ego cum gratia tua cooperando feci , non ſolum uulnera peccatorum meorum ſanarentur , uerum etiam ut uulnera à me paſſa , meritoria quoq; forent (quemadmodum oſtendario primo dictum fuit) quapropter lætabor ego nunc in hora mortis , ſicut , qui inuenit ſpolia multa , quandoquidem

5 **PAX MVLTÀ DILIGENTIBVS LEGEM**

TVAM: ET NON EST ILLIS SCANDALVM.

Volens I propheta spem suam roborare, & super uulnera animæ suæ uulnera Christi ponerentur: per quæ propria uulnera, meritoria fierent, à legis uerbis arguit, quæ hanc spem sibi præstant, inquiens: PAX MVLTATA, quasi non modica: quæ præstat, ut lætetur supra illum, qui inuenit spolia multa. siquidem multa est pax nunc in uia, ubi beatitudine pacis fruimur: et maior quoque erit in cælo, omnibus DILIGENTIBVS. et dicit diligentibus, quasi pax hæc à charitate proueniat, tanquam ipsius charitatis actus: quandoquidem sine gratia gratum faciente, uera pax esse non potest, siue ut actus charitatis meritorius in hoc uersu flet, siue ut fructus, cum ipsa pace fruimur. LEGEM TVAM & Christum in lege conclusum, eo quod regnum Dei nobiscum tunc adest, cum Christum in toto corde amamus: regnum autem ipsum, iustitia, pax, & gaudium est in spiritu sancto. Pax item diligentibus legem tuam: quia ex iustitia, quam homo facit, custodiendo legem, pax inde prouenit, sicut scriptum est: Opus iustitiæ, pax. ET quamlibet homines tribulentur, NON EST ILLIS, qui diligunt, SCANDALVM, ut ab his, quæ in lege promittuntur, confundantur, sicut scriptum est, spes quæ à charitate oritur, non confundit.

- 6 ¶ EXPECTABAM SALVTARE TVVM DOMINE, MANDATA TVA DILEXI. quasi dicat: Omnia hæc gratia tua comite feci, non ut in me propter me meritum fieret, uel quod ego propriam animam iustificare quirem, ut in me gloriam quærerem, immo potius, quia EXPECTABAM SALVTARE TVVM Christum, per quem omne meritum nostrum, interim uero gratia tua in fide uiuesbam: sicut scriptum est, iustus meus ex fide uiuit, DOMINE, qui me saluus noster, ea quæ non uidebam, per patientiam me expectasse, ET, hac fideli spe propofita, MANDATA TVA DILEXI, non quod uerbum diligo, pro simplici amore hic duntaxat flet (prout in uersu sequenti) sed pro illa dilectione, quæ actu operatur, iuxta illud: fide spem iustitiæ

expectamus, quæ per charitatem operatur. sperans per hunc, qui supra uulnera animæ meæ ad curandum illa tanquam emplastrum poneretur, seruando legem, æternam mihi salutem comparare. At si dicas, unde spes hæc orta fuit? respondet:

- 7 ¶ **CVSTODIUIT ANIMA MEA TESTIMONIA TVA, ET DILEXIT EA VEHEMENTER.** quasi dicat: Omnia quidem à lege tua habeo: & quo modo Maria conferens in corde suo uerba filij audiebat, eodem cum legem scrutarer, **CVSTODIUIT ANIMA MEA** in corde **TESTIMONIA TVA**. non quidem ut custodia solius naturæ esset: siquidem tum legem contemplabar, **ET**, id est, etiam **DILEXIT EA**, dum uidebā per ipsam legem Christi aduentum, & nostram salutem per ipsum cruci affigendum annunciari, eo modo diligendo, quo hominem bonum nuncium afferentem diligere solemus. deinde uerò, ut dilectionem hanc à charitate prouenisse ostendat, subiungit, **VEHEMENTER**. per quam uocem, summam dilectionem cōmonstrat, quæ naturæ dilectionem excedat, ita ut duplex dilectio legis fuerit, prima, inquantum Christum continebat salutare nostrum, quod propheta expectabat, ut hic. & secunda, inquantū mandata ad seruandum ea dilexit, sicut in præcedentibus dixit. Quæ cum ita se habeant, quis me plus à Christo medico nostro sanitatem hanc uulnerū à uulneribus suis consequendam sperare audebit? certè nemo.

- 8 ¶ **SERVAUI MANDATA TVA, ET TESTIMONIA TVA: QVIA OMNES VIAE MEAE IN CONSPECTV TVO.** quasi dicat, **SERVAUI MANDATA TVA**, per charitatem re ipsa operando. **ET TESTIMONIA TVA**, hunc in modum credendo scrutatus sum (uitam actiuam & contemplatiuā simul his uerbis complectens) non naturæ uirtute, sed **QVIA OMNES VIAE MEAE**, si quæ bonæ fuerunt, tum credendo, tum operando, **IN CONSPECTV TVO**. à quo est omne lumen. & hoc **SEMPER**, quæ admodum alibi pro cōtemplatione scripturarum uno in loco dicit: Præ-

uidebam enim dominum in conspectu meo semper, & pro operatione in alio loco: iustificationes tuas custodiam; nō me derelinquas usquequaq; , & pro fide : Ne auferas de ore meo uerbum ueritatis usquequaque, in quibus exauditus fuit : ac proinde ipsi Deo (quemadmodum religiosum uirum decet) gloriam dat, qui omnium iustificationū suarum, per Christum crucifixum causa perpetua fuit, æternam salutem per eundem Christum expectans, prout alibi dixit : Expectabam salutare tuum domine, medicum nostrum animas sanantem, humilitatem hanc nos docēs, in qua spiritum Deo reddere debemus, id credētes atq; sperantes, quod Dauid senio confectus in hora mortis sperauit, dicens : Bonum mihi q̄ multæ tribulationes aduenerint, per quas liberaſti me : ut hæc corporis uulnera, animæ cicatrices in meritis uulnerum Christi sanarent.

VIGESIMVS SECVNDVS OCTONARIVS.

ET TAV seu TAF H

Latine, errauit, consummauit, Hieronymus uerò signum



LITERA hæc duo significat, errauit, & consummauit: sub qua litera, secundum eius proprietatem, psalmo, persecutionibus, enarrationi diuersi status, gratijs item à domino in medio itineris obtentis, mundiq; affectibus Propheta finem imponit, & hoc quidem, ut omnibus hunc in modum perfectis, quæadmodum Christianum uirum decet, post superatā tribulationem, in domo domini hostias uociferationis reddendo, die ac nocte habitare possit, aspiciens in auctorem fidei & consummatorem iesum, quem obsecrabat, ut ipsum tanq̄ errantē ouem, quæ perierat, quæreret, et supra humeros cruci affixos, secundum magnam misericordiā eius, eandem saluare dignetur. ipsum igitur audiamus, modum eius orationis expendentes.

APPRO

- TAU 1 APPROPINQVET IN CONSPECTV
TVO DEPRECATIO MEA DOMINE:
IVXTA ELOQVIVM TVVM DA MIHI
INTELLECTVM.
- TAU 2 INTRET POSTVLATIO MEA IN CON-
SPECTV TVO: SECVNDVM ELO-
QVIVM TVVM ERIPE ME.
- TAU 3 ERVCTABVNT LABIA MEA HYMNVM,
CVM DOVERIS ME IVSTIFICATIO-
NES TVAS.
- TAU 4 PRONVTIABIT LINGVA MEA ELO-
QVIVM TVVM: QVIA OMNIA MAN-
DATA TVA AEQVITAS.
- TAU 5 FIAT MANVS TVA VT SALVET ME:
QVONIAM MANDATA TVA ELEGI.
- TAU 6 CONCVPIVI SALVTARE TVVM DOMINE:
ET LEX TVA MEDITATIO MEA EST.
- TAU 7 VIVET ANIMA MEA, ET LAVDABIT TE:
IVDICIA TVA ADIVVABVNT ME.
- TAU 8 ERRAVI SICVT OVIS QVAE PERIIT:
QVAERE SERVVM TVVM DOMINE,
QVIA MANDATA TVA NON SVM
OBLITVS.
- 9 APPROPINQVET IN CONSPECTV TVO
DEPRECATIO MEA DOMINE: IVXTA ELO-
QVIVM TVVM DA MIHI INTELLECTVM.

Per quam uocem, appropinquet, iniustum se esse confitetur, quasi non possit, nec audeat ante conspectum Dei stare: quia scriptum est: Inius filii non permanēt ante oculos meos. Quamobrem à tergo (samuelis consilio utens) dominum obsecrans, orationem suam prius appropinquari

expetit, inquit: APPROPINQVET IN CONSPECTV TVO DE-
 PRECATIO MEA. Sed quomodo fiet istud, ut principio appropinquet?
 quippe ut oratio, quam tibi offero, usq; ad humanitatem Christi principio
 perveniat, quæ divinitati tuæ cæteris rebus propinquior est, ut Christus
 noster advocatus, & propitiatio pro peccatis nostris, causam meam agat.
 Appropinquet ergo oratio mea IVXTA, id est prope ELOQVIVM
 TVVM Christum, quem per vocem eloquium psaltes sæpiusculè intellis-
 gere solet. Aut ubi ita placeat, iohannis eloquium sit, qui Christum nos-
 trum esse advocatum et propitiationem testatur, proinde & Dei: quasi
 ab hoc eloquio uigore accipiens, petierit ut oratio sua accederet ad Chri-
 stum. DA MIHI per eundem Christum INTELLECTVM, donum spi-
 ritus tui, tum ut in spiritu & ueritate orem: quandoquidem quid ores
 mus, sicut oportet, nescimus: sed ipse spiritus postulare nos facit gemitibus
 inenarrabilibus: et qui scrutatur corda, scit quid desideret spiritus:
 quia secundum Deum postulat pro sanctis: Tum etiam ut in hora mortis
 ueritatem tuam intelligere queam. Vbi uides Prophetam à principio psal-
 mi ad finem usq; , intellectus donum eam ob causam perpetuò petuisse,
 quia dono intellectus secundum Augustinum semper ad mortem usque
 egemus; siquidem multi sunt, qui in hora illa intellectus dono carent, et
 tanquam belluæ diem extremum claudunt.

¶ INTRET POSTVLATIO MEA IN CONSP-
 ECTV TVO: SECVNDVM ELOQVIVM TVVM
 ERIPE ME. Quoniam idcirco solus Moyses coram domino in mons-
 te pro populo orans stetit, solusq; in monte Oreb, uisa flamma, quæ rus-
 bum comburere uidebatur, dimissis calceis peccatorum in sanctum locum
 intrauit, ut Christum, qui semel introiuit in sancta, et solus absq; peccato
 est, solus item ad dexteram eius sedens, pro nobis perpetuò patrem in-
 terpellat, figuraret. proinde quia in præcedenti uersu dixerat, ut depre-
 catio sua humanitati Christi appropinquaret: deinde uerò ut intellectus
 donum ei daret, quo obtento, hanc tertiam orationem subiungit, inquit,

INTRET POSTVLATIO MEA, per Christum IN CONSPECTU
TVO. quandoquidem diuinitati tuæ nostras preces effundere debemus,
ut per Christum pro nobis orantem illas acceptes, cum minimè alia uia
holocaustum pro peccato postulaueris: immo sacrificium & oblationē
noluisti: præterq̃ à solo Christo, qui dixit: in capite libri scriptum est
de me: Ecce uenio, ut faciam Deus uoluntatem tuam. in qua uoluntate
sanctificati sumus, et nos per oblationem corporis iesu Christi semel res
liquas hostias offerimus: hic enim unam pro peccatis hostiam offerens,
in sempiternum sedet ad dexteram tuam, una oblatione omnia consumma
mando: quemadmodum per os Esaie dixisti: Per unum sacrificium ples
nus sum. Quapropter hoc obsecro, ut oratio mea, quæ ad Christum ac
cessit, per ipsum intret in conspectu tuo, SECVNDVM ELOQVIVM
TVVM, quando dixisti: Quoniam in me sperauit, liberabo eum: protes
gam eum, quoniā cognouit nomen meum. Clamauit ad me, et ego exau
diam eum. Cum ipso sum in tribulatione: eripiam eum, & glorificabo
eum. Ecce domine iam oīa consummata sunt: quandoquidem mecū semper
in tribulatione fuisti, protexisti, liberaisti, et me clamātem exaudisti.
superest modò, ut secundū eloquium tuum eripias me: quod nunc in ho
ra mortis obsecro, inquiens: ERIPE ME à satanæ manu, qui in hac ho
ra fortius me tentare uenit, per Christum omnium consummatorem,
non ut in ereptione duntaxat res ipsa consistat, uerum etiam ut eripien
do glorifices, & ubi hoc consummatum fuerit.

3. ¶ ERVCTABVNT LABIA MEA HYMNVM;
CVM DOVERIS ME IYSTIFICATIONES
TVAS.

4. ¶ PRONVTIABIT LINGVA MEA ELOQVIVM
TVVM, QVIA OMNIA MANDATA TVA
AEQVITAS. Petierat principio, ut deprecatio sua ad diuinitatem
accederet: inde uerò, ut postulatio sua, quā spiritu sancto docente pro
posuit, per Christum intraret: et tertio loco postulationis substantiam

exposuit, ut ipsum à manu Satanæ eriperet, atq; glorificaret: nunc autē
quia donum intellectus bisariam aduenire potest: primum, ut per illud
discat domini iustificaciones seruare: et secūdo, ut se illas seruasse intel-
ligat: proinde ut in hora mortis securus decedat, dominum obsecrat, an
errorum cōmissorum rectē pœnituerit, placeat reuelare, inquit: CVM,
id est postq; DOCTVERIS ME, id est reuclaueris mibi, q̄ IUSTIFICAS
TIONES TVAS, saltem pœnitendo seruauerim: cogitans me de illis for-
re, qui audient: Venite benedicti patris mei: Sitiui, et dedistis mibi bis-
bere. ERUCTABVNT LABIA MEA, metaphorice uerbo hoc eructas
re utens. quasi q̄ sicut labijs eructare cōpelluntur hi, qui plus æquo uen-
trem onerarunt: eodem modo eructabunt labia mea uentre animæ hac
hilaritate repleto. sed quid labia tua eructabunt? HYMNVM, id est ius-
cundam diuinā laudem, ubi nulla querela propriæ passionis aderit, quē
admodum pœnitentiæ tempore feci. sed quid hymnus isle lætitia refert
tus continebit? PRONVNCIABIT, sanē te loquente LINGVA MEA,
quæ eructationem labiorum sequetur, ELOQVIVM TVVM Christum,
per quem peccatores ad ueram pœnitentiā adducis: neq; deinceps dicā,
quando consolaberis me, quia factus sum sicut uter in pruina: neq; præ-
teritos cruciatus recēsebo: sed hoc perpetuò labia mea eructabūt, QVIA,
etsi lex ipsa iram præ se ferat, per hunc Christum tandē æquitatis finē
habet. sic enim palām prædicabo, quia OMNIA MANDATA TVA, etsi
grauia ad crucem usq; principio uideantur electis, ÆQVITAS sunt, q̄a
in æquitatē iudicia mandatorum tuorū perpetuò conuertuntur, per Chri-
stum dominum nostrū, per quē gratia facta est, ut legem à Moyse datā,
saltem pœnitendo Christi iustitiā participantes, consummare ualeamus.
Hoc eructabunt labia mea, donec loqui potero: hoc lingua pronuntiabit,
quando uerba formare in agonē non poterit: hoc saltem cogitabo, quādo
nec linguā mouere potero: quia omnia mādata tua ueritas. Obserua ista
lector: ut quem te in die mortis præstare debeas, intelligas.

¶ FIAT MANVS TVA VT SALVET ME; QVO;

NIAM MANDATA TVA ELEGI. quasi dicat, FIAT igitur mihi MANVS TVA, id est Christus incarnatus, iuxta illud Esaiæ, ET brachium domini cui reuelatū est? siquidem scio redemptorem meū uiuere, VT uirtute sua SALVET ME. quod ea ratione intrepidè spero, QVONIAM ego cum propria uirtute salutem hanc assequi nequissim; quod meum fuit, perpetuò feci: nempe quia dum uia lata, quæ ad perditionem, & uia arcta, quæ ad uitā ducunt, mihi propositæ fuissent, gratia tua duce MANDATA TVA ELEGI; itaq; quod meū erat, gratia comite cōsummaui. tuum igitur nunc est, ut per manū tuam, nimirū Christum, animam meā liberare ac saluare digneris, hoc igitur fiat domine, ut manus tua saluet me in meritis suis; quæ participare spero.

6 **¶ CONCVPIVI SALVTARE TVVM DOMINE, ET LEX TVA MEDITATIO MEA EST.** quasi dicat (secundū Augustinum, Cassiodorū, Glossam, Hugonem) ut hæc oīa ut præmissum est consummarentur per Christum, omnia quæ ex parte mea fieri poterant, iam consummata sunt; CONCVPIVI namq; id est magno desiderio desiderauī SALVTARE TVVM Christū, ET interim donec ueniat LEX TVA, MEDITATIO MEA EST, ubi ipsum conclusum intueor. Et dicit, meditatio mea est, præsentī tēpore loquens, propter ea quæ super eadem uerba in præcedentibus orationarijs ponderaui; quasi si tempore suo non uenerit, ipsum saltem in lege, ubi conclusus est, contempletur; itaq; interim ex fide uiuat.

7 **¶ VIVET ANIMA MEA, ET LAUDABIT TE; IVDICIA TVA ADIVVABUNT ME.** quasi dicat; scio enim cui credidi, per quem in spe filiorū Dei, uita gratiæ nunc aīa mea uiuit, ET VIVET quoq; ANIMA MEA uita gloriæ, ET LAUDABIT TE in aduentu salutaris tui Iesu Christi, qui post passionem et resurrectionem propria uirtute cælos aperiet, ubi angelicas orationes cum alijs sanctis patribus perpetuò concinam. His uerbis bellè nos docens, ut in agone certò credamus nos per Christum saluos fore, ET IVDICIA

TVA. quæ qualia sint, in primo octonario dixi. ADIVVAVNT ME. sed quid hoc adiuuare est? nempe ut qui taliter uixi, iudicia & iustitias faciendo, quæ tua potius quàm mea sunt, adiuuent, et nunc ut principaliter per misericordiam, et secundo secundum iustitiam saluum me esse credam. Hæc enim iudicia illa sunt, quorū Petrus meminit, quādo dixit: Tempus est ut incipiat iudicium à domo Dei: sicut scriptum est, quod seminanti ius- titiam merces fidelis, eò quòd fructus iusti lignum uitæ; & tandem utranq; significationem huic octonario per literam Tau propositam am- plectendo, sequentia uerba subiungit:

ERRAUI SICVT OVIS QVÆ PERIIT: QVÆ RE SERVVM TVVM DOMINE; QVIA MAN DATA TVA NON SVM OBLITVS. Rogabis fortissè se, quare David, qui beatus in uita fuit, hoc in loco ab hoc uerbo exordias- tur, **ERRAUI?** Ego autè respondebo, quoniā semetipsum seducit, si quis putat se peccatū non habere, tametsi in uia quādoq; fuerit beatus, si quis dem in hoc perfecta beatitudo patriæ ab hac imperfecta beatitudine uitæ inter cetera differt, quia beatitudo patriæ perpetua est, non autè beatis- tudo uitæ. quam ob causam Paulus dixit: Nihil mihi conscius sum: non autem in hoc iustificatus sum, Dominus est qui iudicat me. admonens nos, ut tametsi nihil nobis conscij simus, saltē propter uenialia, et occul- ta mortalia, uel etiam nota, quorum an rectē poenituerit nōs, ignoramus, ac etiam pro pœna, quam post dimissam culpā meremur, corā Deo pec- catores in hora mortis nōs exhibere debemus, neq; aliter uerbum hoc, **Erraui**, interpretemur, id est peccaui: quādoquidem omnis peccans saltem in eligendo errat: non tamē dicit, peccaui, sed dicit erraui. quasi dicat, serui errantis instar peccaui, qui si à domino se abiungit, non ea mente id agit, ut fugiendo inter fugitiuos seruos connumeretur, qui sic fugiunt, ut amplius dominum non uideant. Erraui igitur **SICVT OVIS QVÆ PERIIT.** eam ob rem exemplū hoc afferens, quia ovis ignorās à pastore, qui custodit eam, fugit, et post fugā sola cum inter lupos manet,

nullum præsidium secum habens, iam se perditā cernit: unde modò huc, modò illic errans, pastorem clamòsa uoce, qui ipsam quærat, summa cū humilitate acclamat. quasi ad eundem modū ipse nunc oret, dicens: *Erraui sicut ouis, quæ periit, QUÆRE SERVVM TVVM DOMINE.* mits te pastorem illū bonum, qui armatus suo baculo crucis nos quærere ueniet, atq; saluare, sicut scriptum est: *Venit filius hominis quærere, & saluare.* fac domine ut pastor isle suo officio utens, nonagintanouē alijs dimissis, animā meam errantem quærat; quære domine, qui Adam post peccatū quæsiuisti. Age mi domine, ut fortis manus tua Christus, quærat me ouem defatigatā, et me lapsum supra dorsum suum cruci affixū uirtute suscipiat. Concede domine, ut me errantē suscipiat, et ad caulas paradisi me perducatur: *QVIA si MANDATA TVA nō seruauī, ac proinde erraui, saltem illa NON SVM OBLITVS,* quandoquidē gratia tua motus atq; adiuutus, errantis serui more, qui ad dominū reuertitur, nunc me poenitet. Vbi obseruare debemus, oīa in fidei poenitentia Dauidem conclusisse: et hoc expenso cum Augustino in agone dicamus: Desperare utiq; possem propter infinita peccata & negligentias meas: sed desperare non audeo: quia, si cum inimici essemus, per mortem filij tui reconciliati sumus: quanquā mea iustitia careā, iustitiam tamen filij tui participabo, qui omnes in se credentes saluat. Habetis igitur lectores, quid à natiuitatis die ad mortem usq; tanq; strenui cooperatores cum operante Deo cooperari obligemini. illorum igitur memores tam in uia q̃ in hora mortis esote, illa facite, ne dominus dicat: *Quare tu enarras iustitias meas, et assumis testamentum meum per os tuum; tu uerò odisti disciplinam, & proiecisti sermones meos retrorsum? siquidem interpretari aut intelligere cum propheta iustificaciones domini, quarum totiens meminit, & non hoc idem cum propheta facere, nil omnino aliud est, q̃ sermones eius abycere, immo potius domini disciplinam contemnere.*

F I N I S.

Pag. 3. versu 24 venationibus, & ver. 30 tribulationum

Pag. 10 col. 2 ver. 12. consuetudinem

Pag. 12 col. 2 ver. 18 manendo

Pag. 17 col. 2 ver. 11 animaduertentes

Pag. 21 col. 2 sculpta

Pag. 21 col. 2. Vias meas enuntiaui

Pag. 28 ver. 21 lex, & col. 2. ver. 17 illum

Pag. 31 ver. 2 in id, & col. 2 ver. 28 aberret

Pag. 32 col. 2 ver. 19 Saulis

Pag. 35 col. 2 ver. 6 lege pronentium hunc quem

Pag. 66 ver. 15 lege in hoc vel illo homine operatus est,

Pag. 80 ver. 16 villa, & ver. 17 permaneat, & col. 2
ver. 1 eos, lege filios